



43967/B









GE. GOTTLLOB RICHTER

MEDICINAE DOCTORIS MAGNAE BRITANNIAE REGIS CONSILIARI  
AULICI ET ARCHIATRI MEDICINAE IN ACADEMIA GOTTEN-  
GENSI PROFESSORIS PRIMARI, CAET.

O P U S E U L A  
M E D I C A

ANTEHAC

IN ACADEMIA GOTTINGENSI SEORSIM EDITA  
NUNC VERO COLLECTA

STUDIO

IO. CHRISTIANI GOTTLIEB ACKERMANNI

MEDICINAE DOCTORIS

PRAEFATUS EST

DANIEL WILHELMUS TRILLER

PHILOSOPHIAE ET MEDICINAE DOCTOR, CONSILIARIUS AULICUS  
ELECTORIS SAXONIAE, MEDICINAE PROFESSOR PRIMARIUS IN ACADE-  
MIA WITTEBERGENSI, ET ILLUSTRIS ACADEMIAE SCIENTIA-  
RUM BONONIENSIS SODALIS, CAET.

VOLUMEN PRIMUM

FRANCOFURTI ET LIPSIAE,

SUMPTIBUS IOANNIS GEORGII FLEISCHERI.

c1o1occlxxx.

1810

DR. GOTTLOB WILHELM  
HISTORICAL MEDICAL LIBRARY  
GOTTLOB WILHELM

OF THE  
MEDICAL

ANTHROP  
IN ANATOMY, GYNECOLOGY, SEVERAL EDITA  
FROM THE COLLECTION

OF THE  
DR. CHRISTIAN GOTTLOB ACKERMANN  
HISTORICAL MEDICAL LIBRARY

PREFACE BY  
DANIEL WILHELM TRILLER  
THE HISTORY OF THE MEDICAL LIBRARY, THE HISTORY OF THE  
HISTORICAL MEDICAL LIBRARY, THE HISTORY OF THE  
HISTORICAL MEDICAL LIBRARY, THE HISTORY OF THE

OF THE  
HISTORICAL MEDICAL LIBRARY

FROM THE  
HISTORICAL MEDICAL LIBRARY





MAGNO  
MAGNI HIPPOCRATIS INTERPRETI  
DANIELI WILHELMO  
TRILLERO,

VIRO ILLUSTRİ,

PHILOSOPHIAE ET MEDICINAE DOCTORI SERENISSIMI  
ELECTORIS SAXONIAE CONSILIARIO AULICO MEDICI-  
NAE IN ACADEMIA WITTEBERGENSI PROFESSORI PRI-  
MARIO ILLUSTRIS ACADEMIAE SCIENTIARUM  
BONONIENSIS SODALI

HAEC  
CONIUNCTISSIMI AMICI SUI

OPUSCULA

S.

IOANNES CHRISTIANUS GOTTLIEB ACKERMANN  
MEDICINAE DOCTOR.



MAGNO

MAGNI HIPPOCRATIS INTERPRET

DANIEL WHEELER

TRILLERO

VIRI ILLUSTR

PHILOSOPHIA ET MEDICINA DOCTORI TITULO  
ELECTUS HONORIS CONSULTO AMICO  
HABITACULUM VITAE ET MORIS  
VIRI ILLUSTRIS ACUMINIS  
BONORUM

HATC

CONIUNCTISSIMI AMICI SU

OF ESTER

A

IOHANNES CHRISTIANUS GOTTLOB VON MANN

RECTOR

VIR ILLUSTRIS,

**C**ui potius, VIR ILLUSTRIS, opuscula, quæ  
GEORGIUS GOTTLOB RICHTERUS in Academia  
Gottingensi edidit, consecrem, quam TIBI, qui non studia  
solum, quibus Vir Clarissimus quondam omnem operam dedit,



*TIBI vindicasti, verum etiam clarissimum eorum auctorem  
rara ac conjunctissima amicitia, ac intenso amore, dum vive-  
ret, prosequutus es.*

*Mortui etiam memoriam TIBI sacrosanctam esse, ipse  
eleganti carmine, memoriæ optimi viri sacro, pie professus es.*

*Raro sane exemplo communia studia amicitiam ex pulcherri-  
ma animorum συγγιγᾶ ac vitæ integritate RICHTERO  
TUO, TIBIque solita, natam, auxerunt atque confirma-*

*verunt,*



verunt, quum eadem, ut **JANI CORNARII** ac **LEON-**  
**HARDI FUCHSII**, aliorumque exemplis clarum est, rixas  
sæpe excitent, ac odia sola pæne morte restinguenda accen-  
dant. Hoc vero bonis commune esse solet, ut, quoniam pro-  
movendis scientiarum incrementis omnem operam impendunt,  
ex communibus studiis communis etiam ac stabilis amicitia enas-  
catur.

Non itaque mea *TIBI* consecro, *VIR ILLUSTRIS*,  
quæ nimis tenuia & Tanto Viro, tamque præclare de univer-  
sa medicina totaque antiquitate promerito indigna forent, sed  
amici *TUI*, viri boni rectique, opuscula *TIBI* dico.

Accipe itaque, *VIR VENERANDE*, opuscula, so-  
lo, quod in fronte gerunt, ac quo immortalitatem consequentur,  
*RICHTERI TUI* nomine *TIBI* commendabilia, quibus,  
quum

*quum eorum auctiorem tam intense amaveris, favorem TUUM  
haud penitus denegabis.*

*Ego vero toti arti medicæ, inprimis vero illi ejus par-  
ti, quæ in interpretandis veterum monumentis versatur, mi-  
hique ipsi, qui opera TUA maxima cum animi voluptate legi,  
incredibilemque in iis latentem multifariæ doctrinæ thesaurum  
admiratus sum, & admiror, de tot tantisque novis inuentis,  
quibus eam illustrasti, impense gratulor, Deumque optimum*

*maxi-*



maximum, qui senectutem *TUAM* uberrima meritorum messe  
felicissimam effecit, intense precor, ut *TE*, ætate jam pro-  
vectum, multis adhuc annis cumulet, *TIBI*que vires suppeditet,  
ut tolerabilem agas senectutem, nihilque habeas, quod eam ac-  
cuses. *Vale.*



# LECTORI BENEVOLO

S. P. D.

DANIEL WILHELMUS TRILLERUS.

**C**onsuetudinis potius jam dudum receptæ & adhuc vigentis, quam necessitatis urgentis causa, me eo tandem post iteratas quidem preces, adduci passus sum, ut *Opusculis* his *Rich-terianis*, jamjam in publicam lucem & utilitatem producendis, præfationem commendatitiam præmitterem. Alias enim mihi res omnino videbatur inanis ac superflua, opus jam interna sua virtute & præstantia per se commendabile, externa quoque insuper commendatione operose nimis ornare, five rectius, onerare. Quemadmodum enim merx bona pulchreque elaborata facile emptorem invenit; venusta floridaque facies etiam, dum tacet, loquitur, & amatorem, sapius vel invitum, ad se invitat, & vino denique vendibili nihil opus est suspensa hedera, ut vulgare tenet proverbium; sed invendibili potius, uti **PLAUTUS** facete loquitur: Ita etiam Liber, Rerum gravitate ac Verborum suavitate juxta affatim instructus & undique exornatus, Lectorem eruditum proinus allicit, allectum aliquamdiu detinet, & detentum ægre seroque tandem dimittit.

Hoc igitur Elogium & hisce opusculis Richterianis summo quidem jure competere, mecum, sat scio, ac jamjam prævideo, omnes palam confitebuntur docti ac rerum ipsarum gnari Lectores, quo justum suum pretium statuere valent operibus solide quidem & ornatè elaboratis; adeo, ut haud dubie mox ad ipsum nostrum RICHTERUM scite & apposite applicaturi sint istud quidem effatum Horatianum: *Nec facundia deserit hunc, nec lucidus ordo.* Deprehendent enim ubique philosophum acutum ac perspicacem, judicem æquum, nullique diversarum partium studio serviliter addictum, & non tantum nomine suo; sed re ipsa potius, talem; Medicum porro solerem, peritum ac circumspectum, Oratorem disertum floridumque, & scriptorem denique res utiles scituque dignas stilo simul nitido, puro plerumque, ac pænè Ciceroniana jucunde proponentem: adeo, ut inde RICHTERUS meus maximam quidem partem, splendidum istud mereatur Encomium, quod facundissimus ille & elegantissimus OCTAVIUS FERRARIUS quondam, merito sic tribuit celeberrimo olim TARQUINIO GALLUTIO: *Ipsam scilicet puræ ac minime fucate Latinitatis, & ad Tullianum nitorem proxime assurgentis, unicum fortasse hac tempestate, exemplum esse: cujus orationes omnibus doctrinæ atque eloquentiæ luminibus distinctas, eximio verborum cultu, sententiarum pondere, atque eleganti perspicuitate instructas, ut disertissimus Romuli nepotum merito appellari posset.*

Ubi



Ubi & ibidem, statim sequentia verba omitti hic neuti quam debent, quoniam & ista, in illo quidem GALLUTIO laudata, vel maxime etiam ac perquam apposite conveniunt ipsi præsertim RICHTERO nostro: *Sed & Carmina ejusdem*, ita nunc ibi pergit FERRARIUS, *pari suavitæ ac nitore contexta, ut, quod rarum, ac pæne inusitatum sit, tam soluta, quam pedibus adstricta oratione, Romanæ eloquentiæ principatum obtineret.*

Quantus enim & quam eximius plane poëta & Lingua vernacula, & Romana, potissimum, tueri hic ipse horum *Opusculorum Auctor*; & quantum inprimis valuerit in *Elegiis* scite ac suaviter componendis; ita, ut sua certe ætate, in isto quidem Carminum genere, vix ullum haberet parem, nullum vero superiorem; cultissimi illi & tersissimi præsertim abunde testantur *Elegi*, quos mæsto illo superioris funesti belli tempore, singulis fere annis, meo quidem perituro nomini ac Natalis mei memoriæ, amicissime & benevolentissime dicatos, insigni Lectorum gaudio ac voluptate, in publicum emisit *Christianus* ille (ut sic dicere liceat,) TIBULIUS, seu PROPERTIUS, sive HEINSIUS, aut LOFICHIUS rediivus, uti ipsum vere & ingenue vocare semper solebam. Istos igitur *Elegos* elegantissimos & lectu jucundissimos singularis præsertim ornatus gratia, etiam in hac ipsa *Opusculorum Sylloge*, suo quidem merito, locum commodum inventuros esse, ego interea, confidentius spero, & ardentius opto.

Phœbus itaque Apollo sic duplicem suam artem, *Medicam* nempe atque *Metricam* benignissime indulserat ipsi RICH. TERO nostro, ita, ut suo certe merito, locum veluti primum occuparet inter *Medicos poëtas*, de quibus elegantem olim Libellum ediderat Vir iste summus & immortalis, THOMAS nempe BARTHOLINUS, hoc etiam utroque *sanandi* ac *canendi* munere a Phœbo pariter liberalius donatus: quod tamen lepidum nitidumque Viri istius maximi opusculum nunc post ipsius fata, & centum jam annorum & amplius, decursum, multis sane magnisque accessionibus augeri & abundantius locupletari posset. Sed omittamus jam Carmina, & de his ipsis potius *opusculis* non nihil adhuc disserere pergamus.

Ista igitur multas variasque *dissertationes academicas* ac diversa *programmata* sparsim edita, complectuntur, quæ maximam quidem partem, pathologici, diætetici & practici sunt argumenti: partim vero etiam philosophici, physici, philologici, subtilioris, ingeniosi, ac curiosi.

Ad priorem ergo classem pertinent imprimis sequentes *Exercitationes de Morbo hypochondriaco, Malo hysterico, Fluxu ventris dysenterico, Scorbuto, Erysipelate, Cachexia icteritia, Tussi, Cardialgia, Tremore, phthisi sine ulcere, item phthisi nervosa, Lacte insonte, insalubri lactis & vini miscela, virtute stomachica vini calidi, piscium salutaris cibo, salubritate fructuum horæorum*, ut jam de aliis id genus multis variisque  
 oppor-

opportune taceam: Quæ, etsi de morbis & argumentis alias jam sat cognitis, & sæpe alibi dudum descriptis, non nunquam agunt, ut manifesto apparet; ita tamen semper elaboratæ & pertractatæ sunt, ut nova sua docendi methodo, singulari observationum adjectarum præstantia, & insigni denique purioris plerumque stili elegantia, facillime Lectores alliciant, immo potentius attrahant. Rariore enim exemplo, optime arduam istam, judice PLINIO, artem callebat ubique fere doctissimus & ingeniosissimus illarum Auctor: *vetustis novitatem dare, novis auctoritatem, obsoletis nitorem, obscuris lucem, fastiditis gratiam, dubiis fidem, omnibus vero naturam, & naturæ sua omnia.*

Id quod tanto magis de istis alterius generis Exercitationibus subtilioribus & curiosioribus capiendum & intelligendum. Quorum nempe præsertim spectant sequentes: *de Somnio Arcadis, de amico cauponis Megarici insidiis interfecto, mirabili sanatione Mulieris Bremensis secundum Naturæ leges explicata, Medicina ex Talmudicis illustrata, Cunis infantum, imprimis nobiliorum, Medicina plagosa, Insolatione, Silentio medico, Lucubrationum noxis, Veterum Empiricorum ingenuitate, vario sensu vocis νομία, purpura antiqua & novo pigmento, Hippocraticis scorbuti antiquitatibus, crisiibus Veterum, Balneo animali, salutare dormientium situ, Morte Servatoris in Cruce, paralyfi, & paralyticis Novi Testamenti, Mendaciorum immunitate, a PLATONE Medicis concessa, siccis & sobriis, valetudine*

*tudine hominis nudi & cooperti, prisca Roma in Medicos suos baud iniqua; ut alia plura hujus quidem generis lectu perquam digna & jucunda argumenta jam prudens intacta præmittam, ne imprudens, forsan fastidiosa nimis illorum copia ingratham nauseam Lectoribus excitem delicatioribus.*

Ista vero omnia iisdem de causis, jam supra allatis & allegatis, Lectoribus harum quidem cupediarum cupidis ac gnaris jam olim impense placebant, & in posterum quoque, sat scio & fidenter spero, semper placebunt; præsertim autem, propter adjectum ubique fere suavissimum illum eruditæ humanitatis salem, quo scilicet omnia scripta reddi semper solent jucundiora, venustiora & veluti sapidiora: Ipso celeberrimo HEYNIO nostro vere solideque sic judicante, suoque ipsius exemplo luculenter demonstrante,

Namque ipse Auctor noster & benigniore Natura, ingenioque feliciore, atque Arte simul adjutrice, continuoque postea exercitio, indocilis prorsus erat, vulgaria, sterilia, arida & jejuna eloqui, aut scribere: Inde ergo *plumbum quasi in ipsius manu fiebat aurum*, ut PETRONIUS alicubi acute jocatur, & omnia, aspera etiam alia, per se, obscura, inculta & inornata sub cultissimo tamen illius calamo, statim mitescebant, splendidius nitecebant, & meliora ac molliora reddebantur;



*Incultisque rubens pendebat sentibus uva,  
Et dura quercus sudabant roscida mella.*

Ipsius igitur scripta simulac nata & nota inter Eruditos facta fuissent; mox avide ubivis arripiebantur, ac singulari cum voluptate, certatim legebantur: Serioque inde optabant ac flagitabant Lectores, ut omnia ista opuscula, seorsim per vices, diverso quidem tempore, edita; hinc inde vero postea undique dispersa, atque ideo ægrius invenienda & rarius habenda, tandem in unum corpus concinne redacta, ac scite disposita, in communem nempe usum, conjunctim publicarentur.

Id quod egomet ipse præsertim, perquam instanter ferioque urgebam quondam & efflagitabam, in illa scilicet *dissertatione Epistolari*, ad ipsum Auctorem directâ, & primo *Opusculorum meorum* Tomo, illius suavissimo Nomini, amica mente manuque, dedicato, a me præmissa: quæ tota scilicet huc spectat, quoniam multa de ipsius quidem Vita, studiis, scriptis, moribus ac fatis, mihi præsertim propter diuturnam & quotidianam fere familiaritatem intimam, Lipsiæ, per aliquot annos, exquisitè cognita & observata continet. *Utrumque enim nostrum incredibili pæne modo consensit astrum natale*, ut sic cum HORATIO loquar: RICHTERUS nempe meus natus erat Anno *Nonagesimo Quarto*, superioris Sæculi, die IV. *Mensis Februarii*; Ego vero ipsum mox sequutus, Anno  
b proximo

proximo *Nonagesimo Quinto*, in lucem editus eram, & quidem die X. ejusdem *Mensis Februarii*.

Sed forsan haud penitus ingratum erit Lectoribus attentis & veritatis amantibus, ipsam illam meam invitationem amicam, aut incitationem & provocationem seriam, ex ista quidem praefatione, huc commode, opinor, translata, jam denuo repetere; quam ita tum conceperam ac proposueram: *Volebam quoque simul Tibimet ipsi, charissime RICHTERE, hac mea opera, exemplo & incitamento quasi, esse, ut tuas nitidissimas & stilo, & argumentis, dissertationes, & programmata doctissima, in unum justum corpus apte redacta, praesertim vero suavissima tua poemata, & elegantissimos Elegos, plusquam Lotichianos, aut Heinssianos, meo quoque perituro nomini nimis benigne, ex parte, inscriptos, uno pariter Volumine comprehensos, in publica commoda, & oblectamenta, quam primum evulgares. Quodsi precibus meis his publicis a te impetravero, uti certe spero, immo confido; tum sane plurimum mihi debeat universus orbis litteratus, & speciatim quivis Lector, eleganter solideque doctus.*

Auctor vero noster, venturae aliquando famae securior potius, aut negligentior, quam cupidior, ex nimia & intempestiva paene modestia & verecundia, nec publicis illis meis admonitionibus, nec privatis aliorum amicorum, aut virorum doctorum precibus, unquam eo inflecti & adigi potuit, ut  
scripta

scripta sua academica, denuo recognita, passim aucta, & aliquot Voluminibus collecta, in publicum emitterentur.

Atque in hac quidem sententia justo pertinacior, si fateri libere liceat, per omnem certe Vitam, immotus veluti, persistit, donec fatalis ille ac formidabilis dies supremus subito ingrueret, *quem semper acerbum,*

*Semper honoratum, (sic Dj voluistis!) habebo.*

Neque enim ipsum vel in hoc usque tempus, jam etiam, post sex annorum decursum, penitus adhuc eluxi; quin potius

*Quam subit illius tristissima mortis imago,*

*Labitur ex oculis jam quoque gutta meis.*

Cogito enim, quo amico, quo Viro nunc caream! implevit quidem ille annum septuagesimum nonum, quæ ætas etiam robustissimis satis longa est: ego tamen tanquam & juvenis, & fortissimi, morte, doleo. Amisi enim in eo, amisi inquam, Vitæ meæ testem, amicum, sodalem, laudatorem, adhortatorem, fratrem veluti, & plus quam fratrem & ipsius animæ meæ dimidium: ut simili fere lamentatione ac laudatione, paucis quidem mutatis, & adjectis, hic opportune utamur, qua quondam PLINIUS ille facundissimus acerbissime ac justissime deflevit ac honoravit amicissimi fidissimique sui CORELLII mortem perquam miserandam.



Quare etiam, ut jam supra monui, lugens potius, quam  
lubens, demum accessi, ad hanc ipsam qualemcunque præsa-  
tionem elaborandam: quoniam scilicet justis quidem de caus-  
sis, utique verebar, ne vetus illud vulnus gravissimum ipsi  
pectori meo candido ac fideli acerbius inflicturn & altius infi-  
xum, denique sævius recrudesceret; & nondum obducta satis  
illius cicatrix sic latius refricaretur.

Tandem autem, licet sero, ut serio tamen ac præclare genero-  
sum illud & perquam laudabile cepit consilium Nobilissimus,  
doctissimus & experientissimus ACKERMANNUS, æternum  
pietatis ac venerationis monumentum huic illustri suo ac cele-  
berrimo AVUNCULO officiosè statuendi, cunctaque ipsius  
scripta olim seorsum ac separatim edita, deinde vero, ut sit,  
vage dispersa & undique disjecta, in unum quidem continuum  
commodamque corpus sedulo colligendi, & in publicos de-  
mum usus, in seram usque posteritatem duraturos ac profutu-  
ros, perquam liberaliter largiterque emittendi.

Sui igitur Nominis opportune memor, veluti probus ac  
futuri providus *Agricola*, lætas illas uberesque fruges, in fœ-  
cundo venerandi sui AVUNCULI, fundo, quondam, sen-  
sim subnatas, sed postea dissipatas ac sublatas, quam diligentis-  
sime undique conquisivit, & in concinnos quasi fasciculos, sive  
manipulos scite apteque colligavit; ita, ut ipsius quidem ope  
ac beneficio, nunc habeant Lectores, harum certe deliciarum  
avidi,

avidi, non tenue amplius spicilegium; sed largam potius messem, ac plenum optimarum frugum horreum.

Quare nunc clarissime, spero, ipsi intelligent, quantum omnino obstricti sint, quantasque hinc gratias ingenuè agere debeant celeberrimo isti Viro & diligentissimo Collectori, qui in solam ipsorum gratiam, tam arduum, difficilem & ingratum laborem alacriter suscepit, atque hunc ipsum insignem & multum profuturum Thesaurum liberali admodum ac generoso animo, aperuit; & in communes usus officiosissime distribuit.


Ego certe, meo quidem nomine, summas ipsi gratias ingenuè hic persolvo, optoque ex animo, ut immortalis sui AVUNCULI senectutem & famam digne splendideque consequatur, sine ullis tamen molestis curis, aut molestis Calamitatibus domesticis.

In quam probam justamque sententiam mecum protinus transituros, parque pium candidumque votum pro ipso suscepturos esse, omnes quidem meliorum Litterarum Cultores ac fautores, equidem nullus plane dubito; quin potius magna me inde tenet spes, nec minor sane fiducia sustentat.

Sed nolo jam diutius tua tempora morari, nec senili loquacitate, uti vulgo dicitur, Tibi amplius nauseam, aut mo-

lestiam

lestiam creare, **BENEVOLE LECTOR!** ad quem me iam extremum converto. Vale igitur in posterum, jucunde semper, perbelle, prospereque, sine ulla animi corporisve querela, aut offensa! Ipsi vero **RICHTERO** meo, jam beate defuncto bene precare, ejusque memoriam mecum, pie ac diligenter recola, & mihimet denique ipsi, adhuc per singularem dei gratiam, viventi, favere quæso, amplius perge, aut certe incipe! Scribebam *Wittebergæ*, Anno ætatis quidem meæ **LXXXV**. Aeræ autem Christianæ, **CLIOCCCLXXIX**.





## IN HOC VOLUMINE CONTINENTUR.

---

### I.

CH. G. HEYNE *Progr. quo memoriam Georgii Gottlob Richteri civibus posteritatis commendat.* Gott. 1775.

### II.

G. G. Richteri *dissert. de lacte infante.* Gott. 1737. Resp. N. W. CUHN, Hombergæ Hassæ.

### III.

*Diff. de morbo hypochondriaco.* 1739. Resp. LEHMANN ISAAC KOHEN, Hamburgensi.

### IV.

*Diff. de divino Hippocratis* 1739. Resp. C. PH. JO. MATTH. F. GESNER.

### V.

*Diff. de malo hysterico.* 1741. Resp. FR. GOTTL. MEIER, Göttingensi.

### VI.

*Diff. de fluxu ventris dysenterico.* 1742. Resp. H. GOTO FR. LIECHTE, Göttingensi.

### VII.

*Diff. exh. medicinam ex Talmudicis illustratam.* 1743. Resp. BENJ. WOLF GINTZBURGER, Polono.

### VIII.

*Diff. de scorbuto* 1744. Resp. HERRM. CHR. SARTORIO, Oldenburgensi.

### IX.

*Diff. de erysipellate* 1744. Resp. G. CPH. STARCKE, Hildes.

### X.

*Diff. de cunis infantum maxime nobiliorum* 1745. Resp. JO. GOTTL. FRIDERICI, Lipsiensi.

### XI.

*Diff. de cachexica iſterica* 1745. Resp. JO. HENR. ZOPFF, Greitza-Varisco.

### XII.

XII. *causae* *causae* *causae*

*Diff. de medicina plagosa* 1746. Resp. GEORG ALB. de SELPERT,  
Ratisbonensi.

XIII.

*Diff. de insolatione seu potestate solis in corpus humanum* 1747. Resp.  
G. A. de SELPERT, Ratisbonensi.

XIV.

*Diff. de natura morborum per morbos victrice* 1747. Resp. JO. EBERH.  
WEHRKAMP, Osnabrugensi.

XV.

*Diff. de tussi* 1747. Resp. JO. BERNH. MARTINI, Hannoverano.

XVI.

*Diff. de tenuitate humorum temere laudata* 1750. Resp. ED. JAC.  
LUPIN.

XVII.

*Diff. de cardialgia* 1750. Resp. C. SAL. KOELER, Althorphino.

XVIII.

*Diff. de tremore* 1750. Resp. C. A. RICHTER.



C. G. HEYNE, V. JH.

PROGRAMMA

QV.

MEMORIAM

G. C. RICHTERI

CIVIBVS POSTERITATIQVE

COMMENDAT.



Recolere memoriam RICHTERI, Viri Illustris,  
Collegae desideratissimi, ac commendare pietati  
vestrae, Cives, dum nobis nunc constitutum est,  
paullo quidem tardius, quam par erat, debitum  
honorem persolvimus: declarare tamen in hoc  
ipso videri debemus, altius, quam ut ulla temporis vis labefactare  
illud possit, animis nostris infixum esse nomen ac caritatem viri,  
dum in vivis erat, praestantissimi. Est enim omnino omnis animi  
affectus tanto verior, eoque certiore sui facit fidem, quo magis  
ille diuturnus constansque fuerit.

*Richteri Opuscula T. I.*

A

In



In exponenda quidem viri hujus vita enarrandisque casibus ac fatis copiam & subtilitatem desiderabit a nobis nemo, qui meminerit iam olim ex eius ipsius commentariis vitam litteris consignatam extare *a*). Ea itaque, quae ad pueritiam iuventutemque spectant, satis erit summatis attingere, versarique maiore cura in iis, quibus florente aetate istam nominis celebritatem consequutus est, ut, inter prima Georgiae Augustae decora qui referretur, dignus videretur, subiectis nonnullis aliis ex eius vita, quae cum academiae huius fati coniuncta fuerunt; neque verendum esse videtur, ne ea ratio habeat quod reprehendi possit, quandoquidem quoties de vita eruditi hominis quaeritur, omnino de ea vitae parte quaeri solet, qua is doctrinae aliqua laude in hominum notitiam venit; multoque magis, si ille inter academica studia et munera consenuit. Superioris quidem vitae acta is, qui, subtilius res expendit et sagacius investigat, multo magis cognoscere accurate cupiat: quandoquidem in iis semina et causae futurae ex litteris laudis et praestantiae, quam is in suo genere assequutus est, delitescunt; ea tamen plerumque parum nota esse, et ab iis quoque, qui sanguine ac genere proxime iuncti sunt, ignorari solent; quid? quod ipsis viris doctis adulta aut proeecta aetate constitutis raro superesse solet memoria expedita et explicita eorum, quae puerilem animum aut appulerunt ad certa studia, aut studia exaceruerunt, retulerunt, promouerunt; aut, si forte aliqua memoria animo infidet, quae, nisi in homine ad philosophicam animi contemplationem conuerso, satis clara et explorata esse vix potest, pudor fere et verecundia aut prudentia aliave causa intercedere solet, quo minus ea, quae rescivisse plurimum interest, in publicum efferantur. Hoc idem illud est, quod in conscribendis his academicis virorum clarissimorum memoriis maximas plerumque molestias ac difficultates obicit, quod ea, quae in uno quoque ad formandum fingendumque ingenium valuerint, quae causae vel opportunitates primos igniculos elicuerint et excitarint, quae sive

animi

*a*) In *Bruckeri* Pinacotheca Vol. II. Dec. 9. a. 1752. et iam ante in *Boerneri* Nachrichten von ieztlebenden Aerzten, T. I. p. 145. sqq. Adde *Hist. Litterar. Ge. Aug. Putter.* p. 155.

animi dotes viresque sive fortunae casus seu exempla ad hoc studiorum genus, ad hanc in his studiis laudem, ad hanc famam, seu certo cursu detulerint, seu afflante aura aliqua secunda vel inopinantem leniter propule int, seu denique tanquam procellae impetu correptum vadis scopulisque invitum illiserint, haec et eiusmodi alia plerumque ignorantur; nec elogii materies, etiam in summis viris, suppetit alia, quam quos honores academicos gesserit, quas lectiones habuerit, quos libros in vulgus emisit; proptereaque in eo fere rerum orbe terenda est oratio, ut, quae ab homine docto ac doctore academico gesta et curata sint, ornate ac copiose enarrentur. Ea tamen, quae in otio hoc litterario, in umbratili hac vita, domesticis, et si de sapiente agatur, obscuris saepe studiis geri solent, vix eiusmodi sunt, ut magna animos admiratione tenere aut varietate casuum delectare possint. Quo fit, ut genus scribendi hoc per se difficillimum, etsi utilitate omnium facile praestantissimum, idem illud sit molestissimum, quod facile refugiat is, qui sibi tantum canit et ex sua seu voluptate seu utilitate metiri omnia didicit, nec populi iudicio reiue publicae dignitati de studiorum suorum fructu quicquam concedendum esse iudicet.

Vt tamen in viro sempiterna memoria digno, RICHTERO, ad virilem potissimum florentemque aetatem revocare liceat memoriationis nostrae summam, facit imprimis illud, quod ille hoc commune habuit cum multis viris doctrina et fama insignibus, ut una praecipue vitae pars, certusque annorum decursus in celebritate et claritate versaretur, nomenque eius, etsi nec in senecta obscurum iacuit, tum tamen imprimis amplum et illustre haberetur. Ita enim accidere solet, seu fortuna dispensante rerumque vicissitudine et cursu sic ferente, dum laudis materia alio tempore obicitur maior et per se illustrior, sive etiam aetatis vigore ingenii animique audaciae velificante, ut alii vitae, imprimis longaevac, anni illustriores sint aliis. In clarissimis bellorum ducibus pacis tempora minorem laudum segetem ferre adeoque minus splendoris habere videmus, quam res bellicas. Etsi enim gloria virtute parta luce fulget perpetua, nec recte ac strenue factorum laus unquam intermoritur: languet tamen ipso tempore omnis fama tanquam sene-

fcens, nisi noua decora nouum vigorem, quo efflorescat, subjecerint, afflatamque rubiginem ac situm deterferint. Resonat in auribus dulce carmen etiam fidibus non continuo pulsus: obscuratur tamen sensim modorum varietas et suauitas, nisi denuo tactae lyrae modi aures impulerint. In priscis annalibus et chronicis libris viri clari & docti adscripti plerumque sunt certis annis, ut in hoc vel illo anno, in hac vel illa Olympiade floruisse dicantur; eo itaque tempore aut ingenii aut virtutis praestantius aliquod opus eos edidisse necesse est. Quod si sunt viri litterati, quibus vitam ad prouectiorem aetatem proferre contigerit, cum ipsa senectus a rerum actu reuocet, etsi non oblitteratur eorum memoria, obscurari tamen plerumque illa solet annis vitae nouissimis; inprimis si in eodem genere nova virorum doctorum seges succreuerit, qui in se vulgi, quod in nouas rerum hominumque species adeo procliuè esse solet, conuertant ora. Itaque in RICHTERO is vitae gradus maxime illustris et insignis videri poterat, cum doctrinae speciminibus editis egregiis, virorum clarorum familiaritate, peregrinationibus in contubernio Principis, quem fortuna regno Sueciae destinabat, peractis, eam nominis celebritatem consequutus esset, ut Gottingam euocaretur; neque ea decrefcere per annos sequentes potuit, cum, ut in recens condita academia fieri necesse erat, ipsa nouitas in hominum sermones ea, quae ibi agerentur, efferret, RICHTERVS autem scholis disputationibusque cruditis habendis ceterisque professoriis muniis obeundis largam laudis messem subministraret; donec ille ad eum aetatis gradum peruenit, quo senectutis, praemia, otium et immunitatem vocationemque, tanquam longo labore parata, pertinere ad se iure meritoque existimare poterat.

Fuere itaque, ut modo vidimus, plura, quae nominis ei claritatem praecipuam pepererant cumque Münchhusio approbauerant, cuius iudicium ad omnem posteritatem praerogatiuae loco habebitur, quoties de laude ac decore virorum clarissimorum huius seculi seuerior sententia feretur. Fundum tamen omnibus laudibus et ornamentis ingenii fortunaeque substruxerat doctrinae variae et reconditae copia, inprimisque coniuncta cum physicis ac medi-



medicis aliisque fœterioribus studiis elegantiorum litterarum humanitas, cuius laude merito per Germaniam non modo, verum inter exteros quoque florebat. Est enim ea præcipua aliqua studii medici felicitas, ut, cum de Iureconsultis Theologisue Germanorum parum laborent Galli, Britanni et Itali, medicorum tamen inventa et scripta magnopere ad se pertinere illi putent, diligenterque curent ut ad se perferantur omnia, quæ quidem latine sunt scripta. Communibus vero et Germaniæ et exterorum suffragiis inter medicos suæ ætatis principes in ea classe, quæ litterarum antiquarum et humaniorum laude celebratur, censebatur **RICHTERVS** neque in serioribus annis ab ea sententia discessum factum vidimus.

Ut tamen huius doctrinæ variæ et locupletis opibus matura aliqua commendatio accederet, singulari fortunæ beneficio, viro ornatissimo contigerat. Primum enim viris eâ ætate clarissimis Lipsiæ et Kilonii usus erat præceptoribus; quæ res ad nascentis famæ incunabula obitetriciam haud raro operam præstare solet. Commilitones porro in academicis studiis nactus erat adolescentes aliquot, qui mox in virorum clarissimorum censum relati sunt, inter quos Hahnium saltem Trillerumque, venerabilem senem, memorare liceat, quibuscum familiaritate et convictu coniunctus vixit. Kilonii autem Moshemium, Crusium et Oporinum familiares habuit; vix autem commemorare opus est, quantum ornamenti ac decoris ex familiarium amicorumque et commilitonum splendore mutemur quisque. Habuere utique multi eos, quorum contubernio et commilitio usi erant, mox subnascentis laudis suæ præcones fidiſsimos, ut etiam sint, quorum nomen per amicos communes magis illustratum sit quam per propria merita. Nec dissimilis fortuna, tanquam secunda aliqua aura, afflat in cursu, quem quis ad gloriam famamque nominis instituit, si virorum clarorum facilitatem litterarum commerciis expugnare contigerit, aut si peregrinationibus susceptis in exterorum familiaritates se insinuaverit; habent enim aditus hi et sermones cum viris doctis non modo utilitatis plurimum, verum etiam ad disseminandam famam opportunitatem permagnam, cum tot quisque suarum laudum testes

praeconesque habeat, quot accesserit quibusque doctrinam suam, studia et conatus, exposuerit et commendauerit.

Haec eadem itaque si RICHTERO ad magnam laudem famamque mature comparandam fuere opportuna et vtilia, gratia fortunae habenda est, quae in viro hoc summo virtutem ac meritum non vulgare sequuta est. Nam primum academicis studiis informatus cum ad nouam Kiloniensium disciplinam se conferret, per Saxoniam inferiorem plures ciuitates, virosque in iis doctos clarosque adiit (anno seculi XVII) annoque sequente, postquam Kilonii aliquot menses vixerat, ad Batauos profectus et cum viris versatus est ea aetate celeberrimis, inter quos vnum Boerhauium nominare satis est, cuius etiam disciplinam amplexus est Richter; nec non Albinum, Ruyschium. Proximo anno (a. sec. XIX.) Kilonium redux factus, quatuor annis post (a. sec. XXIII.) per Saxoniam superiorem iter fecit ad thermas Carolinas, ibique familiaritatem contraxit cum Hofmanno, de Berger, aliisque viris claris, qui easdem thermas adierant. Inprimis vero memorabile et ad eius celebritatem proficuum fuit iter, quod (a. sec. XXIX.) in cohorte et contubernio Ducis Slesuici et Holsatiae, Lubecensis Episcopi, ingressus est. Per Flandriam ille et Brabantiam in Galliam perrexit Parisiisque aliquantum est moratus, inde redux per Batauos Hannoueram adiit, quam tum Georgius II. inuiserat, eumque salutauit. In huius itaque Principis splendido protectionis apparatu et comitatu cum aliis in locis tum Parisiis vidit Richter quicquid memoratu dignum haberetur, inprimis quae ad medicam et chirurgicam artem praeclare instituta sunt, in familiaritatemque se insinuauit virorum praestantissimorum, Lemery, Jussieu, Geoffroy, Chirac, Winslouii, Petiti, Heluetii, Duverneii, aliorum. Quod quantum ipsi ad exquisitiorem rerum doctrinam et ad famam eiusdem doctrinae clariorem profuerit, facile intelligitur.

Litterarum tamen humaniorum elegantia inter haec in primis eius laudibus habita, princepsque ille secundum Trillerum inter medicos priscarum litterarum doctrina hac aetate claros numeratus est, ut tamen hic graecis maxime, RICHTERVS autem latinis litteris excel-

excelleret. His imbutum fuit mature ingenium puerile, partim paterna disciplina, partim privata ac domestica, tum publica Schneebergensium et Plaviensium, donec Lipsiam concederet.

In urbe enim patria, Schneeberga ea est in Mísnia Saxonum, lyceum ea aetate florebat nec nunc ignobile, cui tum regendo Urbanus Godofr. Siberus, in academiam Lipsiensem mox evocatus, ut theologiam doceret, praeerat; excepitque eum Dopertus. Privatos doctores, Hofmannum, qui et ipse paullo post scholam Schneebergensium rexit, Behmium ac Frisium, parentis optimi cura et pietas addiderat. Erat is Georgius, pastor apud eosdem Schneebergenses primarius et ephoriae Zwickaviensis adjunctus, inde Oschatiensis in Mísnia dioeceseos antistes gravissimus, urbisque pastor; qui, cum senex obiret, tres vidit ex se natos, doctrina, fama et publicis muneribus ornatos: majorem quidem natu Ge. Fridericum, ethices et politices professorem in Lipsiensi academia; minorem *a)*, pastorem sacri coetus Sorbigenfis, Georgium Godofredum; medius inter utrumque noster erat Collega desideratissimus. Undenos annos natus ille (prodierat autem in lucem vitalem anno superioris seculi XCIV. IV. Februarii st. v.) Plaviam deductus est, partim ut in publica disciplina in lyceo urbis, quod multos rectores doctrinae laude florentes habuit, haberetur, partim ut Io. Avenarii, D. dioeceseos Plaviensis ephori privata institutione uteretur, qua ille filium, qui sibi erat, imbuebat, cui comitem studiorum et contubernalem apponi placuit RICHTERVM. In hac igitur disciplina contigit ei, ut Graecis non modo, verum Hebraicis quoque erudiretur; comunxerat postea cum iisdem Syriacas et Chaldaicas litteras cum Rabbínicis adolescens discendi studio flagrans. Itaque Lipsiam cum adiisset, sedecim annos natus (a. sec. XII.) totum se litteris his ceterisque graecis latinisque ac philosophiae addixit clarissimosque in iisdem viros doctores habuit, nec non anno abhinc tercio summos philosophiae honores, quos academiae largiri solent, consequutus est: quo demum facto ad medi-

*a)* Est is pater *Aug. Gottl. Richteri*, Prof. med. Georgiae Augustae, collegae coniunctissimi.



medicae artis studia se convertit. In qua quidem studiorum descriptione utrum consilium aliquod sequutus sit, an ingenii impetu abreptus ad alia castra se contulerit, nos quidem ignoramus; alterum tamen istud probabilius fit. Jam quot ac quanta praesidia et adjumenta ad omne studiorum genus afferat is, qui humanioribus litteris satis excoluerit ingenium, RICHTERI exemplo apparuit vel maxime. Nondum enim annum in studiis medicis exegerat, cum (a. sec. XV.) praeside Schachero, clarissimo viro, disputationem publice instituit de thermarum Carolinarum usu in affectibus ventriculi et intestinorum. Concessit hinc (a. XVI.) Vitebergam medicosque eximios audit tum alios tum Vateri, celeberrimi ea aetate medici, disciplina et convictu usus est. Cum autem altero hinc anno (XVII. a. sec.) Kilonium migrasset, Waldschmidium et Henne-  
mannum duces doctoresque habuit, statimque disputationibus publice habitis suae doctrinae documenta edidit.

Videtis, Cives, quam prospera et secunda fortuna ad multa et egregia ingenii bona in RICHTERO se adjunxerit, quotque adeo quantaque praesidia et adjumenta ad nominis claritatem ei adfuerint; multumque adeo abesse, ut cacco fortunae casu ac temere objecta ei illa fuerit, ut potius multiplici doctrina, intentiore studio multis vigiliis, istud decus, quo nomen ejus fulgebat, emtum fuerit. Intelligetis tamen et hoc: sollerti ingenii doctrinaeque expolitioni certa ubique proposita esse praemia, serius citius obventura. Novo tamen fortunae beneficio RICHTERO contigit, ut, cum ex Batavis redux (a. sec. XX.) summos honores a Medicorum Ordine impetrare vellet, materia ei disputationis scribendae habendaque ad manum esset, quae per se celebritatem docto libello faceret, repentina scilicet et *mirabilis mulieris Bremensis sanatio*, multis variisque sermonibus hominumque judiciis eo tempore agitata. Quam laete effluerint Germanorum per quinquaginta hos proximos annos studia, et quae incrementa quosque auctus habuerit sanior sapientia, naturae maxime studio nutrita, multiplicique non modo exterorum lectione late per vulgus sparsa, verum etiam vernaculorum scriptorum largo proventu subnata, qui a superstitiosis opinionibus vanisque terroribus animos purgarent, vel ex hoc exemplo

exemplo colligite: quod nunc unusquisque paullo liberalius institutus vix aliter in animum inducat aut statuendum esse putet, hoc illa aetate magnae laudi cessit et claritatis non parum attulit nomini *Richterio*, cum naturae legibus satis consentaneam esse doceret valetudinem illam portenti similem visam, quae repente isti feminae dei aut daemonis alicujus interventu obtigisse vulgo credebatur.

Inde Kilonii scholas habuit, Ordini philosophico et medico assessor adscriptus, donec octavo inde anno (a. sec. XXVIII.) Eutimum concessit, Ser. Duci Slesvici et Holsatiae, Rev. Episcopo Lubecensi, Friderico Adolpho, archiater constitutus, paulloque post Consiliarii Justitiae titulo ornatus. In magna hic eum gratia et laude apud Principem optimum fuisse satis constat; octonis autem, quos in aula hac exegit, annis exinium rei medicae usum, et cum ipsa experientia magnam peritiae et felicitatis laudem erat consequutus. Cum itaque summus ille ingeniorum explorator, Munchusius, de condenda Georgia Augusta deliberaret, et virum circumspiceret, quem Medicorum Ordini cum primum instituendo praeficeret, ecce fama et existimatio hominum ad eum detulit nomen *Richterium* Werlhofii quoque iudicio et suffragatione commendatum. Evocatus itaque inter primos, quos Georgia Augusta professores habuit (a. XXXV.) RICHTERVS, mox condixit: nam academicae vitae amorem jam ante contraxerat tantum, ut ejus vitae desiderio se teneri media in aula palam profiteretur. Consequutus est statim tum omnia praemia omnesque honores, quos inde ad vitae exitum habuit: Professoris primarii in Medicorum Ordine partibus, et Archiatri regii honore cum Consiliarii aulici honorifica appellatione ornatus est. Commigravit Gottingam vere anni XXXVI. lectionesque medicas habere jam tum coepit: anno sequente (XXXVII, XXVII. Sept.) inaugurationis sollennibus interfuit, ipse inter praecipua novae academiae ornamenta adnumeratus; Decanique functionem sortitus decem in illa panegyri medicae artis Doctores renuntiavit. Similis fortuna ei obtigit post decem annos, ut rege Georgio II. praesente (a. XLVIII.) duodecim candidatis summos honores largiretur. Regendae Georgiae Augustae praefuit Prorektor quartum.

Lectiōibus habendis ceterisque et professoris et medici muniis obeundis praeclare de academia et urbe meruit per triginta et quod excurrit annos, cum senilem vocationem circumspicere coepit, maturius quidem quam aut reipublicae aut ipsi erat optandum; Nam nec fructu tam copiosae doctrinae callidaeque peritiae aequo animo carebat academia, nec ipse otium, quo se abdere voluerat, minoribus molestiis vexatum expertus est, quam quibus negotiosissima vita implicari potuisset. Nam et per se difficile molestumque est animo per longam vitam curis negotiisque exercito subita remissione et vacatione languere, et succedere aerumnae domesticae, quae interceperunt sibi dignissimo praemiorum partem, quae ex tot meritis publice privatimque in cives suos collatis exspectare poterat.

Matrimonio sibi conjunxerat, cum adhuc Eutinū viveret, matronam primariam, Amaliam Augustam, e gente illustri Schreiberia, quam Gottingam adductam mox per multorum annorum decursum gravi multiplicique morbo ex nervorum labefactione vexari vidit: vivam non minus quam morte ereptam (sub a. LXVI.) omni pietatis genere prosequutus est *a*). Cum exinde senectutem ingravescentem in solitudine sibi exigendam esse cerneret, ut haberet, cujus officii pietate, ministerii sedulitate, amorisque affectu sustentaret extremae orbaeque aetatis molestiam et aegritudinem, senilique otio, ad quod se converterat, suaviter frueretur, secundis nuptiis duxit Rufinam Cupressiam, natam Liebhaberiam, Magni Crusii, qui, inde ex Georgiae Augustae incunabulis per aliquot annos Professor Theologiae, mox ad Haaburgensem diocesis curandam discesserat, viduam; quae marito superites nunc relicta est. Ex neutro conjugio liberos suscepit. Verum nominis et doctrinae heredem reliquit ex fratre nepotem, Augustum Gottl. medicinae Professorem ordinarium, chirurgica arte et doctrina clarissimum.

Majus elaboratiusque opus exorsus est RICHTERVS nullum, emisit tamen ingenii doctrinaeque documenta haud pauca, cum com-

*a*) Memoriam ejus Elogio academico, tum carminibus suis amicorumque celebravit a 1766.



commentationum genus praeferret, tam praeclare accommodatum subtiliori singularis alicujus argumenti investigationi et pertractationi uberiori, imprimis in iis disciplinis, in quibus, cum summa doctrinae semel satis accurate constituta sit, in singulis partibus causisque excutiendis et illustrandis elaborare praestat. In Commentationibus his, quas sive disputandi sive praefandi causa sollemnibus academicis perscripsit, doctrinae et lectionis copia locuples cum tersa et ornata oratione imprimis mirationem facere solet idoneis harum rerum arbitris a).

Singulare in RICHTERO fuit hoc, quod lectionis amoenioris amorem et studium in poetis quoque et fabellis Milesiis etiam senex retinuit; illud autem plane mirabile, quod facultate eximia, qua pollebat, latinos elegos condendi, nunquam excidit. Monumenta hujus rei praeclara sunt non modo *sex quaelae* de bello superiore, cum *Iubilo Pacis*, et *Funebria carmina* in obitum conjugis carissimae scripta, verum etiam paullo ante mortem vulgatum *Epicedion in discessu Gebaueri*, quocum a longo inde tempore familiariter vixerat.

Faciebat jam in octogenario ipsa senectus morbum, tentarique corpus varia multiplicique infirmitate coeperat, cum placida morte ex hac vita discessit pia anima, XXVIII. Maii anni LXXIII. Vos, amantissimi Cives, haurere eam jubete, conversique ad eam cogitationem, quantum laetae Georgiae Augustae incrementa hujus viri nomini, doctrinae, studio fideique debeant, memoriam ejus propagate et ad omnem posteritatem consecrate. Nobis utique, quotquot ejus amicitia ac familiaritate usi, come ac mite viri ingenium, omni humanitate expolitum, jucundum, venustum cognovimus, fidemque et officium ac pietatem in multis vitae temporibus probatam vidimus, venerabilis optimique senis desiderium, quoad vixerimus, erit perpetuum. PP. Gottingae d. XXX. Augusti clo 1800 CCLXXV.

- a) Apponere horum opusculorum indiculum necesse non est, cum ille prodest in libellis supra laudatis, imprimis in Putteriana narratione de G. A. et in Hambergero. Boerneriani operis Supplementa vulgavit nuper Baldingerus, experientiss. Vir. Collega conjunctiss. quem v. p. 143.

---

DISSERTATIO  
DE  
LACTE INSONTE

PUBLICE PROPOSITA  
GOTTINGAE, D. 9. MENS. SEPT. 1737.

RESPONDENTE  
NIC. WILH. CVHN  
HOMBERGA - HASSO.

---

PROOEMIUM.

Quam frequenter morborum pertinacia curas Medici et vim pharmacorum maxime celebratorum eludat, satis superque inter illos, qui arti salutari nomen dederunt, et ejus praecepta in ægrotantium incolumitatem conferre annuntur, constat. Neque vero adversorum horum eventuum causae praestantissimos in arte viros facile fugere potuerunt, cum et rerum, quas non naturales vulgo appellant, injuriæ salutari Medici scopo nimis nonnunquam obstant, et causae morbificae internae aliquando solertissimi cujusvis examen subterfugientes subitam haud raro ægrotanti mortem afferant. Praesidium medici est, has geminas causas ita ante oculos habere, ut  
prae-

praevalentes illarum vires et in perniciem aegri saevientes cognoscens manum abstinere, et sollicita prognosi contra calumnias obtreptatorum sese praemuniat. Cui recte attendenti unice patet, quo vitae errore qua virulentia morbi aegroti enecentur, quamvis illud tam universale non sit, quin etiam ad summam ejus attentionem causae abditae maneant, quas vix deinde sectio Anatomica in majorem cognitionis lucem ad posterius aevi cautelas producit. Satis hic tuta est prudentis Medici fama, modo non ipse in selectu medicamenti, vel ejus praeparatione aut applicatione funestum morborum eventum acceleret. Nunquam certe satis dolendum est, in tanta nostri aevi luce, post medicinam rationalem magis magisque exultantem, felicior tamen Clinicam praxin vix evaluisse. Mirandum est, quantopere in seligendis ad morbos profligandos remediis, multi hallucinentur, & quod vix a te impetrabis, ut credas, qui medicinam maxime rationalem calant, rationalem in curandis morbis methodum ut plurimum deserant. Cujus quidem exitus rationem in vana specificorum jactantia, vel gravi viro plane indigno receptae hypotheseos amore, quo rationalis theoriae usus nimium sufflaminatur, invenire haud difficile erit, cum et sint, qui in formulas praeceptorum jurare, et gregem antecedentem coeco impetu sequi soleant. Quae omnia, quantum arti salutari detrimentum afferant, cuivis facili



negotio patet. Mittimus isthaec, et unum solum addimus idque huic seculo fere peculiare vitium, quod medicamenta speciosa composita, ab exteris allata, nimio apud ple-rosque pretio habeantur, cum simplicia e contrario, eaque, quae terris nostris, ex vix in usum trahantur. Cognove-runt id praeclari in arte viri, utque simplicium medica-mentorū usus restitueretur, id diu inter ingenua illorum desideria haud ultimum locum occupavit. Sic aquae tum in multis chronicis, tum praesertim in sanitate conservan-da eximiam efficaciam, stabiliverunt multi. In saponaceis vero atque mellitis quantum ad morbos profligandos la-teat praesidium, Hippocratica methodus docet, a clarissi-mis aevi nostri viris condecorata. Nos vestigia magnorum virorum terimus, et praecipuum addimus, quo natura nostras regiones donavit, idque egregium tum ad sanita-tem conservandam, tum ad illam amissam recuperandam remedium, Lac nempe, quo nullam fere gentem provi-dentia naturae destituit, luculento argumento, in hoc suo munere potissimum adquiescendum esse, quod et agno-visse videntur tum sacri tum profani scriptores, quando lactis inprimis proventu felicitatem regionum aestimave-runt. Nostri nunc instituti est, lactis virtutes examinare, et tunc, quae famae ejusdem detrudere videntur, opprobria remove-re.

## Cap. I.

## De lactis virtute et natura.

## §. I.

**D**e lacte acturi ea statim removemus, quae ob coloris albicantis similitudinem hoc nomine veniunt. Ita quae ex seminibus quibusdam, aut medulla fructuum interveniente fluido emulsa lacteum liquorem constituunt, uti lac amygdalinum, non sine magna convenientia utrarumque proprietatum, hanc appellationem suscipiunt. Verum et haec et longe magis reliqua, quae sub lacteo colore insignem amarorem, vel vires plane contrarias tegunt, hic excludimus, uti lac mandragorae, vel mechocannae, lac aloeticum, lac sulphuris, lac saturni, et quae hujus sunt generis plura, quae quilibet sponte intelligit huc non pertinere. Intelligimus vero succum ex cibis maxime vegetabilibus assumtis actione viscerum digestientium elaboratum, et suo per pulmones et vasa circuitu humoribus corporis animalibus assimilatum, et proxima tunc via in mulierum mammis vel brutorum uberibus sub specie blandi chylosi humoris secretum. Non adeo opus esse videtur, hanc ipsam secretionem a physiologicis toties descriptam repetere, quodam tamen compendio dicemus; in mammis pinguedine et laxa cute tectis, quae externas arterias ab axillaribus internas a subclaviis accipiunt, eas cum epigastricis nexas in spiras nodulosque coire, ex quibus recta via tubi lactiferi emergunt, qui uniti latiores sensim arctiori exitu in papillam terminantur, spongiosa et nervosa textura multisque emissariis anastomosi junctis gaudentem. Notandum vero, non solum matres nutricesque, sed et steriles virginesque imo mares omnes ejusdem fabricae subsidio perpetuum lac a sanguine separare, quod quamvis in his remeare per venulas in massam sanguineam soleat, subinde tamen alendo infanti servivisse non exclusis vetulis puerisque, collectae apud Francum de Franckenau *a)* innumerae observationes docere possunt.

## §. II.

*a)* vid. Satyr. med. XV. pag. 249. et seq.

## §. II.

Statim igitur apparet, quibus beneficiis animalis mutationis lac gaudeat. Non enim solum in ore, in ventriculo, in intestinis et per tractum mesenterii vasorumque lacteorum magnus est virium mutantium apparatus, sed et quicquid natura elaboratissimorum humorum habet, per omnes has vias copiose affunditur, donec post transitum in sanguinem ipsorum viscerum ulterior mutatio succedat, summus imprimis in pulmonibus attritus fiat, et post reditum in cor sinistrum ex aorta in subclavias mammariasque propulsio sequatur, et hic prima sit in toto corpore secretio, eaque statim tam copiosa, ut vaccam Epiri Aristoteles *a)* scribat, 80 libras lactis singulis diebus dedisse. Sequitur ex inde lac omni dote sensibili chyli naturam adhuc referre, et post longiorem in secundis naturae viis circulationem ad receptacula sua accedere. Illud videtur discrimen inter lac animale et chylum, quod ex hoc caseum coagulando premere minus liceat, quamvis ceteroquin et colore blando, et sapore dulci et spissa pinguedine facillime acescentia mirum in modum convenient. Novimus autem, omne oleum quod ingestis inest, si aquae sic misceri possit, ut tenaciores ejus partes miscibiles fiant, statim lactescere. Ipsum gramen recens viride diu manducatum cum saliva copiosa jam in ore lactis speciem induit. Ipsa aqua, si cum supernatante oleo in vitro concutitur, albescit aliquamdiu, donec rursus secedente oleo color pereat. Igitur quo plus olei inest ingestis, et quo facilius solvitur salivae bilis similiumque liquorum saponacea virtute, eo albescit citius, ut in farinaceis imprimis videmus, quae utpote valde oleosa pressa contrita et in mortario cum aqua, quae inter terendum lente affunditur intimius permixta, in massam albam homogeneam transeunt. Quem ipsum alborem lactis in circulatione per vasa ad 12. horas persistere Loevus docuit. Post id tempus vis vitae circumagens et magis compingens in flavescentis seri naturam mutat. Hanc mutationem exprimit alcalinorum cum lacte permixtio, postquam flavere, sique diutius coquimus, intensius rubere lac solet. Infundamus lacti oleum tartari per deliquium, sensim a flavedine dilutiori ad colorem profunde rubrum perget, ut quis sit sanguificationis indoles, exinde egregie

*a)* vid. Lang. Oper. part. 1. Physiolog. pag. 256.



egregie demonstretur, cum motus naturae alcalinorum genium manifeste exprimant, et hinc animalia febricitantia illico suggerant lac flavescens, ex dulci salsum, ex crasso saniosum, ex inodoro subfoetidum.

### §. III.

Lac quodvis ex quocunque animali emulctum triplices ex suo contextu partes suppeditat. Quoties situm est in loco frigidiusculô & leviter recto. secedit candidus blandus & nec acidus nec alcalinus cremor, & cuticulæ instar reliquis partibus innatat. Si aufertur, sensim succedit novus, donec remanens lac, quod desloratum appellatur, prorsus tenue pellucidum & subcærulescens appareat. Hæc est oleosa pars & balsamica, pro externo internoque usu, miris modis omnem acrimoniam mitificans, licet hic ipse cremor, in aere puro & subtepido, gradu sensim satis notabili acefcat, denique etiam vi vitæ & colore si nimis & diutius urgetur, amarescat, rancescat & alcalescat. Altera pars lactis per coagulum præceps terrestris & caseosa est, & in duritiem sæpe corneam coagmentatur, quam in tam molli & fluido corpore latere vix suspicentur ignari, atamen Zoroastri in desertis viventi per annos viginti omnem alimoniam suppeditasse Plinius <sup>a)</sup> scribit. Tertia denique pars serosa est, per minima corporis vasa transiens, & utrisque designatis partibus pro vehiculo serviens.

### §. IV.

Quid de singulis speciatim expectari possit, obscurum non est. Pars illa oleosa & butyracea partes solidas rigidioresque corporis lubricat, emollit, lenit, & necessariam sæpe fibrarum flexibilitatem conciliat, humorum vero acrimoniam temperat, & ex hac ortos irritantes stimulos compescit. Neque est ulla olei species, quæ hanc nostram sua virtute æquet. Cum enim reliqua ægerrime subigantur & misceantur cum aqueis humoribus, cremor longe resistit minus, & non nisi pedetentem ex connubio partium aquearum emergit. Docent experimenta circa opus digestionis instituta

*Richter's Opusc. T. I.*

C

nullam

<sup>a)</sup> Hist. natur. Lib. 2. cap. 42.

nullam dari pinguedinem, quam promptius natura aqueis humoribus miscibilem reddat. Præterea ignotum non est, has cremora-ceas partes vegetabilem & acefcentem indolem animali putredini oppositam diu retinere, adeoque ab hac non cito nimis in rancorem alcalinum permutari. Quod si jam tot morbi a fibra nimis rigida pendent, nec pauciores ab humorum acrimonia, elucet medico, quid inde præsidii sæpissime expectandum sit. Nec caseosa illa & ficca pars pro meris fecibus est reputanda, maxime si in minimas moleculas divulsa permeare sub vehiculo seroso omnes corporis latebras potest. Qui enim non ignorat, ex terreo elemento totum corpus conflatum esse, judicabit facile, in his partibus summam nutriendi facultatem positam esse, quamvis ceteroquin non negem, illa coagula caseosa & in primis viis infantum, & in uberibus nutricum noxios infarctus producere, sed non nisi causæ morbosæ vitio, quam arcere Medicus debet. Serum denique, quod incomparabili virtute gaudet, fluxilitatem humorum conservandi, æstum temperandi, fordes stagnantes abstergendi, & emunctoria naturæ aperiendi, usu fere perpetuo celebratur antiquiorum & recentiorum temporum. Sed de singulis quid in specialissimis morbis expectandum teoriam exponemus.

### §. V.

Verum præmittenda est diversa lactis consideratio. Nam ingens differentia intercedit pro varia assumtorum indole, ex quibus lac nunc salubrius nunc insalubrius fecernitur. Ex assumtis statim novimus, quid de carnivororum animalium lacte sperandum sit, quippe quod cito alcalescens natura humana fastidit, et in culinis acque quam pharmacopoliis spernitur. Unum est regnum vegetabile, quod in domesticis animalibus lac salubre suggerit, et cum singulis fere regionibus a natura peculiariter concessa sint herbarum genera, alimentum inde corpori humano nunc magis nunc minus conveniens nasci, quilibet intelligit.

Inde est, cur Dioscorides, cum quo etiam Galenus, Ægineta et alii consentiunt, caprinum lac ovillo prætulerit, quod frutices salubriores caprae depascantur, veluti oleam mastichen terebinthinam et alia. Quod ipsum medicis antiquis ita notum fuit, ut pro viribus

bus purgandi similibusque lacti conciliandis haud nesciverint talia animalia ad certa et prius determinata pascuorum genera ducere. Vaccae in montibus lac dare omni dote diversum ab eo, quod illae praebent, qui in pratis et locis paludosis pabulum sibi quaerunt, neminem facile fugit. In priori enim loco, cum et sint herbae magis siccae vulnerariae et abstergentes, in posteriori magis humidae et pingues, patet in antecessum utrasque herbarum virtutes diversis viribus lac imbuere, et nunc magis nunc minus vel diluere vel solvere vel nutrire. Nec illa omittenda lactis differentia est, quae varia anni tempora respicit. Ver reliquis anni partibus palam praeripere videtur, quo tempore solis calor nec nimius est, nec volatilium partium nexus iusto citius destruitur, inde et succi expressi herbarum et portiones theiformes, et ipsa lactis cura tum laudari maxime solet. Autumno quae prodeunt herbae, salubritate plerumque cedunt, et sunt eo tempore vires corporis mutantur calore praegressae aestatis magis debilitatae. Aestate ipso calore solis plus exliccatae sunt herbae et vires vitae languidiores, unde in regionibus maxime calidioribus in usu fuit, fere omnem hic medicinae usum, nisi in mora periculum esset, interdicere.

## §. VI.

Et haec quidem externae ad mutandam lactis naturam pertinent, interne praesidia mutationis animalis differunt. Si vegetum animal et in optimo flore aetatis constitutum, internisque digestionibus, quae requiruntur, omni ex parte par est, iustisque exercitationibus ad subigenda ingesta utitur, dubium non est, aliud inde lac expectandum esse, quam ex corpore senili, exhausto, morbofo, in stabulis quiescente, et solo foeno vel paleis pasto. In quo loco simul monendum est, ipsa hic animalia in suas classes esse reducenda. Lac humanum est omnium optimum, quia homini integrum esse solet eligere, quae sibi prosint, et herbas nimis cito fortassis acescentes cum carnibus jungere, debitosque corporis morus ingestorum indoli accommodare. Est lac muliebre tenue blandum dulce serosum, minus prompte acescens, caseosarum et terrestrium partium magis expers et speciali humani corporis virtute elaboratum.



tum. Quod si post coctionem vel tepide vel calide adhuc potatur, vel ipso succu hauritur, nec erroribus diaetæ nec affectibus animæ nec ipsa corporis debilitate corrumpitur, haud dubie omnibus aliis speciebus est antefendum. Proximum est salubritate asininum. Illius tenuitas, in qua nec pinguedinis nec casei multum later, a coagulo fere omni præservat, vias ubivis sibi aperit, et per alvum aliaque emunctoria, postquam ubivis efficacissime absterfit, facile iterum secedit. Caprinum intermediae naturæ est, crassius et pinguius, minime tamen ita uti vaccinum, lactis utrisque jam dicti genere nutrit magis, sed abstergit minus, vi nutriendi vaccino cedit, at non tam promptum coagulum subit, inprimis si addito saccharo vel melle caveas. Certe usui communi et medicamentofo lac illud usui esse solet, et capras semper animal agile esse videas, aliora loca petere, paludosis plantis non delectari, sic optimos herbarum succos in optimum lac commutare, ob easdemque et alias causas secundum Hieronymum capras quasi ob solum lac conditas videri. Lac ovillum a Varrone et Columella caprino praelatum, cum tamen plus terrestris et caseosæ partis et coagulo obnoxiae complectatur, rectius cedere existimamus. Bubulum vero licet vi nutriendi præcipuum et quotidiani apud nos usus, ob crassitiem tamen suam et nimiam pinguedinem in debiliorum ventriculis aegre eoquitur, facile coagulatur, viscidis partibus viscera obstruit, difficillime distribuitur, et tardissime præ reliquis abscedit. Haec tamen ipsa species cum farinis cocta, robustiorum sine dubio accommodatissimum epulum est.

## §. VII.

Ufus lactis ad quem post ejus differentias definitas speciatim transeundum est, vel erit diaeteticus vel pharmaceuticus vel chirurgicus. Diaeta sive firmet corpus sive morbum imminuentem arceat, usus est longe præstantissimus. In corpore debiliore, ubi cruditates ingestorum perpetuæ metuendæ, et ex imperfecta digestionem quicquid remanet in saburram accumulatur, id sine dubio requiritur, quod sine magna mutatione transire potest. Habemus igitur infuso lacte non nisi chyli speciem in vegeto animali jam expressam, adeoque vix novis, quæ ulterius permulent, viribus indigentem.

Inde

Inde natura debilissimis infantibus hoc solum alimentum designavit, dilutius in embryone, meracius si ille partui propior, crassius recens nato et deinceps confirmationi inter admixtas farinas destinat, ita ut hanc differentiam usus provido consilio diversis aetatis gradibus ars et natura accommodet, et varia eduliorum forma exhibeat. Praeterea vero, quando per varios morbos naturae vires franguntur, idem fere status redit, qui infantum erat, hoc est quicquid ingeritur a visceribus, aegerrime in naturam inquilini humoris permutatur. Atque tunc rursus primum lactis esse usum, et quousque continuatur, vincula quasi injici erumpentibus morbis, podagricorum exemplo patet. Denique in opposito nimiae rigiditatis statu, palam quidem est, tenacius aliquid et quod fortius obluetur in cibis requiri; verum cum iste corporis status cum arctitudine vasorum, densitate fluidorum, et calore et motu fortiori conjunctus sit, unde facile fluida in angustis vasorum stagnet et arescant, et varia febrium genera exoriantur, nemo facile negabit, lac aqua dilutum et copiosius ingestum, arctiora vasa relaxare, densius fluidum diluere ac solvere, aestum nimium temperare, et illud quod stasi sua in acrimoniam degenerat, demulcere, et sic morbos in primo exortu subinde inhibere. At maxime tabidis et emaciatis ipsisque phthisicis, nisi vis morbi nimium adoleverit, et plena ulcerum sint viscera, bonum alimentum lac nostrum praeservative promittit, et consummentum acrimoniam, ex qua atrophiam nascitur, pro viribus et gradu morbi corrigit.

### S. VIII.

Pharmaceuticus usus hinc quoque; in morbis apparet. Nam quae conditiones corporis a statu naturali leviter deficientes vires in lacte notatas requirunt, sine dubio in morbis ejusdem generis eadem via sed paulo constantius incedere jubent. Quicquid febrium est, tenues exigit poriones, vasa omnia permeantes, et ad naturam acidiusculam tendentes. Nihil est horum characterum, quod non in lacte dilutiori et inprimis serosa ejus parte reperiamus. In morbis vero chronicis, ubi plerumque omnes digestionis languent, et circa interiora viscerum vel et intra latebras artuum sedes malignatur, hoc remedium quod et perluit vasa omnia, nec operam

digestionis circa se magnopere requirit, utrique scopo est accommodatum. Quae in arthriticis circa ligamenta ad dolores et spasmos irritant, et suo ad partes nerveas et sensibiles decubitu infestant, non modo ejusmodi viribus demulcentibus ut in lacte indigent, sed et tunc in massa sanguinea id haud facile regeneratur, quod aliis emunctoriis exclusum, ad illa iterum loca per praecedentes paroxysmos debilitata deponi solet. Haud in alio cibo tantum praesidii fuit, quippe quo admissio renovati sunt paroxysmi, qui incerta fide quieverant, unde ille podagricus lacti succensuit, quod alium juxta se victum non ferret, quin saevius recrudesceret morbus. Rheumatismos desperatissimum saepe morbum, Sydenhamus sola diaeta et quidem sero lactis per totum mensem assumpto sanare jubet. In calculis vero, quibus tot lithontriptica opponi solent, quae nominis fidem nunquam implent, forte nullum datur, quod verius calculosam materiam in renum viis resolvat et evacuet. Notum est, boves in stabulis hyemalibus torpentes et arido gramine pastos, dum mactantur, calculis obrutos apparere, at si ad verum servati tempus prima pascua demetere incipiunt, observatio docet diarrhoea eos maclescere, deinde ita sanari, ut in mactatis nullum calculi vestigium appareat. Quod si hoc succo graminis magis elaborato competit, convenit sine dubio cum virtutibus lactis, in cujus ille naturam statim transit, imo pro comperto satis habemus, quod qui per menses bis in anno utuntur sero lactis, a calculis, quibus alioquin obnoxii fuerunt, immunes se pulcherrime praeservasse, imprimis si herbae diureticae sero lactis incoctae illam virtutem auxerint, qua renalis saburra in calculos aliquando coitura dissolvatur et exterminetur. In tenesmo, dysenteria, diarrhoea aliisque fluxibus, ubi acredo demulcenda est, opportunus lactis usus, cui tunc injicere lapillos, vel orbiculos ferreos ignitos, ad leniter adstringendum medici solent, mirum saepe in modum profuit. Non male vulgo propinant oryzam, milium, amygdalas dulces cum lacte coctas, et hujus modi pulciculis fluxum cohibent, et mordacitatem humorum contemperant. Sed omnium maxime in acerrimis venenis, in corpus humanum quacunque occasione admissis, salutare est lac. Quemadmodum enim venena irritantibus suis spiculis intestinalem tubum atrocissime convellunt, inflammant,

lace-



lacerant, et subitam gangraenam producunt, ita in his casibus, qui suo apte ingenio in certam mortem terminantur, copiose statim et ad integras mensuras ingestum lac, pingue inprimis et cremoraceum, quale prae ceteris vaccinum est, obvolvitur caustica illa spicula, vomitu liberat, et praesentissimum vitae periculum avertit. Hoc de arsenico, de mercurio sublimato et de aliis acerrimis venenis valere dictum in modum mature obvolvendis et excutiendis, loquuntur innumerae experientiae. Et quamvis eadem praestare videantur omnia oleosa et pingua, ignotum tamen non est, quam labem haec inferant tono ventriculi et intestinorum, quam cito rancefiant in corpore calente, et hinc saepe post superata venena, corpus elangue, debile, et nullis fere artis praesidiis refovendum relinquant, qualem noxam minus lacti tribuere possumus. Denique cum nutrientissimum sit lac, in omni tabe, macie et consumptione corporum, nunc simplex nunc aqua dilutum, nunc virtute variarum herbarum pro scopo medico impraegnatum egregie inservit aegrorum commodis, quod uti reliqua omnia, quae speciatim prosequi longum foret, ex generatim determinatis viribus patet.

#### §. IX.

Ratione usus chirurgici non solum constat, balnea ex lacte confici, in quae cum magno valetudinis commodo ii ingrediuntur, quibus rigida et aspera est externa cutis superficies, porique, qui per diaphoresin eliminant, obstructi, in qua re fortassis inunctionibus veterum adeo celebratis palmam praeripiat; sed et praeterea in gravioribus morbis tot cataplasmata, quibus lac pro basi est, emolliendi inprimis, dolores mitigandi et ad suppurationem deducendi scopo a Chirurgis quotidie externis partibus obvolvuntur, tot etiam clysmata lacte parata contra torsiones rosionesque infunduntur. In asperissimis ulceribus nil plus demulcet, et balsamicam virtutem exserit cremoracea lactis parte. Non sunt hic describendae formulae in foro Chirurgorum usitatae, sed ut externa et interna medicina unas easdemque sequitur auxiliorum suorum indicationes, ita jam ex dictis elici potest, quomodo in externos usus lac commode trahatur. Restat nobis alteram argumenti partem considerare, illam nempe, quae querelas diluit, quibus gravari innocuum lac solet.

#### Cap. II.

## De lactis virtutibus.

## §. I.

Quae in opprobrium lactis congeruntur, ita se habent, ut multis  
 haud omni fundamento destituta videantur. Verum nec illa  
 recensitas lactis dotes obfuscare possunt, nec tanti sunt ponderis, ut  
 praeter certas cautelas aliquid aliud in usu lactis requirant. De lacte  
 vitioso facile Avicennae largimur, quod nihil sit eo nocentius, et  
 bene Galenus a) ostendit exemplo quarundam nutricum, quae ob  
 annonae caritatem sylvestribus sunt usae oleribus, quam subito in  
 corpus lactantium pravae hujus lactis qualitates sint impressae, sed  
 loquimur hic de bono et incorrupto lacte; quod cum eodem Gale-  
 no omnium fere ferculorum optimi succi esse arbitramur. Obji-  
 citur maxime corruptibilitas partium, et quod lac in quiete constitu-  
 tum, tam subito in coagulum abeat, inprimis si in loco calido asser-  
 vetur. Minime negamus, in primis corporis humani viis, maxi-  
 me si debiliior sit ventriculus cum intestinis, speciem alicujus quietis  
 esse, et longe minus hic calorem, qui coagulo faveat, dissimilamus,  
 imo concedimus, fere invictam esse tenacitatem caseosae partis, si  
 semel secesserit, et irritando obstruendoque tenella inprimis corpu-  
 scula maxime afficere. Verum haec omnia tantum monent, sumi  
 sub certis conditionibus lac debere. Certe nisi acidorum vis, vel alia  
 lacti adversa interne occurrant, lactis celerissimus est in secundas vias  
 transitus, adeoque tantum id agendum est, ne corporibus acido et  
 saburra oppletis, et recepta omnia male digerentibus et transmitten-  
 tibus, lac celeri coagulo obnoxium suppediretur. Repurganda sunt  
 talia corpora, et lac ejusmodi partibus, quae descensum juvent, et  
 coagulum impediunt, a corruptione sua praemuniendum. Inde  
 jam veteres nunc mella nunc salia contra metum coaguli admiscue-  
 runt. Qui inveteratos morbos lacte vincere annisi sunt, non inique  
 hanc praescribere methodum, ut in principio mane et vesperi cer-  
 tis horis aliquam lactis dosin offerrent, et tunc detraherent aliquid

a) de aliment. sufficiat.

prandio et coenae, idque per sex vel octo dies, donec purgato et assueto corpore lac pro omni alimento esset. Semper vero aliquid sacchari rosarum vel simile addiderunt, et in certa lactis quantitate, cum qua aeger sentiret sibi bene convenire, persisterunt. Nimirum existimamus, hanc non contemnendam cautelam esse, quae lac vetat inter alios plures cibos, acres imprimis calidos et corruptibiles adhibere. Puto hic causam latere, cur infantes facilius lac ferant quam adulti, cum iis non quemadmodum his aliorum ciborum varii generis usus permittatur. Ne enim dicam, multos esse ejusmodi cibos, qui per se virtutem lactis infringant, sufficit hoc indicare, quod lactis ad lactea vasa transitus, inter tot cibos qui moram digestionis requirunt, nimis retardetur, atque sic in quiete et calore loci, ejus corruptio omnino formidanda sit.

## §. II.

In febribus quoque dudum est, quod male audiat lac, quippe in quo omnis fere antiquitas consentit. Nam cum illud in aestuante corpore nidorem facile contrahat, et secessui partium suarum sit obnoxium, inde mirum non est in febribus ejus usum valde metui. Sed graviter hanc sententiam concussit celeberrimus Hassorum Medicus Joh. Jacob Waldschmidtus, qui adversus ipsius Hippocratis judicium lactis tutelam hic suscepit, et cum commodo aegrotorum ipse illud liberalissime propinavit, cujus exemplum hodie celebres medici imitantur, et vilioris conditionis aegros per totum febris inprimis acutae decursum, potu lactis cum duplo aquae diluti sustentant. De lacte ebutyrato et de sero lactis hic dubitari vix potest, ad permeanda vasa, aestum minuendum, et emunctoria aperienda fere nihil esse convenientius. De ipsius vero lactis cremoracea parte, quae aestu facile corrumpitur, quamvis et illa acescentem indolem suam diu retineat, non idem hic largiendum est.

## §. III.

In cephalalgüs pariter veteres vehementer lac dissuasērunt, et nescio quid halituosii in lacte occurrentis, et caput opplentis somniant.



runt Sane si causa cephalalgiae sita in rofione nervorum, qui ventriculi et intestinorum tunicas succingunt, tunc a corrupto lacte id fieri poffe inter dictas caufas, quae illud in tranfitu corrumpunt, haud inficiamur. At vero fi lac per integra prima viscera immutatum et intemeratum tranfit, vires fuas demulcentes, acre temperantes, ftimulos quosvis fopientes capiti aequae quam aliis partibus applicare fine ulla offensa poterit. Id longe plus miror, quod et fiticulofis lac noxium cenfeatur. Praeterea enim quod multi hac fola potionem fitim omnem extinguant, certum inprimis eft, fero lactis hanc vim compescendi fitim fere magis quam ipfi aquae convenire. Originem fine dubio dictae fententiae adverfariis dedit, quod lac craffius et pinguius in corporibus biliofis, in acre nidorofum degenerans, fitim fubinde accendere folet. Verum his ipsis vix quicquam occurrit, quod diluere bilem et ejus ad alcalinam naturam progrefsum, qui fummae fitis caufa eft, remorari melius poffit. Quod igitur de praedominio unius partis in aliquo cafu concedendum eft, id male ftatim ad omnes cafus, ad omnes lactis fpecies refertur. Majori cum veritatis colore in flatulentis hypochondriorum tumoribus quidam pro noxio lac declarant. In his nimirum corporibus fpleneticis, hepaticisque, quorum hypochondria *μπεωρα* feu fufpenfa et elata dicuntur, in faburram et acidum degenerare folent alimenta, fi ad intestina et loca ulterioris distributionis fuae perveniunt. Hic ingreffus vaforum lacteorum pituita tenaci eft obfitus, tonus intestinorum debilitatus. et quae per majorem quietem coacervantur, haud poffunt debita lege permutari et attenuari, adeoque etiam lac vifcida fua et cafeofa parte auget faburram, fibrarum tonum magis labefactat, ftatus gignit, et in hoc ftatu corruptionis fuae nocere omnino poteft. Hic vero iterum de falubritate feri lactis, cujus perenni ufu non femel irradicata melancholia hypochondriaca devicta eft, quaefitio moveri nequit, ab ipfo vero craffiore lacte tam diu omnino abftinendum eft, donec repurgati fint et ab infarctu fuo liberati roboratique primarum viarum terminari. Immo lac ipfum chalybeata virtute impraegnatum poft praecedaneas evacuationes in dictis morbis levamen aegris non exiguum fubinde attulit.

## §. IV.

Alii lac accusant in corporibus quibusvis exinanitis et vacuefactis. His nimirum cum infirmiores sint naturae facultates, lac facilius vitari atque acefcere videtur. Verum quis nescit, non in lac solum sed omne ciborum genus hoc opprobrium redundare, ut nisi provide et parcissima dosi, post ingentes haemorrhagias aliasque evacuationes corpus aegrotum ingrediantur, spontaneam suam mutationem ob vires vehementer attritas sequi soleant. Si eadem cautela in usu lactis rite observatur, ut aegris ejusmodi per intervalla et paulo dilutius suggeratur, non est quod noxam aliquam inde metuamus, siquidem per se nulla fere mutatione sed levi tantum propulsione stimulo eget. Interim rectissime medicus nec frigido ac languenti corpori, nec nimis commoto et calenti biliosoque lac imprudentius suadet, sed nidorem ibi, hic acorem formidans, certas in usu regulas ac cautelas inculcat, maxime ut dilutius praebeatur, et sine societate ciborum, quibus inquinari possit, curam operamque adhibet.

## §. V.

Videamus adhuc querelam illam, quae dentibus et gingivis lac obesse, et has quidem flaccidas reddere, illos corrosioni obnoxios existimat. Haec sane damna ab omnibus sordibus, quae diu dentibus adhaerescunt, cujuscunque ratione ciborum sint originis, pendere possunt, et nihil nisi eorum negligentiam arguunt et sorditiem, quibus in more positum non est, frequentioribus oris collutionibus uti. At jam Galenus, Oribasius, Paulus et Avicenna post lactis esum potumve, vino diluto aut meraco, aut cui mellis aliquid admistum est, colluere os docuerunt, et sic abstergere, quae gingivis aut dentibus tenacia adhaerant. Tutissimum aut Galenus a) praesidium esse, os primum melicrato deinde adstringente vino abluere. Haec vero et similia consilia in omnem quadrare videntur oris spurcitiem, sed hic pedem figimus.

## DISSERTATIO

DE

## MORBO HYPOCHONDRIACO

PVBLCICE PROPOSITA

GOETTINGAE D. 25. MART. 1739.

RESPONDENTE

LEHM. ISAAC. KOHEN.

HAMBVRGENSI.

## CONSPECTVS.

- §. I. Mali hypochondriaci etymon. §. II. Aliarum appellationum minus appositarum origo. §. III. Succincta mali hujus definitio. §. IV. Aliorum, qui ab hac definitione discrepant, conciliatio. §. V. Status sanguinis in hoc morbo tenui parte orbi et hypochondria obsidentis. §. VI. Causae, quae hanc corrupti sanguinis crasim producant. §. VII. Effectus et symptomata morbi ex indole harum causarum explicata. §. VIII. Diagnosif et prognosif. §. IX. Fundamentum sanationis et varia hujus impedimenta. §. X. Prima sanationis conditio in leni solutione lentoris et correctione inhaerentis acrimoniae. §. XI. Conditio secunda in determinatione solutae correctaeque materiae hypochondriacae ad loca convenientia. §. XII. Tertia conditio in roboratione vasorum hypochondriacorum praecedente infarctu debilitatorum. §. XIII. Epicrifs in remedia ab multis autoribus jaetata. §. XIV. Praesidia pauca ex fonte chirurgico petenda. §. XV. Dieteticum vitae regimen hypochondriacis praescribendum.



## §. I.

**A**cturus de *Malo Hypochondriaco*, quamvis non sit cur multum in voce haeream, cum tamen nomina subinde rerum sint symbola, et ad earum pleniorum cognitionem, iudice SCALIGERO, quasi praeparent, paucis hic indicare licebit, appellari morbum nostrum a sede affecta, secundum quam sit morbus costis spuris subiacens. Nam *ὑπὸ χόνδρῃ* est sub cartilagine; istas vero costas maximam partem cartilagineas esse constat, atque inde est, ut veteres, quicquid vitii in prima regione tertii ventris occuparet latera, quae Hypochondria appellabant, hac voce indigitarent, in primis vero Hypochondrium sinistrum, quod lienem complectitur, intelligerent; unde origo Germanicae vocis *die Milz-Beschwerung*.

## §. II.

Palam est, cum morbus noster se per omne fere abdomen, imo ulterius diffundat, arctiorem vocis esse sensum, quam pro rei veritate. Sed quis unquam tam concinnam invenerit appellationem, quae omnes rei determinandae condiciones exhauriat. Id an rectius factum sit nomine olim imposito *affectus Miracialis* ab affecto abdomine *a)*, aut secundum Avicennam *Illisis* h. e. affectus praecordialis, discernant illi, qui barbararum vocum origines acutius inspicere volunt. Certe non nisi levissima morbi momenta attendunt, qui cum *Aetio b)* affectum flatuosum, cum Diocle apud Galenum *c)* *phlogosin* sive calefactionem viscerum, cum Barbetto *matrem scorbuti*, cum aliis morbum Eruditorum vel etiam *passionem Heroicam d)* appellant. Forte convenientior non est vox quam ipsius Hippocratis *e)*, qui morbum resiccativum vocat, cum siccissima sine dubio morbi moles impleat vasa abdominis, et si quid tenuis

D 3 lymphae

*a)* Sennert. L. 3. Fr. M. P. V. S. I. C. I.

*b)* Teirab. 2. Sermon. 2. c. 9.

*c)* Lib. 3. d. loco affect. cap. VII.

*d)* Wedel. in theorem. part. 2. sect. 5. introd. med. ad laesa mech. corp. reliqu. pag. 73. §. 45. Sylv. pr. med. append. tract. 7. §. 189.

*e)* Lib. 2. de morb. germ. Sect. 3. p. 146.

lymphae superest, ad glandulas oris determinet, unde hos aegros idem sputatores nominat. Talem inquam siccitatem iustius in hoc morbo arguimus, quam chymici quidam tartarum hypochondriacum. Verum piget solis appellationum naeniis ulterius inhaerere.

### §. III.

Consistit ipsa indoles mali nostri in sanguinis fluxiliori parte orbati, versus vasa coeliaca et mesenterica *f*), per legem hydraulicam determinati, et in horum ramis per totum fere abdomen dispersis, et extra vim cordis magis positis, aegre circumcuntis restagnatione et infarctu, in quo sensus perpetui ponderis circa illa loca urgentis, identidem anxietates, spasmi, et impeditae illarum partium secretiones functionesque simul observantur.

### §. IV.

Haec quae in compendio dixi, facile conciliabunt multorum in diversa euntium sententias. Fuerunt nempe, qui sedem mali in intestino Colo ponerent *g*) idque ex flatibus perpetuisque obstructionibus, quas comites ille morbus habet, derivarent. Fuerunt, qui solum incusarent ventriculum *h*), quod ructus saepe et vomitus aegros infestaret. Imo fuerunt, qui inter diaphragma et stomachum nidum tot flatulentiarum sibi imaginarentur *i*). Quid illi nisi spasmum indicarunt, quae coniunctim comprehendere debebant? Qui hic tumorem lienis *k*), qui hepatis infarctus, qui glandularum mesen-

*f*) Haec vasa cum ramis venae portae jam Sennertus coarguit M. P. L. III. P. V. S. 1. C. 2.

*g*) Hildan. 5. Observat. 58.

*h*) Highmor. pag. 74. Barbett prax. pag. 140. Hoechstetter. decad. 5. Observ. Ertmull. dissert. Acad. VI. § XII.

*i*) Inter quos fuit Lev. Fischerus, qui edidit peculiarem tract. de loco et foco mali Hypochondriaci.

*k*) Sennert. prax. med. 1. 3. part. 5. Sect. I. Cap. IV. Sylv. in dissert. de liene §. 20.

mesentericarum obstructions accusaverunt, pariter non sunt nisi hoc nomine redarguendi, quod totum mali ambitum arctioribus circumscripserint limitibus. Fortassis rectius indicasse illi videbuntur *l)*, qui totum hoc malum in *mesentericum*, *stomachicum*, *hepaticum*, *splenicum*, *cardiacum*, *hystericum*, *haemorrhoidale* et *melancholicum* diviserunt, sed officit hic turba nominum, cum succinctior idea sit, in solis illis dictorum vasorum, per vasa abdominalia repentium, propaginibus sedem mali investigare.

### §. V.

Praestat omnia seorsim intueri. Sanguinis hic illam naturam coarguimus, quae necessariae circulationi per vasa abdominalia repugnet. Nemo nescit, in sanguine aquam inprimis, salem, oleum, terramque certa connubii lege, quae fluxilitatem sustentet, coivisse, sed aquam reliquarum partium intuitu adeo abundare. ut ejus plus quam decem uncias complexu suo suppedient duodecim sanguinis *m)*. Solam ponamus causam, quae aquosam illam et diluentem partem discutiat et eliminet, difficile non erit intelligere, quomodo reliqua massa, quae in terra ac oleo cum latente sale tenacius mistis consistit, haereat maxime circa hypochondria, ubi lentior motus et vasa laxiora. Atque ille sanguis cum ater et piceus appareat, mirum non est, quod apud veteres atrae bilis suscepit nomen, quam pro causa melancholiae venditabant. Talem sane originem spissioris sanguinis abdominalis facilius sine dubio est concipere, quam cum aliis *n)* acidam saburram, vel corrosivum acidum

*l)* M. Martin. de morb. mesent. pag. 152. Godofrid. Smoll. triadem descripsit Hypochondriacarum, quarum una esset splenetica, altera Mesaraica, tertia phantastica Hamb. 12. 1610.

*m)* Imo possunt levi igne supposito  $\frac{3}{4}$  XI. elici, id quod remanet crassum nigrumque nova destillatione dat salem volatilem, dein oleum, hinc salem viscidiorum & tenax oleum in fundo haerente terra cum aliquo sale marino. Ita prout morbus noster validior est vel languidior, plus accedit ad statum illum nigricantis et viscidioris acrioris sanguinis.

*n)* Sennert, prax. med. lib. 3. part. 5. sect. I. cap. 3. pag. 509.



acidum o), tartarum acidum p), aut pituitosum terrestre adstringens et austerum q) sibi vel fingere, vel obscuris ambiguique sensus adstruere vocibus. Perplacet hic Cel. Boerhaavii triplex, quod describit, huius morbi stadium. Quousque descriptus sanguis legibus consuetae circulationis, quamvis inter varia impedimenta, adhuc obsequitur, nomen dat atrabilarii humoris: Qui adhuc magis spoliatus tenui parte et ad vasa hypochondriaca pro favente eorum firu et conditione delatus, accumulatusque ac stagnans, lienisque, ventriculi, pancreatis, omenti et mesenterii obsidens vasa Morbum hypochondriacum generat, in progressu vero ex fixata magis et compacta materia, nunc acriori et rodente ac corrumpente loca, in quibus continetur, melancholiam parit, quam in his sedibus ortam appellant hypochondriacam. Abstinemus ab inritu postremi mali, quippe omnium atrocissimi et in manias, deliria verasque viscerum abdominalium consumptiones desinentis et peritissimorum quoque medicorum operam plerumque eludentis r).

## §. VI.

Apparebit nunc luculentius, ex quibus causis tenacitatem illam vasa enarrata opplentem suscipiat sanguis. Primum huc referimus exercitia animi et corporis, quae magna nunquam sunt sine iactura liquidioris partis. Ex illa perpetua mentis meditatione consumi spiritus, cruda stagnare in lentis ramis coeliacae ac portae, et aggesta obstruere, nemini potest esse obscurum. Inde robustos etiam, si studiis contumacius se applicare incipiant, brevi, mutato corporis habitu, constat melancholicos fieri, quales fere omnes sapientes esse docuit Aristoteles. Pervigilia horum hominum, et longae lucubrationes, uti subtilissimam partem ad caput ducunt, ita effoetum et crassius in viscera deponunt. Adde affectus quoscunque, siue hilaritatis siue moestitiae, qui spiritus subducunt motuum autores, unde

o) Highmor. pag. 105.

p) Paracelsus.

q) L. Joubert. lib. d. febr. quart. cap. 8. p. 319. Lang. part. II. p. 33.

r) V. Boerhaav. Aphor. §. 1092, 1098, 1108.

unde quiescentis sanguinis & coëuntis saburra inferne inprimis, ubi virium propellentium minus est, accumulatur. Ita et Venus subtilia dissipat, nervosque concurit, & mature libidinofam juventutem siccat & emaciat. Multos occurrere in Veneris castris exercitatissimos, qui crescente paulum ætate tristes & morosi sint, novum plane non est. Uterius huc numeramus, qui longo itinere in aëre sicco & per loca calida & arenosa defunguntur, cum ille externus æstus tenuiora dissipet, unde Asiæ, Africæ & aliarum calidarum regionum incolæ longe magis huic morbo sunt obnoxii. Si denique homines molles ac sedentarii, quorum perpaucos ab hoc malo immunes manere Sydenham scribit, cibos duros crassioresque appetant, ut carnes bubulas fumo duratas, lardum, farinacea non fermentata, fructus immaturos & similia, nemo dubitabit, sanguini exinde ingentem acquiri spissitudinem. Et fortassis illi primum in hoc catalogo nomen merentur, quibus volupe est, quotiescunque valetudinem vacillare metuunt, nunc sudorifero, nunc purgante vel alio remedio evacuante aut stimulaute, quod tenue dissipet, uti. Idem effecit Sylviana hæresis, quæ febre laborantes calidis & sudoriferis, negato etiam potu tractavit, ut adeo hic & morbus et ars conspirarent ad defraudandum tenuiori parte ægrotorum sanguinem.

## §. VII.

Nihil amplius requirimus quam hunc inspissati sanguinis statum, ut symptomata quævis, quibuscum æger conflictatur, commodè interpretemur. Color eorum cutem occupat post pallidum flavumque nigricans, cum deficiat in corpore lymphæ, quæ atriores humorem diluat, & pellucidiores reddat. Ipsum illud tenax et viscidum, quod magnam acrimoniam involuit, distendendo irritandoque vicinas maxime partes, ubi tot nervi eorumque plexus reperiuntur sollicitat in spasmos, nunc cum vomitu, qui sæpe linguam, guttur & fauces observante Highmore exurit, nunc cum ingenti cordis palpitatione et deliquio spirituum ob angustatum pectus, nunc cum copioso mictu tenuissimi feri, quod pathognomonicum in primis huius morbi sævientis signum est, nunc cum ptyalismo, quo exclusum hic serum ad os redundat, ingruentes. Et quoniam post tot novas

*Richteri Opusc. T. I.*

**E**

tenuis

tenuis partis jacturas sanguis parum in se habet *a)*, quod ad loca secretoria & excretoria derivatus ex se dimittat, quid mirum ordinarie nec mictum fere nec sudorem, nec alvum lubricam in his hominibus observari, sed macilentos totos apparere, quod consumptionem lateralis liquidi, lymphæ & pinguedinis declarat. Nam quoniam liquida ista non continuo renovantur, & vasa sibi destinata implent, sequitur inde, ut collabantur exceptis tantum venis & arteriis maioribus. Mœstitiâ et amorem solitudinis ex eadem ratione in hypochondriacis plerisque observamus, & omnes simul ab instinctu quodam soli esse cupiunt, in primo hujus morbi statu esse judicamus. Nam cum lentore illo sanguinis coniunctus est amor vitæ sedatioris & omnis varietatis fastidium. Mobiles quippe esse fluxilesque humores oportet, si agilitas sit animi circa res semper novas occupata. Crescente morbo cum maiori sensu gravitatis maxime post assumpta tumere & inflari hypochondria solent, exarescente reliquo corpore, unde Traianus olim cum splene & hepate fîscum comparavit, quo pleno marceret populus. Ex abdomine ita tumente patet ratio anhelosæ respirationis & ductorum frequenter suspiriorum, cum non possit non pulmonis functio a presso & assurgente diaphragmate cum quodam suffocationis sensu impediri. Id vero quod in toto morbo frequentissimum symptoma est, ructus vomitus & ingestorum corruptio intelligi partim ex dictis potest, partim ex adminiculis digestionis hic fere oppressis. Ex tali enim sanguine quia tum lymphæ gastricæ, tum intestinalis, tum vero inprimis bilis & succi pancreatici parum secerni, et derivari ad intestina potest, inde liquido patet, ingesta spontaneam corruptionem subire ob deficientem illam inquilini humoris, qui maxime subigit & mutat, miscelam, adeoque vegetabilia ingesta plerumque acescere, animalia alcalescere, glutinosa in crassam saburram condensari. In tali vero itatu stipari alvum, oriri ructus, excitari vomitum, bilemque his locis exclusam & in sanguinem revolutam creare icterum,

omni-

- a)* Fit inde, ut hypochondriaci, omni morbo superveniente, qui pro benigna crisi copiosam lympham requirit, vehementer periclitentur. Ita 1732. fab. cl. Janckero. Halæ prodit dissertatio medica de variolarum perniciem in hypochondriacis.



omnibus vel leviter rem cognoscentibus, intellectu facile & expeditum est.

### §. VIII.

Dicta symptomata quousque in sensus incurrunt, diagnosis morbi haud difficulter constituunt, maxime si vestigia antecedentium causarum pariter iam recensitarum, in corpore tali morbofo animadvertimus. Quoties nempe occurrunt ægri vel sedentariæ vitæ & nocturnis lucubrationibus assueti, vel inter vehementes corporis motus in sicco & æstuante aëre, sitim ferre & crassos cibos ingerere soliti, vel perpetuis sudoribus diarrhœis aliisque internorum liquidorum consumptionibus obnoxii, quorum inflari hypochondria & gravativo dolore infestari incipiant inter vomitus flatusque, anorexiam & dyspepsiam, spasmos abdominales, sputa perpetua & limpidioris urinæ, quoties vis morbi increvit, excretiones, haud dubitabimus medicam iis opem tanquam hypochondriacis sine ullo temporis dispendio præstare. Quod si dicta symptomata catervatim ingruant & violenter, suspicari oportet teterrimas melancholias & post incrementa læsæ digestionis & chylificationis vitia majorem indies sanguinis corruptelam & fœcistam abdominalium viscerum labem. Ceterum pertinet ille morbus ad chronicos sive longos, quos teste Platone in Timæo blandissime tractari convenit haud vehementioribus irritari. Verum de his nunc accuratius.

### §. IX.

Postulat morbi indoles, ut viscidum illud et tenax, quod indigatam a nobis sedem occupavit, solum ac mobile justis circuitus impleat per vasa post infarctum debilitata, sed nondum destructa. legem, & vim nocendi irritantis acrimoniæ, quam mora ac stasi acquisivit, iterum deponat. Huc tendenti medico multas obstituant difficultates. Rem enim aggredi purgantibus, ut quorundam mos est, id non solum plus liquidæ partis subducendo augeat infarctum, sed & in loco sensibili & nervoso magnam illam ad spasmos proclivitatem irritando aggravare solet. Quod & de stimulantibus valet

five aromatica sint, five salina, quorum abusus satuos teste Sydenhamo multos reddidit ejusmodi ægros. Cum Pitcarnio quidem & Wodwardo vomitum ante omnia provocandum esse, Allenius *a)* existimat, quasi hæc basis sit curæ, qua fomes morbi subtrahatur. Verum quid a tam vehemente stimulo metui debeat, ex mox dictis apparet, quantumvis non negemus, ea quæ in ejusmodi corporum primis viis corrupta & indigesta fluctuant, cum quodam levamine per vomitum eliminari, quod tamen non est idem ac fomitem mali expugnare. Qui misturas ex salibus volatilibus cum castoreo, vel trochiscos de myrrha, vel fuliginem furni splendentis, vel flores sulphuris cum nuce moschata & theriaca in vino solutos, similiaque cum multis commendant, probe viderint, ne spasmos, scotomias, vertigines, angustias thoracis, tremores cordis imo apoplexiam & alia immedicabilia mala accersant iis, quibus consultum volunt. Non plane spernimus horum omnium usum, sed ut ferre illum corpus possit, aliquanto benignioribus ab initio remediis tenendum est. Videbimus scorsim, quæ vel ex fonte pharinaceutico, vel chirurgico vel diætetico in ægri emolumentum peti possint.

§. X.

Talia sunt eligenda, quæ placide lentorem solvunt. Præstat enim tranquilla potestas, quod nequit violenta. Solvunt omnis generis salia, quæ tamen nisi mitissima eligis, suo stimulo nocent, mitescunt autem si in saponis naturam transeunt, & blandioris olei vinculo tegunt nonnihil aculeos suos. Et quoniam lentum illud, cujus vasa sua opplentis solutionem requirimus, acrimoniæ non est expers, pro hujus determinata indole eligere soluentia oportet. Quod si alcalina acrimonia peccat, quam scôr arguit animæ liquidique cujuscunque excreti, sitis & siccitas oris & multa alia, confirmantque præcedens victus animalis, vehemens motus &c. oppugnare eam soluentium contrariorum dosi exigua sed frequente oportet. Quid præter aquam & mel potiorum hic exserit virtutem, Hippocrati tantopere commendatam & a Dureto aliisque prudentissimis medicis pro exploratissimo remedio agnitam? Vel solo hydromellis longo

*a)* Synops. med. pract. cap. 3. art. 123.

longo usu effectum est, ut fluxus solutæ materiæ sistere nequirat. Ita summum veterum remedium contra splenicis morbos erat paratum cum aceto mel cum squilla incocta. Conducunt eadem ratione fructus horæi, quorum saponaceam vim & leni vi solventem alcalinisque humoribus infestam nemo diffiteri aufit. Vel solis cerasis maturis copiose ingestis, illos qui per annos maniaci erant, sanatos legimus. Addimus hic vegetabilium succos, uti lactucæ, sonchi, taraxaci, scorzonæræ, fumaricæ, endiviæ, similesque in Germanorum medicina minus quam exterorum frequentissimi usus, & mitissima vi humorum alcaliscentium tenaciumque vitia corrigentes. Si vim refrigerantem aut flatum generantem metuis, licebit aliquid aromatum, vini Rhenani similitumque intermiscere, quale certe potionum genus nemo facile fastidiat. Potest miseris vel solum ferum lactis suaderi, cujus usus nescio an in alio morbi genere manifestior esse possit. Quandoquidem enim summam fluxilitatem habet, & ex partibus acidiusculis constat, commode lubricare alvum, lactea penetrare, sanguinem renovare, loca secretoria aperire, & putre illud inprimis ac tenax coagulum dissolvere, & fluxum per infarcta vasa provideo & diuturno usu instaurare potest. Quod si præterea fere per omnes horas cremoris tartari aut tartari vitriolati tantillum sumatur, non solum eum in modum perpetuis digestionum vitiis consulitur, sed & sensim vis illa solvens ad noxia loca cum certo effectum diffunditur. Atque hæc prima est quæ ante oculos versari debet, medici auxilii conditio. Si vero spissum illud, quod in hoc morbo ubivis arguimus, in se complectitur acre acidum, unde nigram subinde fecem, cum terra & similibus effervescentem, & vasa metallica erodentem ejectam esse, post Hippocratem Aërius, Ballonius aliique testati sunt, quamvis sine dubio rarissime fieri soleat & possit, sunt & huic acri prædominanti saponacea sua opponenda, uti sapo venetus, addito sale absinthii vel cardui benedicti, minimis & refrenatis dosibus, sæpiissime in una alterave pilula, cum jusculis carniū ingerendis. At palmam reliquis præcipiunt aquæ minerales, ut Spadanæ & Schwalbacenses, in quibus mars lenissime solutus absorbet acidum, reliqua contenta diluunt, solvunt, abstergunt, viasque secretorias expediunt. In acrimonia muriatica, quid abstinentia a falsis calidisque, usus sub acidorum, lixivium cal-



cis vivæ, & similia possint, abunde constat peritis & his, quibus opus est, armis eos instruit.

## §. XI.

Verum non sufficit, in his remediis, quæ solvere viscidum & latentem in eo acrimoniam pro cognito discrimine suo expugnare docent, subsistere; ad id jam enititur medicus, ut solutam motamque materiam, & ex veterum sententia turgentem caute determinet & ad loca convenientia. Nam si ante coctionem perfectam transit subito impetu in venam cavam & deinde in sanguinem, potest febre exorta intra paucas horas funesta excitare symptomata. Lata ad cerebrum generabit deliria, ad pulmones tabem, ad intestina diarrhæam. Sæpe convulsiones terribiles, ingentes cardialgas, nauseas intolerabiles; deliquia animi & alia mala producit. Haud id facile in leviori gradu morbi nostri metuendum est, at in adultiori, qui in melancholiam degenerare incipit, omnem medici attentionem meretur. Omnis hic ars hunc sibi scopum præfixum habet, ut vim, quæ solvat & expellat, haud quiescere patiatur, deinde, ut caveat, ne celerius mota materia noceat visceri, in quod irruit. Jam alvum incipit solvere, sed ita, ut materiam, quam huc allicit, corrigere simul pergat. Optime hoc fit, si soluta materia calefactis genii est, ut crystallorum tartari uncia una misceatur cydoniorum, ribesiorum, baccarum sambuci similiumque libræ uni, coquanturque in sero lactis, utque ita deinceps æger tali decocto bis per horam in modica quantitate utatur. Sine dubio solvunt hæc alvum & corrigunt simul opposita vi malignum morbi genium. Properandum autem est, ne sistatur materia in illo molimine expulsionis, quod instare cognoscimus ex pulsu debili inæquali, nausea, anxietate & febricula. Atque sic pariter acido prædominante solvimus in jusculis carniū saponem venetum cum sale fixo, & tum omni hora pilulam leniter eccoproticam exhibemus. Ita pariter ad vias ab acrimonia exeuntis materiæ præmuniendas diversæ indolis clysmatibus utimur, & in tota hac methodo, quam diu vires adsunt, persistimus, nec ubi dolores nimis urgent, paucillum opii denegamus. Atque hæc est methodus, evacuantibus post præmissa sol-

ventia

ventia rite utendi. Neque enim Hippocratem, qui eadem solutione præmissa helleborum album propinavit, hic sequi tutius arbitramur. Præstant mitiora, quod nimis multi a vomitoriis & purgantibus convellantur. Hinc opiata etiam purgantibus misceri suavit Gorterius a).

## §. XII.

Tertium quod fieri debet, post solutam materiam & in circum redactam, illud est, ut vasa debilitata & ad novam proinde fovendam statim proclivia justo iterum tono potiantur. Serviunt hic medicamenta chalybeata, remedia volatilia, infusa amara, vina medicata & hujus generis alia, quæ aucto vasorum elatere novi infarctus genesin impediunt. Itaque hic etiam ob lenem adstrictionem & amaritudinem laudare usum corticis peruviani minime dubitamus, quamvis illum in hoc morbo minus certo prodesse laudatus Gorterius b) scribat. Cæterum hic non inepte eodem suadente gummata præscribuntur, quæ solvunt viscida, nervis profunt & corruptioni resistunt c).

## §. XIII.

Ex dictis haud difficulter judicabunt, qui in auctorum lectione sedulo versantur, quorsum pleraque ab eis jactata remedia pertineant. Si theriacam Andromachi & vinum Hispanicum laudarunt multi vel & zingiber conditum & semina carvi, aut cum Sydenhamo crudam ferri limaturam vel aquam ferreis clavibus & calceis equinis imprægnatam, sponte intelligimus, hæc in ultimo morbi stadio locum habere post liberata vasa & prægressas sufficientes evacuationes. Multa quidem ex his in prima etiam acie stare & morbum cum læsa digestionem conjunctum lenire possunt, verum nunquam bona fide, si arx mali haud impugnetur. Ita qui salia volatilia pleosa, spiritus lavendulæ aliosque, oleum succini, castoreata, bezoardica,

a) Vid. ei. compend. med. pract. 17. §. 62.

b) Vid. l. c. tract. 52. §. 23.

c) Vid. l. c. tract. 72. n. 5.

tincturas acriores &c. infinitis ornant elogiis, nisi tempora distinguant, efficiunt necessario, ut in deterius ruat morbus. Illis assentior maxime, qui salia modice stimulantia & aperientia, qualis est sal Tackonii, cum lenissimis saponaceis, toto fere morbi decursu commendant, & in acri ac viscido dignoscendo justam medelæ normam agnoscunt.

#### §. XIV.

Fons chirurgiæ vix quicquam solidi remedii suppeditat. Nihil hic corrigit venæ sectio, cum qua tenuior sanguis effunditur, & remanens eo hæret immobilior. Nolim tamen omnem disuadere, si qua plethoræ vestigia adsint, quod rarissimum est. Ingruentia etiam paulo sæpius symptomata momentaneam interdum opem hanc requirere videntur. Maxime vero hæmorrhoidarii, si ex suppressis hæmorrhoidibus in statum illum morbi incidunt, fluxu per artem chirurgi restituto præclare adiuvantur. Qui punctiōibus, scarificationibus, vesicantibus, ustionibus, calefacta sarragine &c. a) succurrere volunt, vix ponderare videntur in scopo suo ad alia loca determinandi, quam rebelle sit & immorigerum, quod intra vasa reclusum hæret. Adeo enim ad hos stimulos non deserit latebras suas, ut potius tenui parte hinc magis discussa longe quam ante hæreat tenacius.

#### §. XV.

Plus vero præsidii spondet fons diæticus. Quemadmodum diæta omnibus morbis tutissimam opem præstat, ita maxime ea opus est teste Sennerto b) in malo hypochondriaco. Parum abest, quin ea sola in miserimum statum dejectos ægros optime sibi consuluisse firmiter credam. Aër siccus & calidus, uti lympham corporis potentissime dissipat, ita si hypochondriaci in eas regiones se conferunt, ubi humidior aër spirat, non exiguum perferunt levamen. Quod si victum ejusdem generis eligunt, nunquam

siccio-

a) Vid. Allenii synops. med. c. 3. art. 119.

b) Vid. ej. Prax L. 3. P. 5. S. I. C. 7.



siccio rem & longo digestionis molimine egentem, sed humectantem & suaviter refocillantem, præcavebunt egregie progressum morbi. Optime hic erunt cibi levissimi, uti jus recentium carniū cum succo citri, vel cui lactuca, endivia, chondrilla, beta, chærefolium, & quæ ad eandem classem pertinent, incoquantur. Maximè præfero plantas succum lacteum stillantes & magna ex parte culinares. Nec lac improbo aut ejus serum, aut lac ebutyratum & quæ ejusdem sunt progeniei. Omnibus his vis est saponacea, quod jam pariter monui de fructibus horæis, quorum succos vi sua dissolvendi vim superare ipsorum salium volatilium oleosorum haud temere persuadeor. Inter hæc optime se habent hypochondriaci, quando e contrario post victum carniū pisciūque manifeste eorum valetudo in deterius mutatur. Ex piscibus maxime iis nocent, qui squamis sunt destituti, ex carni bus bubulæ, fuillæ, caprillæ, anserum, anatum, cervorum &c. Pessime ipsis farinacea cum pinguedine inprimis subacta consulunt. Potus sive cerevisiarum sive vinorum sive ptisanarum nomine venientes minime sunt ægris negandi, in primis quod præter vires humectandi solvendique ad acorem inclinent, huic morbo ut plurimum oppositum. Crassas vero & lupulatas nimis cerevisias quin & fortiora vina ideo non permittimus, quod breviter duret vis humectans, & stimulo suo plus liquidi excutiat quam advexit. Somnum non nimis prope a. cœna initum indulgemus liberaliter, sique per vigili as fatigantur ægri, etiam arte conciliamus. Neque enim major potestas est quam illa somni, circumactos jugiter humores ad omne secretionum genus præparandi, & nova spirituum copia sensuum motuumque organa implendi. Motus corporis moderatos, quibus substitui in debilioribus frictio possit, pro ingenti habemus remedio, modo non ad nimium gradum lassitudinis vel etiam sudoris continuentur. Quid non hic ab equeitationis auxilio Sydenhamus promittit? Adde quod exercitia illa motusque, quoniam cum certa oblectatione mentis conjuncta sunt, illum solitudinis amorem pulchre semper imminuant. Denique diætâ causas sollicitudinum; timoris aliorumque vehementiorum affectuum removeret. Venerem non nisi illa ex parte, qua animo serenitatem reddit & ægrum ad societatem humanam revocat, indulgere solet, circa excreta vero & retenta, ne morbus invaleseat, vigilem simul impendit operam. Atque de his satis!

CAROLI PHILIPPI I. M. F. GESNERI \*)

DISSERTATIO

DE

DIVINO HIPPOCRATIS

PRÆSIDE

G. G. RICHTERO

PROPOSITA

GOTTINGÆ, D. I JUL. 1739.

SUMMARIA.

§. I. *Ut opera naturæ in universum ad Deum deducant.* §. II. *Ita singulæ hujus universi particulæ hoc agunt,* §. III. *Et nominatim illæ quæ medicæ considerationis sunt.* §. IV. *Hinc probabile, Hippocratem divinam naturam agnovisse, quod ex libris magis probatur,* §. V. *quos Hippocraticos sumimus, cum a nobis accurate definiri non possit, qui inter illos genuini sint.* §. VI. *Ex illis vero τὸ θεῖον tractandum suscepimus,* §. VII. VIII. *Et primum quidem de Deo Hippocratis quædam adhuc disputantur,* §. X. *deinde locus, de quo in primis sermo, laudatur,* §. XI—XIX. *atque de eo sententiæ aliorum allegantur,* §. XX. *Et ad summa capita rediguntur.* §. XXI. *quibus nostra sententia subjungitur,* §. XXII. *quæ nullam fere aliam excludit.* §. XXIII. *Nimirum τὸ θεῖον, (quod etiam sulphur Hippocrati significat,) §. XXIV. in primis notat, quod a Deo est.* §. XXVI. XXVII. XXVIII. *Et hoc docet de morbo sacro*

\*) Noli dissertationem omittere, non quidem a RICHTERO profectam, verum tamen ob argumenti gravitatem memoria doctorum virorum in primis dignam.

*Jacro liber, §. XXIX — XXXII. tum ea quæ de Scytharum affectione a Coo disputantur, §. XXXIII. & locus ex libro de natura muliebri petitus. §. XXXIV. Neque enim morbos magicos, §. XXXV. neque aëris constitutionem hoc posteriori loco intelligendam esse, probabile redditur. §. XXXVI. XXXVII. De morbo Scytharum quædam adjiciantur, §. XXXVIII. & in genere ex tribus illis locis colligitur, Hippocratem omnium morborum causas ad Deos retulisse, ea ratione, §. XXXIX. ut alii etiam auctores multa ad Deos referre solent; Et §. XL. Galenus in primis illa, quæ extra ordinem accidere videbantur, divina vocat. Ita vero etiam divinum Hippocratis libro prænotionum intelligendum videtur, quod §. XLI. Connexionem totius libri, §. XLII. Naturam rei ipsius, §. XLIII. Convenientiam cum reliquis auctoris sententiis docere, ostenditur. §. XLIV. Causæ hujus divini indicari non possunt: quæ omnia magis §. XLV. exemplis illustrantur. §. XLVI. Augetur vero apud nos semper, & decrescit vicissim illud, quod divinum dicimus, §. XLVII. neque ex Hippocrate exempla suppeditare licet. §. XLVIII. Explicatur tamen hoc faciens locus, §. XLIX. & aliorum sententiis, quam potuit brevissime, cum nostrâ comparatis, §. L. finis tractationi imponitur.*

### §. I.

**O**pera a summo rerum auctore condita, divinam sapientiam testari, & evidentissima de illo, qui hæc perfecit, testimonia perhibere, sapientissimorum quorumque hominum & populorum consensu declaratur; ita quidem, ut quo magis a summis viris, cognitionis humanæ termini adhuc prolati sunt, quo magis in abditos naturæ recessus penetrarunt homines, eo vastiorem esse, & ultra imaginationis limites magnam, universi hujus amplitudinem, minutiorem vero structuram, quam ut ulla cogitatione assequi possis, in plantis & animalibus obtinere, partim usque quaque certis experimentis & argumentis, partim probabilibus



etiam rationibus, edoceamur. Qui hæc serio & studiose cogitarit, ille sacro & religioso horrore perfusus membra, nullum de natura divina dubitandi locum relictum sibi animadvertet, cum nihil omnino, ex illis omnibus, quæ ad demonstrandam Numinis præsentiam ab acutissimis Philosophis undique conquistata & inventa sunt, ita ad feriendum hominis bene nati animum faciat, quam hinc magnitudinis hujus immensæ, & illinc minutiei infinitæ attentior consideratio.

## §. II.

Verum hæc ita comparata sunt, & illa intento animo cogitantium mentibus adeo ampla rerum imago occurrit, ut neque initium, nec finem videntes, ipsa tandem cogitandi facultas defatigata destituat: neque etiam opus est, tam vastis & humanam rationem pene superantibus, rerum imaginibus animum implere, cum unaquæque hujus universi partícula, si etiam sola consideretur, tot sapientiæ conditoris sui vestigia monstrat, ut nulla pene res in hoc universo cogitari possit, quæ non id agentem ad divinam cognitionem deducat; a) & sit omnino hæc felicitas illorum, qui his considerandis magnam vitæ suæ partem tribuunt, quod divina vestigia legere & venerari, atque Deum e proximo ex operibus ejus intueri & admirari liceat, qua quidem re nihil nobilius, & nihil magis homine dignum in rebus humanis esse arbitramur.

## §. III.

Et hæc quidem, quæ adhuc protulimus, uti de rebus a Deo conditis in universum vera sunt, ita optimo jure ad illa, quæ maxime in medici considerationem cadunt, transferri possunt.

Tractat

- a) Librorum, quibus collecta undique de his rebus proponuntur, & ex instituto pertractantur, indicem dedit Vir Summus, JO. ALBERTUS FABRICIUS, adjectum ad versionem germanicam *Derhami Astrotheologie*. ab ipso procuratam & præfatione ornatam. Plures etiam indicat *Syllabus Scriptorum, qui veritatem religionis Christianæ asseruerunt*, ab eodem non fatigatæ diligentæ viro Hamburgi 1725, 4. in lucem editus.

Tractat nimirum medicus partem nobilissimam rerum creatarum, hominem dico, quem propter artificiosissimam structuram, compendium hujus universi appellare quibusdam placuit, *b*) & ejus machinationem, actiones omnes, causasque earum, quantum quidem ejus fieri potest, perquirendo, investigandis iis, quæ circumstant hominem, iisque omnibus, quæ in illo fiunt, diligenter observandis, eo pervenire studet, ut & integrum conservare corpus possit, & si quid læsum sit, illud ope eorum, quæ vel ipse convenire expertus est, vel aliorum experimentis utilia deprehensa sunt, prudenti ratione applicatorum, restituere. Hæc proposita medico hujusmodi sunt, ut GALENUS, cum in structura & usu partium explicando versaretur, hymnos conditori suo se facere existimaret, *c*) & ut, quo quis magis in his versatus sit, eo minus excusationem mereatur, si de divina natura dubitatio animum ejus subeat.

#### §. IV.

Hæc cum ita se habeant, non mediocri admiratione dignum videretur, si Hippocrates, quem sapientissimum fuisse, & in exploranda corporum natura sagacissimum, antiqui pariter & hodierni medici, viri industriam & ingenium admirantes, agnoscunt,

F 3

*b*) Ita enim GALENUS post verba, quæ statim laudabimus, animale corpus viris antiquis, in physicis rebus versatis, appellatum dicit. Τὸ ζῶον, μικρόν τινα κόσμον εἶναι φαβὶν ἄνδρες παλαιοί.

*c*) Adscribere visum est notatu dignum GALENI locum; extat ille libro III. de usu partium edit. Basil. 1538. Tom. I. p. 402. Vocat libros suos ἱερὸν λόγον, ὃν ἐγὼ, inquit, τῷ δημοκρησάντος ἡμᾶς ὕμνον ἀληθινὸν συντίθημι, καὶ νομίζω τῷ εἶναι τὴν ὄντως ἐνσέβειαν, εὐχὴ ἐν παντὶ ἐκατόμβας αὐτῇ παμπόλλας καταδύσασθαι, καὶ τὰ ἄλλα μυρία μῦρα θυμιάσασθαι, καὶ κασίας ἄλλ' ἐν γνοίην μὲν αὐτὸς πρῶτος, ἔπειτα καὶ τοῖς ἄλλοις ἐξηγησαίμην, οἷος μὲν ἐστὶ τὴν σοφίαν, οἷος δὲ τὴν δύναμιν, ὁ πῶτος δὲ τὴν χρηστότητα. - - - καὶ γὰρ σοφίαν, καὶ δύναμιν, καὶ πρόνοιαν εὐρήσεις ἐν ταῦτα. Plura deinde de conditore ex operibus cognoscendo pulcherrime disputat, quæ vero hic referre longum foret.

scunt, illam sapientiam, qua hæc omnia gubernantur, in dubium vocasset. Verum, ut ab omni superstitione alienum fuisse bonum & candidissimum senem, ex illis quæ hoc ipso scripto proferuntur patebit *d*), ita, si SORANO in vita ejus describenda fides habenda est *e*), patriam religionem professum esse constat, qui nimirum ab Atheniensibus Eleusiniis sacris initiatus sit *f*). Et sunt loca manifesta in ipsis scriptis Hippocratis, quibus scientiam de Diis animo medici implexam esse; in morbis, & quæ morbis accedunt incommodis curandis, medicinam reverentiam erga Deos parere; medicos diis concedere *g*); Deos naturam exornasse; a diis constituta

*d*) Allata sunt §. in primis 28, 32, 33 &c.

*e*) Quam DAN. CLERICUS *Hist. Med. III*, 31. in dubio relinquere videtur, JO. HENR. SCHULZIUS vero, quem honoris & reverentiæ causâ nominamus, *Hist. Med. I*, 3, I, II. plane elevare.

*f*) Verba hæc sunt, Λαμπρῶν ἔτυχε τιμῶν παρὰ καίσις - - καὶ Ἀθηναίοις, οἵτινες καὶ δεύτερον αὐτὸν ἀφ' Ἡρακλέους δημοσίᾳ τοῖς ἑλευσινίοις ἐμύνησαν, καὶ πολίτην ἔγραψαν, καὶ τὴν ἐν πορφυραίνῳ σίτησιν ἔδοσαν εἰς ἐκγόνους. Leguntur in vita Hippocratis secundum Soranum II, 13 sqq. editionis Lindenianæ, quam in posterum etiam semper laudabimus.

*g*) Desumpta sunt hæc ex libro περὶ ἐυχρισμῶν 6, 2. sq. ἢ περὶ θεῶν ἔιδους ἐν νόῳ αὐτῇ. (Ita LINDENIUS & alii, FOESIUS αὐτῇ reponendum arbitratur; verum nihil impedit, quo minus accentu mutato ad ἔιδωσιν quis referat, vel ut monuit de hoc loco amicissimus MATTHIÆ, ad ἱππικὴν, quod præcesserat, respectum a Coe esse dicat. Sensus certe manet pene idem, quodcunque recipere placeat.) ἐμπλέκεται ἐν γὰρ τοῖσιν ἄλλοις πάθεσι, καὶ ἐν συμπτώμασιν, εὕρεται τὰ πολλὰ πρὸς θεῶν ἐντίμως κειμένη ἡ ἱππική. οἱ δὲ ἱπποὶ θεοῖσι παρακεχωρήκατιν. εἰ γὰρ ἐνι περιστὸν ἐν αὐτῇ τὸ δύνασθαι. Et hanc esse veram Hippocratis sententiam, ex tota hac descriptione apparebit. Jam locum parallelum ex ARETÆO CAPPADOCE, exempli loco, asicre placet. Exstat ille *de causis & signis morborum diuturnorum* II, 1. edit. Boerhaaviana p. 48. Dixit ab Hydrope paucos liberari ἐπ' εὐτυχίης, καὶ θεῶν μᾶλλον, ἢ τέχνης. τὰ γὰρ μέζονα πάντα ἰῶνται μᾶνοι θεοί. Ita *ibid.* I, 5, p. 125. ὑγίειας μὲν ὧν ἀπαντας ποιεῖν ἀδύνατον τὰς νοσέοντας. ἢ γὰρ ἀν' ἱππὸς κρέσσων θεῶν.



stituta semper recte habere *b*); Deos invocandos esse, & curationem cum precibus suscipiendam *i*), ita dilucide proficitur, ut religionem & Deorum reverentiam in animo Hippocratis firmam sedem habuisse, ex illis confici posse arbitremur.

## §. V.

Hippocratis hæc esse diximus. Neque enim id nobis sumimus, ut quosdam ex illis libris, qui Hippocrati inscribi solent, spurios & auctore suo indignos pronunciemus *k*), quia diverso genere scribendi compositi videantur, vel quod pugnare quædam, minus nobis forte intellecta, arbitremur; quin potius, auctoritate antiquæ inscriptionis se tueri illos posse arbitantes, neque argumenta, quibus non esse ab Hippocrate scriptos, ab HIERONYMO MERCURIALI aliisque affirmari possit, satis perspicientes, in partem illam, quæ tutior est, peccare malumus, etiamsi summorum virorum auctoritatem, qui contrariam sententiam tuentur, veneremur, & nobis sufficiat, Hippocratica certe dogmata, quocunque demum auctore, proposuisse. *l*)

## §. VI.

*h*) Libro I. de diæta 12, 14. sqq. Νόμον μὲν ἔδεσαν ἄνθρωποι αὐτοὶ ἐαυτοῖσιν, & γινώσκοντες περὶ ὧν ἔδεσαν. Φύσιν δὲ πάντες θεοὶ διεκόμυσαν. — — — ὅποσα δὲ θεοὶ ἔδεσαν, αὐτὸς ὁρῶς ἔχει.

*i*) Totus liber de insomniis plenus est exhortationibus ad preces, ita ut semper preces remediis naturalibus conjungi præcipiat. Inprimis statim ab initio libri, de illorum imperitia conqueritur, qui certam artem habentes, qua somnia dijudicanda suscipiunt, de neutris recte sentiunt, neque docent, quomodo mala in somniis præmonstrata cauere oporteat, verum solum preces commendent. Et his subjicit, τὸ μὲν εὐχεσθαι πρέπον, καὶ λῆν ἐστὶ ἀγαθὸν διὸ καὶ αὐτὸν ξυλλαμβάνοντα τὴς θεῶς ἐπιναλέεσθαι.

*k*) Neque tamen hic comprehensa volumus illa scripta, quæ operibus Hippocratis subjici solent, epistolas nimirum, orationem ad aram, decretum Atheniense, & Thessali filii declamationem, quorum sublestant fidem pluribus demonstravit DANIEL CLERICUS *Hist. Med.* III, 31.

*l*) Nihil enim videmus, quod impediatur, quo minus pleraque illorum sint certe Hippocratica, cum & ea, quæ proferuntur, Philosophiam, quæ magni viri ætate maxime florebat, plane referant, & videatur idem vir,

## §. VI.

Hac cautione præmissa, scripta, quæ Hippocrati vulgo tribuuntur omnia, & ipsi Hippocratica appellabimus, neque quicquam de eo, utrum genuini an spurii sint, nunc quidem solliciti, hoc solum agemus, ut argumentum, quod tractandum suscepimus, quantum quidem pro tenuitate virium nostrarum fieri poterit, inde illustremus. Disputabimus autem τὸ Θεῖον Hippocraticum, de quo cum & commentatores Coi tam varias opiniones protulerint, & summi etiam viri dixerint sententiam, vereor ne juvenili temeritate audaces videamur, qui post tantos viros de eo argumento scribere susceperimus. Tacere igitur expedivisset, nisi florentissimæ Academiæ instituta aliquid exhiberi poposcissent, & perfecta scripta Hippocratis, quæ certe nunquam legisse pœnitēbit, animum addidissent posse aliquid a nobis afferri, unde cognoscere possint ingeniorum arbitri, an recte in illis legendis versati simus.

## §. VII.

De divino igitur Hippocratis acturis, dicendum omnino pluribus erat, quid Hippocrates de divina natura senserit. Sed magnorum virorum auctoritates, & agitatae lites *m*), suspensum &

in observationibus conscribendis, & morbis curandis castissimus, atque nihil illis hypothesum admiscens, in aliis libris theorias, quin conjecturas suas etiam proponere posse. Videmus in ipsis *Aphorismis*, opere si quod aliud genuino, quædam non observatione deprehensa, verum inventa solo ingenii acumine contineri. Exemplo sit *sectionis V. thetis* 63. Hic rationem redditurus, cur mares infœcundi fiant, scribit, ἡ δὲ ἀραιότητα τῆς σώματος τὸ πνεῦμα ἔξω φέρεται, πρὸς τὸ μὴ παραπέμπειν τὸ σπέρμα· ἢ διὰ τὴν πυκνότητα, τὸ ὑγρὸν ἔξω διαχωρεῖται· ἢ διὰ τὴν ψυχρότητα ἐκ ἐκπυρίᾳται, ὥστε ἀθροίζεσθαι πρὸς τὸν τόπον τῆτον. ἢ διὰ τὴν θερμασίην τὸ αὐτὸ τῆτο γίνεται, quæ omnia experimentis niti, vel inde desumpta esse, nemo facile tuebatur, cum in illis manifeste doctrinam, quæ libro *de natura pueri* continetur, deprehendere liceat.

*m*) Catalogum eorum, qui de Theologia Hippocratis scripserunt, & partim disceperunt, dedit ὁ πᾶν FABRICIUS *Biblioth. Græc. Vol. 13.*

& fluctuantem reddiderunt animum, cuiam potissimum sententiae accedendum sit. Hoc tamen, servata illa reverentia, quae maximis nominibus debetur, dicere liceat, ex locorum ipsius Hippocratis comparatione, & consideratione argumentorum, quae magnus vir FABRICIUS collegit *n*) magis illorum sententiam placere, qui ab Hippocrate agnitum esse Deum, gubernantem omnia, omnia in corpore humano etiam dirigentem, posuerunt.

## §. VIII.

Inter argumenta vero, quibus maxime ad hanc sententiam ducimur, non omnino omittenda videntur, quae jam §. IV. allata sunt, quibus Deum, quemcunque demum, positum ab Hippocrate, vero simile factum est. Neque vero ille locus, qui contrariam sententiam tuentibus maxime favere videtur, quo nimirum Hippocrates calido suo, immortalitatem tribuit, illud intelligere omnia, omnia videre & audire, quin praesentia pariter atque futura scire dicit *o*), ita certo demonstrat, ignem vel aethera  
ab

p. 191. cui Jo. STEPHANI BELLUNENSIS librum, de eo argumento scriptum, & notis eruditissimis a se illustratum, adjecit. Notis est, inter viros Celeberrimos NIC. HIER. GUNDLINGIUM & DANIEL. WILH. TRILLERUM agitata. CAROL. DRELINCURTII, & Jo. ANDREAE SCHMIDII Dissertationes, religionem Hippocratis laudant, ita ut ille Coi essata, cum scripturae sacrae sanctissimis praeceptis conferre non dubitarit. Vir summe reverendus Jo. LAURENTIUS MOSHEMIUS, in annotationibus, adjectis ad *Rad. Cudworthi* Systema intellectuale, a se ex Anglico latine redditum, pag. libri 104, rem ita in dubio relinquit, ut certe ab Atheismi turpissimo crimine, patrem medicinae absolvere videatur, a qua stultitia summus FABRICIUS, de genere humano optime promeritum & sapientissimum virum, in notis ad *Jo. Stephanum Bellunensem* plane liberum pronunciat.

*n*) In annotationibus ad *Jo. Steph. Bellunensis* librum modo laudatum.

*o*) Locus ille memorabilis, de quo tot lites, exstat libro *περί ἀρχῶν ἡ σαρκῶν* I, 14. sq. quem totum adscribere non pigebit. Δοκέει δέ μοι, ὃ καλέομεν θερμὸν, ἀθάνατον εἶναι, καὶ νοεῖν πάντα, καὶ ὁρᾶν, καὶ αἰεῖν, καὶ εἰδέναι πάντα, καὶ τὰ ὄντα καὶ τὰ ἐσόμενα. Τὸτο ἔν τὸ πλείστον, ὅτε ἐταράχθη, πάντα ἐξεχώρησεν ἐς τὴν ἀνωτάτω

*Richter*i Opusc. T. I.

G



ab Hippocrate Deum putari, (etiamsi, uno solum obtutu, & extra connexionem cum reliquis spectatus, forte in eam opinionem inducere aliquem possit; ) ut non plura adhuc sint, quæ pro venerabili illo sene afferri possunt. Inter quæ primum esse hoc videtur, quod cum de rebus sublimibus se non dicturum prædixisset p), ignem q), reliquorum motorem, inter principia, ut omnia alia, ita hominem constituentia recenset; eundem vero ignem postea, tum ipso illo libro de principiis, tum primo de diæta, certis legibus adstringit, & per necessitatem a Deo positam omnia fieri, disertis verbis declarat r). Neque absurde dicere videre-

περιφορὴν καὶ ὀνομῆναι μοι αὐτὸ δοκέουσιν οἱ παλαιοὶ αἰθέρα· ἡ δευτέρα μοῖρα ἡ κάτωθεν αὐτῇ καλεῖται μὲν γῆ, ψυχρόν καὶ ξηρόν, καὶ παλὺ κινῆν. καὶ ἐν τετάρτῳ ἐνῇ δὴ παλὺ τῷ θερμῷ· ἡ δὲ τρίτη μοῖρα, ἡ καὶ τῷ ἥερος, μέσον χωρίον εἴληφε, θερμόν τι καὶ ὑγρόν ἐόν· ἡ δὲ τετάρτη, ἡ τῷ ἐγλυτάτῳ πρὸς τῇ γῇ, ὑγεστάτόν τε, καὶ παχύτατον. Apparet, Hippocratem quatuor elementa ex communi sententia hic ponere, cum tria ultima in libris de diæta uno nomine aquæ complectatur, & duo solum ponat, ignem nimirum & aquam.

p) Περὶ τῶν μετεώρων εἰδὲ δεομαι λέγειν, ἥν μὴ τοσῶτον ἐς ἀνθρώπον ἀποδείξω, καὶ τὰ ἄλλα ζῶα, ὅκόσα ἐφυ καὶ ἐγένετο, καὶ ὅ, τι ψυχὴ ἐστίν, καὶ ὅ, τι ὑγιαίνειν, καὶ ὅ, τι τὸ κάμνειν, καὶ ὅ, τι τὸ ἐν ἀνθρώπῳ κακὸν καὶ ἀγαθόν, καὶ ὅθεν ἀποθνήσκει. Legere est locum hunc paulo ante illum, quem modo laudavimus, libro eodem I, 5. seqq.

q) Ignem vocamus, id quod Hippocrates θερμόν, quia illud idem esse, quod τὸ πῦρ vocat libro I. de diæta, arbitramur, certe utrisque eosdem effectus videtur tribuere. De cetero, calidum inter principia rerum ab Hippocrate recenseri, non alia probatione, quam inspectione loci ipsius, qui paulo ante laudatus est, indiget.

r) In libro de principiis loci plures suppetunt, quibus ostendi potest igni certas leges præscribi. Ex grat. II, 2. ἀποκλείσθῃ τῷ θερμῷ πάλυ ἐν τῇ γῇ ἄλλοθι -- καὶ τῷ χρόνῳ ὑπὸ τῷ θερμῷ ξηραίνουμένης τῆς γῆς, ταῦτα καταληφθέντα περὶ αὐτὰ σιηπεδόνας ποιείει &c. Ita libro I. de Diæta X, 14. Τὸ πῦρ ἐκ τοῦ συμμιγέντος κινκμένης τῷ ὑγρῷ, διακοσμήεται τὸ σῶμα κατὰ φύσιν, διὰ τοιούτῃ ἀνάγκῃ. Hanc ipsam vero necessitatem eodem libro VI, 24. divinam vocat. αὐτοῖσι πάντα γίνεται δι' ἀνάγκην θεῖν, καὶ ἃ βέλονται, καὶ μὴ βέλονται.

videretur, si quis sententiam Hippocratis fuisse dicat, calidum illud immortale <sup>s)</sup> animum ipsum fieri, vel certe organum in homine evadere, per quod omnes sensus, cogitationes, conjecturæ peragantur, quæ nimirum pene omnia spiritibus suis tribuunt, qui ingeniosissimam illam & pluribus rationibus stabilitam, de spiritibus animalibus hypothesein amplectuntur.

## §. IX.

Supersunt illi loci, qui de natura, ejusque effectibus & potentia in corpore humano, magnifice sensisse Hippocratem ostendunt <sup>t)</sup>, & occasionem dedere, ut bonus ille senex, qui forte

G 2

com-

- <sup>s)</sup> Neque enim poterat calidum illud mortale dici, a viro, qui ex sua, & communi gentilibus illius ævi philosophia, illam naturam, qua cælum, astra, & animæ ipsæ constant, immortalem & immutabilem arbitrabatur. Neque magis mirum videtur, Hippocratem igni suo, nobilissimæ jam substantiæ in homine, ex ejus hypothesi, sensus tribuere, quos sapientissimi quique ex antiquitate, aliis rebus, minus nobilibus, tribuere comfueverant, verb. gr. HOMER. *Iliad.* V, 275.

Ζεῦ πάτερ, Ἰδιδεν μεδῶν, κύδιζε, μέγιστε,  
 Ἡελιὸς δ', ὅς πάντ', ἐφοῶς, καὶ πάντ' ἐπακχείς  
 Καὶ ποταμοὶ, καὶ γαῖα - -

& SOPHOCLES apud Gellium 12, 11. ὁ πάνθ' ὄρων, καὶ πάντ' ἀνέων,  
 πάντ' ἀναπτύσσει χρόνῳ.

- <sup>t)</sup> Paucos ex illis adscribere placet. Requirit HIPPOCRATES *Lege* II, 9. in medico aptam naturam, φύσις γὰρ ἀντιπαρᾶσχης, κενεὰ πάντα, φύσις δὲ εἰς τὸ ἄριστον ὁδηγέσσης, διδασκαλὴ τέχνης γίνεται. In præceptionibus II, 1. sqq. Ἵποληπτόν ἐστι, τὴν φύσιν ὑπὸ τῶν πολλῶν καὶ παντοίων πρηγμαμάτων κινηθῆναι τε καὶ διδασθῆναι, βίης ὁ πάσης· ἡ δὲ διάνοια, παρ' αὐτῆς λαβῆσα, ὑπερὸν εἰς ἀλήθειαν ἦγαγεν. Ex iis quæ præcefferunt apparet, sensum hunc esse, *Naturam*, i. e. structuram corporis atque sensus, a multis rebus non sine violentia sæpe moveri & doceri, mentem vero illa accepta, postea ad veritatem producere. *Libro I. de Diet.* XIV, 1. sqq. Ἰντροικὴ τὸ λυπέον ἀπαλλάσσει, καὶ ὅφ' ἔποιέει ἀφαιρέστα, ὕγεια ποιεῖ. ἡ φύσις, αὐτομάτη ταυτὰ σπίζεται· καθήμενον πονέει ἀναστῆναι, κινεύμενος

voce naturæ plerisque locis, nihil quam causarum efficientium *u)* complexum intellectum voluit, & naturam a Deo ornatam esse professus est *x)*, non agnovisse Deum putaretur. Et hæc quidem eo lubentius hic præmittimus, quod tota hac scriptione, manifesta religionis Hippocraticæ vestigia apparitura speremus *y)*, quibus adhuc prolata magis magisque confirmentur.

### §. X.

His præmissis, proponendæ sunt sententiæ eorum auctorum, qui ante nos de *Δείψ* Hippocratico scripserunt. Ante omnia vero locum,

πονέει ἀναπάντα, καὶ ἄλλα τοιαῦτα ἔχει ἡ φύσις ἰντρικῆς. Eadem plane ratione Epidemiorum libro VI. sect. V, 1. sq. dicuntur νοῦσων φύσις ἰντροί. Ἀνευρίσκει ἡ φύσις αὐτῇ ἐωυτῇ τὰς ἐφοδες, ἐκ ἐκ διανοίης, τὰ μὲν οἷον τὸ σκαρδαμύσσειν, τὰ δὲ καὶ ἡ γλώσσα ὑπεργίει, καὶ ὅσα ἄλλα τοιαῦτα, ἀπαίδευτος ἡ φύσις ἔσσει, καὶ ἔμαθῃσα τὰ δὲ οὐκ οἶσιν. Δάκρυα, ρινῶν ὑγρότης, πνεύματος ἔιστος, ἔξοδος, χάσμα. Ita de alimento IV. 1. Φύσις dicitur ἐξαρκέει πάντα πᾶσιν. & VIII, 8. Φύσις πάντων ἀδίδακτοι.

*u)* Sæpe, quin plerumque incognitarum, quæ ipsæ nascuntur, & efficiunt aliquid per ordinem rerum omnium, primum constitutum; neque ex voluntate humana pendent, sed maximam partem ex effectibus demum cognoscuntur. Intelligentiam naturæ Hippocraticæ tribuit III. HALLERUS in not. ad HERM. BOERHAAV. præleçt. in Instit. Med. Vol. I. §. 107, not. 4, cujus auctoritatem in dubium vocare non licet. In genere nobis videtur vox natura asyllum fuisse, & esse sæpe etiam hodie adhuc, illorum, qui causas rerum reddere, vel non poterant, vel non volebant. De cetero variæ illi significationes semper tributæ sunt, e quibus quædam apud GORRÆUM & FOESIUM sub titulo φύσις collectæ habentur. Ο Χαρίαςτος WERLHOFFIUS, magnus domus nostræ ἐνεργέτης & Patronus, quod læti vidimus, nobiscum fere facit. & arbitratur, naturam esse aliquam vim naturalem, quæ præter artis potentiam ordinate in humano corpore operetur, & in sanitatem conservandam, vel restituendam, congruentibus motibus tendat. Vid. viri Cl. cautiones medic. de limitandis laud. & vitup. medel. Hamm. 1734. p. 3. ubi plures aliæ, de significatione vocis naturæ sententiæ leguntur.

*x)* v. §. 4. not. e.

*y)* ex gr. §. 24, 28. &c.



locum, in quo explicando potissimum versati sunt, integrum adscribemus. Extat ille libro, quis alius est, genuino Prænotionum 2); verba hæc sunt. Γνόντα δὲν χρὴ τῶν παθῶν τῶν τοιοῦτων τὰς φύσεις, ὑπόσπον ὑπὲρ τὴν δύναμιν εἰσὶ τῶν σωμάτων ἅμα δὲ, καὶ εἰ τι θεῖον ἔνεστι ἐν τοῖσι νόμοις, καὶ τούτου τὴν πρόνοιαν ἐκμανθάνειν, οὕτω γὰρ θαυμάζοντό τε δικαίως, καὶ ἡτρὸς ἀγαθὸς ἀν' ἐμ. Est enim hic ille nodus, in quo solvendo omnes interpretes Cui elaborarunt. Nos jam illos, qui ad manus fuere, laudabimus.

## §. XI.

CL. GALENUS, inter illos, & antiquitate, & eruditione sua, primum locum meretur. Hic in Commentariis suis, ad Hippocratis prænotiones a), locum qui §. superiori adscriptus est, explicaturus, divinum Hippocratis esse aëris nos ambientis constitutionem b), persuadere lectoribus suis conatur. Refutaverat vero antea illorum opiniones, qui propter Deorum iram hominibus accidentes morbos, qui epilepsiam, qui morbos ab amore ortos, qui ipsorum denique criticorum dierum genus, ab Hippocrate θεῖον appellatum arbitrabantur; his in primis usus argumentis, quod Hippocrates in scriptis suis, nullius morbi causam in Deum transferat, verum fideratorum etiam, & morbo sacro laborantium affectiones, secundum naturam fieri dicat; & quod absurdum sit, scriptorem quemcunque commendare cognitionem rei, quam ipse non tradiderit. Atque propter hoc melius facturos fuisse interpretes dicit, si loco ejus quod falsam Hippocrati sententiam imputarunt, quæsiuissent, cur Hippocrates de divino illo, in quod inquirere vult medicos, ipse nihil tradiderit. Deinde &

G 3

Epile-

2) I, 14. sqq.

a) Ad manus fuit GALENI editio, Basil. 1538. typis excusa. Locus de quo sermo est extat Tom. IV, p. 120.

b) τὸ περὶ χοντῶ ἡμᾶς αἶρος κατάστασιν. Neque tamen definiuit GALENUS, quam aëris constitutionem intelligat, sed si conjecturæ locus est, unamquamque κατάστασιν huc retulit, modo illa ad morbos generandos aliquid conferat, certe ex illis locis, qui ex ipso Hippocrate laudantur, aliud quid intelligere non licet.

Epidemiorum libros c), & locum ex Aphorismis laudat d), quibus prognosis eorum, quæ mutationes anni, tempestatum, siderum in corpore humano efficiant, traditur & commendatur medico. Inprimis vero hoc urget, in fine libri prænotionum, solícite ad Epidemios morbos, & temporis atque tempestatum constitutionem, medicos attendere jubere Hippocratem. Hæc nimirum in genere solum dicta esse arbitratur, ex amplis Epidemiorum commentariis, quos hic statim subjunctos esse vult, fufius petenda.

## §. XII.

Hanc sententiam GALENI, vir de bonis literis in universum optime meritus, JO. ALB. FABRICIUS e) tuitus est, & novis argumentis corroboravit, inter quæ non omittendum videtur, ab Hippocrate aërem maximum, in omnibus quæ corpori accidunt affectionibus, dominum dici f), quin solem, frigus, ventos expressis

c) Toti Epidemiorum libri pleni sunt locis, ex quibus apparet, Hippocratem omnino ad aëris, tempestatum, & anni temporum mutationes attendisse. In primis vero notatu dignum videtur, lib. I, sect. 3, initium, ubi morbos ex communi aliis, & unicuique propria natura cognosci dicit, & inter alia subiicit, ἐκ τῆς καταστάσεως ὅλης, καὶ κατὰ μέρη τῶν ὀργανίων καὶ χώρης ἐκάστης, morborum diagnosin formandam; Et popularium lib. III, sect. 3, text. 157, præcipit oportere κατὰ μανθάνειν ἀκριβῶς τὴν κατάστασιν τῶν ὥρων ἐκάστην, καὶ τὸ νέσημα.

d) Sectio tertia Aphorismorum pene tota in eo versatur, ut ea, quæ in corpore humano temporum & tempestatum varietate efficiuntur, diligenti observatione collecta, & ad certas leges redacta, proponantur. GALENUS, quædam ex aphor. XI. desumpta protulit, ex gr. ἦν μὲν ὁ χειμὼν αὐχμηρὸς καὶ βόρειος γένηται, τὸ δὲ ἔαρ ἑπωμβρον καὶ νότιον, ἀνάγκη τὲ θέρους πυρετὲς ὀξείας, καὶ ὀφθαλμίας, καὶ δυσεντερίας γίνεσθαι, μάστις δὲ τῇσι γυναίξιν, καὶ ἀνδρῶν τοῖσι ὑγροῖσι τὰς φύσεις, atque has, & his fimiles observationes, ad prognosin in morbis formandam facere, adeoque in his quærendum divinum Hippocraticum, arbitratur.

e) In laudatissimis notis ad JO. STEPHANUM BELLUNENSEM.

f) Libro de flatibus IV, 9. de spiritu sermo est, qui si intra corpus continetur, flatus vocetur; si extra, aër. ἔτι δὲ μέγιστός ἐστιν, ἐν ἀπατι

expressis verbis divina vocari g). Hæc ipsa vero doctissimorum virorum GALENI & FABRICII argumenta non usque quaque firma esse, neque omni exceptione majora, vel ex eo patet, quia post GALENUM multi hunc locum aliter interpretari ausi sunt: quin id ipsum, quod in primis urget magnus vir, nullum morbum Deo peculiariter adscriptum; non minus atque illud, tradi debuisse, & traditas esse morborum divinorum prognoses, argumentum videtur, a sene Coo non solam æris diathesin, divinam in morbis habitam. Verum hæc quidem postea pluribus disceptanda erunt.

### §. XIII.

Io. FERNELIUS b) Hippocratem voce τὸ θεῖον, totius substantiæ morbos, & illos quidem vel solos, vel aliis morbis implici-

τῶν συμπτωμάτων δυνάμεις: Et VI, 1. Τοῖσι θνητοῖσι ἕτος αἴτιος τοῦτε βίη, καὶ τῶν νέσων, τοῖσι νοσέεσι. & antea jam dixerat IV, 3. ἐστὶ δὲ μία τῶν νέσων ἀπασέων καὶ ἰδία, καὶ αἰτιὴ ἡ αὐτή. Porro VI, 8. Morbi omnes inde oriri dicuntur, si æris ἢ πλεόν, ἢ ἔλασσον, ἢ καὶ ἀθροώτερον, καὶ μεμιασμένον νεστροῖσι μιάσμασιν, ἐς τὸ σῶμα εἰσέλθῃ. Posteriores duos locos, etiam si a FABRICIO non laudantur, adscripsi tamen, quia ad GALENI sententiam omnino pertinere videbantur.

g) Extat locus libro de morbo sacro XVII, 20. quem verò postea ad §. 27. n. g. laudare commodius fuerit, ubi totum illud argumentum exponitur. Huc etiam facere arbitratur FABRICIUS ea quæ Hippocrates, libro IV. de morbis XXVI, 1. τὰ ἐκ τοῦ ἁερὸς vocat, quo nomine primo adspectu æthera intelligi putaret, si quis theoriam libri de principiis & carnibus huc transferre velit, cum tamen ex toto libro, & inprimis ex subsequentibus manifestum sit, de caloris & frigoris mutationibus, sermonem esse. Nimirum febris, ut hoc utar, originem XVII, 6. arbitratur Hippocrates, si aër calidior. quam oportebat, æstate in primis, intra corpus trahatur, ventriculo adhuc antiquis cibis pleno, & novis onerato, atque inde venis repletis, calore & dolore corpori oborto.

h) Exposuit illam, magnus vir, libro de abditis rerum causis, Francof. 1575. typis expresso p. 193. sqq. quo libro toto, illa in primis expedienda sibi sumsit, quæ ab antiquis medicis divini nomine designata arbitrabatur.



plicitos, complexum esse putat. Totius vero substantiæ morbos, vel simplici corruptione, vel putredine constare arbitratur, quæ ipsa sæpe ex manifesta, sæpe etiam ex occulta causa originem habeant. Et inter has occultas causas refert etiam aëris constitutionem, non generalem illam, quam a GALENO indicari superius dictum est, verum morbidam aliquam excretionem *i*), in aëre hærentem, toti nostræ substantiæ infensam, quæ nulla cogitatione nullo sensu cognosci possit. Hanc esse divinum Hippocratis arbitratur, & hanc etiam GALENI sententiam fuisse ponit, atque adeo, cum totam morborum totius substantiæ classem, rum causam illorum specialem in aere hærentem, ab Hippocrate divinas appellatas existimat. Et habet consentientem Io. GORRAEUM *k*), qui & ipse latentius aliquid, cognituque difficilius ab Hippocrate intelligi putat, proprietate totius substantiæ nobis infensum, in aëris & alimentorum natura hærens, morbisque epidemicis generandis aptum: nimirum quod a Deo vel a cælo ad nos veniat, Dei instar magnum & admirabile sit, & a causa oriatur, nullo sensu assequenda.

#### §. XIV.

Aliter aliquantum sentit HIERONVMUS MERCURIALIS *l*), & illud, quod divinum vocat Hippocrates, in aëre quidem quærendum esse cum GALENO arbitratur, sed a cælo oriri credit, quod in aërem ipsum qualitates benignas aut noxias imprimere existimat, eadem plane ratione, ac ceteris corporibus terrenis reconditas qualitates largiatur. Hanc igitur constitutionem, & qualitatem aëris occultam, ab Hippocrate divini nomine appellatam

*i*) Νοσθην ἀποόρπισον, quam in aëre hære, & morborum epidemiorum causam esse, affirmat Hippocrates libro *de natura humana* XIX, 3. & propter hoc aërem, vel paucissimum admittere, vel plane mutare jubet.

*k*) In *definitionibus medicis Francof.* 1678. editis, voce Θεῖον. FRANC. VALLERIOLE eandem fuisse sententiam, ex JORDANO, de quo vid. §. 15. didicimus.

*l*) In *prælectionibus de Pestilentia habitis, Patavii an. 1577*, quæ extant in *Opusculis viri Venetiis 1644. conjunctim editis.*

tam putat. Neque huic convenit opinio ANUTII FOESII *m*), qui divini nomine Hippocratem sæpe ipsam divinam naturam, humanorum causam præcipuam, hic vero ea, quæ a Deo sunt, & quorum causam assequi non possis, comprehendisse dicit.

## §. XV.

PROSPER MARTIANUS *n*) per divinum in morbis, aliquid ex æris constitutione, aut a cælo ipso pendens, ab Hippocrate indicari credit, a quo deinde morbi epidemici, & in illis monstruosissimi effectus, ordinarias morborum leges deferentes, subnascantur. Et hæc quidem in Commentario ad prænotiones *o*) proponit: verum ad alterum locum *p*), quo Cous divinum morborum muliebrium causam primam dicit, bonum senem morbos a malis dæmonibus & diis inferis, scelestorum hominum veneficio, concedente Deo, immisos, divinos appellasse arbitratur; & hoc quidem illo argumento, quod libro de insomniis *q*) diis inferis supplicari præcipiat, ut malum avertant, dæmonum vero præstigiæ, ad hanc usque diem in feminis inprimis frequenter observentur. MELCHIOR SEBIZIUS *r*) & HIERONYMUS JORDANUS *s*) intelligi putant ea, quæ adeo abstrusa, abdita & arcana sunt,

*m*) Viri de Hippocrate optime promeriti, in *Oeconomia Hippocratica* voce Θεῶν, p. 163. ed. Genev. 1662. proposita.

*n*) Titulus libri, ex quo hæc desumpta sunt, est, *Magnus Hippocrates Cous, Prosp. Martiani medici Romani notationibus explicatus*. Rom. 1626.

*o*) pag. libri 479.

*p*) Qui totus adscriptus est §. 33. in *Commentario ad librum de muliebri natura* p. 233.

*q*) Verba inferius ad §. 34. adjecta sunt.

*r*) *Peculiari diff. de Θεῶ, sive divino Hippocratis* ed. Argent. 1643, quæ illud inprimis proprium habet, quod Hippocratis argumenta, in syllogismorum forma proponuntur, morbi etiam quidam & medicamenta recensentur, & quid in illis divinum sit, ostenditur.

*s*) *Physicus Gottingensis, de eo quod divinum est, aut supra naturam in morbis humani corporis contingit, ejusque curatione*, librum scripsit, editum *Francofurti* 1692, cujus pag. 17. sqq. etiam divinum Hippocratis

sunt, ut nec sensuum beneficio, nec ope rationis investigari possint: five ea lateant in ipsis affectionibus, five causis eorum, & oriantur, vel a principio Physico occulto, vel ab alio naturæ vires excedente. Huc tamen etiam referunt, morbos cognitu difficiles, propter symptomata stuporis & admirationis plena.

### §. XVI.

Jo. STEPHANUS *t*) Bellunensis arbitratur, Hippocratem illo ipso loco, quo divinum morbis inesse dicit, ignorantiam suam esse professum, & forte aliquid occultum, vel inexplicabile, vel cœleste & a Deo profectum illa voce indicasse. FRANCISCUS RANCHINUS *u*) divinum Hippocraticum a Deo ipso derivat, & morbos a Deo inflictos, ab Hippocrate divinos appellatos putat, ita tamen, ut dæmones sæpe causam secundariam esse, & aëris, ventorum, & temporum conditionem improprie eodem pertinere credat.

### §. XVII.

GEORGIUS WOLFFGANG WEDELIUS *x*) divinum in morbis ab Hippocrate dictum putat, si citra regulam aliquid eveniat, & plures indifferenter eodem morbo corripiantur, quibus omina in morbis contingentia adjicit, morbos magicos vero plane ex divinorum classe excludit. Et hanc sententiam etiam Jo. ANDR. SCHMIDIUS *y*) sua auctoritate confirmat.

### §. XVIII.

tangit, & post varias de eo variorum auctorum sententias prolatas, MELCH. SEBIZII opinionem adoptat.

*t*) In *Theologia Hippocratis*. quæ jam aliquoties laudata est. Extat vero locus hic FABRICII *Biblioth. Græc. Tom. XIII. p. 235.*

*u*) *Pathologiæ universalis Sect. II. c. 5. edit. Lugdun. 1627. p. 98.*

*x*) Proposuit hanc sententiam, paucissimis verbis, in peculiari scriptiuncula, quam honoris causa adjecit ad *dissertationem de morbis a fascino, a Frid. Kaseberg Jen. 1682. publice disputatam.*

*y*) In *dissert. de Theologia Hippocratis, Jena 1691. a Jo. Henr. Schmidio publice defensa.*



## §. XVIII.

DANIEL CLERICUS z) Hippocratem, cum divini in morbis mentionem facit in prænotionibus, ad Astrologorum dogmata respexisse suspicatur, quia partim rerum cœlestium influxum in corpora humana Cōs statuere aliunde videatur a), partim GALENI sententia non satis firma sit; cum GALENUS vel simplices aëris constitutiones intellectas velit b), vel ut commentatores ipsius interpretati sint, occultas & corpori humano noxias: Hippocrates autem sæpe quidem ad constitutiones aëris provocet, verum ipsos adeo morbos pestilentes ad ordinarias solum diatheses, ad frigus, calorem, siccitatem, & humiditatem referat, neque quidquam dicat de qualitatibus occultis atque peculiaribus aëris, unde tamen morbos divinos oriri arbitrentur, & si dicat aliquid, non magis explicet, quid intelligi velit, quam quomodo Astrorum influxus in rebus terrestribus, & corpore humano aliquid mutare possit. Aërem vero Hippocrati esse causam maxime generalem omnium morborum, arbitratur.

## §. XIX.

Restat unicus recentissimus auctor commemorandus, quem honoris & reverentiæ causâ nominamus, JO. HENR. SCHULTZIUS. Hic in Historia Medicinæ, libro qualem a tanto viro  
H 2 expectes,

z) *Hist. Med. Tom. I. lib. III. c. 4. p. 189. edit. Amstel. 1702.*

a) Etiam si negandum non sit, Hippocratem sæpe rerum Astrologicarum cognitionem medico commendare, cum inter alia fiderum observationem, multum ad præsagiendos morbos conferre, libro *de aëribus aquis & locis* profiteatur, si nimirum cognitioni ceterarum rerum, quas ibi requirit, adjungatur, (v. §. 29.) ille tamen locus. quo inprimis ad sententiam suam confirmandam utitur CLERICUS, ex *lib. IV. de morbis sumtus*, *ἢν τὰ ἐν τῷ ἁερὶ ἀνεπιτηδεύειν*, vix ad Astrorum vim declarandam spectare videtur, quod supra ad §. 12. jam uberius aliquantum explicatum est.

b) Hanc vero fuisse GALENI sententiam CLERICUS arbitratur. Ceterum τὸ Θεῶν Hippocratis JO. LUDOV. HANEMANNUS de morbis, astralibus & ipse explicat, in libro, quem *spiritum universalem mundo restitutum* vocavit, §. 30. p. 59.

expectes *c*), locis, qui exstant libris de morbo sacro, itemque de aëre, aquis, & locis, plane negat ab Hippocrate morbos Deo adscribi; fidem porro illius loci, qui libro de natura muliebri continetur, suspectam reddit; & de *Θείω*, quod in prænotionibus memoratur, ita sentit, vel dicendum esse Hippocratem prænotiones illas juvenem scripsisse, deinceps vero mentem mutasse; vel cum Galeno intelligendam, divini nomine peculiarem aëris nobis circumfusi constitutionem morbosam.

## §. XX.

Divinum igitur Hippocraticum *d*), ut ea, quæ adhuc fufius dicta sunt, ad summa capita, quantum ejus fieri potest, redigamus, quidam in aëris constitutione quacunque, modo illa ad morbos excitandos apta sit, collocarunt: *e*) alii esse illud latentius aliquid, cognituque difficilius, in aëre & alimentis hærens, toti substantiæ nostræ adversum, suspicati sunt *f*): fuere, qui illud in aëre quidem ponerent, verum a cælo, vel sideribus oriri, & morbis epidemiis progignendis aptum esse, arbitrarentur *g*): alii, illa quæ adeo abstrusa sunt in morbis & causis eorum, ut neque sensuum nec rationis ope intelligi possint, divini nomine Hippocrati intellecta voluerunt *h*): quibus proxime accedunt, qui ea, quæ extra ordinem in morbis eveniunt, huc retulere *i*): fuere denique

*c*) *Per. I. sect. III. cap. 3. §. II. seqq.*

*d*) Hippocraticum diximus, ne quis miretur de divino in universum, quod in morbis, eorumque causis & curatione obtinet, nullas sententias auctorum allatas, quæ vel ex FERNELIO, SEBIZIO, WIERO, (Jo. WIERUS *de præstigiis demonum, de lamiis* &c. in operibus conjunctim editis *Amst. 1660.*) JORDANO facili opera suppeditari potuissent, nisi instituti nostri. & temporis ratio illa omnia plane excluderet, & in Hippocratico divino subsistere juberet. Ita sententias de *Θείω*, a GALENO jam refutatas repetere inutile, visum est.

*e*) Galenus, Fabricius, Schulzius.

*f*) Fernelius, Valleriola, Gorraeus.

*g*) Mercurialis, Martianus, Clericus, Hanemannus.

*h*) Sebizius, Jordanus, Stephanus, Foesius.

*i*) Wedelius, Schmidius.

denique, qui divinum Hippocraticum a Deo ipso dirivarent *k*): ut taceamus illos, qui morbos a magis inductos hic admiscuerunt *l*).

## § XXI.

Nobis videtur Hippocrates, opera naturæ in universum omnia, & inprimis in illis morbos omnes, divinos, & putasse, & etiam aliquoties vocasse. Verum quamdiu causam aliquam illorum assignare poterat, quamdiu omnia ordinarium decursum, a se ex pluribus observatis definitum, servare videbat, non erat opus homini Philosopho, causam primariam omnium rerum semper indicare, cum secundæ suppeterent: sufficiebat has indicasse, illa subintellecta *m*). Ubi vero extra ordinem aliquid accidere observabat, ubi causa magis ipsum fugiebat, in illis ad primariam causam tantisper recurrebat, donec vel sæpius observatum esset, & leges constitui possent, vel inventæ essent causæ, quæ non minus quidem divinos redderent morbos, sed efficerent tamen, ut non amplius divini vocarentur *n*). Divina igitur erunt Hippocrati, Deus ipse, ejusque opera; deinde preces ad Deum; & morbi omnes, tum ordine consueto, tum inprimis extra ordinem evenientes *o*), qui ultimi, a quacunque demum causa orti esse possunt, dummodo illa incognita videatur.

H 3

## § XXII.

*k*) Jorræus, Stephanus, Fœsius, Ranchinus.

*l*) Martianus, Ranchinus.

*m*) Non magis atque hodie vitio verteretur homini Physico, si in illis rebus, quarum causæ cognitæ, vel quarum certe leges stabilitæ sunt, his omissis ad Deum semper refugeret, etiamsi nemo illum rerum omnium auctorem temere negarit. Verum tum demum confugiunt eo omnes, cum aliquid contra leges positas, cujus causam ex cognitis assignare non possunt, evenire vident, etiamsi postea non minus causas ejus deprehendere, vel certe leges stabilire studeant.

*n*) Frustra sæpe hoc tentari, rei ipsius natura docet, neque tamen ea res pulcherrimum studium retundere debet.

*o*) Priores significationes convenire locis ceteris, ultimam isti, qui in prænotationibus extat, & de quo proprie sermo est, nobis non monentibus apparebit, sumiturque hoc ultimo loco vox substantive, quod vocant, in ceteris adjectivi notionem habet, nisi ubi Deum ipsum & supplicationes significat.



## §. XXII.

Et hæc nostra sententia, ipsis verbis & dogmatibus Hippocratis, clarior reddenda erit. Jam primum illud monere juvat, nullam ab ea antiquiorem opinionem plane excludi, sed amplissimis terminis pene omnia hic contineri, quæ paulo ante (§. 20.) adlata sunt. Nimirum si divinum ita intelligas, ut a nobis intelligi dictum est, poterit illud ab omnibus causis oriri, modo illæ sint occultæ, & non intellectæ medico; poterit in omnibus morbis obtinere, modo illorum eventuum, qui divini erant, natura nondum recte intellecta & observata videatur. Verum hæc partim per se statim animo legentium occurrunt; partim postea amplius aliquantum exponuntur. Interim jucundum est, quod molestum legentibus pariter, atque scribenti opus, removendi aliorum sententias magnam partem ita compendi factum est, & nihil agendum restat, quam ut omnia, quæ ad nostram sententiam confirmandam faciunt, commemorentur.

## §. XXIII.

Unum tamen adhuc monendum est, vocem Θεῶν, præter has significationes, sulphur etiam Hippocrati indicare *p*), quod etiam si omnibus notum sit, tamen vel ideo adjectum est, ne omis-  
 sisse significationem vocis argui possemus *q*). Fuisse vero, qui hac ipsa forte significatione inducti, illa, quæ in morbis divina Hippocrates appellat, a sulphureo principio oriri dicerent, ex JORDANO *r*) constat. Neque videntur plane absurda & inepta posuisse,

*p*) Forte, quod illud ad religiosos cultus adhiberent veteres, ut ex omni antiquitate relicta monumenta, nimis manifesto docent. Hoc vero etiam ex Hippocratis scriptis elucescere sequens sectio docebit.

*q*) Unam adhuc significationem, qua ὁ Θεὸς patrum notat, unde forte Italorum *Zio* ortum, omisimus, quod in Hippocrate legendo illam nobis observatam non meminimus.

*r*) Verba JORDANI, quæ exstant libri jam supra laudati p. 18. hæc sunt: *Denique nescio quis Chemicorum hoc Θεῶν Hippocratico morbos sulphureos, quas illa gens vocat, inepte stabilire satagit, & non ita multo post p. 2. de inepto Chemico sulphure, non est quod verbulum addam.*

posuisse, cum non constet, an non sulphur sit, vel oleosum principium, in aëre, ceterisque rebus hærens, quod contagium, ipsosque morbos epidemicos creet: hoc certe negari non possit, ab oleo in corpore humano, inprimis si vi febris acrimoniam contraxerit, maxime anomala symptomata posse excitari, quæ Hippocratem pro divinis habuisse, mirum non esset. Hæc tamen non attulimus, quo causa illa defendi posse videatur, quam non aliunde, quam ex JORDANO cognitam habemus, & ab Hippocraticis effatis ita alienam putamus, ut forte ne cogitasse quidem Hippocratem, de hoc morborum genere divino appellando arbitremur: verum mentio ejus injecta est, quod iniquum videretur ineptiarum accusari hominem, qui certe sanum aliquid, & de cetero ad rem explicandam aptum, protulerit, etiam si sint, quæ impediunt, quominus sententia illius locum habeat.

#### §. XXIV.

Proponere jam placet locum Hippocratis, in quo τὸ θεῖον sulphuris notionem requirere videtur, ut & exemplum exister illius significationis, & sententia Hippocratis, minus recte adhuc explicata ab interpretibus, reddatur dilucidior. Habetur ille libro de morbo sacro s), quo quidem scripto, Hippocrates, questus de illorum hominum impudentia, qui variis incantamentorum generibus audeant medelam morbis facere, quos tamen a diis immissos dicant; Ipse ægros ad templa potius deferri, diis supplicari, & ab his curationem expectari suadet, si quidem ab illis morbos immissos arbitrentur. Denique, *non tamen*, inquit, *existimo, a Deo hominis corpus inquinari, sordidissimum a purissimo: Ceterum etiam si forte ab alio commaculatum aut adfectum sit, a Deo purgari & expiari malit, quam inquinari; & ea de causa maxima*

s) IV, 45. fgg. Verba, quæ huc inprimis spectant, hæc sunt. Τὰ γὰρ μέγιστα τῶν ἀμαρτημάτων καὶ ἀνοσιώτατα τὸ θεῖον ἐστὶ τὸ κατὰ τὸν, καὶ ἀγνίζον; καὶ ἔρμα γινόμενον ἡμῶν; quæ si de Deo simpliciter & proxime intelligenda sunt. Hippocrates præcedentem sententiam, non confirmavit, sed otiose repetiit.

*maxima & impurissima peccata purgans & purificans τὸ θεῖον i. e. sulphur est, perfugium factum nobis; Ipsi nos terminos diis templorum sacrorumque designamus, quos nemo nisi purus transeat; intrantes vero adspargimur, non ut inquinemur, sed si quid prius habeamus sceleris, ut ab eo purificemur.* Omnes interpretes, qui ad manum fuere, per τὸ θεῖον Deum ipsum intelligi rati, sensum obscurissimum reddidere, quem, patre optimo primum monente sulphur hic intelligendum, expeditiorem factum, atque magis rei ipsi, & fidei antiquitatis convenientem, considerantibus apparebit. Nobis exemplum hujus θεῖς dedisse sufficit.

### §. XXV.

Jam festinantes ad reliquas ejus significationes, primum quidem locos, qui ostendunt ex Hippocratis sententia morbos omnes a Deo pendere, & ideo divinos illi esse, proferemus, ut ex illis deinde firmiore pede, ad alterum divinum in morbis, quod libro prænotionum lectoribus suis commendat Cous, progredi liceat. Initium autem fiet, enarrandis brevissime iis, quæ pluribus de morbo sacro profert optimus senex, ut & appareat, an sententia viri bene intellecta sit, & ex illis ea, quæ inprimis ad rem nostram facere videbuntur, elici possint.

### §. XXVI.

Invaluerat nimirum ante Hippocratis tempora inter homines communis opinio, epilepsiam ab ipso Deo hominibus infligi, neque proinde remediis ordinariis curari posse. Opinionem vero hanc primi induxerant, & fovebant postea, illi, qui curationem certam promittere non ausi, in Deum culpam rejicere, & certis Diis certos morborum effectus tribuere, quam profiteri ignorantiam suam <sup>t)</sup> malebant, & credulitate aliorum abusi, præscribebant

<sup>t)</sup> Adscribendus esset fere totus liber *de morbo sacro*, si omnia, quæ huc pertinent, afferri deberent. Verum hoc quidem minus necessarium videtur, & præcipua solum loca indicasse suffecerit, adscriptis paucissimis, quæ ad rem inprimis facere videbuntur. Hæc quæ adhuc dicta sunt, in-



bant quidem illa, quæ profutura putarent, & ab iis, quæ nocere animadvertissent, ægros iuebant abstinere *u*), verum summam curationis in expiamentis & incantationibus variis collocabant *x*), & ita efficiebant, ut si male cessisset res, ipsi, qui nulla remedia præscripsissent, culpa, quam in Deum reliciebant, vacare putarentur; si bene, ipsorum arti sanatio tribueretur *y*).

## §. XXVII.

Hippocrates vero pro ingenii sui acumine, & cognitione eorum, quæ inter homines fieri solebant, facile fraudes horum homi-

primis exstant II, I, *sqq.* & III, 38, *sqq.* En verba II, I, *sqq.* Εμοὶ δὲ δοκέσκειν οἱ πρῶτοι τῶτο νόσημα ἀφιερώσαντες, τοῖςτοι εἶναι ἀνθρώποι, οἷοι καὶ ἵν' εἰσὶ μάγοι τε καὶ κατάρται, καὶ ἀγύρται, καὶ ἀλαζονες, ὁκότοι δὴ προσποιούνται σφόδρα θεοσεβέες εἶναι, καὶ πλεόν τι εἰδέναι· εἴτοι τοίνυν παραμυεχόμενοι καὶ προβαλλόμενοι τὸ θεῖον τῆς ἀμηχανίης, τὸ μὴ ἔχειν δ', τι προσενέγκαντες ὠφελήσωσι, ὥς μὴ κατάδηλοι ἔωσιν ἐδὲν ἐπιστάμενοι, ἱερὸν ἐνόμισαν τῶτο τὸ πάθος εἶναι. &c.

*u*) II, 7. *sqq.* III, I, *sqq.* Ex. gratia, præceperunt a carnibus suillis, caprinis, cervinis, caninis, diversis piscium generibus, ab avibus quibusdam, inter quas etiam gallum posuerunt, a mentha denique, allio & caepis abstinendum, non incubandum pellibus caprinis non ponendum pedem in pede, in manu manum, pallium nigrum non habendum, & id genus alia, quæ quidem omnia, partim curationem impedire Hippocrates arbitratur, partim religionis causa adjecta.

*x*) III, 45. *sqq.* Καθαίρῃσι γὰρ τὰς ἐχομένους τῇ νέσῳ αἵμασι καὶ τοῖσι τοῖςτοις μιάσμασιν, ἔχοντας ἢ ἀλάστορας ἢ πεφαρμαγμένους ὑπὸ ἀνθρώπων, ἢ τι ἔργον ἀνόσιον ἐργασμένους. — — καὶ τὰ μὲν τῶν καθαρμῶν γῆ κρύπτῃσι, τὰ δὲ ἐς θάλατταν ἐμβάλλῃσι, τὰ δὲ ἐς τὰ ἔρεα ἀποφέρῃσι, ὅππῃ μηδεὶς ἀφῆται, μηδὲ ἐπιβήσῃται. Sequuntur jam quæ §. 24. allata sunt. De cetero eandem fabulam hodie adhuc, etiamsi alio nomine, ab imperitis sæpe agi, certum est, qui febres intermittentes, arthritides, ipsam epilepsiam non minus absurdis remediis, curaturos se promittunt.

*y*) III, I, *sqq.* Non adscripsimus Græca, quia nihil continere videntur, quod non jam Latine dictum sit.

*Richteri Opusc. T. II.*

hominum, ut in aliis rebus *z*), ita hic in primis perspexit, atque curationem solidiorem *a*), & a superstitione certe vacuam, in libris suis tradidit, ingenue professus, si quid medici cognitionem, vel potentiam superare videretur *b*). Verum ut essent, qui curari vellent, auferenda erat ante omnia inveterata illorum opinio, quibus iam persuasum & firmiter animis infixum erat, nulla omnino remedia, præter incantamenta, quidquam ad hunc morbum, a Deo videlicet immissum, valere. Hoc ita perficere conatus est, ut partim artificia & fraudes incantatorum illorum apertissime describeret *c*; partim epilepsiam nulla re diviniorem esse aliis morbis (*d*) ostenderet, cum a causis naturalibus oriatur

- z*) Exemplo sit liber de virginum morbis, quo Hippocrates, cum harum affectionum causas, signa, effectus, curationem tradidisset, libere II, 30 dicit, si ad deliriis hystericeis resipiscant virgines τῇ Ἀρτέμίδι αἱ γυναῖκες ἅλλα τε πολλὰ, ἀλλὰ δὴ καὶ πολυτελέεσθαι τῶν ἱματίων καθιεῖνσι τῶν γυναικείων, κελυόντων τῶν μάντιων, ἐξαπατεῖσθαι. Hæc vatum mysteria, pro more horum hominum sollicitissime peplo religionis occultata. detegere, magni ingenii & audaciae fuit, & vel ideo maxima Hippocrates veneratione dignus videtur.
- a*) Diximus solidiorem curationem. Nam theorias, vt Graeco, sed commodò tamen vocabulo vt liceat, quas ad hunc morbum, cum hoc scripto, tum libro de flatibus affert, nostro quidem seculo, post circulum sanguinis ab immortali HARVEO in plena luce collocatum, nemo solidas esse dixerit, etiam si multa in iis verissima esse, & hodiernis etiam experimentis constare, certum sit. Verum singula examinare, non huius loci est.
- b*) De morbo sacro liber fere totus in theoria morbi sola occupatur, curatione pene omissa, neque adeo in illo aliquis distinctionem inter species affectionis, quæ curari possint, quæ minus, aut ipsam curationem expectabit. Ne tamen precario candorem Hippocratis laudasse videamur, Prædictorum libr. II, cap. XVI, inspicere rogamus. Quamvis etiam libro de morbo sacro passim interspersa sint practica, ut vix caput sit, quo non aliquid, quod huc referendum videatur, reperias. Vid. ex grat. totum c. IX, & huius §. not. e. & g.
- c*) Hæc quidem §. superiore iam exposita sunt.
- d*) Totum I caput libri, in quo versamur huc referendum videtur: in illo enim Causa morbum sacrum nihilo diviniorem sibi videri, quam reliquos morbos omnes, neque natura ab aliis illum se diversum putare, dicit; verum homines in eam opinionem venisse, quod & minus experti es-

oriatur e), a procataceticis ordinariis excitetur (f), & medicationem

sunt, in morborum natura explicanda; & admiratione morbi, qui nihil simile reliquis haberet, percussus. Pergit porro καὶ τὸ θεῖον αὐτῇ διασώζεται, κατὰ τὴν ἀπορίην αὐτοῖσι τῷ μὴ γινώσκειν, κατὰ δὲ τὴν εὐπορίην τῷ τρόπῳ τῆς εἰσιῖ. (Ita enim disiecta verba colligenda, omisio ἰδῶνται, quod ab aliquo, dilucidorem reddituro difficilem sibi, vel minus intellectionem, constructionem, infarctum videtur. suadet & expedita ita sententia. & parentis optimi auctoritas.) Admiratione vero non divinum reddi morbum, eo probat, quod sint multi morbi non minus illi quidem mirabiles, & portentosi, quos nemo divinos censet. Febres tertianas & quartanas exempli loco affert, qui morbi εἰδὲν ἥσσαν δοκέσθαι ἱεροὶ εἶναι, καὶ ὑπὸ θεῶν γίνεσθαι, ταύτης τῆς νέσε, καὶ εἰ θαυμάσιον ἔχωσι. Eodem argumento utitur CICERO de Nat. Deor. II, 10. Vide quæso, si omnes motus, omniaque. quæ certis temporibus ordinem suum conservant, divina ducimus, ne tertianas quidem febres, Et quartanas divinas esse dicendum sit, quarum reversione εἰ motu, quid potest esse constantius? sed omnium talium rerum ratio reddenda est. Ita furores etiam, deliria, ploratus dormientium & clamores, a nullo manifesto principio orta, & mox transitura sæpe tamen observata, non minus mirabilia videri subjungit, quæ tamen nemo divina dicat. Similis huic locus existat V, 1, sqq. quo Hippocrates diviniorum epilepsiam esse ceteris morbis, ideo in primis negat, quod naturam eandem, & easdem causas habeat, quas reliqui omnes. Τὸ θεῖον i. e. sacrum τῆτο, φύσιν καὶ πόρῳσιν ἀπὸ ταύτῃ γίνεσθαι, ἀφ' ὅτε καὶ τὰλλα πάντα. (Coordinavimus verba aliter aliquantum, quam Hippocrates, ut sensus fieret expeditior, quem interpretes, per τὸ θεῖον Deum ipsum intelligi rati, obscurum reddiderunt.) καὶ ἰητὸν εἶναι καὶ εἰδὲν ἥσσαν ἑτέρων, ὅτι μὴ ἤδη ὑπὸ χρόνε πολλῷ καταβεβιασμένον ἐν, ὥστε ἤδη εἶναι ἰχυρότερον τῶν φαρμάκων τῶν προσφερόμενων. Ἀρχεται δὲ ὥσπερ τὰλλα νοσήματα κατὰ γένῃ. Εἰ γὰρ ἐκ τοῦ φλεγματοῦδος &c. quæ hic adscribere longum & inutile fuerit, cum a volentibus omnia scire, e loco qui supra indicatus est, peti possint.

e) Elegantissimus locus huc faciens legitur III, 9. Dixerat antea homines, qui incantamentis utantur, varia suadere & dissuadere, in primis carniarum caprinarum usu interdicare epilepticis. (quod §. superiore dictum est.) & ideo Africanos populos in primis epilepsia affligi oportere, si quidem hæc ad epilepsiam aliquid faciant, quod illi pene omnia ex pelliis ca-



tionem qualem alii morbi admittat g); partim illos homines manifeste impietatis convinceret b).

## §. XXVIII.

prinis habeant, caprina quotidie pene vescantur. His subjungit. Εἰ δὲ ταῦτα προσφερόμενα καὶ ἐδιόμενα τὴν νῆτον τίττει τε καὶ αὖξει, καὶ μὴ ἐδιόμενα ἴηται, ἐκ ἔστιν ὁ θεὸς αἰτίος ἐδενός, ἐδὲ οἱ καθαρμοὶ ὠφελέσιν, ἀλλὰ τὰ ἐδέσματα τὰ ἰώμενατε καὶ βλάπτοντα τῷ δὲ θεῷ ἀφανίζεται ἡ δύναμις. ἔτις ἐν ἐμοὶ γε δοκέσιν, οἱ τινες-τέτω τῷ τρόπῳ ἐγχειρέσιν ἴσθαι ταῦτα τὰ νησμήματα, ἔτε ἱερά νομίζειν εἶναι, ἔτε θεῖα. &c. Contradiceret hic locus pluribus aliis, nisi τὸ θεῖον ita intelligas, ut Coi ævo ab vulgo hominum intellectum est, nimirum a Deo proxime ortum quid, nulla remedia admittens; contra hoc enim solum hic disputat Hippocrates, & morbos omnes a Deo esse, aliis locis nimis manifeste profitetur. Vid. libri in quo versamur, de verbo sacro I, II, vel not. e. Verum causas naturales morbi a capite inde VI, ad finem usque tradit, quam veras non disputamus, quas in primis a cerebro pituita impleto derivat, quæ aërem per corpus discurrentem excludat. Singula adscribere longum foret. Notatu tamen dignum videtur experimentum anatomicum in capris epilepticis institutum, quorum cerebrum humore foetido plenum deprehendit Hippocrates: hoc vero in hominibus etiam ita se habere putat, & hinc non Deum, sed morbum esse, qui epilepticos affligat. vid. c. XIII, 10. sqq. Neque vero illud omittendum est, quod V, 10, extat. ἕτερον μέγα τεκμήριον, ὅτι ἐδὲν θεϊότερον ἐστὶ τῶν λοιπῶν νησμάτων τοῖσι γὰρ φλεγματώδεσι, φύσει γίνεται, τοῖσι δὲ χολώδεσι ἐκ προσπίπτει, καὶ τοῖσι, εἰ θεϊότερον ἐστὶ τῶν ἄλλων, τοῖσιν ἅπασιν ὁμοίως ἔδει γίνεσθαι τὴν νῆσον ταύτην, καὶ μὴ διακρίνειν, μήτε χολώδεα μήτε φλεγματώδεα· ἀλλὰ γὰρ αὐτοῖσιν αἰτιᾷ ὁ ἐγκεφαλῷ τέτε τῷ πάθει, ὥσπερ καὶ τῶν ἄλλων νησμάτων τῶν μεγίστων.

f) XVII, 20, sqq. Αὕτη δὲ ἡ νῆσος ἡ ἱερὴ καλεομένη ἀπὸ τῶν αὐτῶν. προσφάσιον γίνεται, ἀφ' ὧν καὶ αἱ λοιπαὶ, ἀπὸ τῶν προσιόντων καὶ ἀποιόντων, οἷον ψύξιός, ἡλίκ, πνευμάτων, ματαβαλλομένων τε καὶ μηδέποτε ἀτρεμιζόντων, ταῦτα δὲ ἐστὶ θεῖα, ὥςτε μηδὲν διακρίνοιντα τὸ νῆσημα θεϊότερον τῶν λοιπῶν νησμάτων νομίζειν, ἀλλὰ πάντα θεῖα, καὶ ἀνθρώπων παύματα. Hoc solum adscribere visum est, plurima quæ huc faciunt, passim exstant; e g. totum caput XV. huc referendum videtur. Ceterum de causis procatareticis morbi, hic agi, cum remotas in temperie pituitosa & cerebro male affecto collocaffet Cous, facile apparet.

## §. XXVIII.

Et hæc quidem, quæ adhuc prolata sunt, contra nostram sententiam facere quibusdam videbuntur, certe ad verba ipsius Hippocratis minus attendentibus proclive esset in eam sententiam venire, Cum Deo omnes effectus in corpus humanum denegasse. Verum salva res est, & vel ideo ea, quæ Hippocrates plurimis illo libro exponit, quam potuit paucissimis adscripta sunt, & Hippocratis verba, quæ maxime huc facere videbantur, adiecta, ut inde, quis scopus fuerit magni viri, appareret, & tota rei connexionem perspecta, iudicent lectores, an erroris accusandi sint, si qui hic ita sentire Hippocratem dicant, a Deo quidem, purissima natura, neminem inquinari, quin purgationem a sordibus corporis,

g) Huc jure suo referuntur ea quæ not. f, hujus §. ex III, 9, sqq. jam adscripta sunt. Verum sunt & alia plura, quæ hic locum merentur, ut hoc utar XVIII, 38. ὅστις δὲ ἐπίσταιται ἐν ἀνθρώποις τὴν τοιαύτην μεταβολὴν, καὶ δύναται ὑγρὸν καὶ ξυρὸν ποιεῖν, καὶ θερμὸν καὶ ψυχρὸν ὑπὸ διαίτης τὸν ἀνθρώπου, ἔτος καὶ ταύτην τὴν νόσον ἰῶτο ἀνθρώποις τὰς καιρὰς διαγιγνάσκει τῶν συμφερόντων, ἀνευ καθαρμῶν καὶ μαγευμάτων, καὶ πάσης ἄλλης βαναυσίης τοιαύτης.

h) Pulcherrimus, & præter ea, quorum causa hic laudatur, ad religionem Hippocratis demonstrandam aptus locus exstat, III, 17, sqq. Reprehendit nimirum acerbè Hippocrates illos, qui lustrationibus & purificationibus suis alios decipiunt, notione religionis ad fraudem tegendam adiecta. Καὶ τοι ἔμοι γε ἔπερι εὐτεβείης δοκέουσι τὰς λόγους ποιεῖσθαι, ὡς οἶοντε ἄλλα περὶ δυσσεβείης μᾶλλον, καὶ ὡς οἱ θεοὶ ἐκ ἐσὶ τὸ δὲ εὐσεβεῖς καὶ θεῶν αὐτῶν ἀσεβεῖς καὶ ἀνόστιον ἐστίν, ὡς ἐγὼ διδάξω. Εἰ γὰρ σελήνην τε καθαίρειν, καὶ ἥλιον ἀφανίζειν, χειμῶνα τε καὶ ἐυδίην ποιεῖν - - τὰλλα τὰ τοιαυτότροπα πάντα ἐπιδέχονται ἐπίστασθαι. ἔτε καὶ ἐκ τελετῶν, ἔτε καὶ ἐξ ἄλλης τινὸς γνώμης, ἢ μελέτης φασὶν οἷοι τε εἶναι, οἱ ταῦτα ἐπιτηδύνοντες, δυσσεβεῖν ἔμοι γε δοκέουσιν, καὶ θεὸς ἔτε εἶναι νομίζειν, ἔτε ὄντας ἰχθεῖν εἶδεν, ἔτε ἐργεσθαι ἀν' ἐδενὸς τῶν ἐχάτων ποιέοντας. ὧν ἕνεκα γε πᾶς ἔδειναι ἄρ' αὐτοῖσιν ἐστίν. Sequentia omnia in hoc capite his adscribi digna videntur: sed spatio parcendum est: quædam damus §. 24.

corporis & animi a numine expectandam; sed morbo tamen omnes, & speciatim epilepsiam, etiam si per causas naturæ ordine procedentes in nobis subnatos, ab occasionibus ordinariis excitatos, & remediis naturalibus curandos, divinos tamen esse, & a Deo originem suam habere. En illustre religionis Cui nostri testimonium, en unam divini Hippocratici significationem

### §. XXIX.

Alius locus magis etiam illo, qui modo adlatus est, hanc notionem divini poscens, extat libro de aëre, aquis & locis, qui certe liber inter maxima cimelia artis, propter neglectam vulgo hanc doctrinam, referendus videtur. Commendat vero Hippocrates medico, in urbe quacunque medicinam facturo, ante omnia inquisitionem in generales illas morborum causas, nimirum quibus ventis maxime propter situm peculiarem tangatur; quomodo ipsa regio & soli ratio constituta sit, quo denique vivendi genere incolæ uti soleant: ex his enim, si Astronomiæ scientiam adiunxerit medicus, plurima mala & cognosci posse affirmat. i) Percurrit deinde singularum plagarum ventos, & morbos familiares hominibus, qui loca illis exposita incolant, indicat: aquarum porro palustrium, fontanarum, & pluviatilium, diversas bonitatis notas indicat, & quid singulæ in corpore humano efficiant, pulcherrime tradit, quibus pauca de tempestatum ratione subiungit.

### §. XXX.

De regionum postea & soli rationibus dicturus, exempli loco differentiam inter variarum Europæ & Asiæ regionum plantas, animalia,

- i) Est hoc compendium totius libri *de aëribus, aquis & locis*: hinc nemo expectabit, ut singula loca Græca adscribantur, vel laudentur adeo. Neque tamen hic prætermittendum videtur, plerisque locis, quibus Astronomiæ cognitione medicam artem juvari dicit Hippocrates, illum non tam peculiarem astrorum singulorum influxum in corpus humanum spectasse videri, quam temporum rationem, quæ, cum calendariorum usus nondum ita publicus esset, definito fiderum cursu commodissime indicabantur. Verum hæc conjectura esto, alio forte tempore disputanda.



animalia, & incolas in primis affert, quorum speciem externam, colorem, indolem, ingenium, mores enarrat, & illa regionum quas incolunt naturæ similia plerumque esse, comparatione instituta pulcherrime ostendit. *k*). Tradit deinde gentium quarundam ingenium singulare, speciem externam, vivendi genus, ut exemplum præbeat illorum, quorum cognitionem eum in medico requirere, supra dictum est. *l*)

### § XXXI.

In illis gentibus Scythas Europæos in primis, qui ad Mœotidem paludem curribus loco domuum utentes, & sede instabili pascua sequentes, (ut hodie adhuc solent illi populi,) vagabantur, commemorat, & illos propter rationem & situm soli, quo utebantur, atque ceteras vivendi rationes, humida corpora habere ostendit. Nimirum regiones illas perpetua glacie, nivibus, imbrisque madere, ventisque borealibus expositas esse observaverat, viderat porro hos homines, hoc aëre, & aquis ex nive resoluta utentes, vel nullo labore exerceri, & totos dies deside-  
re

*k*) Adscribere locum elegantissimum, vel ideo placuit, quod illa etiam hodie adhuc, si ingenium totarum gentium spectes, deprehendi videantur, etiam si ille, qui hæc ad singulos homines transferre vellet, non minus forte absurde ageret, ac si quis cum urbem splendidam esse dictum est, singulas in illa domos pulcherrime exornatas requireret. Extat ille XXXIV, 5, &c. *Ὅτι αἱ ὥραι μεγίστας μάταβολας ποιοῦνται, καὶ πυκνοτάτας, ἐκεῖ καὶ ἡ χώρα ἀγριωτάτη, καὶ ἀνωμαλωτάτη ἐστὶν - ὅτι δὲ αἱ ὥραι μὴ μεγάλα ἀλλάσσειν, ἐκείνοις ἡ χώρα ὁμαλωτάτη ἐστὶν; ἔγω δὲ ἔχει καὶ περὶ τῶν ἀνθρώπων, ἐν τις βέλεται ἐνδυμέσθαι. Εἰσὶ γὰρ φύσεις, αἱ μὲν ὀρετὶν ἰοικοῦνται, δένδρωτες δὲ καὶ ἀνύδροιτιν, αἱ δὲ λεπτοῖσι τε καὶ ἐνύδροιτιν, αἱ δὲ λειμακιστέροις τε καὶ ἐλαΐδεσι, αἱ δὲ πεδίω τε, καὶ ψιλῇ, καὶ ξηρῇ &c.*

*l*) Per hanc occasionem plura commemorat Hippocrates, quæ attentum ad omnia animi magni viri fuisse ostendunt. Ex. gr. Cur libertas mutet hominum ingenia? unde Macrocephali longis capitibus nascantur? & id genus alia, quæ ex libro ipso requiri possunt.

re in curribus, vel equitare pedibus pendulis. Ex his enim omnibus pituitam albam accumulari, & articulos, pedum in primis, ad motum ineptos reddi aliunde sciebat, & vel hoc ipso Scytharum exemplo, in ea sententia confirmabatur, qui crustis sibi per totum corpus inustis, & parte humoris, quæ molesta erat, ita ablata, medicinam faciebant. Hac ipsa vero humoris inertis abundantia, infœcundas porro fieri has gentes, Hippocrates credit, & viros quidem, propter subortam inde mollitiem alui, & lassitudinem ab equitando, venerem minus petere; fœminas *m*) vero, propter tumidam aquis corporis molem, minus ad concipiendum & fouendum fœtum aptas esse, arbitrat.

### §. XXXII.

Hæc vel ideo adlata sunt, ut etiam illis, quibus otium non esset totum librum Hippocratis perlegendi, appareret, quomodo in eum sermonem delatus sit, summus vir, cuius causâ hæc adscripta sunt. Nimirum, dum in Scytharum ingenio explorando versatur, non solum maxime familiaris illis gentibus languor ad venerem ei oblatum est, de quo quidem iam quædam dicta sunt, verum etiam multos ex illis plane ad res venereas ineptos haberi deprehendit, atque muliebribus vestibus indutos, inter fœminas ætatem agere; populares vero huius rei causam ad Deos referre, & metuentes sibi ipsis, hos homines reverentia summa colere, & humi prostratos adorare. *n*) Cuius quidem

*m*) Fœminas etiam ad sterilitatem illam aliquid conferre, Cœus exemplo ancillarum ostendit, quas, cum magis laboribus exerceantur, etiam magis ipsis fœminis maritatis concipere & parere, constabat.

*n*) HERODOTUS I, 105, p. 44, ed. GRONOVII, ejusdem rei mentionem facit, & ut solet, quidquid accepit, qualecunque illud tandem sit, referre, Scythis causam huius mali fuisse dicit, spoliatum ex Aegyp̄tia expeditione redeuntibus, antiquissimum Veneris Vranixæ circa Ascalonem in Syria fanum: Inmissum nimirum illis esse morbum fœminæum (ἡλειαν νόσον) qui ad posteros propagatus sit. Locus hic HERODOTI a LONGINO de sublimitate f. 28, ed. TOLLII p. 162, laudatus, ut exemplum præberet comptæ circum locutionis, mire torfit in-

affectionis causam veram explicaturus Hippocrates, non ille quidem negat, sibi ipsi quoque has affectiones divinas videri, sed nimirum, ut omnes alias; neque unum morbum altero diviniorem aut humaniorem se putare ait, sed omnes divinos arbitrari, proficitur: etiamsi unumquemque suam sibi habere naturam, (sine qua nimirum nihil fiat,) affirmet, atque huius etiam Scythicæ affectionis rationem se reddituram promittat o). Neque est in his quidquam, quod mutare suadeat propositam supra de divino sententiam, quæ ita dilucida est, ut unico adhuc exemplo adscripto, ad alteram vocis notionem, quæ his præmissis, non magnam difficultatem habere videtur, transire placeat.

### §. XXXIII.

Nimirum his utrisque locis similis videtur ille, qui in principiis statim libri de muliebri natura occurrit p), etiamsi interpretes

interpretes, cum quidam emmenia, hæmorrhoides alii, alii dysenteriam intellectam ab HERODOTO vellent; TOLLIIUS denique exemplis ostendit, veteribus in usu fuisse nomine *θηλείας νόσος* turpissimam marium effeminatorum libidinem insignire, & LONGINUM, arbitratum in loco HERODOTI periphrasin *ἀρμυκτον* esse, errasse putat. Quidquid hujus sit, in Hippocrate nullum ejus rei vestigium invenire licuit, neque tamen videtur habere, quod non cum TOLLIANA interpretatione conciliari possit.

- o) Locus qui huc in primis facit, extat libro de quo sermo est, XLIX, 37. Ἔτι τε πρὸς τετέοισιν ἐντεχίαι γίνονται οἱ πλεῖστοι ἐν Σκύθῃσιν, καὶ γυναικεῖα ἐργάζονται, καὶ ὡς αἱ γυναῖκες διαλέγονται τε ὁμοίως. καλεῖνται δὲ οἱ τοῖστοι ἑνάρεις· οἱ μὲν σπιχώριοι τὴν αἰτὶν προσηθεῖσι θεῶν, καὶ σέβονται τετέες τὰς ἀνθρώπους, καὶ προσκυνέουσι, δεδοκότες περὶ τε αὐτέων ἕκαστοι. ἐμοὶ δὲ καὶ αὐτῶν δοκεῖ ταῦτα τὰ πάθεα θεῶν εἶναι, καὶ τὰλλα πάντα· καὶ ἔδεν ἕτερον ἕτερον θεϊότερον, ἔδὲ ἀνθρωπιώτερον ἀλλὰ πάντα θεῶν ἕκαστον δὲ ἔχει φύσιν τῶν τοιούτων, καὶ ἔδεν ἀνὲν φύσιν γίνεσθαι. Plura dicuntur §. 36. & 37.

p) Περὶ δὲ τῆς γυναικείης φύσιν, καὶ νοσημάτων τὰδε λέγω. μάλιστα  
Richter's Opusc. T. I. K



pretes partim constitutionem aëris morbificam, partim incantamenta magica ad illum interpretandam, advocarint. Facillime vero ita explicari posse videtur, ut sensum maxime expeditum singulorum Hippocratis verborum sequaris, & dicas, maxime quidem Deum ipsum *q*) ab Hippocrate pro morborum muliebrium prima causa haberi, deinde naturas fœminarum & colores *r*). Cui explicationi optime conveniunt, quæ deinde subiungit, hos morbos tractandos suscipienti, primum quidem a divinis *s*) esse incipiendum, deinde cognoscendas naturas muliebres, ætates, maturitates & locos.

### §. XXXIV.

Morbos magicos, & ab incantamentis ortos, hic non intelligendos esse, ex libro de morbo sacro ostendi potest, quo, ut supra

μὲν τὸ θεῖον, ἐν τοῖσιν ἀνθρώποισιν αἴτιον εἶναι, ἔπειτα αἱ φύσεις τῶν γυναικῶν καὶ χροιαί.

*q*) Auctoritatem qua confisi τὸ θεῖον Deum ipsum indicare putamus vid. §. 34.

*r*) Videtur signum externum, pro tota corporis constitutione, positum esse, eadem plane ratione, atque χλάρωσις a Græcis, & les pâles couleurs a Gallis vocari solet, idem hoc morbi genus.

*s*) I, II. Δεῖ δὲ τὸν ὀρθῶς ταῦτα χειρίζοντα, πρῶτον μὲν ἐκ τῶν θεῶν ἀρχεσθαι, ἔπειτα διαγιγνώσκειν, τὰς δὲ φύσεις τῶν γυναικῶν; καὶ τὰς ἡλικίας, καὶ τὰς ὥρας καὶ τὰς τόπους, ἑκαστῇ. Τὰ θεῖα hic supplicationes & preces significare, ut ex ipsis verbis Hippocratis apparere videtur, ita nec ceteris sapientissimi viri effatis repugnat. Religionem & preces magni fecisse Hippocratem supra ad §. 4. ostensum est. Loquitur vero hic de morbis mulierum, quæ timidae & supersticiosæ jam tum esse solebant, ἀθυμοτέρη γὰρ, καὶ ὀλιγοψυχότερη φύσις ἡ γυναικείη. v. de morb. virgin. I, 10. Natura porro morborum ab utero, metum & desperationem mulierum animis incutere solet, & quod maximum est, commendabantur contra hoc genus morborum in primis supplicationes & donaria, v. §. 27, n. a, ut adeo mirum non esset, Hippocratem, quem non minus prudentem virum, quam bonum medicum fuisse, scripta ejus docent, etiam si non ita sentiret, deum causam hujus morbi pronunciasse, & a divinis initium curationis horum morborum fieri voluisse.

supra jam dictum est, *z*) venerabilis senex conqueritur, homines impiis suis expiationibus impietatem & impuritatem maxime τῷ θεῷ i. e. numini oblicere. Hic enim τὸ θεῖον eadem plane ratione, atque in libro de morbis mulierum, positum est, neque adeo credibile videtur, eundem virum qui de impietate in τὸ θεῖον acerbè conqueratur, & incantationes magicas nominet, eundem, inquam, virum postea, sub eadem plane voce, incantationes ipsas intellectas velle. Neque addi quidquam opus esse videtur, cum illa, quæ ex libro Coi de insomniis pro sua sententia afferre MARTIANUM supra (§. XV.) dictum est, nihil minus, quam morbos a maleficiis vel malis dæmonibus ortos indicent, quin argumentum contrariam partem tuentibus suppeditare videantur *u*). Ita neque firmitus esse, alterum MARTIANI argumentum, maleficia etiam nunc in fœminis frequentiora, quam in viris reperiri, adeoque probabile esse Hippocratem eo respexisse, vel inde apparet, quod hoc quidem ævo, quo literis regio quæque est exultior, eo minus id genus incantamenta locum habere deprehendantur. Et in universum in Hippocraticis monumentis, nulla omnino morborum a maleficiis ortorum suspicio est, quin incantamentis curaturi morbos falsè ridentur, neque jam querendum esse videtur, quid nos divinum in morbis

*z*) Vid. notas ad §. 26. & 27. Notandus hic in primis videtur locus III, 44. καὶ θάψουσιν τε χρεῖσται, καὶ ἑταῖροισι, καὶ ἀνθρώπων γε καὶ ἀθεώτατον ποίεσι τὸ θεῖον. &c.

*u*) Illo ipso enim libro dividit vir acutissimus, somnia in duas classes, e quibus quædam certa bona aut mala præfagiant, & a Deo veniant, Θεῶν ἑστὶ, quædam a morbis corporis oriantur, quos & precibus & medicina avertere jubet. Percurrit deinde quædam somniorum genera, & quid singula significant, quidque in illis facere, qualem medicationem adhibere oporteat, præcipit: & in primis diis superis in significatione secundorum, inferis, malorum aversoribus, in adversis supplicari jubet, ut omnia mala avertant. Græca adscribere longum fuerit. Extant vero II, 1 sqq. & XI, 5 sqq. &c. Nihil hic de magia quadam occulta, contra ea Deos inferos, ut mala avertant, publica religione invocari jubet.

bis muliebribus arbitremur, verum quid Hippocratem voce *θεῖον* intellexisse probabile videatur.

### § XXXV.

Neque vero aëris diathesin hic indicari, etiam si multorum morborum causam aërem esse dicat Hippocrates, *x*) & illius cognitionem, ad morbos cognoscendos & curandos multum conferre, cum divino sene fateantur omnes boni medici; cum ipsa vocum significatio, tum in primis hoc evincer, quod illis locis, quibus divini mentio fit, de aëre nihil plane dicit Hippocrates, quod quidem necessario eo referendum videatur; illis contra ea locis, quibus de aëris effectibus disputat, de *θεῖον* nobis quidem nihil deprehendere licuit. Nam etiam si libro de morbo sacro *y*), aërem divinum vocet Hippocrates, tamen si cum reliquis sententiis illius libri conferatur, ad illud solum hæc facere apparebit, ut pervulgata eo tempore opinio, quosdam morbos magis divinos & sacros esse reliquis, eximeretur, non ut aëri peculiaris quædam divinitas tribueretur. Ex quibus omnibus *z*) hoc videtur confici, cum verba proprio intellectu sumta, optimum sensum & ceteris auctoris sententias non alienum habeant, tutius esse illum retinere, quam dubia & incerta, in eius locum substituere.

### § XXXVI.

Verum de morbo illo Scytharum dicendum restat, quam causam Hippocrates illius affectionis arbitratus sit. Observaverat sagacissimus vir, illos totos dies propendentibus pedibus equitantes, claudos primum fieri & trahere lumbos immobiles *a*), deinde

*x*) v. §. 12, ex libro de flatibus IV, 9.

*y*) v. §. 27, n. g.

*z*) v. plura §. 49.

*a*) Quæ hoc §. dicta sunt, extant l. f. l. de æribus aquis & locis, L. sqq. Verum hæc, quæ Scythiis accidere dictum est, apud nos etiam evenire solent illis, qui nimis equitationibus defatigantur, (& accidisse jam



inde sibi ipsis medicinam facturos, utramque venam post aurem vulnerare, unde sanguine multo profluente, & somno ipsis præ debilitate obrepente, condormiscant, quo somno discussio, quidam sanitatem recuperasse, alii vero minus deprehendantur *b*). Verum hoc genere medendi Hippocrates hos homines corrumpi putat, cum venas, quæ post aurem sunt, si quis secet, sterilitatem illi inferri arbitretur *c*); hinc fieri, ut hi homines si aliquoties Venere frustra tentata elusi sint *d*), credant Deum a se offensus,

tum pluribus, qui frequenter equis vehebantur, ex fine libri, in quo versamur constat.) etiamsi nos stapedibus aliquantum niti soleamus, quibus Scythas plane caruisse, ex antiquissimis picturis & monumentis constat. Nimirum juvenes & mediæ ætatis viri inde fluxionibus in artubus inferioribus, rheumatismum ischiadicum vocant, Græco nomine, laborare solent, quæ, nisi promptam medicinam facias, in ancylosin, & plenariam motus omnis cessationem degenerare possunt: seniores ipsa arthritide sæpe corripuntur.

*b*) Videntur ad animi deliquium usque sanguinem emisisse, optimo certe instituto, nisi omnibus lumborum doloribus promiscue unum genus medelæ adhibuissent, verum in juvenibus solum & mediæ ætatis viris, sanguine turgentibus, sub initio statim morbi, bene antea considerati, venam secuissent. Nempe hæc non erant ab illis hominibus expectanda; & hinc factum esse videtur, quod medelam sæpe frustra fecerunt.

*c*) Non constat, quomodo in eam sententiam delati sint veteres, ut juxta aures genituram in medullam spinalem deferri putarent; ita ut illos qui post aurem secti essent, seminis parum, debile, & infœcundum inter coeundum emittere arbitrentur, viis genituræ, a cicatrice, vulnere inducta, consolidatis. Hanc sententiam multis exponit Hippocrates *libro de genitur c. III*, & forte vulgare Germanorum proverbium hinc ortum videri posset, qui post aures aliquid relidere illi dicant, quem lepidum vegetumque dicere volunt. Neque vero opus est longa refutatione. Vasa enim, quæ post aures sunt, nihil ad seminis generationem peculiariter conferre, leges quibus sanguinis circuitus peragitur, & cultior hodie anatome, docent. Sed neque de nervis intelligenda esse, quæ dicit Hippocrates; aut si essent intelligenda, vera dici, quisquam facile evincit, cum in primis constet, vulnera post aurem, magnis cicatricibus persanata, nihil propagationi sobolis nocuisse. *Vid. ex. gr. MELCH. SEBIZII Exercit. medic. Argent. 1672, p. 332, sqq.*

*d*) Forte *ἀναγόμεν* illa Scytharum, non tam ex venis post aurem incisiss orta est, quam quod boni illi viri ad res venereas, propter indicatas ab

sum, culpam eius rei in illum reiciant, induant ipsi stolam muliebrem, suam ignaviam agnoscant, atque mulierum mores & opera imitentur.

### §. XXXVII.

Dei vero peculiarem iram huius affectionis causam non esse, pulcherrimo exemplo magis probabile reddit candidissimus senex. Viderat nimirum pauperes, qui præ inopia equos alere & domi desidere non possent, verum de cetero Deorum cultum negligerent, quin Deos contumeliis afficerent, quod sibi opes non dederint, minime omnium hoc malo affligi, contra ea nobilissimos, & ditissimos quosque, Diis immolantes, & donaria suspendentes *e*), verum plus etiam equitantes & reliquum ab equitatione tempus domi desidentes, solos fere eo laborare, cum tamen contrarium obtinere necesse sit, si quidem ament Dii admiratione esse hominibus, & pro cultu illis gratias referant, crimina vero in se commissa, morbis inflatis statim puniant. Divinum igitur fatetur morbum Scytharum Cous, sed ita scilicet, ut non magis divinum illum esse, atque omnes alios morbos, concedat.

### §. XXXVIII.

Tres igitur hi loci ad hoc fecerunt, ut inde appareret, Hippocratem, etiamsi nullius morbi causam speciatim in Deos referat,

Hippocrate veras rationes, minus apti essent, cui dispositioni, cum magna sanguinis, ad animi deliquium usque emissi, jaçtura accessisset, facile evenire potuit, ut ad mensem unum alterumque præ debilitate plane generandi facultate carerent, quam postea, cumlata ex nimia defidia, & illa ipsa boni sanguinis evacuatione, pituita alba, plane illos perdidisse, credibile est.

*e*) Etiam si receptæ opinioni, qua pauperes magis pii esse, quam divites & potentes vulgo putantur, hæc repugnent, non incredibilia pro illorum hominum moribus dici, vel ex ARISTOTELE constat, qui in pulcherrimis notationibus morum *Rhet.* II, 17, nos docet, ex fortunis & opibus sequi ἐν βέλτιστον ἦν εἶναι, ὅτι φιλόθεοι εἰσι, καὶ ἔχουσιν πρὸς τὸ θεῖον πῶς πιστεύοντες, διὰ τὰ γιγνόμενα ἀγαθὰ ἀπὸ τῆς τύχης.

rat, ubi naturales sufficere videbantur, & omnia secundum ordinarium a se jam aliquoties observatum decursum procedunt, tamen omnes morbos eorumque causas a Deo ortos & divinos esse, arbitrari: Morbum sacrum vero, mulierum morbos, Scytharum affectionem, contra vulgi superstitiosi opinionem, quæ insuper fovebatur fraudibus sacerdotum, in medicorum manus reducere conatum esse. Neque frustra hoc molitus est f), etiamsi tantum non valuerit, ut opinionem, quæ firmiter infederat animis, funditus evelleret: suffecit sapientibus nebulas superstitionum removisse, ut ipsi viderent, num incantationibus & ceteris nugis, an vero remediis secundum naturam, precibus tamen non omis-  
 nis  
 semper g), quin novo nomine erysipelas Græcum, Romanis ig-

f) An libro *περὶ ἐνχρημοσύνης* V. I, quo medicus philosophus Deo æqualis dicitur, quod inter alia *ἀδαισιδαίμων* sit, *ὑπὲρ ὅχλῃ θεῖα* in eo collocetur, quod morbos a Deo, per naturæ effectus immissos, eandem naturam sequendo profliget, in dubio relinquere vitum est, cum totum hoc argumentum discutiendum susceperit, amicus meus GE. MATTHIÆ, vir, qui Hippocratica vestigia strenue legendo, ad τὸ ἰσόθεον Coi magnis passibus contendit. De cetero Aesculapium in Deorum numerum receptum esse, ex præfatione CÆLSI, & Oratione Thessali Hippocratis 177, constat; En verba Thessali. ἀλλ' ἀρχὴν μὲν οἱ θεοὶ ἐνθεν γένος εὐχόμεθ' εἶναι, ἀσκληπιὸς καὶ Ἡρακλῆς, ἐπ' ἀρελείῃ ἀνδρώπων ἐγένοντο, καὶ τέττις δι' ἀρετῆς τῆς ἐνταῦθα ἐν θεῶν χώρῃ ἔχουσι πάντες. Verum hæc in transitu dicta sunt.

g) Hic morbus etiam peculiari Deo sacrat, & *Herculeus* dictus est, vel, quod *Hercules* ipse illo affectus fuerit, ut vult GALENUS; vel, quod robur incredibile hominum illo laborantium *Herculeum* videretur; vel, quod omnia magna *Herculi* assignarent & ita *Herculeus lapis* ob eodem *Hercule* dictus videri posset, nisi quis ab urbe *Heraclea*, ubi primum inventum narrant, nomen ortum esse velit. Verum in genere dubitare quis posset, quem morbum *Herculeum* dixerint veteres, cum sint, qui elephantiasin, alii, qui maniam velint, quam litem dirimere nostrum jam non est. Adscribi hic merentur, quæ ARETÆUS CAPPADOX, de nomine *ἰσπὴ νῆσος*, disputat, de morbor. diuturnor. caus. E3 sign. I, 4, p. 28, E. ed. Boerhaav. Δοκέει εἰς τὴν σελήνην τοῖσιν ἀλτρουσῶ



nis sacer dictum *b*), & febris in Deorum ordinem relata *i*), & publico cultu Romæ adorata est *k*).

### §. XXXIX.

Neque hæc, quæ adhuc prolata sunt, mira videbuntur illis, qui cogitabunt, quæ magna, vel humanis viribus & ingenio ampliora videbantur, ea omnia veteres divina credidisse & appellasse. Et poetæ quidem pene omnes, hoc habent, ut Deos advocent, ubi lectores suos magna & excelsa cogitare volunt. HOMERUS *l*) inter alia multa pulchrum eius rei exemplum præbet, cum

ἀφικνεῖσθαι ἢ νῆσος· τᾶνευεν ἱερὴν κελύσκεισι τὴν πᾶσιν ἀτὰρ  
καὶ δι' ἄλλας προφάσις, ἢ μέγας τῷ κακῷ ἱερὸν γὰρ τὸ μέγα·  
ἢ ἰησιϗ ἐκ ἀνδρωπίης, ἀλλ' ἰεὺς ἢ δαίμων ϗ δόξης ἐς τὸν ἀν-  
δρωπὸν ἐπτόδε ἢ ζυμπάντων ὁμῶς, τὴν δὲ ἐκίκλησκον ἱερὴν.

*h*) v. CELS. V, 28, 4.

*i*) PLINIUS *Hist. Nat.* II, 7. Ideo etiam publice Febris sanum in palatio dicatum est, nimirum, quia fragilis & laboriosa mortalitas, in partes ista digestit, infirmitatis sua memorem, ut portionibus coleret quisque, quo maxime indigeret. Et CICERO de legibus II, 9, de eodem sacello videtur locutus, cum aræ veteris in palatio, Febris Dææ, mentionem facit. Vid. GERH. IO. VOSSII *Theol. gentil.* I, 8, 6, 158, sqq. qui hoc adjicit, Febrim pro Saturni filia a quibusdam habitam esse.

*k*) Ipsa medicamenta etiam sacra dicta sunt, quod præsentissimam ex illis opemprehendissent medici, & post ἱερὸν πικρὸν GALENI, multæ aliæ sacræ compositiones enatæ sunt, quarum quasdam videre est, apud NIC. MYREPSUM nobilem illum ex antiquitate medicamentarium. Et hæc consuetudo medicamenta illustria sacra vocandi, non solum apud Græcos & Romanos, sed apud Germanos etiam locum habuit, qui suum viscum, quod illum & venena pellere, & partum promovere arbitrarentur, diuinum putarunt, etiam si illo etiam ad sacra usi sint, & varia alia illi tribuerint, de quibus v. elegantissimum libellum, IO. GEORG. KEYSLERI, adjectum antiquitatibus septentrionalibus & Celticis eruditissimi illius viri, & in hoc in primis genere literarum, præclarissime versati. Add. CLERICI *Hist. Med.* I, 9, p. 27. *ed. Amst.* 1702.

*l*) *Iliad.* I. 380, audit Apollo precantem sacerdotem suum, propter ablutam filiam Chrysidem,

cum in exercitu Græcorum Troiam oppugnante, grassantes morbos, Apollini ejusque telis tribuit, & quod CELSUS *m*) inde concludit, testimonium perhibet, morbos tum jam ad iram Deorum relatos esse, & ab iisdem opem peti solitam. Ita SOPHOCLES *n*) furorem Aiæcis a Minerva immissum fingit, & divinum morbum appellat. Neque vero solum poëtæ a diis oriri, quæ magna videbantur, sub variis figmentis proposuerunt, quæ tamen ad populum in eam sententiam deducendum multum faciebant, sed etiam apud alios scriptores *o*) vestigia huius opinionis invenire licet.

## §. XL.

Ἦκε δ' ἐπ' Ἀργείοισι κακὸν βέλος ἡ δὲ νύ λαοὶ  
Θῆσκον ἐπασσύτεροι τὰ δ' ἐπώχετο κῆλα θεοῖο  
Πάντη ἀνὰ στρατὸν εὐρὺν Ἀχαιῶν.

*m*) In præfatione statim in ipsis initiis.

*n*) In *Aiace flagellifero*. Vocat vero Chorus illam affectionem, *v. 187*,  
θεῖον νότον.

*o*) Ex gratia STRABO *l. 13, p. 433, 5, seqq. ed. Genev. 1587*, cum narrasset prope Hierapolim, sitam ex adverso Laodiceæ, esse specum oppletam crassa caligine, ex qua vapores surgant, animalia omnia propius accedentia necantes, castratis tamen insipientibus adeo in foramen innoxios, inter alias huius admirandi effectus causas, divinam providentiam nominat, quale quid in fanaticis furoribus obtineat. (ἔτε θεία προνοία, κατὰ περ ἐπὶ τῶν ἐνθεσιαστικῶν ἐκός). Ita apud DIOGENEM LAERTIUM in *vita Heracliti IX, 13*. exstat Darii ad magnum illum seculi sui Philosophum epistola, (an genuina illa sit, non disputamus) qua illum invitat, ut ad se veniat & explicet librum, quem de natura conscripisset, qui nimirum, ut verba ipsa DIOGENIS adscribamus ἐρμηνεύμεν, κατὰ λέξιν σὴν, δοκεῖ δυνάμιν τινα περιέχειν, θεωρίας κόσμος τε τῶ σύμπαντι, καὶ τῶν ἐν τῷ γινομένων, ἀπερ ἐστὶν ἐν θειοτάτῃ κείμενα κινήσει. Systema enim Philosophiæ Heracliticæ omnia principia rerum, quarum princeps ignis, in motu, & inter se pugnancia, constituit. Ita in *Idyllio VI, BIONIS, vers. 9*, Myrson interroganti Cleodamo, quam inter quatuor tempestates anni optimam putet, respondet,

Κρίνειν ἐκ ἐπείκει θεῖα ἔργα βροτοῖσι

Πάντα γὰρ ἱερὰ ταῦτα καὶ ἀδία.

Richteri Opusc. T. I.

L

## §. XL.

Verum hæc undique conquisita hic afferre, nihil attinet, & instituti nostri ratio non permittit: Neque tamen unum hoc omitrendum videtur, GALENUM *p*) cum omnia medicamenta ad quatuor suas classes, calidum, frigidum, humidum & siccum redigenda, & ex horum varia commistione, effectus in corpus humanum explicandos putaret, quorundam vero peculiarem effectum observasset, qui ex his principiis suis, quæ semel posuerat, non posset explicari; hujus generis medicamenta divina vocasse. Hæc ipsa enim quoque GALENI ratio facit, ut eo confidentius dicamus, Hippocratem, cum omnes morbos a Diis arcessat, etiam si nullum speciatim & præter ceteros, ab iis immitteri velit *q*), illa in morbis *θεία* *r*) dicere, quæ ex principiis, signis, & effectibus:

Sed omnes libri veterum ita pleni sunt ejusmodi sententiis, ut hæc jam supervacanea forte quibusdam videantur, cum vel ex noto illo VIRGILII versa, *Aeneid.* 3, 60. *Quid non mortalia pectora cogis, auri sacra fames!* constet sacrum esse, quod magnum sit & ingens, & cujus ratio reddi non possit.

*p*) GALENUM omnia medicamenta ad quatuor sua genera, varie inter se permixta, redigere conatum, abunde docent libri *de simplicium medicamentorum facultatibus*, & hinc ortæ vires substantiales, materiales, specificæ, substantiales incognitæ. Hæc in compendium redacta, extant in HERM. BOERHAAVE *prælectionibus de virib. medicam.* invito auctore, emendatius tamen, quam ab initio, editis *Par.* 1726, p. 115. *sqq.*

*q*) v. §. 38, & confer cum his §. 21.

*r*)-SYDENHAMUS, vir totus Hippocraticus, aliam aliquantum *τὴν θεϊκὴν* notionem tribuit, & illud credit morbis plerisque inesse: esse nimirum *specificam proprietatem, quam nulla unquam contemplatio, a speculatione corporis humani desumpta, in lucem producere queat.* Sunt hæc verba ipsius viri summi ex *Traët. de Hydrope* p. 490, ed. *Lugd. Bat.* 1729, desumpta. Verum hoc non esse *divinum* Cui senis, vel inde apparet, quod illum, signis morborum, causis, effectibus, & medendi rationibus, quantum quidem morborum ipsorum diligens observatio supeditabat, pernoscentis & inveniendis occupatum, ad cetera plerumque parum in curandis ægris attendisse, ex scriptis practicis summi viri constat. Commendat vero discipulis suis divini notionem, tanquam neces-



ribus ordinariis derivari & explicari non possunt. Et hoc jam porro ostendendum erit.

## §: XLI.

Libro, cujus jam sæpe mentio facta est, prænotionum, in primis propositum fuit Hippocrati, ut signa certa e quibus præ-  
sagia in morbis formari possent, traderet. Neque toto illo libro  
quidquam de causis morborum admiscet, sed sola signa propo-  
nit, ex quibus decursus morborum cognosci possit, & quæ ubi-  
que locorum, & omnibus temporibus, quin in ipsis constitutio-  
nibus epidemicis, valere arbitrabatur s. Et licet melius fore  
putet, si medicus omnes ægros ad pristinam valetudinem redu-  
cere, atque ita prænotionibus carere posset, tamen cum propter  
vim

ariam, ex cognita ante natura morborum ediscendam, non ex structura  
corporis exsculpendam. Et hanc rationem sequendam esse illis, qui morbis  
internis medicinam facere conantur, certum est: etiamsi hoc non inde conse-  
quatur, quod quidem SYDENHAMUS, in iis quæ sequuntur, vult subtiliorem  
Anatomæ & Chemicæ doctrinæ cognitionem, inutilem esse medico: cum  
artes omnes inter se arctissimo vinculo connexæ sint; termini porro, quan-  
tum scitu necessarium sit, poni non possint; deinde omnia, quæ vera  
eadem, etiam sint utilia, etiamsi quædam minus frequenter in usum vo-  
cari possint; & quod maximum est bonarum artium incrementa hac ra-  
tione impediuntur. His iisdem argumentis utitur III. HALLERUS,  
quo magistro profecisse, in maxima felicitatis parte ponimus, in adnota-  
tionibus, ad communis nostri præceptoris, HERM. BOERHAAVE  
*Prælect. in Instit. Medic. Vol. I. p. 52, n. 2.*

- 3) Totum caput ultimum aurei libelli huc facit Præcipit nimirum auctor  
medicis, ut differentias morborum semper populariter grassantium, &  
constitutionem singulorum temporum cito cognoscere studeant, & hoc qui-  
dem ex conjecturis certis, & reliquis signis; semper tamen memores, omnibus  
annis, omnibus temporibus, mala malum significare, utilia bonum, cum  
in Libya, Delo, & Scythia, scripta hoc libro signa vera comperta sint:  
Vnde in his regionibus, non difficile futurum esse arbitratur, multo il-  
lis plura assequi, si quis ex signis datis, bene comprehensis, recte judi-  
care & ratiocinari sciat. Neque desideranda esse morborum adscripta no-  
mina, cum omnes, qui superscriptis temporibus judicentur, ex iisdem  
signis cognosci possint.

vim morborum, & nimiam eorum velocitatem, frustra sæpe medicina adhibeatur, necessariam dicit esse medico cognitionem naturæ morborum, ut judicare inde possit, ubi natura a vi morborum superetur *t*); ex qua ipsa cognitione deinde perspicere ei liceat, si quid divinum morbis insit, atque illius prænotionem ediscere. Ira enim fore putat, ut & merito admirationi sit, & boni medici officio satisfaciat.

## §. XLII.

Scilicet, ut erat Hippocrates diligentissimus naturæ scrutator, & in primis in interiore morborum natura, & ordine, quo se excipiebant in illis singulæ mutationes, illarumque mutationum signis investigandis, propter plurimas morborum historias, quas vel ipse observaverat, vel aliunde ad se delatas collegerat, exercitissimus; ita non poterat non sæpe observasse, fieri in morbis aliquid extra ordinem, cujus causa in obscuro lateat *u*), & signa, quæ certa videbantur, in ceteris ejusdem generis affectionibus interdum fallaciaprehendisse. Et de hoc omnino monendi erant

*t*) Græca, quorum hæc est interpretatio, vid. §. 10. Ceterum locus huic parallelus extat ejusdem libri XXVI, 13. sq. *Χρὴ δὲ τὸν μέλλοντα ὀρθῶς προγινώσκειν τὰς περιετοµένες καὶ τὰς ἀποθανεῖν, ὅσοις τε ἂν μέλλῃ πλείονας ἡμέρας παραμένειν τὸ νόσημα, καὶ ὅτοις ἂν ἐλάττω, τὰ σηµεῖα ἐκµανθάνοντα* (Sic legendum, non ἐκµανθάνοντας, ut dedit Lind.) *πάντα δύνασθαι κρίνειν, λογιζόµενον τὰς δυνάµεις αὐτῶν πρὸς ἀλλήλας &c.*

*u*) Omnino etiam ad causas obscuriores & ratiocinio inveniendas respexisse Hippocratem, neque Empiricum fuisse, (quæ secta, ut necessario ante Hippocratem, obtinuit, ita post illum quoque floruit.) ex scriptis summi viri apparet. Et adeo non hoc solum agebat, quod fecisse empiricos ex CELSI præfatione constat, ut *si incideret novum mali genus, statim videret, cui morbo id esset proximum, & tentaret remedia, similia illis, quæ vicino malo sæpe succurrerant*; sed ex ipsa observatione affectionum, causas etiam illarum, & constantem decursum cognoscere studebat, unde deinde natura duce assequi conabatur, quid faciendum esset, nunquam tamen opinioni suæ ita firmiter inhærens, ut morborum singularium & individuorum rationem observare negligeret.

erant lectores, in libro, quo tradenda sibi sumserat signa omnia, quæ longo usu observata habebat, & quæ ubique locorum, vel ita se habere, vel, si quid diversum sit, cognitionem ejus iuvare arbitrabatur; quin, quæ in ipsis constitutionibus epidemicis valere putabat: ut illis quidem ad morborum naturas cognoscendas utantur, verum non usque quaque fidant, & potius ex ipsa illa morborum cognitione deinde attendant, si quid extra ordinem in morbis eveniat, atque huius ipsius extraordinarii signa omni modo ediscere studeant.

### §. XLIII.

Nempe, hæc ipsa videtur esse τοῦ Θεοῦ, quod jam tractamus, significatio, quæ nihil habeat, quod reliquis auctoris sententiis repugnet, sed contra ea rationibus totius libri prænotationum, & omnium Hippocraticorum scriptorum optime conveniat *x*), neque etiam a populari loquendi ratione abhorreat *y*). Videtur, inquam, Hippocrates hic divina vocare illa omnia, quæ præter prænotationes jam observatas, & hoc libro traditas, fiant; atque hæc diligenter observari velle a medicis, ut inde etiam hujus prænotationes exsculpere, & ita semper magis magisque morbos cognoscere & prædicere discant. Neque adeo poterit quisquam de hocce divino in morbis recte judicare, nisi in ipsorum morborum ordinario decursu investigando antea probe exercitatus, ut

*x*) Pulcherrime enim cum illis locis, qui in superioribus adhuc copiose expositi sunt, conciliari potest hæc sententia, cum in illis omnium rerum & morborum causam, agentem per naturæ a Deo positas leges, ipsum Deum pronunciet optimus senex; hic, ubi leges ordinariæ migrari viderentur, statim ad causam primam & summam provocet, a qua omnia pendere sciebat, donec propiores invenirentur. v. §. 21.

*y*) Ex §. 40. constitit, quæ magna putarent veteres, & quorum ratio occulta esset, ea divina illos dixisse. Et plura afferri possent, si opus videretur, cum, ut hoc utar, Cometæ & Eclipses, quod extra ordinem & sine manifesta causa accidere putarentur, divinæ ab imperitis habitæ & vocatæ, quin forte Planetæ etiam, ob incognitam diu illorum cursus rationem, deorum nominibus insigniti sint.



ut nimirum nemo ad exactum de statu morboſo corporis judicium ferendum aptus erit, qui non ſani naturam antea probe cognitam habuerit.

#### §. XLIV.

Neque vero cauſa hujus divini indicari poterit, cum productus a cauſa ordinaria illaque cognita effectus, ex notione noſtra divini, *Δείος* non ſit, & non poſſit extra ordinem aliquid evenire dici, niſi illud a cauſa incognita medico producat; etiamſi ordinarium aliquid eſſe poſſit, licet ejus cauſa non cognoscat. Ac proinde τὸ Δείον in omnibus morbis *z*), ubique, quocunque tempore, a cauſis omnibus, poterit exiſtere, modo fiat aliquid, quod obſervatis adhuc in natura & decurſu morbi, cujuſcunque demum, repugnet. Neque vero ideo omnia illa, quæ præter naturam affectionis, in morbis pene ſingulis, quotidie evenire obſervantur, ſtatim ad divinum Coi referenda videntur, cum id ipſum, quod ſæpe ejusmodi mutationes obſervatæ ſunt, & ſub iſdem conditionibus, atque ut inde ſuſpicari licet, a cauſis iſdem ortæ, efficiat, ut non amplius hæc divini notio illis conveniat.

#### §. XLV.

Malignum in morbis exemplum ſit eorum, quæ adhuc dicta ſunt. In illo enim multa ita ab ordinario decurſu morbi, in quo obtinet, deſectere obſervantur, ut diligentiffima attentione opus ſit, ne fraudem ſibi, vel ægro potius, quem tractandum ſuſcepit, fieri patiatur medicus; cum ſæpe pulſus arteriarum oppreſſus, in ægris ſubito debilibus, & nihil mali ſentientibus, inquietis tamen deprehendatur, maxima interim febre, quæ non niſi ex effectibus cognosci poſſit, corpus depaſcente, ita, ut cum optimis ſignis

*z*) Etiamſi ex Hippocratis ſententia, divinum hoc in morbis ſolum quærendum videatur, tamen pari ratione etiam in cauſis morborum, & ipſis medicamentis obtinebit, quo divina medicamenta GALENI, pro rationibus illius ſecuti, omnino referenda fuiſſe videntur. v. §. 43.

nis æger moriatur. De his & id genus aliis, pleni sunt medicorum commentarii, quæ ut, post circulum sanguinis inventum, & cadaverum sectionem repetitam *a)*, ipsamque naturæ effectuum diligentiorē observationem, facilius explicari possunt; ita plerumque ex perverso medicationis genere orta, vel aucta certe, mortis inevitabilem necessitatem inducunt; cum medici quidam, consilio maligni a corde pellendi, calidissimo regimine febrim incendere, & varias inflammationes, in sphacelum letalem mox degeneraturas, excitare soleant, etiamsi ratio, experimenta, auctoritas, sapientissimorum in arte virorum, contraria fieri, & omni potius arte impetum febris minui jubeant. Pestis ipsa ad malignissimos omnium morborum merito refertur, cum sine ullo signo, sanissimos quosque invadens, subito intra minimum tempus, siquidem summus ejus gradus obtineat, mortem inferat, nisi vel subita venæ sectione, febris summa vis, quam potest celerrime, refringatur, vel omnibus meatibus apertis, id quod erat humoribus admixtum qualecunque *μίασμα*, morbum excitans, citissime eliminetur. Neque enim tutum sæpe est expectare, donec illa materia in apostema deponatur, quæ naturæ methodus esse solet, & quam, nisi in principiis medelam feceris, postea omni arte adjuvare oportet. Hæc igitur, qui primum in ægris deprehenderunt, si quidem in morborum natura examinanda versati fuerint, sine dubio ad divinum quod vocat Hippocrates, retulissent, quæ jam, partim ab Hippocrate ipso diligenter observata, & hodie a summis viris illustrata, sub divini notione comprehendere non possunt, cum & prognosis eorum extet, & curatio apta præscribi possit, etiamsi causæ non perfecte inspiciantur. Eadem plane ratione, atque singulæ epidemicæ constitutiones, cum primum invadunt, extraordinarium aliquid habere, experientissimis quibusque medicis, videntur, quas postea diligentius observatas, ad ordinarias plerumque leges reduci posse, atque divini notionem semper magis magisque evanescere,

exem-

*a)* Ex. gr. Sæpe in morbis malignitatis accusatis, vomicas hepatis latere, inculcabat auditoribus suis, Summus, dum viveret, BOERHAAVIUS.

exemplis constat. Quæ quidem, e SYDENHAMI præsertim scriptis, confirmare non difficile fuerit.

### §. XLVI.

Hinc illud consequitur, ut quo diligentius quis morborum naturam examinandam sibi sumserit, eo plus divini hujus illi primum offerri necesse sit, quod postea ipsa illa diligenti observatione morborum, in primis si quam plurimorum observata adjungat, semper magis ordinarium, atque adeo hoc sensu minus divinum, ipsi futurum esse, consideratio rei ipsius docet. Et certe, si methodum Hippocraticam secuti ab Hippocrate inde essent medici, atque ea diligentia, qua summus ille vir in indagandis morborum causis, signis, & effectibus usus est, ad nostra usque tempora, recentiores antiquiorum semper observationibus nixi, medicinam coluissent, quod commendare medicis hoc ipso loco videtur Cous, parum divini hujus in morbis superesset. Quanquam vel sic illud imminutum esse, tot novis ad medicinam accessionibus factis, tot observationibus scriptis, tot experimentis captis, nemo in dubium vocabit, Poterat vero magis decrefcere, nisi multi medicorum hypothesibus, & vanis ingenii luxuriantis figmentis intenti, artem optimam, observationibus & certis experimentis sapientissime superstructam, ad suas quisque normas, falsa veris miscendo, accommodare, quam antiquis fundamentis, optime jactis, inædificare, & ita artem optimam semper magis perficere, maluissent.

### §. XLVII.

Et jam jure quidem exempla hujus divini suppeditari expectabunt lectores. Verum, cum Hippocraticum divinum tractandum susceperimus, dicendum esset, quid illi in morbis divinum visum sit, quod certe difficillimum fuerit, modo omnino fieri possit; cum ipse Hippocrates in scriptis suis, quibus de morbis cognoscendis & curandis præcipit, nunquam quod quidem nobis depre-



deprehendere licuerit, aliquid divinum hoc sensu vocarit *b*), verum, vel canones generales, ex pluribus historiis morborum collectos, vel ipsas observationes nudas proposuerit, forte ut ex illis exempla desumerent lectores eorum, quæ dicta erant; vel inde legum, a se positarum, exceptiones formarent, quibus postea, accessionibus subinde factis ad novas leges inveniendas uterentur *c*). Ex his autem investigaturo, quid Hippocrati divinum fuerit, non sufficeret, omnia Cui monumenta in numero habuisse, & ex illorum comparatione deinde ostendisse, esse aliquid in historiis morborum, quas tradidit, quod legibus, & observatis reliquis Hippocraticis repugnet, vel præter prognosin acciderit; cum sic nondum ad certum pervenire liceat, & hoc tamen semper restet dubii, forte hanc ipsam exceptionem, sæpius observatam bono feni, & ad ordinarium decursum morbi relatam esse. Certe hæc difficultas, quæ aliquoties tentantes repulit, ita nos deterret, ut malimus totum hoc, jam quidem omittere, quam amplissimo huic mari immergi. *d*)

## §. XLVIII.

*b*) Et forte omnia quæ observata habebat chartæ mandavit, ut posterius demum, excitati divini nomine, viderent, an divini aliquid in illis obtineat, quos, adjecto singulis, quæ sibi divina videbantur, ipso illo nomine, ab inquisitione deterruisset.

*c*) Si quis malit Hippocratem sibi soli modo & filiis scripsisse, quæ observaverat; vel scripsisse, ut exemplum præberet, quomodo scribendæ sint historiæ morborum, nihil est, quo refutari possit; quanquam omnia etiam conjunctim stare posse videantur.

*d*) Etiam si hujus loci non sit, exempla aliunde, quam ex scriptis Cui adferre, occurrit tamen in WEDELIANA epistola supra laudata exemplum, quod adscribere placuit, quia nimis pulchre ad rem illustrandam facit. *Decumbit studiosus, inquit ille, maligna febre, adsunt convulsivi motus gravissimi, pulsus frequens, inordinatus, debilissimus, feces invite prodeunt, oculi feroces, natura prostrata, evadit tamen. Alius febre maligna itidem laborans, ad oblata bene habet, vires constant, pulsus bonus, urina bona, moritur tamen, utrobique Dei digitum venerari fas est, omnia ex artis legibus facienti.*

## §. XLVIII.

Unum tamen hic non omittendum est, quod etiam si exemplum non suppeditur divini hujus, tamen ad sententiam Cui perspicendam non inutile futurum videtur. Nimirum Hippocrates libro de morbo sacro *e)* inter causas, quas habet, cur illum morbum non magis divinum putet, quam reliquos omnes, hoc etiam urget, illum biliosis non accidere solere, pituitosos contra ea frequentissime invadere, in quibus cerebrum, aliorum etiam morborum causa, humore diffuens deprehendatur, cum si divinius reliquis jure habendus esset, omnes promiscue invadere deberet. Observaverat forte divinus ille vir, reliquos morbos corporum discrimen servare, ita, ut febris ardens pituitosum; biliosum & calidum, sine manifesta causa, hydrops, non facile invadat, & hoc in ipsis epidemicis obtinere. Viderat porro ab epilepsia etiam pituitosos magis invadi; statuerat causam ejus esse humiditatem cerebri, hinc nulla parte diviniorem reliquis pronunciaverat, etiam si a Deo, ut reliquos morbos, originem suam ducere putaret. Si jam observasset, illam, sine alia causa, biliosos etiam aggredi, & reliquorum morborum, quin suas ipsius leges migrare, eam, quod extra ordinem grassari videretur, & ejus causam abscondita lateret, divinum quid habere arbitratus esset, neque tamen ideo causam ejus non quassivisset, & curationem aptam ex indicationibus & experimentis invenire conatus esset.

## §. XLIX.

Restat, ut aliorum sententias, quam potest brevissime percurramus, & cum nostra comparemus; qua in re monendum ante omnia erit, de causis in universum in Prognosticis sermonem esse non posse, cum distincte Θεῶν in ipsis morbis quaerendum esse *f)* ibi praecipiat. Sed etiam si interea ponamus, quaerendum

*e)* v. §. 27. n. f. in fine.

*f)* Ἐν τῇ Θεῶν ἐστὶ ἐν τῇσι νόσοις &c. confer. §. 44.

dum in causis esse, certe non in aëris constitutione illa generali, quod GALENUS quidem velle videtur, intelligi potest, cum omnes morbi ex Hippocratis sententia ab aëre oriantur g) essetque adeo in omnibus morbis divinum quid, quod Coi verbis repugnat, qui si quid forte in morbis divinum sit, observare vult medicos; Ut taceamus illud, Hippocratem tradidisse aëris effectus, quos tamen a discipulis suis diligenti observatione demum erui posceret, si quidem in aëre divinum collocandum esset. His accedit, quod ratio nulla sit, cur ambigua & obscura voce *θεῖον*, nominari aëris constitutionem, quam semper dilucide indicavit, nunquam illo nomine comprehendit. Neque vero feliciores fuere, qui has difficultates cum viderent, vel causam occultam in aëre hærentem, & sua vi excitantem morbos, vel a sideribus cum aëre communicatam, intellectam Hippocrati putant: cum desiderum influxu, quod jure huc referri possit, nihil in Hippocraticis, invenias b); premant utramque sententiam, quæ de causis in genere dicta sunt; & quod causæ obscuræ, quam non intelligere, multo minus sensibus percipere liceat, prognosin, quod tamen requirit Hippocrates, ediscere nemo possit; possit tamen effectus illius videre, & hujus postea prænotiones observare. Verum ita divinum non causæ inerit, sed effectui inde producto. Et eadem hæc ratio etiam contra SEBIZIANAM sententiam facit, quæ etiamsi cum nostra de cetero conveniat, hoc tamen difficultatis habet, quod & causas admiscet, (de quibus sermo in prognosticis plane non esse videtur), & quæ in morbis sensui

g) Vid. §. 12. n. b, & confer. §. 35.

h) Conf. §. 18. & §. 29. Ea vero, quæ libro de insomniis, de astrorum, in somnis visorum, judicationibus dicuntur, comparatione instituta, & ex theoria ibi demum formata dici, neque adeo inde sequi, morbos ab astrorum influxu ex Coi sententia oriri, serio totum librum perlegendibus apparebit, neque videtur Hippocrates astrorum effectus veros in corpus humanum ibi ponere. Et in genere astrorum in corpus humanum influxum ex Hippocraticis scriptis declarari non posse, neque in ea sententia fuisse Coum, magni in his litteris nominis, IOAN. HENR. SCHULTZII, auctoritate defendi potest. v. *Hist. Med. Per. L. Sect. III, c. 3, §. 15.*



ſenſui & rationi abſcondita ſunt, ea Θεῶν Hippocrati eſſe vult, quæ licet maxime eo referenda putemus, tamen quomodo prænotio eorum formari unquam poſſit, cum adeo abſtruſa eſſe ponantur, non videmus; & ſi formari poſſit, hoc tamen manebit, illa ſæpius obſervata divini notionem amiſſura, & eſſe, fuiſſeque præter hæc alia, quæ ſi modo tum, cum primum obſervata ſunt, obſcura fuerunt, & extraordinem a cauſa incognita acciderunt, divini Hippocratici notionem habuiſſe nobis videntur. WEDELIANA opinio ita illis, quæ a nobis adlata ſunt, tota ſimilis eſt, ut integram illam complexi divino Hippocratico, modo ampliores aliquantum terminos ei præſcripſerimus, quod an bene factum ſit, iudicium eſto penes lectores. Illi porro, qui a Deo immiſſos morbos divinos dixerunt, ad nomen Θεῶν videntur reſpexiſſe, quod inde deſumptum eſſe dictum eſt i), ſed de cetero Hippocratem nullum morbum magis divinum putare altero, ex libro de morbo ſacro k) conſtat. De maleficiis denique & morbis a ſcincino in Hippocraticis nulla ſuſpicio eſt, quam opinionem bono viro, omnis ſuperſtitionis hoſti inſenſiſſimo, imputare velle, iniquiſſimum videtur l).

### §. L.

Stat igitur ſententia, Hippocratem cum arctiori ſenſu, illa, quæ in morbis extra ordinem, contra leges diligenti obſervatione inventas, & a cauſis incognitis, fieri deprehendantur, tum morbos omnes, & opera naturæ in univerſum omnia divina dixiſſe. Nos, ut in ſingulis operibus naturæ, divinam ſapientiam atque bonitatem admiramur, ita omnes morbos a Deo, per naturæ leges ab ipſo poſitas, oriri arbitramur, quin omnes pene affectiones, quas adhuc accuratius inſpicere licuit, divini illius Hippocratici aliquid habere, nobis minus in hac palæſtra exerci-

tatis,

i) v. §. 21.

k) v. §. 27. n. g.

l) confer. quæ ad §. 34. dicta ſunt.

tatis, visæ sunt. Verum speramus, accedente ætate, & experimentis ipsius artis, futurum, ut hoc ipsum divinum magis evanescat: Et ab altera parte, ut in eo finiamus, in quo cepimus, certi sumus, & superfutura semper plurima, quæ Hippocrates divina appellaturus fuisset, & successura in locum eorum, quæ forte evanescent, plura longe, in illis etiam, quæ cognita jam videntur, in quibus consistere oporteat, ut nihil supersit adeo, quam, ut infinitam illam sapientiam, potentiam, bonitatem, quæ hæc omnia facta sunt, demississimo venerationis cultu adoremus.



## DISSERTATIO

DE

MALO HYSTERICO,


PUBLICE PROPOSITA

GOTTINGÆ, D. 30 DEC. 1741.

RESP.

F. G. MEIER.

GOTTINGENSIS.



## §. I.

Uterus, ob postremum inter viscera corporis humani situm, græcis ὤτερα, & quidquid feminis seorsim sexus sui vitio contingit, hystericum adpellari consuevit. Quamvis igitur inter infinitas illas ærumnas, quas *Democritus* utero adscribit, plurimæ fortassis alterius sint originis, haud tamen ubiuis excusare, & aperti criminis inter totius antiquitatis suffragia convictum, cum recentioribus quibusdam tueri, & plane infontem declarare æquum videtur. Hi etiam ipsi, qui uteri tutelam nimis suscipiunt, meminere, integrum sibi in posterum non esse, hystericas vocare, a quarum utero omnem labis suspicionem ipsi remouent.

## §. II.

Non dubitamus igitur, malum hystericum, quod Græcis πνιξ vel ἀπνοια ὤτερικη, *PARACELSO* caducus matricis, *Helmontio* asthma uteri, plerisque hodie strangulatus matricis, vel suffocatio hysterica aut hypochondriaca adpellatur, tanquam vehementem adfectum generis nervosi spasmodicum & convulsivum confi-



considerare, ab irritante circa uteri confinia stimulo natum, hinc cum molesto sensu circa loca illa, & specie plerumque globi inde adscendentis, & inter spasmos partium abdominalium incipientem, ulteriorique progressu in strangulatum faucium, oppressumque sensum pulmonum & cordis motum, ipsumque sensum & extremorum perfrigerationem desinentem.

### §. III.

Violentos nervosarum & fibrosarum partium spasmos *a)*, eosque, si morbus invalescit, fere universales nemo non deprehendit. At multis non opus videtur, spasmodorum illorum origines ab utero derivare. Perquiremus igitur paucis veteris & recentioris ævi de illa mali sede sententias. Et antiquorum quidem medicorum ad initia usque elapsi sæculi concordēs de utero querelas reperimus. HIPPOCRATES *b)* vagum uteri, instar pilæ in ventre oberrantis, motum variis locis adstruxit, & nunc ad latera, nunc ad præcordia & ipsum caput, nunc e contrario ad pedes devolui existimavit. In qua re, quamvis CAESALPINUS, MERCATUS, HELLWIGIUS & alii eum cum vulgo locutum esse, & ad sensum feminarum tradant; verba tamen ejusdem sine restringendarum vocum conditione toties iterata, & ad institutionem medicorum, non plebis scripta, hinc a vetustis jam medicis impugnata, haud illo interpretum fūco, in prisca rei anatomicae caligine, multum indigere videntur. Hinc & ARETÆUS CAPADOX *c)* fluctuantem illum uteri motum nunc ad latera, nunc ad superiora iisdem propemodum verbis expressit. Oculatior in anatomicis GALENUS *d)*, non tam contra Hippocratem, quam PLATONEM in eodem argumento disputans, primus utero vin-

cula

*a)* WILLISIUS accuratissime demonstravit, symptomata illa hysterica esse spasmodica. L. de morb. convuls. C. X. Confer. III. Hoffmanni Med. Syst. T. IV. P. III. C. 5. p. 153.

*b)* De natura mulierum, item morbis mulierum variis locis.

*c)* L. 2. de Causis & sign. acutor. morb. c. 10.

*d)* De Loc. adfect. c. 5.

cula inject, vel potius illa, quæ ejus excursions inhibeant, per naturam adesse ostendit. Adeo tamen in hysterice uterum non immunem agnovit, ut à corrupti sanguinis & lymphæ seminalis halitibus, per vasa nervosque sparsis, cœperit symptomata explicare. Quod ipsum non obstitit, quo minus inter recentiores LIDDELIUS, FERNELIUS, AUGENIUS, LOMMIUS & alii, in partes Hippocratis proniores, sentiri manu illos adscendentis uteri motus, & in propriam sedem repelli eundem posse existimaverint. Accessit SPIGELIUS, & nihil ait in anatomicis ac rerum naturæ experientiæ habere, qui hic repugnet, se verò ipsum in gravidis & non gravidis multiplicem loci mutationem sensitse, nec hinc mirari, tam frequentem rei hujus mentionem ab Hippocrate injectam. Facile tamen GALENI sententia caput extulit, vindicibus SINIBALDO e), DIEMERBRŒECKIO f), aliisque innumeris, licet non omnes partibus vicinis circum quaque adeo strictim adligari velint, quin levis situs mutatio, in gravidis adeo necessaria, & ipsi jam GALENO concessa, locum reperiat. Id verò ex dictis adparet, inter hæc ipsa opinionum dissidia, perpetuam tamen latentis mali suspicionem pressisse uterum, sive is ex sede sua malignos halitus, frigidos, coagulantes, vel alia vi inimica penetrantes dispergeret, sive ipsam mutaret sedem cum vicinarum partium offensione.

#### §. IV.

Progressam eo usque adfecti uteri doctrinam primus impugnavit CAROLVS PISO g), & quidquid hystericorum symptomatum est, rejectis uteri vitiis ad epilepsiam, capiti idiopathicam, retulit, ferventemque feri colluviem principia nervorum, præsertim spinalis medullæ, impetere, & violenter distendere, capto

e) Genianthr. L. 4. T. I. c. 20.

f) Anatom. L. I. c. 24.

g) Cujus Obs. de præteruis. morb. à serosa colluvie primo prodierunt 1618. Sedem hysterici mali in capite, & causam continentem in Sect. II. P. 2. pag. 144. & 145. Edit. noviss. exposuit.

capto in defunctarum cadaueribus experimento docuit. Ex quo tempore in alias hysterici mali sedes designandas ab iis, qui ingenio abundarunt, certatim itum est, NATHANAEL HIGHMORUS *b)* infarctum pulmonis accusavit. FRANCISCUS *de le BOE* SYLVIVS a succo pancreatico cum bile effervescente, & per halitus austeros adscendente, omnes turbas, orientium in primis flatuum, explicuit. THOMAS WILLISIUS & ipse THOMAS SYDENHAM cerebrum ac nervosum genus adfectum putarunt. Omnes purgato utero sedem mali aliorum transferunt, at tum lucem novæ morbi cognitioni accendunt, illam, quæ tot seculis luxit, exstinguere non sine quadam injuriæ specie videntur. Vix erat secessu illo opus, cum novæ veritates, quæ iis debentur, fulcire veteres & exornare, imo quidquid errorum adhæresceret, separare longe majori artis decore potuissent. Coëgit celebres viros deserti uteri causâ, si unum fere HIGHMORUM excipias, ut viros ipsos in hysterici mali consortium admitterent, omnis ævi observationibus exclusos, & forte ob hanc solam rationem, quod nunc in partem, utrique sexui communem, culpa devoluta esset, tam tetra societatis participes redditos *i)*.

### §. V.

Sed quid demum respondebimus illis *k)*, qui uterum sigillatim quatuor potissimum argumentis excusant, 1) quod sensu non gau-

*h)* Tract. de Pass. hyst. c. 3.

*i)* HENR. MEIBOMIUS, in Diss. de suffocat. uterina Helmstadii 1686. habita, notat §. II. cum LANGWEDELIUS Hamburgi Pisonem enucleate edidisset, de sententia ejus inter Lubecenses medicos exarsisse littem, at neminem inter eos, licet munere & fama magnos, fuisse, qui vel unicum virum viderit cum vera quadam hysterici mali specie conflictatum esse. Addit ipse Meibomius, se inter sexcentos hypochondriacos, quibus medicinam fecit, nullum reperisse eadem cum hysterici passum. Mira sane res videtur, inter tot secula ante Pisonem neminem de viris hysterici cogitasse, cum quæstio sit circa rem sensibus expositam, non ex ratiocinio & hypothese derivandam.

*k)* Vid. celebr. viri C. M. BURCHARDI Diss. de adfect. hyster. Rostochii habit. §. VIII.

*Richteri Opusc. T. I.* N



gaudeat exquisito; 2) quod fibris carneis & nerveis destituatur, adeoque nec spasmo adfici, nec spasmus in aliis locis excitare possit; 3) quod multæ hystericæ sint, quæ tamen valeant utero, prout ex integritate fluxus menstrui colligi queat; 4) quod multæ hystericæ non sint, quæ tamen utero laborent, indicio corrupti humoris exstillantis, vel suppressorum lochiorum, vel aliorum malorum. Adduntur demum exempla virorum cum eodem malo conflictantium. *Primi argumenti* vim vel illa veterum sententia infringere videtur, quæ cum ARAETEO ζῶον ἐν ζώῳ uterum dixit. Adeo ipsis vivere, sentire & adpetere censetur, ut peculiarem quasi vitam habeat, & ex ipsa cupiditate stimuli explendi tam feroci motu exsultet. Certe cum hic per uterum intelligamus omnem partium generationi destinatarum ambitum, nemo insensibilem sibi concipiet hanc sensibilissimæ voluptatis sedem. Furores uterini hinc enati, qui totum systema nervosum turbant, sensum omnem non adficiunt modo, sed & in primis sedibus labefactant. Et quod potissimum erat, tot nervi per uteri compagem, ab ipso trunco intercostali, sparsi, & tot sævientes dolores in ulceribus & aliis malis uteri, facile negatam sensibilitatem adserunt 1). *Alteri argumento* miram illam contracti expansique uteri varietatem obii-cimus. Ejus involuérum, quod sub exteriori & interiori interiacet, musculosum à MALPIGHIO sic describitur, quod instar vesicæ urinariæ, fibræ fortes & crassæ ab uno latere oris extensæ, omnem ambitum percurrant, & ad oppositum latus desinant. Harum vis est, arctare uterum, foetu autem contento aperire os uteri. Si caussa interna distendit, videntur fibrarum strata non omnem tegere ambitum, & quasi in loco vacuo intermedio inter has fibras, vasa sanguifera, quæ gravido utero ad liquida aduehenda debebant, decurrunt. At si caussa distendens cessat accurtari fibras, & com-

1) Iam Hoechsteterus Obs. Med. Dec. IV. pag. 24. uterum similem nervo dixit, fibris plurimis gaudentem, ob quas facile se contrahit. Pulchre addit: *pars est multis morbis opportuna, in quam arteriæ & venæ plurimæ desinunt, per quas totius corporis excrementa & recipere potest, & solet, quorum si tardior exitus sit, quam adfluxus, facile per nervos malum diffunditur.*

comprimi vasa, salutari in compescendis sensim lochiis instituto naturæ &c. certum est. *Tertium argumentum*, quod multæ hystericae utero valeant, non debet sola fluxus menstrui integritate niti, uti nec *quartum*, quod multæ utero laborantes non sint hystericae, tangere illos potest, quibus nunquam in animo fuit, solis cancellis hystericae passionis omnem includere uteri morbum. Ibi negamus, utero semper valere, quibus menses rite procedunt, hic adfirmamus, multas laborare utero posse ex alia etiam causa, quam solius mali hysterici. Viros autem, qui hystericos facit, videtur hypothefi litare. Exemplorum, huic rei servientium, parum est, & symptomatum, in iis occurrentium, dispar plerumque ratio, ut illa deliquia animi, illa aphonia, & suffocationis pericula, quæ sæpe non minus subito invadunt, quam cessant, hysterics tam frequentia, in viris vix deprehendantur. Neque tamen est, cur nimis hic difficiles simus, cum spasmodorum ex alio fomite ortus in viris quoque nervorum imbecillitate affectis similes aliquando turbas excitare possit, in iis maxime, quorum liquor seminalis stagnans vel corruptus in spastica symptomata erumpat. *m)* Sunt viris picæ & vomitus, ideo tamen picas prægnantium nemo negat ex uteri culpa oriri. Possunt igitur communia fere symptomata a diversis causis enasci, modo illud ponamus, fortiores virorum nervos plus causæ irritanti resistere, nec aliam facile partem esse, quam uterum, quæ secum communicantes nervos ita in consensum rapiat, & illam symptomatum seriem pariat.

## §. VI.

Sed hæc quidem ad vindicias uteri respondisse nondum sufficit. Penitus excutienda est causa ejus, ut pateat, merito eum insimulari de tot malorum proventu. Id statim illum in suspicionem trahit, quod feminas tam acriter adfigat, viris vel pepererit semper, vel non nisi raro & mitiori, imo multum dissimili spe.

*m)* Singularem casum habet Ill. HOFEM. in Med. Rat. Syst. Part. III. Cap. V. Obs. 2.

specie impendat. Quodsi cogitamus, plerasque manifeste infestari, quæ vel menstruo fluxu, vel alio uteri vitio laborant, id jam magnum justæ suspicioni momentum addit. Dum vero deinceps ingruentis mali primus sensus circa uterum notatur, & cum *Fernelio Rbodioque* severe pronuntient doctissimi viri, ipsis manibus se deprehendisse aliquem uteri motum, parum videtur superesse, quod spem alat immunitatis ejus. Si porro consideramus medelam ab usu veneris *n*), a prolapsu uteri *o*), a variis eidem injectis, crescunt capita æquissimæ accusationis. Illud jam ex Harvæo notum est, quod vitriolum Romanum cum aliis utero injectum, miram ejus vehementer contract. duritiem, & omnia deinceps hysterica symptomata pepererit. Maximum denique momentum dabunt ipsæ inspectorum cadaverum sectiones. *VE-SALIUS p*) testes hystericarum pila grandiores, & graveolente humore infarctos reperit, *WEPFERUS q*) utrosque testes in magnam molem excrevisse observavit, *BINNINGERUS r*) eosdem cum vasis spermaticis & tubis uteri tumentes induratosque, instar steatomatis vidit. Similem duritiem, pugno majorem, in teste *RIOLANUS s*) notavit. *DIEMERBROECK t*) plerumque excessum magnitudinis circa uterum, & nunc liquidum æruginosum, nunc croceum, nunc flavum deprehendit. *MANAGETA u*) uterum cum testibus a materia seminali corrupta, instar casei recens coagulati, turgidum descripsit. Nec opus est, uterum semper inflammatum, ulcerosum vel magno corrupti liquidi infarctu adfectum ubivis exspectare, cum quod aliquamdiu hæret & colligitur, & per ipsum deinceps paroxysmum dissipigitur, pos-

*n*) Ballon. Confil. medicinal. L. III. Confil. 55. cultum uteri, tanquam fundi, symptomatum hystericorum medelam esse ait.

*o*) vid. Harvæum de partu.

*p*) L. V. de hum. corp. fabrica cap. XV.

*q*) In Epist. ad Segerum p. 39.

*r*) Cent. II. Obs. XC.

*s*) Anthropol. L. II. p. 35.

*t*) Anat. L. I. de ventre inferiori c. XXIV.

*u*) In M. N. C. D. I. a. I. obs. 32.



possit tantum malorum sine remanente vestigio creare. Sæpe pulmonem acris humor, licet non persistat, plus quam magnæ vomicæ infestat. Addo, in minimis non raro vasis, sensibus haud ita expositis, vim irritantis mali latere posse. Denique, si WILLISIUS membranas potius mesenterii, prope plexus nerveos, a se divulsas tumidasque, & in bullas quasi inflatas notavit, si PISO in occipite nervorum principia sero acri immersa vidit, nulla inde uteri immunitas sequitur, sed spasmi inde ad alia loca translari violenta mutatio, quæ & stasim & rupturam facile aliis locis intulit.

### §. VII.

Majorem sententiæ nostræ lucem adfundit demonstrata symptomatum origo ex idea adfecti uteri. Sed præmittamus primum paulo luculentius, qualia ista sint. Corripiuntur interdum ægræ fati subito, plerumque lassitudo aliqua, tædiumque ac torpor præcedit cum sensu puncturæ ad pedes & femora x). Mox dolor lumborum cum algore quodam, venter durus, umbilicus retractus, (qui in hypochondriacis potius extrorsum distenditur) & sensus globi e ventre ad diaphragma adscendentis cum murmure intestinorum, alvo adstricta, & limpidissimi lotii effluxu. Dum vires mali crescunt, anxia sequitur & suppressa respiratio, cor inæquali & tremulo pulsu palpitat, extrema algent, fauces angustantur, vox perit, & sæpe sine vestigio pulsus sensus & respirationis jacent prostratæ. Hæc potiora & fere constantia sunt, quæ contingunt, alia, pro convulsarum partium indole, mirum in modum variant, Inde enim aliis nunc oculi introrsum, nunc extra orbitam depelluntur, nunc stridulus sonus vocis efficit, ut pro *ἰγλασσωμένους* & dæmoniis habeantur, nunc varia delirii formæ rident, cantillant, lasciviunt, nunc e contrario soporibus opprimuntur. Talia symptomata plerumque remittunt, nunc ructibus, nunc suspiriis, nunc lacrymis expressis, nunc soluta alvo,  
nunc

x) WILLIS. de Febr. C. XI.

nunc humore quodam per muliebria exstillante. Inter quæ pulsus vegetior fit, facies explicior, calor, sensus spiritusque recedit, ut quæsie somno evigilare videantur. Nunc cito & perfecti ad se redeunt, nunc remanente sensu gravitatis & lassitudinis, Ex dictis abunde patet morbi *diagnosis*, restat tamen inspicere quomodo illa a labe uterina pendere possint.

### §. VIII.

Externa membrana, utero superextensa, & firmo nexu sustinens diversi generis vasa transeuntia, dum sequitur uteri motum, nunc ampliatur in vasis suis, nunc contrahitur. Quæ, licet mira anastomosi dispergantur, toties tamen capacitatis suæ gradum mutantia, facile stasi & corruptioni contentorum sunt obnoxia. Vnde uterum, qui alio tempore vix vasculosus adparet, circa menstruorum fluxum quasi varicosum observant. Uti vero *arteriæ spermaticæ primus & maximus ramus* se testis immergit, *alter* ad ligamentum uteri latum ac membranaceum, ex gemina peritonæi lamella factum, decurrit, *tertius* per uterum spargitur; ita communis ratio reticularium plexuum, inter se communicantium, mutuum ubivis consensum stabilire videtur. Venarum reducentium, a teste in primis, tanta est multitudo, ut ex reflexu leviter impedito, varicosum adpareat corpus. Nervi vero assiduo comitatu omnia stipant, dum ipse truncus nervi intercostalis, postquam plexum hepaticum, lienalem, renalem & meseraicos superavit, adscitis nervulis, in primis ossis sacri, partibus ubique genitalibus æque ac vesicæ & intestino recto liberalissime prospicit. A mora igitur liquidi in dictis vasis vel stagnantis, & corruptionem subeuntis, vel nimia tensione irritantis, potest & irritatio nervearum fibrillarum, & hinc orti spasmi progressus in partes primum vicinas haud difficulter explicari. Veluti per peritonæum cum omnibus partibus abdominalibus non levis consensus est; ita maxime per nervum intercostalem, ex dictis plexibus emergentem, & per nervos ossis sacri & lumbares, totamque medullam spinalem mirifice fulcitur. Inde est, quod hysterici sensu illo circa regionem uteri & lumborum primum adficiantur, alius adstrin-

adstringatur, renes non nisi limpidissimo lotio pateant, flatus per intestinalem tubum intercipientur, ructus, nausæ, vomitus oriantur, & quæ alia manifestam spasmi naturam arguunt. Hæc in abdomine scena primum luditur, mox vis mali ad thoracem per nervorum perpetua commercia transit. Intercostalis enim format plexus ad singularum costarum radices, & ubivis nervos spinales sibi adsciscit, ipse pharyngi & laryngi cordique ramulos impertit, & cum plexu cardiaco, &, ut WILLISIUS ostendit, cum nervis phrenicis & recurrentibus communicat. Quodsi præterea tum per medullam spinalem vis spasmi, tum per intestina ad ventriculum & œsophagum flatuum violentæ tensiones concurrunt, necesse est, cordis pulmonumque motum fere opprimi, & cum periculo suffocationis fauces & pectus angustari. Et quid impedit, quo minus tertium stadium morbus emetiatur, & origines irritatorum nervorum concutiat? Sunt in facie externa hujus convulsionis signa, internam cerebri labem produnt sopores, vel ingens certe sensuum diminutio, quamvis hanc ipsam jam sequi oporteat ex pulsu vix sensibili, qui sanguinis parum ad cerebrum, hinc & secretorum spirituum parum ad cor vehere potest.

### §. IX.

Specialim aliqua prosequemur, ut adpareat, plerosque inter se ipso externo dissensu conspirare. Manifeste quædam a flatibus pendent, ut recte SYLVIVS, multa a motu pulmonum oppresso, ut recte HIGHMORUS, plurima a nervis, ut ipse post WILLISIUM SYDENHAM docuit. Et flatuum sane originem concipere nunquam sine spasmo licet. Hic obicem ponit trans-eundi, ut interceptus & calore rarefactus nitatur in eruptionem non sine violenta tensione partis, intra quam coërcetur, adfligente nervos vicinos. Id vero, *quod se attollit instar nodi*, flatum cum SYLVIO dicamus? an cum GLISSONIO γ) particularem muscu-



musculorum abdominalium convulsionem? an cum WILLISIO 2) plexum nerveum in medio mesenterio immaniter inflatum, multi fortassis ambigant. Sane illis plexus nervei tumoribus, quos WILLISIUS statuit, adsentiri non permittit conditio nervi ad inflationem omnem inhabilis. Reliquæ binæ sententiæ, si ex natura præcedentis spasmi explicantur, ferri simul possunt. In scorbuticis & vaga arthritide laborantibus subinde observamus rotundos oblongosque tumores, in musculis præsertim femoris ac surarum, instar ovi anserini. Hæc manifesta est musculorum convulsio, at non minus manifesta est ratio adscendentis in tubo cibario flatus & circa locum obicis intumescens, in primis cum illo per ructum soluto cedat subinde, quod pali, gulæ infixi, speciem habebat. Jungamus igitur utraque tanquam spasmorum effectus, qui maxime adfectis musculis colli, pectoris, laryngis opprimunt actionem cordis & pulmonum, ut opus non sit, id cum SYLVIO austeris halitibus tribuere, aut cum HIGHMORO infarctum pulmonum statuere, cui sine dubio inflammatio superveniret vel hæmoptysis.

## §. X.

Peritis facile morbus noster a cognatis discernitur. Proxima cognatio est cum *epilepsia*, in quam omnino terminari subinde solet. Adeo *vulvæ morbus*, inquit CELSVS a), *interdum exanimat, ut tanquam comitiali morbo prosternat, distat tamen in eo, quod nec oculi vertantur, nec spumæ profluant, nec nervi distendantur.* In epilepticis convulsio magis universalis est, pulsus adhuc vegetus, eorum vero, quæ geruntur, oblivio: Hæc tamen secus se habent in hystericis, in quibus præterea sub finem morbi vel ventris murmura, vel lotii aut uterini liquidi effluxus notantur, quod in epilepticis ita non fit. Addimus ibi sursum, hic deorsum

2) De Anat. cerebri c. 27.

a) L. IV. C. XX.

sum vim primam convulsionum se exerere. *Malum hypochondriacum*, quod multi vel plane non, vel tantum ratione sexus distinguunt, dum viscerum abdominalium scirrhis, infarctibus ac corruptelis ortum debet, lente nascitur, diu persistit, & difficillime vincitur. At hystericas, quarum viscera abdominalia saepe sine omni labe reperiuntur, subito invadit malum, ac deserit, & saepe levissimis medicamentis cedit. Ibi nec tanta deliquia animi, nec tantum periculum suffocationis, nec tanta sensuum motuumque oppressio, quam hic notari solent. Adde, hypochondriacos invalescente morbo melancholia, scorbuto, vel lentis febribus affligi, hystericas acutis potius, vel furore uterino, aut epilepsia. Cum *nephritico malo* & *renum calculo* exigua est adfinitas, cum nunquam illa mala ad suffocationem usque & strangulatum faucium invalescant. In *apoplexia* major est sensus motusque abolitio cum stertore plerumque, manente, vel etiam intensius aucto pulsu cum laboriosa respiratione. In hystericis maxime ultima adfiguntur, sensus aliquis gestorum remanet, multis frequentes gesticulaciones sunt. Si in fastigio sit vis mali, facillime possis cum *syncope* confundere, quæ mortis imago est, imo interdum cum *morte ipsa*. Sunt sane, qui illa vitæ adhuc superstitis explorandæ adminicula, ut plumam, vel gossypium carptum, aut candelam accensam, aut speculum, vel tersum chalybis frustum, naribus admotum, vel vas aqua plenum pectori impositum negant ad probandam vitam sufficere. Quamvis enim polita illa corpora vel levi halitu infici, & agiles istas partes eodem moveri oporteat, ita tamen subinde oppressa est anima, ut nulla amplius per vias consuetas meare videatur *b)*. CAPIVACCIIUS, HOLLERIUS, RIVERIUS & alii negant, his fidendum esse, nisi inter usum excitantium, & sternutatoriorum in primis. VESALIUM, quod hystericam pro mortua habitam secuerit, defendit ANDREAS DUDITHIUS *c)*. Certe inter opprobria illa, quod in ipsis interdum

*b)* Existimavit GALENUS 6. de loc. adf. c. 5. mulieres vivere sine respiratione per solam corporis perspirationem.

*c)* Apud Laur. Schulzium Epist. 31.

terdum sepulchris revixisse mulieres, & septem diebus exanimis ad se rediisse dicantur, non sunt temere ad quamcunque mortis speciem deferendæ. Plerique, collectarum observationum fide nixi, non extra triduum spem vitæ extendunt.

### §. XI.

Distinguit *passionem hystericam* ROLLINCIUS in *perfectam* & *imperfectam*, HELLWIGIUS in *veram* & *notham*. Quam ille imperfectam, hic notham dicit, spasmis vicinarum partium terminatur, atque hanc perpetuo fortassis suspicantur imperitiores, quoties ad feminas, cum morbo non satis cognito conflictantes, vocantur. Vera autem vel perfecta in illam fere universalem generis nervosi convulsionem terminatur, ita tamen, ut pro diverso gradu sensibilibioris naturæ cum majori minorique symptomatum satellitio ingruat, vim vero præcipuam in pulsus & respirationis sedem exerceat. Distinguere non minus morbum licet prout vel per *πρωτοπάθειαν* vel *δευτεροπάθειαν* exoritur. Ibi minera mali latet in utero, hic uterus in consensum tractus truculenta illa symptomata ciet.

### §. XII.

Obnoxia præ reliquis morbo nostro sunt puellæ viro maturæ, feminae steriles, viduæ juniores, inprimis si animi sint sensibilibioris & texturæ tenuioris, præterea molliter & in otio educatæ, sanguinisque & succi plenæ, viriliumque amplexuum adeptæ. Inter fluxus eorum postea vitiosos vel retentos, inter laboriosos partus & suppressa lochia, inter molimina mensium primum erumpentium, inter irritamenta gulæ, quæ opiparum victum cum vino generoso indulgent, inter adfectus, qui cholericis maxime & sanguineis ferocius insurgunt, interque odores & alios nervorum stimulos ingens metuenda est erumpentis mali hujus sævitia. Quæ tardæ & phlegmaticæ vel animi constantis sunt, raro convelluntur, rarius, quæ inter labores & exercitia corporis robur nervorum adeptæ sunt. Vt immaturis puellis,  
ita



ita & vetulis, quæ concipere, parere & utero purgari desierunt, parcit morbus, nisi prægressis jam annis nimis invaluerit.

### §. XIII.

Feminas ad morbum illum sic magis minusque prædispositas corripiunt causæ internæ & externæ, quæ nervos vehementer irritant, fluxumque spirituum turbant. Quem turbatum concipere nunquam licet, quin progressui quoque sanguinis & humorum per vasa obex varie ponatur. Vtrique stimuli, qui pubertatis annis oriuntur, & nunc menstruos fluxus excitant, nunc desiderium ad venerem accendunt, huc potissimum omnium auctorum unanimi fere consensu referuntur. Si illis satisfieri secundum naturæ leges potest, magna hæc sunt præsidia sanitatis, quibus mulier contra injurias morborum defenditur. Si neutrum rite obtinetur, læsio debitæ excretionis moram, infarctum & corruptionem, stimulumque liquidorum circa vasa uterina gignit. Mirum est, SYDENHAMUM ne inter causas quidem mali hysterici vitia uteri in excretis numerare. Haud facile persuadeor, quibus rite succedunt menstrua, & maritorum officium legitime præstatur, in hoc malum facile incidere, quamvis etiam alterius originis corruptelam, sed longe rariorem, in humoribus per vasa uterina concipere liceat. Multa ducunt ad illum statum morbosum, multa, si eo perventum est, accelerant erumpentis mali sævitiam tanquam remotiores causæ. De illis paulo ante diximus, ubi, quæ mulieres ad hunc morbum procliviores reddant, exposuimus. Ad has referimus vehementes animi commotiones, terrores, iras, mœrores, sollicitudines, maxime Zelotypiam *d*), dietam acrem, crassam, salsam, pinguem, vinosam, quælibet etiam fragrantia & suaveolentia, propter quæ mulieribus sæpe rimenda pharmacopolia easdem compositiones medicas nunc cum nunc sine odoratis venales habent. Ita apud PANAROLUM *e*) aquam

*d*) Montanus L. I. Conf. 89.

*e*) P. III. obs. 17.

aquam flor. aurant. hystericos insultus excitasse legimus. Sugerunt hic sepe multum irritantis stimuli ipsæ febres, ubi interdum in tertianis, cum calor ad supremum pervenisset, subito refrigeratas, torfas & suffocatas fere ægras, sudore demum liberatas legimus *f*).

#### §. XIV.

Prognosis mitior est, quam pro adparentis mali magnitudine. Illa terroris plena symptomata, quæ pulsum opprimunt & spiritum, longe rarius, quam ex alia causa funesta esse solent. Si juveniculæ sunt, si cito ad se redeunt, si multum distant paroxysmorum intervalla, parum metuimus. Omne tempus huic malo opportunum est, magis tamen hiems & autumnus. Inter causas minus metui solet, quæ est a mensibus læsis, vel aliis vitiosis humoribus, quam quæ a stimulis corruptæ lymphæ genitalis. Justius ubivis ad genium gradumque stagnantis, corrupti irritantisque respicitur. Prægnantibus & puerperis, ibi ob metum abortus, hic ob virium lapsum cum SENNERTO, ROLLINCIO, RIVERIO & aliis plus periculi ominamur, omnibus autem eo plus, quo plures partes spasmis illis affliguntur. Aetate protractas licet raro hoc malum infestet, si tamen præcedentibus jam annis adflixit, & cacochymia cum ætate crevit, mulctat graviter, & sine spe perfectæ sanationis. Quasdam, ROLLINCIO *g*) judice, excretio seminis levat, alias, ut PISO notavit, copia (pumosi sputi *h*), multas, ut SYLVIO observatum est, ructus supervenientes. Vomitus a suppressis mensibus laudat HORSTIUS *i*), sternutationem apud ipsum HIPPOCRATEM salutarem legimus. Multæ in paralyin incidunt, quales SCHNEIDERUS vidit, nihilominus paralyis, ex hoc malo oriens, minus rebellis est

*f*) Vid. Riverius C. 2. obs. 26.

*g*) O. & M. med. spec. consult. p. 880.

*h*) Hinc & CARDANUS L. II. de Venen. spumam ante os ut epilepticis lethalem, sic hysterics salutarem existimat.

*i*) In App. obs. n. 2. Lib. I. pag. 2.

est adversus manum medentem, quam alia. Quæ ex fervore liquidi genitalis laborant, veneris usu plerumque convalescunt. Corpora viribus exhausta, senilia, cacochymica, si in primis morbus inveteratus est, & gravia symptomata cum perfrigeratione extremorum adsunt, & fluxus mensium turbatus, vix plene liberantur. Multis syncope, apoplexia, & epilepsia superveniunt, perque mala hæc mors ingruit ex iudicio Ill. HOFFMANNI *k*. Ex crebris illis convulsionibus ingens plerumque atonia partium remanet, aliquando etiam cæcitas secuta est, notante FRIDERICO LOSSIO *l*), vel sterilitas, adfirmante HIPPOCRATE *m*).

### §: XV.

In sanatione morbi merito respiciunt medici tum *præsentem paroxysmum*, tum *imminentem*. Ibi adstrictam ipsam vitalitatis sedem celerrimis subsidiis liberant, hic causam, quæ novas injurias e longinquo minatur, in novo virium adparatu opprimunt. Priori ex parte mira est medicamentorum farrago, quæ pro scopo excitandi oppressos motus & spasmus doloresque tollendi, ac vires roborandi ubivis laudatur, & quorum non pauca suggerit ipsa consulentium muliercularum memoria. Maxima spes ponitur in foetidis, quæ naribus *n*), & suaveolentibus, quæ utero obijciuntur, & hoc quidem ipso HIPPOCRATIS iudicio nititur, quamvis in delectu illorum remediorum parum sit curæ, & plus ubivis superstitionis. Fumus ex corio veteri, verrucis equorum, cornu

*k*) l. c. Cap. 5. §. 4. mors ait in hysterice semper apoplectico vel epileptico contingit insultu.

*l*) In observat. medicinal. L. I. obs. XXVII.

*m*) Aphor. 35. sect. 5. Cui CORBEUS in gynæceo p. 97. contradicere videtur, suffocata, inquit, ab utero, si statim finito paroxysmo coeunt, prompte concipiunt. Respexit forte HIPPOCR. labem testium mulierum in hoc malo, CORBEUS vias ingressui seminis magis post motum illum concutientem patentes.

*n*) In iis, quæ dispositæ sunt ad epilepsiam, haud ferri fumos graveolentes notavit GREGORIUS HORSTIUS P. II. L. I. obs. 15. imo & suaveolentes fumos inferne reiecit HENR. SAXONIA L. IV. C. 27.



cornu equino, capillis hominum, plumis avium, præsertim perdicum, dissectis nucleis ceparum & alliorum, asæ fœtida aliisque multis tolerari fortassis potest, modo illa, quæ fortius constringunt, ut accensi sulphuris vapores, arceantur, quos vix valentes sine suffocatione ferunt. Sed habet Chemia, quæ salubriori effectu & virtute feliciter penetrante in usum vocat, ut oleum Tart. fœtid. vel C. C. spirit. & salia volat. ex sale ammon. C. C. fuligine, ebore, cranio humano &c. parata, & cum aqua hirundinum cum aceto & castoreo mixta, solvendis nervorum spasmodis aptiora.

## §. XVI.

Speciatim an vena secanda sit in paroxysmo, quæritur? Admittunt illam MERCATUS, HIGHMORUS, Rod. a CASTRO, & HOECHSTETTERUS inprimis, qui monialem biduo convulsam, statim vidit a vena secta fari, comedere & bibere. DOMINICUS PANAROLUS o) jussit in ipso animi deliquio venam secari. Ita se restituisse ait monialem hysterica, cum id temerarium alii adpellassent. Et spes omnino est, suppressas vires, in primis a copia sanguinis citius sic relevari, & suffocationis periculum arceri. Negat cum HELMONTIO & multis aliis SENNERTUS, ob virium debilitatem, & latentem forte morbi malignitatem, venam esse secandam, sigillatim HOLLERIUS in suffocatione ex seminis vitio eam improbat. Sane ut syncopen exhaustis & languentibus supervenire metus est, ita quarum vegetius corpus fuerit, & sanguine abundans, minime metuere hoc sanguinis dispendium debet. Iis, quæ non ferunt venæ sectionem, cucurbitulæ revellunt sanguinem sive cum, sive sine scarificatione. In regione cordis cum scarificatione suadet ZACUTUS, dissuadet WEDELIUS. Siccas in tibiis & coxis ROLFINCIVS laudat, alii in regione hypochondriaca, alii id supra umbilicum fieri vetant, monente RODERICO DE CASTRO p). HEINIUS

o) Jatrologia S. 2. O. 30.

p) L. C. cap. 2.

NIUS hircudines ad marifcas, alii ad furas & femora admo-  
 malunt. Veficatoria in nucha & verrice SCULTETUS & HOR-  
 STIUS, fonticulos MUYS, fetacia alii cum WEDELIO commen-  
 dant. Priora magis congruunt, fi fymptomata urgent, postero-  
 ra, fi moras indulgent. Cauterium actuale CASSERIUS cum  
 AQUAPENDENTE, potentiale HEURNIUS & PLATERUS ad-  
 hibent. Ipfam quoque hic chirurgiam infuforiam commendare  
 aufus eft ETMULLERUS. Ligaturas ad crura AEGINETA, cin-  
 gulum circa umbilicum BARTHOLINUS & alii ægrotantibus  
 convenire putant. Huc refer pellem agninam recens detractam,  
 & adhuc calentem, quam ventri imponi GRUBIUS jubet *q*).  
 Manifestum eft, & excitandi & revellendi fcopo hæc dicata efle,  
 ex quibus pauca, quæ in præfenti morbi ftatu magis congruunt,  
 prudens eligit medicus. Vellicationes narium, evulfiones pilo-  
 rum, fubitas adfperfiones aquæ frigidaë, frictiones pedum & ma-  
 nuum, inunctiones, fuffimenta, enemata, facculos nervinos um-  
 bilico imponendos, imo & peflos & clyfteres uterinos, vel intru-  
 fas fpongias, ex quibus decocto herbarum matricarium madafa-  
 ctis fub vaporum forma ad uterum vis medica derivetur, & mul-  
 ta hujus generis alia in ufum ægrotantium invefta efle legimus.  
 Merentur dicta laudem fuam, certis adflicti corporis conditioni-  
 bus reftriictam, fed plus fæpe in compendio præfidii eft. Pul-  
 chrum præ ceteris videtur caftoreatorum, opiatorum & confor-  
 tantium connubium. Demus aquam meliffæ cum liquore cornu  
 cervi fuccinato, & tinctura anodyna, vel quod ex SOLENAN-  
 DRO RIVERIUS laudat tanquam certi fuccellus remedium,  
 aquam nepethæ, & flor. aurant. cum pauxillo fanguinis draco-  
 nis, & fi lubet, mofchi, cardiacum ex vino hispanico vel cana-  
 rienfi cum pauxillo laudani, vel aquam menthæ cum tinctura ape-  
 ritiva MOEBII, & fyrupo corticum aurantium vel artemiffæ,  
 fimilibusque, quæ celerem in multis opem promittunt. Qualia  
 fi deglutire ægra non poffit, nec velimus cum SCULTETO *r*)  
 clau-

*q*) De Simpl. p. 10. Edit. Haffn. 1679.

*r*) Armament. Chirurg. T. VIII. & X.

clausuram oris per vim vel instrumenta dilatare, aut per infundibulum ad œsophagum ingerenda demittere, magis in externis est adquiescendum. Lenia clysmata ex infuso florum chamæmeli, sambuci, semine levistici, & aliis carminativis cum nitro & oleo cocto anethi & chamæmeli, in fero lactis cocta, injicienda sunt, si vero ob similem ani strictionem non admittuntur, eadem forma externi fatus hypogastrio adplicentur. Abdomen inungatur oleo nardino & rutæ cum pinguedine castorei & unguento de hyosciamo. Quo facto vel emplastrum superinducendum est ex galbano, castoreo, theriaca, oleo terebinthinæ, balsamo peruviano, & similibus, vario gradu salubriter mixtis, vel sacculi imponendi ex herbis nervinis & carminativis, e. g. ex herba rutæ, thymi, artemisiæ, lavendulæ, melissæ, cum semine dauci, cumini, fœniculi &c. Nec, præter superius dicta spirituosa vel aceta rutacea, immerito admittimus errhina ex floribus liliorum convallium, herba majoranæ & castoreo, cui aliquid radicis hellebori albi vel pyrethri pro stimulo mixtum est. Notemus in fine, multa nimis calida & stimulantia, ut sunt pleraque elixiria uterina, & olea destillata, etiamsi in quibusdam augeant vigorem nervorum, & vim systolicam depressam excitent, augere malum in corpore maxime sensibili, & tunc moderata illa, spasmis opposita, ut lapides cancerorum, corallia, margaritæ, unicornu fossile, cum laudanis mixtis, plurimum profuisse. Ipse HIPPOCRATES s) ideo succum papaveris commendavit variis formis, nunc etiam uterinis stimulantibus mixtum. Nata hinc sunt tot laudana hysterica, quibus etiam in sopore ægrotantium RIVERIUS t) uti non dubitavit. Chemici multa ex jove laudant, quæ in orgasmis venereis inter præservantia locum habere possunt. Ubivis spectata, quid magis urgeat symptomatum.

## §. XVII.

s) L. II. de morb. mulier. p. 670.

t) L. II. Obs. 26.



## §. XVII.

Profligato paroxysmo hysterico nulla sine dubio alia cura incumbit, quam enarratis causis morbi obviam eundi. Præmittenda tamen sunt, in afflictæ corporis gratiam, commoda alimenta, quæ attritas vires antea reficiunt. Hæc coctu facilia sint, meabilia, & prompte alentia, justis intervallis exhibita. Multi hic vinum aromaticum, generosum suadent cum AUGENIO & HERCULE DE SAXONIA, sed vereor, ut stimulos ejus in spasmos pronior mulierum natura ferat. Instauratis nonnihil viribus, ut omnia circa uterum bene se habeant, curandum est. Si mensium fluxus minus ad legem salubritatis procedit, in aperiendis viis uterinis nobilior pars sanationis versatur. Cui scopo si purgantia ex myrrha, aloë, gummi ammoniaco, extracto croci, & castorei aliquamdiu servierunt, interpositis clysmatibus paregoricis, decocta etiam, quæ per naturæ emunctoria repurgant, superaddita sunt, ut decocta sarsaparillæ, chinæ, ligni sassafras, vel infusa melissæ, betonicæ, rorismarini &c. tunc certe ex consilio SYDENHAMI chalybeatis merito confidimus, quibus ille nihil certius mensium vitia corrigere, imo & hystericis prodesse existimat. Hoc eo magis locum reperit, quod in labefactato solidarum partium tono præcipua pars curæ versetur. Nolint tamen ante prægressum corrigentium & evacuantium usum intempestive tonicis illis, carminativis ac martialibus uti. HOECHSTETTERUS <sup>u)</sup> convaluisse hystericam refert, cui primum singulis, dein binis mensibus vena fuerit secta, quod omnino in plethoricis, non cacochymicis locum habet. Castoreata, nisi aliis mixta & caute suggesta, offendunt multas. Mulieris BARTHOLINUS <sup>x)</sup> meminit, quæ cum odorem castorei bene tulisset, ab interne adsumto in atrocissimum paroxysmum incidit. Si vitium est in seminali humore, liceat enim voce multorum uti, purgationes cum LUDOV. MERCATO prohibemus, cujus ille noxam longa sibi experien-

<sup>u)</sup> Dec. IV. casu II.

<sup>x)</sup> Lib. de Domest. Dan. Medic. Diss. 5.

perientia cognitam ait. Stimulis enim inferne jam laceſſentibus alios addere proclivitatem ad ſpasmus mire intendit. Plerique poſtulant refrigerantium uſum, ſaturnina, nitroſa, ſerum lactis γ), & præſertim emulſiones ex ſeminibus cannabis, lactucæ, portulacæ cum aqua nymphææ, pauxillo camphoræ & ſacharo ſaturni addito: adde thermaſ, pediluvia, ſimiliaque. Opportunius tamen remedium non eſt, & in quo adhibendo ægram magis morigeram reperiſ, quam legitimæ veneris uſus. Nil melius, inquit HIPPOCRATES 2) quam *ἐυνουκῆσαι ἀνδράτιν*. Quale ut vetulo marito officium extorqueret, illa apud HOLLERIUM α) ſe ſæpius hyſtericam ſimulavit. Quodſi per honeſtatis leges ad illius remedii uſum aditus non patet, nihil certius ferventem ſanguinem refrænât, quam frequens venæſectio. Quodſi inutiliter ſanguinem prodigere noliſ, inprimis cum eo regenerato malum redeat, totam medelæ ſapientiam, prurientibus ſæpe inculcandam, hic verſiculus complectitur:

Caſta legant, orent, jejurent, otia tollant.

Si aliæ corruptelæ uterinæ vaſa invadunt, illæ, ſi inflammatio- nis, ſuppuratio- nis, ſcirrhi, vel alius mutationis genium expri- munt, in febres potius acutas, conſumtiones corporum, ſimilia- que transire ſolent, ſuos certe fontes, unde adminicula petantur, indicant. An fonticuli in cruribus, vel ſimilia derivent ab utero corruptos humores, & mali noſtri progreſſum ſiſtant, ambigua auctorum obſervatione nititur.

## §. XVIII.

In diætæ regimine merito vitant ægræ, a cujus uſu ſe male habent, in qua re plus earum obſervationi, quam conſuetis medicorum regulis credendum eſt. Aër ſit purus, calidus, ſiccus, cibus paucus, nec nimis lautus & nutriens, nec viſcidus, acer, aro-

γ) vid. Tim. a Gùldenkleee L. III. c. 57.

2) L. de morb. virg. 3.

α) L. I. c. 59.

aromaticus, corruptibilis, potus tenuis, & defecatus, motus moderatus. Lac, panificia, placentæ, acetaria paucis impune feruntur. Infusa theæ & similia nimis relaxant tonum partium, ut eo facilius cruda decumbere in partes adflictas, & stasi sua ulterius corrumpi possint. Inde est, quod vitæ inprimis otiosæ segnitie admodum sit reprehendenda, quamvis nec nimias corporis exercitationes suadeamus. Alvus semper in iusto sit obsequio, minus obsequens lenioribus ducatur, animus sit tranquillus, somnus non nimis protractus. Legantur demum & audiantur, quæ pudorem gignunt & sanctitatem morum, impudica autem colloquia & lectiones librorum, quæ amorum stimulos, jam ultro surgentes, intempestive proritant, fugiantur.



## DISSERTATIO

DE

FLUXU VENTRIS  
DYSENTERICO,

PUBLICE PROPOSITA

GOTTINGÆ, D. 15 SEPT. 1742.

RESP.

HENR. GOTHOFR. LIECHTE,

GOTTINGENSIS.

## §. I.

**D**ysenteria vi vocis difficultatem intestini notat, quemadmodum dyspnoea, dysuria, dyspepsia, difficultatem respirationis, mictus, coctionis. Illam vero difficultatem intestini in officio suæ expulsionis læsi recte agnovit CAELIUS AVRELIANUS. *a)* Expellit enim aliena non solum, sed & cum labore & inter nixus difficiles, frequentes nimirum, torminosos & sæpe vacuos, a quibus cum sensu descendantium & communi impetu deorsum prementium viscerum conjunctis non raro prolapsus intestini recti sequitur. Itaque dysenteriam a præcipuo symptomate tenesmi, quo stipata est, nomen haud immerito accepit, velut alii, qui magis ad sævitiam dolorum respexerunt, maluerunt cum CELSO *b)* tormina adpellare, & ægros illos cum SCRIBONIO tormi-

*a)* Morbor. chron. Lib. IV. Cap. 6.*b)* De medic. L. IV. C. 15.

torminosos: neque id incommode, licet dari dysenteriam quoque indolentem post ipsum HIPPOCRATEM *c)* G. W. WEDELIUS *d)* docuerit, qui dysenteriam indolentem epidemicam, omnibus fere funestam, in Thuringia 1669. sæviisse notat. Germani turbulentam heterogeneorum miscelam & commotionem magis videntur in dysentericis attendisse, unde vulgare nomen: *die Ruhr*.

## §. II.

Antiquiores voce dysenteriae latiori sensu usos esse, & quemvis intestinorum fluxum, in primis tamen cruentum, exceptis hæmorrhoidibus, intellexisse, reperimus *e)*. Triplex, is fluxus ille cruentus erat, præter hunc, de quo loquimur: primus, qui sanguinem naribus, utero, aliisque locis exclusum, per ora articularum derivaret in intestina, quale exemplum HILDANUS habet de juvene amputatis tibiis dysenterico *f)*: secundus, qui tenuem sanguinem instar loturæ carnis, nomine fluxus hepatici ad eadem loca deduceret, quæ species TRALLIANO rheumatica dicta, aliis potius ad hæmorrhoidalem refertur: tertius, qui sanguinem nigricantem & atrabilarium in morbis melancholicorum aluo eliminat. Mirum hinc non est, ad statum hodiernæ dysenteriae ex omni parte non quadrare, quæ in veterum libris occurrunt. Nos strictiori sensu fluxum ventris nunc mucosum, nunc cruentum, nunc etiam purulentum intelligimus, qui frequens & parvus cum tenesmo, torminibus & febre infestat, ortus ab intestinis male affectis, erosio vel exulceratis.

## §. III.

Signa dysenteriae definitio comprehendit. Imminentem murmura, borborygmi, lassitudo gravis, dolens & tumens venter denun-

*e)* II. Epid. Cap. 6.

*d)* Misc. curios. D. I. A. 2. O. 43. Non funestam I. G. Grubelius describit ib. D. 2. A. 2. O. 43.

*e)* Galen in libr. III. de symptomat. causis Cap. 2.

*f)* Cent. II. obs.

denuntiant, adde statum epidemicum, in quo levis statim horripilatio simul ingruit. Praesentem dejectiones mucosae inter incrementa tormina & desidendi crebros stimulos g) produunt, quibus mox cruenti aliquid & posthac purulenti se miscet, licet non multum cum TH. WILLISIO pugnaturi simus, de dysenteria aliquando incruenta h) prorsus & puris experte. Signa malignae sunt anni constitutio, atrocia symptomatum & multitudo funerum. Signa affectae partis pluribus crucem figunt. Laborare hic video omnem fere antiquitatem, tenuia laborent, an crassa intestina? AURELIANI maxime & TRALLIANI doctrina nixum LOMMIUM i) aliosque tunc accusare tenuia video, si dolor, isque atrocior, altius circa umbilicum oriat, plus intervalli sit inter stimulum doloris & dejectionem, plus miscelae sanguinis cum excretis, plus cruditatis in his & foetoris, plus etiam symptomatum, ut vomitus, sitis, febris, delirium, deliquia animi, &c. E contrario si dolor remissior & in ambitu quidem ventris, circa hypochondria, ilia & inguina nascatur, excreta guttis tantum sanguineis resperfa ad stimulum illorum protinus cedant, sedem mali in crassis intestinis quaerunt. Utrumque haerere, ex vago dolore coniiciunt. At quamvis nec situs, nec gradus dolorum, nec contentorum color & excretionis intervalla, controversiam omnem dirimant; haud tamen existimem, medelae ordinem inde multum turbari. Certum est, crassa in primis pati, in quibus plurimorum dysentericorum, non in tenuibus, sanguis reperi-  
tus est, ut testatur cum aliis DOM. PANAROLUS k). Celerem certe a tenuibus in illa descensum esse, & omnem impetum deorsum urgeri, liquet, hinc si ab initio crassa affecta non sint, in progressu tamen affici. Inter tunicas intestinorum maxime villosam & nerveam ad primum mali contactum violari, sique vis ejus  
serpir;

g) C. Aurelianus delectationem frequentem ventris egerendi vocat morbum. chron. l. 4. c. 6.

h) v. Th. Willis. pharm. rat. P. I. S. II.

i) Obs. medic. L. II. p. m. 140.

k) Pentecost. I. O. 9. addit rationem & concludit inde ad clysterum abstergentium & aquarum thermalium salubritatem.



serpit, musculosam, imo extimam sensim, non potest iis ignotum esse, qui tota nunc intestina livida, nunc tota lacerata, nunc rejectas membranulas & ramenta & venulas ac carunculas viderunt. Papiæ quendam se vidisse scribit MATTHÆUS DE GRADIBUS 1) cui intestina sic fuerint exulcerata, ut per ulcus fæces inabdomen secederent. De glandulis & vasis nihil addam seorsim.

#### §. IV.

Placet symptomatum seriem & morbi genium in potioribus prosequi, nam speciatim descendere ad singulas morbi formas scrutandas non licet. Fluxum ventris adpellavimus dysenteriam, qui illi communis est cum diarrhoea, cholera, lienteria, & affectu cœliaco. Et diarrhoea quidem in latiori sensu omnes hos fluxus comprehendere potest, in strictiori æque quam reliqui fluxus, alia quam dysenteria eliminat. Nihil enim cruenti vel purulenti omnes illi fluxus eiiciunt, nec cum tanto dolore. Imo mucidum illud & glutinosum, quod prima vis dysentericæ acrimoniæ abradit, in reliquis fluxibus rarius adparet, sed tantum mobilia illa, in intestinis obvia, ut biliosa, serosa, semidigesta, spumosa, flatulenta excutuntur. Nec ab hæmorrhoidali fluxu difficile est distinguere, ubi nec dolor nec ulcus est, ab evacuatione vero levamen. Dum vero in dysentericis, dejectionem primo mucosam, dein cruentam, mox quoque purulentam designamus, non excludimus quidem societatem liquidorum jam nominatorum, sed illud, quod nostro fluxui proprium est, & virium quibus lædit, successiva incrementa exprimit, unice in definitione attingimus. Nempe id, quod in intestinis collectum, agit hostiliter, primum expugnat gluten illud, quod, ut RHASES ait, fictilium vasorum more intestinorum latera obducit, & præsidio suo ac tutela nudat partes nervosas sensiles, quo tempore necesse est mucidas in primis sordes expelli. *Primus*, inquit GALENUS *dysentericæ gradus est mucositas abrasa*. Mox ubi eadem vis ulterius penetrat,

1) 3. Pract. C. 12.

trat, nudatos nervos fibrasque & vasa lacerari oportet inter tormina, & stillare sanguinem, qui ab initio quidem per strigmenta tantum excreta tingit, mox in progressu tenuis, grumosus, fibrosus, vel varie mixtus exit. Tertium injuriæ huius ulterius incrementis stadium est, ut vera in destructis locis ulcera nascantur, ipsæ tunica & moles caruncularum cum reliquis intestinorum contentis eiciantur. Intelligimus proinde ex vulnere ulcerumque natura, cur tenesmus, tormina, sitis & febris, ut fidi & indivulsi comites nunquam in progressu dysenteriam relinquant? imo cur in extremis anxietates, pervigilia, vomitus, cardialgiæ accedant? cur facies liveat, corpus extenuetur, vires cadant? cur denique inter continuos illos egerendi conatus, doloresque ac dirissima symptomata convulsionum, deliriorum, deliquiorum animi, vita terminetur: prout nimirum partium aliarum, in quas vis diffusi morbi incumbit, indoles istis mutationibus magis minusque obnoxia est. Facit hæc maxime varietas, cur non una forma incedat morbus, nec vno pede metiri ejus decursum liceat.

### §. V.

Fulciunt hanc sententiam ea, quæ ab observatis anatomicis desumuntur. Nunc enim in sectis dysentericis livida intestina, nunc inflammata, nunc variis erosa locis & exulcerata reperta sunt. Undique gangrænosa HILDANUS, *m*) per totum fistulæ tractum exulcerata FORESTUS, *n*) nigra, lacera, ulcerosa PUERARIUS *o*), inflata & tunica inferiori privata BONTIUS, *p*) tota purulentis tuberculis ubique scatentia BARTHOLINUS, *q*) imo sic in involucris intestinorum pure distenta, ut libram unam alteramque continerent, IO. DE LAMONIERE *r*) reperiunt.

*m*) De gangræna Cap. 4.

*n*) Lib. 22. O 33.

*o*) In obs. ad Thef. Burnet. L. 4.

*p*) Med. Ind. L. 3. O. 3.

*q*) Hist. anat. Cent. VI. hist. 2.

*r*) De fluxu dysent. Cap. 7.

runt. Scorsim, crassa tumida & inflammata PLATERÛS, s) à colo ad rectum ulceribus obsessa FONTANUS t) observarunt. Tenuia etiam sphacelata cum tunicis erosis, & quatuor locis perforatis BARBETTE u) descripsit. In proximis locis scaturiginem tanti mali anatomicus oculus non minus detexit. Hepar sphacelatum & epiploon, & inde pylorum, ad rectum usque intestinum inflammata reperit IO. DE LAMONIERE, x) qui quoque in mesenterio & prope cystidem fellis alio tempore graves abscessus detexit, ut & HOLLERIUS y) circa ventriculum. In varioloso dysenterico jecur, lien, pulmo, & intestina æque ac cutis papillis manantibus scatentia leguntur apud I. D. HORSTIUM. z) Quæ & multa alia abunde evincunt, intestina male affecta, erosa, exulcerata, sive id domesticis humoribus, sive alienis debeant, sedem dysentericæ esse.

## §. VI.

Quid tanta intestinis mala creet, ulterius indagandum erit. Non est, cur arsenicale inquinamentum in aëre arguamus, vel noxium cælestium siderum influxum suspicemur. Sufficere potest eorum, quæ corpus ingrediuntur, & variam in eo corruptionem subeunt, suasque injurias in intestina exonerant, consideratio. Acrida, salsa, pingua, fæculenta, in fermentationem & putredinem prona, quacunque forma assumantur, facere huc possunt. In primis cibi dictæ indolis huc pertinent, tamquam causa frequentior. Ingesta horaria austeriora dysentericis tota castra repleverunt. Olera, pepones, cucumeres, fungi, vuæ, persica, pruna cerea, quos non in ejusmodi morbos præcipitarunt? Ex usu brassicæ capitatæ, noxio rore infectæ, funestam dysenteriam

s) Observ. Lib. III. p. 875.

t) Lib. III. Cap. 23.

u) Prax. Cap. 5. Lib. XIV.

x) De fluxu dysent. C. I.

y) De morbis intern. L. I. Cap. 43.

z) Obs. Anat. 9.



teriam notavit SIMON SCHULTZIUS. *a)* Ex semiputridis car-  
nibus piscibusque & caseis verminosis, notæ sunt navigantium  
dysenteriae, ex pinguibus, dulcibus, mellitis, hypochondriaco-  
rum & hysteriarum. Potus sæculentus cerevisia fermentans,  
mustum vinosum, pyraceum, hydromel, limonata, aqua ex  
nive liquata haud minus noxæ intestinis intulerunt. Plus etiam  
ab iis proficiscitur, quæ vim acris medicaminis imo veneni ha-  
bent. Ita dysenteriam a scammonio AMATUS LUSITANUS, *b)*  
a mercurio præcipitato PALMARIUS, *c)* a colocynthide TUL-  
PIUS, *d)* notarunt, alii a gravis cnidii, cataputia, arsenico,  
gilla Theophrasti, resinosis, diagrydiatis. Vidit IOH. CASPAR  
GRIMMIUS dysentericum a muscis cobalto enectis & inopinato  
epotis. *e)* Aliis simile contigit ab aspero annulo per jocum de-  
glutito, vitro non satis comminuto, adamantibus impolitis. Nec  
desunt, quæ sine vitio ingestorum interne corruptelam subeunt,  
& ad intestina, tamquam communem latrinam ablegantur. Ne  
enim coctionis læsæ vitia huc referam, rivi etiam virulenti ex vi-  
cinis visceribus, hepate, *f)* pancreate, imo toto sanguine, acri  
sæpe & scorbutico, *g)* maxime locis variis ulcerosis, *h)* huc re-  
dunt, & facile, ut cum Galenicis loquar, expulsivam facul-  
tatem intestinorum irritant, vel ut Helmontianorum dictione lu-  
dam, indignationem Archei intestinalis movent. Neque rostra  
vermium hic taceo, cum colon iis arrosus & multa loca morsu-  
unculis illis reclusa & manantia sint reperta *i)* IOH. DOLAEUS  
dysen-

*a)* Misc. Curios. D. I. A. 3. Obs. 89.

*b)* Comm. ad L. 4. Diosc. c. 171.

*c)* De hydrop. c. 6.

*d)* L. 4. O. 26.

*e)* M. C. D. III. A. 7. & 8. O. 174. p. 92.

*f)* Bont. medic. Indic. L. 3. O. Ballon. L. I. conf. 53.

*g)* Unde *Lindenius* dysenteriae primum morbum sanguinis vocat Sel.  
Med. Ex. 16. §. 37.

*h)* Hinc dysenteria nata ab ulcere pedum consolidato v. M. C. D. I. A. II.  
p. 314. Et eadem ratione dysenteria perit variolosus apud *Horst.* O. A. 9.

*i)* *Fontan.* pract. L. 3. C. 21. *Brand.* de dysenteria castr. *Menjor.* de dy-  
sent. hep. Vide quoque dysenteriam animatam in M. C. D. II. A. 7. p. 158.

dysenteriae epidemicae meminit, in qua plures per vomitum re-  
 jecti sunt vermes, nullo aegro convalescente. *k*) In epidemicis  
 dysenteriis & malignis inprimis frequentior ratio in aëre quæri-  
 tur, unde miasma susceptum in corporibus affectis exaltatum se  
 multiplicare & ad vim contagii evehi creditur. IAC. BONTIUS  
*l*) crebriorem causam aëri calido & humido tribuit, unde Indis  
 endemia fit dysenteria, GUIL. PISO *m*) Brasiliensibus familia-  
 rem dicit, quod eidem causæ accedant abusus fructuum fugacium  
 & fæculenti potus, sudoresque nocturni temporis frigore sup-  
 pressi. HIPPOCRATES *n*) triplicem in primis aëris mutationem  
 hic arguit, Si hyemi siccae & aquiloniæ ver pluviosum & austra-  
 le succedit, multos æstate dysentericos ominatur, & contra, si  
 hyemi australi repenti & pluviosæ ver siccum aquilonium succe-  
 dit, vernaes dysenterias præfagit, quas pariter sub autumno;  
 qui pravorum humorum parens est, ingruere ait, si ille humi-  
 dus & australis æstatem calidiorem & sicciorum excipit. Non  
 tam cœli mutationes insignioresque tempestates metuimus,  
 quam si oppositis, per intervalla viribus corpus nostrum atterunt.  
 Ita vero facile concipimus, quomodo e. c. frigore hyberno, quo  
 fames acuitur, ingesta multa & coacervata agitentur & solvantur  
 verno calore superveniente, sique rursus novo frigore figantur,  
 cur corruptio per moram crescat, & copia humorum ac stimu-  
 lus in relaxatas jam vias agens dysentericis profluviis manifestis-  
 sine faveat. Causa vero omnis huc usque recensita, siue ex  
 sanguine siue primis viis in intestina decumbat, siue acrimonia  
 sola siue aliis armis infestis pugnet, non in unam eorum læsionem  
 definit, sed nunc in erosionem & vehementi irritatione  
 subsistit, nunc vulnere cruentat, nunc pure ulceris fœdat. Omnis  
 hæc intestinorum labes, modo ad frequentes illas ac torminosas  
 ejectiones determinet, causam proximam dysenteriae constituit.  
 Neque enim sine ratione dubitant HOLTERHOFFIUS *o*) GEIL-  
 FUSIUS

*k*) M. C. D. I. A. 9. & 10. O. 130.

*l*) Lib. II. Hist. nat. & med. or. C. 3.

*m*) L. II. Misc. nat. C. 12.

*n*) Aph. XI. XIII. XXII. Sect. III, it. Aph. XVI. I. 3. III.

*o*) De erroribus med, Cap. 4. §. 2.

FUSIUS *p*) ETTMÜLLERUS *q*) WALDSCHMIDIUS *r*) FINKENAVIUS *s*) alique, an ulcus hic sit perpetuum, vel si adlit, an non morbosus potius effectus sit quam causa? Audi & ipsum SYDENHAMUM *t*), qui dysenteriam esse ait, etiamsi nec cruor misceatur.

## §. VII.

Ab hoc malo publice privatimque, licet impari gradu, sæviente, vix sunt, qui certam sibi immunitatem promittere possint. Jam infantibus, dum dentes erumpunt, fluxus ventris aliquando dysenterici impendent. Pueris gulosis ex frugum voracitate & mollitie corporis in fluxus alvinos prònis idem discrimen sæpius subeundum est. Viri, qui vitii bilis plus laborant, & senes qui excrementitiis partibus repleti male coquunt, & cruda cumulant, non minus obnoxii sunt ejusdem morbi insidiis. Hippocratis *u*) iudicio mulieribus maxime & viris humidioribus sunt metuendæ, sine dubio, quod major iis sit ventriculi & intestinorum debilitas. Si ingluvies accedit, & vita deses & otiosa, quæ cumulat & figit, eo plures prodicionis causas in se ipsis habent. At & egenorum sortem querimur, qui cum vitæ ærumnis & sordibus collactantes nec contra frigus nec crudiores cibos corpus tueri possunt *x*). Habent quoque plethorici & longe magis illi, qui cacochymia salsa vel ulceroso viscerum statu laborant, ut fugiant sedulo vitæ errores, vere autumnoque purgentur, & omnem confluentium ad intestina humorum impetum mature reprimant. Ii denique, qui affectuum turbis indulgent, uti maxime bilis vitia

*p*) Lib. 2. instit. med. C. 6.

*q*) Prax. Lib. I. S. 9. Cap. 3.

*r*) Tom. I. oper. in 4. pag. 26.

*s*) Diss. de dysent. Regiomonti 1705. pag. 718.

*t*) De morb. ac. §. 4. c.

*u*) L. II, aph. II.

*x*) Quorum regimen in hoc morbo æque quam pestilentia præscripsit P. Forestus peculiari libello Rothomag. 1590. 4.



ria exasperant, & humorum statim augent, ita in hunc morbum, si struit insidias, se facilius ruere, existiment.

### §. VIII.

Ad differentias morbi varias auctores attendunt. Alia dysenteria vera est, alia notha, qualis scorbuticorum, alia simplex alia composita, qualis sæpe febrium symptoma est. Qui tempora respiciunt, distinguunt in incipientem, consummatam & declinantem, nec minus in vernalem æstivam, & quæ pessima plerumque est, autumnalem. Addere licet sponfore G. FRANCO DE FRANKENAU y) hyemalem, sed raram, hyemem enim obesse dysenteriae, scribit SYDENHAM. Quemadmodum & rarum est, mere aquosam cruentam, indolentem dolenti opponere. Qui vim & genium morbi spectant, distinguunt in intensam & remissam, in rubram & albam, & in continuam & periodicam. Talem vidit sanavitque SAMUEL LEDELIUS z) in filiola sua, luculenter periodicam, & quovis tertio die instar tertianæ sese exacerbantem. Discrimen criticae & symptomaticae dysenteriae merito iis notandum est, qui salutare naturæ molimen turbare nolunt. Non minoris momenti discrimen est inter sporadicam, epidemicam, & endemiam, ex quibus hanc in Hybernia THOMAS SYDENHAM, in agro Tholosano IO. VARANDAEUS notavit. Uti vero sporadica mitioris plerumque genii est, & ex leviori causa oritur; ita e contrario epidemica aliquid malignitatis plerumque alit, peste sæpe non mitior, ut THOM. WILLISIUS a) sentit. Optime faciunt, qui oculos maxime ad dysenteriae benignae vel malignae genium convertunt. Illa raro quidem nullam, attamen mitem febrem habet, successive crescit, nec tam terribili symptomatum famulitio stipata est. E contrario maligna sub ipsum invasionis tempus exquisita & progressu præceps, magna statim

y) M. C. D. III. A. 3. Obs. 159.

z) M. C. D. III. A. 1. O. 60.

a) Op. T. I. l. 10. Conf. Gu. Rolfincii & Jo. Jac. Waldschmidii disp. de dysent. maligna.

statim virium strage ægrum afficit, & febre continua, anxietatibus & aphthis, sævissimorumque symptomatum agmine instat.

### §. IX.

Præfagium de exitu dysenteriae sive salutari, sive funesto, attentionem ad multa postulat. Infestiores hunc morbum esse viris, quam feminis, adultis quam junioribus, cholericis & plethoricis, quam phlegmaticis & melancholicis, maxime vero iis exitium minari, quibus corruptus sanguis est & ingens viscerum labes, ex supra dictis intelligimus. Pronos in illud ruere videas, venereos salivatione sanatos, vel alios e morbis contagiosis eluctatos. Non solum vero proni in hunc morbum sunt, sed & ægerrime evadunt. Mitior est dysenteria incipiens, quam consummata, utpote profundius penetrans, cruenta quam alba, ubi ulceris naturam vulnus induit. Gravior quoque est maligna quam benigna, epidemice & contagiose sæviens, quam quæ abusu fructuum horæorum, vel alio leviori diætæ errore oritur. Damnat HIPPOCRATES *b)* illam, quæ cum oris amaritudine & vomitu bilioso jungitur, inprimis ab atra bile. Pejor in tenuibus intestinis est *c)*, quam crassis, quod glandulae ibi sint copiosissimæ & hepar vicinum. Pessima est, quæ inter febres, pervigilia, tormina, fastidia ciborum, lipothymias, vomitus, aphthas, hiatus ani ulcerati, singultus *d)*, & convulsiones infestat. Pessime ominamur, si externa frigent, interna uruntur, corpus præterea extenuatur, excreta male colorata cum ramentis, pelliculis, carunculis, quas lethales HIPPOCRATES *e)* dicit, atra & foetentia

*b)* Coac. Præn. S. III. num. 62. aph. 24. S. IV.

*c)* Jod. Lomm. med. obs. Lib. III. edit. Amstel. 175. p. 439.

*d)* Ita Baglivius sentit prax. med. p. 71. & 74. & River cent. II. obs. 36. Meminit tamen *Josephus Lanzonus* dysenteriae per supervenientem singultum, quem deinceps opiata represserunt, sanatae. Sanavit quoque *Joh. Georg. Grebelius* dysenteriam epidemicam cum petechiis & singultu conjunctam M. C. D. III. A. O. 33. p. 54. M. C. D. II. Ag. OUZ.

*e)* 4. Aph. 26.

rentia exeunt. Instat enim sphacelus, quo pereunt plerique, dum frigescent extrema, pulsus exilis & inæqualis est, sitis & dolor cessat, vel in delirium terminatur. Dejectiones mere sanguineas, ut plurimum lethales, agnoscimus, at ubi multum stercoreis simul exit, melius ominamur de virtute intestinorum non penitus labefactata. Longe melius se res habet, si aliquis ingendorum appetitus remanet, dolores sæpius remittunt, & somno locus est, viribusque constantia, nec febris nimis urget, nec stimulus excretionis. Laudant & illam, cui ructus & crepitus ventris, in primis acidum spirantes *f*), superveniunt. Diversa morbi duratio est, pro febris torminumque sævitia: his enim maxime gradum & magnitudinem ulceris æstimamus. Necat cum febre continua intra quatuordecim dies, alioquin ultra quadraginta dies sæpe durat. Ipso HIPPOCRATE *g*) iudice transit nonnunquam in hydropem & lenteriam, nec raro in tabem insanabilem, quam cicatricibus ulcerum, quibus pori lacteorum coalescunt, cum SYLVIO BERGERUS *h*) tribuit. Ita fuit, qui chyloso deinde fluxu per biennium durante, cum marasmo, consumtus in cadavere callosa intestina exhibuit. Maxime repellentium noxa abscessu in costis, articulis, visceribus ortos HIPPOCRATES *i*), insaniam GALENUS, cæcitatem LANZONUS *k*), epilepsiam HOLLERIUS, sphacelum pedis MENZELIUS *l*), inflammationes & abscessus mesenterii, immo mortem CRATO, testantur. Offerunt se quoque in prognosi varia, quæ spem solvendæ dysenteriae injiciunt. Ita enim nunc mensium fluxus testimonio GEORGIO HEINTKE *m*), nunc scabies notante LANZONO *n*), eam sustulit, lactantem suetus catuli liberavit, teste

IOW.

*f*) HIPP. Aph. 6. S. VI.

*g*) Sect. 6. aph. 63.

*h*) Disp. de Dys. §. 16 pag. 32. conf. Syly. prax. LI. C. 16.

*i*) Lomm. I. c. pag. 441.

*k*) M. C. D. II. A. 10. O. 87.

*l*) M. C. D. II. A. 5. O. 42.

*m*) M. C. D. II. A. 5. O. 57.

*n*) M. C. D. II. A. 10. O. 130.



IOH. CONRAD. BRUNNERO o). Soluisse etiam vomitum cruentum notat G. W. WEDELIVS p).

### §. X.

Ut malo tam gravi medeamur, sine dubio non solum noxia materia vel evacuanda vel corrigenda, & impetus spirituum ad loca irritata cohibendus est, sed & fons obstruendus, unde emanat, ulcera mundificanda, symptomata mitiganda, vires instaurandæ. Palam est, adstringentia remedia locum non prius habere, quam post expulsam plurima parte materiam, quippe cui ad exitum pronæ vincula non sunt injicienda. Manifestum est, suppressis intempestive sordibus malum figi, serpere latius & viribus augeri. Premit merito AURELIANI censura ERASISTRATUM solis hic constrictoris usum q). An igitur FUCHSIO r) credamus, qui apud HIPPOCRATEM & GALENUM totam dysentericorum curam adstringentibus absolvi ait? Damnavit certe GALENUS s) diserte eos, qui semper adstringentibus pugnant. Quodsi tamen apud eum æque quam HIPPOCRATEM adstringentium omnino mentio, imo interdum unice fiat, cogitandum est, latiori sensu, quod supra innuimus, sumtam iis esse dysenteriam. Propterea cum BALLONIO t) statuimus, illos athiopem lavare, qui in magna dysenteria adstringere prius quam evacuare velint. Recte ille indigitat scopum, dum id ait, agendum esse, ut fluxus alvinus, qui frequens & parvus est, fiat rarus & magnus. Quamvis enim, quod BARTHOLOMAEUS MOOR u) inculcat, nullum profluvium alvi ea videatur ferre, quæ plus determinant ad alvum, & illud AVICENNÆ huc pertineat,

o) M. C. D. II. A. 6. O. 195.

p) M. C. D. I. A. 2. O. 44.

q) De morb. Chron. L. 4. C. 6.

r) Libr. I. de simpl. med. facult. cap. 26.

s) Paradox. L. II. C. 13.

t) Consilior. medic. Lib. III.

u) Orat. de hypothesebus medicis.

tineat, timore plenum esse, ventrem solvere supra solutionem ventris; tamen sperandum omnino est, remotis illis, quæ coacervata sunt & corrupta, alvum subsidere potius, quam pari deinceps stimulo sollicitari, tunc vero corrigentibus insistere nos certiori successu posse.

## §. XI.

Quodsi jam ab evacuantibus incipiendum est, in corpore forti, calido & ad febrium fomenta proclivi, quod copia & impetu humorum ac viribus gaudet, ipsam quoque venæ sectionem admittimus, licet nec ab Arabibus olim, nec a multis recentiorum admissam, imo alvo fluente ab *Hippocrate* vetitam, at testimonio *CLAUDINI*, *ALTOMARI*, *RIVERII*, *ALTIMARII*, *BOTALI*, *SYDENHAMI*, *PASCOLI* & imprimis illustris viri, *FRID. HOFFMANNI* x) vindicatam. Revulsionem enim quandam promittit, vim febrilem & inflammatoriam minuit, sedatorem posthæc versus intestina motum relinquit. Ita *CH. HENR. ERNDELIUS* ordinariis remediis invictam dysenteriam venæ sectioni tertium iteratæ cessisse meminit y). Nec desunt, qui eodem revellendi scopo cucurbitas laudant. Illud vero longe saluberrimum erit, ab initio statim, dum vires sibi optime constant, & nec pravus humor nimis magnum virulentiae suæ gradum attigit, ipecacuanha uti & rheo, quibus vis non modo est evacuandi sed & adstringendi. Non est, cur his laudes cumulem, quas nostro ævo in ipecacuanham, tamquam summum remedium antidysentericum, sunt effusæ. Eo plenior est salutaris usus ratio, quod sæpe ad ventriculum & ulterius labes dysenteria, vel scaturigo se extendat. Ita vero torus tubus ab œsophago ad intestinum rectum, a præsentis corruptorum humorum colluvie, antequam ulterius noxam propagare possit, magna parte liberatur. Qui loca affe-

cta

x) Vide med. syst. T. IV. P. III. c. 7. §. 8. Conf. *Sylv. Luciani* quæstionem, an in dysenteria mittendus sit sanguis? Rom. 1602.

y) In itinere medio Grodnenfi v. *Ephem. curios. C. X.* pag. 475.

Et illo motu quassari nimis, & cum quiete indigeant, intempe-  
stive vellicari metuit, adeoque illud CELSI l. c. quod omnis agi-  
tatio plus exulceret, quodve in hoc morbo in primis conques-  
cere oporteat, obgannit, id cogitet, minus lædere & vellicare  
tam lenis emetici & tonici motum, in præsertim si paulo post leni  
anodyno sedatur, quam corrupti humoris & mordacis perpetu-  
um & violentum contactum. Neque iterare usum ipecacuanhæ bis  
ac ter in nimio abundantium humorum fluxu dissuaserim. Tar-  
taro etiam emetico SAMUEL LEDELIUS 2) imo vitro antimo-  
nii Io. GEORG. HOYER a) victam dysenteriam esse testantur.  
At plus est violenti in his remediis, & probe oportet ad sabur-  
ram ventriculi, ad corpus vegetum & in vomitum proclive re-  
spicere, ne vel nimis debilites, vel etiam ad superiora plus iusto  
allicias. Certe utiliter post dicti emetici usum tosti rhei cum ab-  
sorbentibus & anodynis crebræ doses exhibentur, quæ jam eva-  
cuant lenius & valentius adstringunt. Nec pilulas Becherianas  
& Stahlianas hic in parvo pretio habemus. Exulent vero purgan-  
tia fortiora, qualia aloetica & scammoniata, imo & mercurialia.  
Reliqua evacuantia, tum diuretica, quæ diluendo & detergendo  
profunt, ut acidulæ, tum diaphoretica, ut theriacalia & diascor-  
diata, quæ in proprio corpore salubria expertus est R. SOLE-  
NANDER b), suis locis uberius commendabimus: hic indicare  
sufficiat, quod & impetum ab intestinis divertant, & morbosam  
ex parte materiam corrigant. Inter hæc duo commoda primi  
existimo primam rationem habendam esse, & anodyna & opiata  
evacuantibus statim subjicienda, quæ protinus turbas ab his ortas  
sistant, motum spirituum, qui fluxum ad irritata loca auget, so-  
pient, dulcem afflictis lacerisque partibus quietem indulgeant, &  
pro hoc scopo deinceps remedia corrigentia, glutinantia & ad-  
stringentia ubique comitentur.

5. XII.

2) M. C. D. III. A. 3. O. 15.

a) Ibid. O. 52.

b) Conf. 9. S. 4.



## S. XII.

Non possum non, postquam opiatorum mentionem injeci, unanimem fere auctorum consensum, in eorum usu laudare. MINADOUM tamen invenio, professorem Italum notasse, omnes dysentericos, quibus laudanum opiatum aut simile oblatum fuit, defunctos sordidiora intestinorum ulcera habuisse. c) Non penitus injustam censuram existimo, si de præmaturo opiatorum usu quæstio est. Nam antequam maxima pars colluviei illius exhausta sit, si quid est, quod figit & moram iniicit, sordescere ulcera magis, & in peiorem indolem degenerare, nullus dubito. Vidit SAMUEL LEDELIUS ex nimio opii usu sphacelum intestinorum, & recte judicavit, profundius sic malignitatis characterem humoribus imprimi, & tunc petechias ac similia protrudi. d) Placet OL. BORRICHII monitum, e) qui ante profundas exulcerationes & exesa majora vascula, viresque prostratas, uti opiatis jubet. His enim non consideratis paralytin intestinorum & sphacelum affectæ partis facile sequi persuademur, cujus rei exemplum habet M. B. VALENTINI. f) Canon est, si in dysenteria adhibueris opiata, & altero mane color oculorum mutetur, ægrum perire. Post primæ autem evacuationis operas, nihil videntur perpetui spasmi & dolores urgentius requirere, quam opiata remedia, quæ vi anodyna spasmos, tormina & vigilias sedant, vi diaphoretica materiam ac stimulum divertunt. g) Laudamus hic syrupum diacodii, diascordium *Fracastorii* vel *Sylvii*, theriacam cœlestem vel *Andromachi*, pilulas de styrace vel cynoglossa, liquorem anodynum Hoffmanni, laudana inprimis, inter quæ liquidum illud *Sydenhami* eminet. Demus cum ARNHORNIIO de HARTWIS h) omni trihorio granulum laudani cum pul-

c) Thoneri observ. 10. libr. III.

d) M. C. D. 2. A. 10. O. 15.

e) De somno & somnif. §. 35. 1

f) M. C. D. III. A. IV. O. 105.

g) De quo vide G. W. Wed. Opiol. L. 2. §. 2. C. 5. & Dan. Ludovici M. C. D. I. A. 4. O. 187.

h) M. C. D. III. A. 4. O. 101.

pulvere radicis tormentillæ & terræ catechu, misceamus ipsius purgantibus & clysteribus, sic ægrotantis abdomini mithridatium, quod CRATONI euporiston fuit, imponamus. Aqua hyosciami cum syrupo florum rhæados & cydoniorum solemnis medico cuidam fuit apud GABR. CLAUDERUM. *i*) Suppositorii anodynini in periculosissima dysenteria salutaris meminit G. HEINTKE. *k*) Nolim tamen ad usum nimis narcoticorum confugere, & cum Pastore illo, quem IO. LUD. HANNEMANNUS *l*) citat, infusum baccae solani præbere, vel cum Chirurgo illo Monspe-liensi, quem IO. LASERRE, *m*) memorat, libram succi hyosciami pro enemate præscribere. Nec timide hic quidpiam nec temere tentemus.

### § XIII.

Dicta tamen evacuantia & anodyna fontem mali nondum proprie attingunt: mundificandi enim ulceris & consolidandi maxima videtur cura incumbere. Hic leniter detergentia & exsiccantia, glutinosa, temperantia, adstringentia, mucilaginosæ commendantur. Vidi detergenti scopo aquam salسام tum bibendam tum inferne infundendam veteres dedisse, ut apud CELSUM & AVRELIANUM reperio. Apud Italos eo nomine laudem habent aquæ Montiscatini; Balneoli, & Tettuccii, *n*) quemadmodum inter nostrates cel. BERGERUS acidulas Egrenses commendat. *o*) Habuit præeuntes PAULUM DE SORBAIT, qui autumnalem dysenteriam nobilis dominæ a copiosa bile sustentatam acidulis sustulit, *p*) & IO. IACOB WALDSMIDIUM, qui ingens dysentericæ periculum usu acidularum Svvalbacensium

avcr-

*i*) ib. D. II. A. 6. O. 178.

*k*) ib. D. II. A. 10. O. 48.

*l*) M. C. D. II. A. 3. p. 154.

*m*) M. C. D. II. A. 6. O. 18.

*n*) Vid. Observ. Iosephi Lanzoni M. C. D. 2. A. 10. O. 124.

*o*) Diss. de dysent. superiori semestri infesta Wittemb. 1701. pag. 41.

*p*) Ephem. curios. D. I. Obs. 222. pag. 486.

avertit. Sive vero abstergendī vim hæc exserant, sive per diuresin salubriter educant, neutra virtus parviæstimanda est. Laudavit hinc diuretica HEURNIUS *q*) quoties ulcera obsideant intestina, HIPPOCRATE nixus, qui multam mictionem, modicam spondere alui defectionem, ait. *r*) Inde emulsionēs seminum frigidorum cum nitro, lacebutyratum, quo solo IO. IAC. FR. VICARIUS *s*) binas mulieres a cruentis suis mucosis torminosisque defectionibus liberatas commemorat, & serum lactis, *t*) imo ipsa aqua frigida passim laudantur. CELSUS *u*), *si vetus vitium est*, inquit, *aquæ bene frigida potio assumta, ulcera adstringit, & initium secundæ valetudinis facit*: sed ubi venter suppressus est, caute addit, *protinus ad calidam potionem revertendum est*. Ita IOSEPHUS LANZONIUS dysenterico aquam ad plures cyathos indulgit, ut contra omnem spem evaderet. *x*) Quibus mos Indorum responderet, qui balneo aquæ frigida dysentericos suos sanant. De aquæ etiam chalybeatæ usu in hoc morbo tres exstant cl. DEODATI epistolæ.

#### §. XIV.

Vim demulcentem & glutinantem præstant multa, inter quæ an præcipue loca lac sit? ambigere multos video. Alii timide nimis, alii audacter in ejus usum consentiunt. PRAXAGORAS olim peplio & lacte plurimo ventrem deduxit. DIOCLES cum melle bibendum dedit, omnis ætas horum vestigia pressit. Quamvis vero ejusmodi potus temperare acria & commode subducere videatur, notandum tamen probe est GALENI monitum, qui

*q*) Lib. III. meth. cap. 10.

*r*) Aph. 83. L. IV.

*s*) M. C. D. II. A. 9. O. 376. p. 337.

*t*) Quod post Hippocratem Raym. Fortis & Sydenham præscripsit. In primis de feri lactis salubritate in fluxu dysenterico eximium libellum edidit Herm. van der Heyde Gandav. 8. 1649.

*u*) Lib. IV. Cap. 15.

*x*) M. C. D. II. A. 9. O. 63.



demulcentia ejusmodi & temperantia si superentur, a vi infectorum humorum, non solum nihil supereriarum ferre, sed & ipsa corrumpi & alere cacochymiam docuit. Id sane est, cur in dejectionibus biliosis lactis usum ipsius HIPPOCRATIS auctoritas interdixerit, & AMAT. LUSITANUS pro veneno habuerit. Nemo nescit, quid a coagulo & corruptela lactis in corpore impuro metuendum sit, tale vero in feeda illa colluvie humorum esse, quis dubitet? Multum tamen interest scire, qua forma lac exhibeatur, & quibus? assuetis nempe an minus. Guil. Ballonius dysentericum, ex ore medici cujusdam refert, post multa remedia irrita, ad usum lactis puri recens emulsi compulsum, dirissima symptomata habuisse, & a coagulo lactis animo defecisse; mox vero cum coctum chalybeatumque lac & dilutum, quod jam consilium Aetii fuit, datum esset, convaluisse. *Admirabile, inquit, y) quomodo lac sic paratum conferat.* Non multum abludit HERCULIS SAXONIAE z) sententia, qui lactis libram unam cum unciarum sex aquae plantaginis vel serpilli misceri, & ad consumptionem dimidii coqui vult. Placet III. HOFFMANNO a) Selterana cum lacte asinino, lac purum sed largiter dilutum I. PH. NENTERO, b) & cum triplo quidem aquae ipsi TH. SYDENHAMO. c) Is in sananda acuta dysenteria DANIELIS COXE M. D. post tria vel quatuor enemata, alia sibi re opus fuisse negat, quam ut lecti patientiam & lacteam dietam suaderet. Pulvis ex oryza cum lacte jam olim PAULO & AETIO arriserunt.

## §: XV.

Ad enematis mentionem pugna non minor est auctorum. Liceat autem eorum hic meminisse, quod & evacuent & detergant & demulceant. Multi cum IAC. FABRICIO remedia per

y) Epid. & Ephem. 2.

z) in prælect. med. c. 10.

a) Med. Syst. T. IV. f. II. C. 7. §. 3.

b) Fund. med. T. II. Tab. 72. p. 99.

c) T. I. edit. Geneu. 1738. p. 115. Vide quoque ej. processus integros,

os sufficere putant, & cum Io. BOHNIO d) irritamenta intesti-  
 norum ex clysmatibus metuunt, quibus dolor & dejectio crescat.  
 Certe iterata nimis mollitudinem afferunt, unde diathesis nasci-  
 tur, quam Galenus *πευμακριν* vocat, ultro in hoc morbo me-  
 tuendam. Neque demulcens ea vis, quam adeo laudant, omnia  
 laterum puncta in intestinis crassis, ne dum tenuibus, penetrare  
 potest, cum parum iniici debeat, ut retineatur, hinc a sede affecta  
 crebro aberrans certiori damno relaxat. Neque vero video, cum  
 in clysmate, quicquid virium medicarum requiritur, opportu-  
 niori & breviori via, admoveri loco læso, qui ut plurimum in  
 crassis est, & internorum demulcentium usu adiuvari possit, cur  
 dictis rationibus multum momenti inesse existimemus. Egregia  
 vis est in infuso anodyno chamæmeli, hyperici & anethi, in quo  
 aliquid sevi hircini solutum, vel lacte chalybeato cum theriaca,  
 in primis si aliquid gummi tragacanthæ & arabici, vel mucilagi-  
 nis feminum miscetur. Deterget bene, si decocto hordei misces  
 mel rosarum, & terebinthinæ aliquid vitello ovorum solutæ, vel  
 sebum hircinum cum balsamo Lucatelli. Adstringet magis ex  
 symphyto, tormentilla, herba plantaginis, floribus rosarum &  
 balaustiorum, quibus coctis & colatis recentem succum plantagi-  
 nis & aliquid balsami peruviani, cum vitello ovorum addere fas  
 est. Quæ forma clysmatis proxime ad illam accedit, quam tant-  
 opere extollit LUCAS SCHROECK. Demulcendi simul scopo  
 Celsum imitare, qui *tepidum infundere iubet vel ptisanæ cremo-  
 rem, vel lac vel adipem liquatam, vel medullam cervinam vel olcum,  
 vel cum rosa butyrum, vel cum eadem album crudum ex ovis, vel  
 aquam, in qua lini semen decoctum sit, vel si somnus non accedit,  
 vitellos cum aqua, in qua rosæ floris folia cocta sint. Levant enim,  
 addit, dolores & mitiora ulcera efficiunt.* Inprimis multum inde  
 præsidii est in tenesmo, atrocissimos sæpe dolores pariente, con-  
 tra quem præter clysmata litum adhibere licet ex oleo mastichis,  
 & lini recenti, vel ex unguento populconis cum oleo ceræ stil-  
 laticæ, vel etiam oleo amygdalarum, hyperici ac vitelli ovi. Huc  
 spon-

d) Vid. ej. diff. de experient. fallaci.

spongias pro foru refer ex chamæmelo, sambuco, hyperico, femine lini & fœnu græco, cum aqua & lacte decoctis. In majori ani hiatus suffitus præstant ex thure, succino, c. c. zingibere, gagate in sella perforata.

## §. XVI.

Sed opus est, ut corrigentium medicamentorum vestigiis ulteriores inhæreamus, quibus acrium, quæ illa scybalorum hospitia obsident, & fodicant intestina ac cuniculos agunt, excruciansque spiritus absument, vires ac stimuli enerventur. Ut generatim acribus opposita sunt aquosa, terrea, oleosa & glutinosa, ita de aqueis, stimulo salino munitis, jam diximus. De quibus ad diuresin tendentibus, illud CELSI *e)* adhuc notemus, nempe noxam augere, nisi promte prosint: In mollioribus certe & debilioribus colluviem ad intestina & horum atoniam intendunt. Parum abest, ut idem de glutinosis & oleosis judicemus: lentorem enim augment, & tonum pariter labefactant. In siccioribus tamen utraque remedia laudamus. In humidioribus terrestria, quæ absorbent & exsiccant, præmissis evacuantibus substituere malim. Talia sunt crySTALLUS montana, dens hippopotami, margaritæ, corallia rubra, conchæ præparatæ, mater perlarum, cornu cervi ustum, ossa sepiæ, & plura alia. Ossa humana IOH. SCHROEDERUM *f)* & SAM. LEDELIUM *g)* extollere in dysentericis video, dampnante eorum usum SMETIO & HOECHSTETERO. Quanto adhuc rectius hanc censuram stercus humanum meruit, quod C. F. PAULLINI *h)* hic laudat, imo & stercus canum sola ossa vorantium, quod cum lacte chalybeato PETRUS FORESTUS *i)* commendat. Nec est, quod de sinaragdo singulare quippiam expectem, cujus in dysenteria vires ex  
variis

*e)* Lib. IV. cap. XV.

*f)* Pharm. Lib. V. Class. I. Cap. 23.

*g)* M. C. D. II. & 2. O. 38.

*h)* M. C. D. II. & IV. append. p. 36.

*i)* Obs. 35. Lib. XXII.



variis autoribus ostendere voluit, DAN. SENNERTUS *k*). Cornu cervi sine igne euporiston suum vocat ANTON. a LEBENSWALD, *l*) qui sanguinem purulentum intra triduum ducenties eiiciens hoc remedio cum epicerafticis, anodynis & clysteribus abstergentibus, usus discrimen vitæ evasit. Plus omnino terrea illa commendamus, ex quibus naturale gluten nondum vis ignis expressit, quæ hinc anodyna animalia III. HOFFMANNO audiunt. Facit glutinosæ partis salubritas, ut bolos præterea & terras sigillatas optimorum remediorum catalogo inseramus. Maximam hinc laudem bolus Armena alexiteria apud multos reperit, quæ succo tormentillæ, bistortæ, rosarum rubrarum similiumque est imprægnata. Quibus post remedia evacuantia plus præsidii est in glutinantibus, habent hic maxime gummi tragacanthæ, gummi arabicum, mucilaginem seminum psyllii, altheæ, cydoniorum, succum cancrorum contusorum, hepar viperæ, quod GEORG. W. WEDELIUS *m*) & oleum ceræ, quod PETRAEUS *n*) singulariter laudat, vel ipsam ceram in jussulo solutam. Præterea enim, quod jam DIOSCORIDES notaverit, ceram dysentericis dari, & HARTMANNUS *o*) gummi ammoniacum cum cera & cydoniis suadeat, VALLERIOLA etiam fateatur ægrum clam sumpta cera alba convaluisse, certe malum cydoniorum *p*) in cujus cavo cera, prunis admotis liquefcens, substantiam pomi subiit, sic multis profuit, ut statim dolor mulceri, & fluxus intermittere cœperit. Eadem cera in pomo Borstorfiano similiter soluta servavit adolescentem ex testimonio C. F. PAULLINI *q*). Sunt, qui pulcriculas formant in eundem usum ex creta alba lacte soluta cum farina fabarum & pauxillo aromaticis. Imo larga casei quantitas dysentericum periculose decumbentem

*k*) In Paralip. ad Lib. III. med. pract. num. 5.

*l*) M. C. D. III. A. 7. O. 76.

*m*) M. C. D. I. A. 2. O. 127.

*n*) Tom. II. Diss. H. 28.

*o*) in praxi chymica. pag. 196.

*p*) vide schol.: ad obs. Joh. de Muralo in M. C. D. II. & VII. p. 112.

*q*) M. C. III. A. I. O. 147.

tem liberavit, teste P. ROMELIO <sup>r)</sup>, quod eo minus paradoxon videri potest, cum notante GALENO rustici olim molliori ca-  
 feo vulnera sua consolidare consueverint. Merito tamen glutinosa  
 mitiora hic præferimus & tutiora, uti sunt ptisanæ ex radice  
 symphyti majoris, rasura eboris & cornu cervi, decocta farinæ  
 oryzæ, milii, fabarum cum momento tragacanthæ, emulsiones  
 ex amygdalis dulcibus & pineis. Hæc alimentorum & medica-  
 mentorum simul officium sustinent. Plus medicæ virtutis habet  
 infusum summitatum millefolii & hyperici, quas aliqui cum pe-  
 dibus vervecinis vel mesenterio ovino coctas propinant. Præ-  
 stantia vero nulli cedit balsamus peruvianus, cui per aliquot dies  
 ad scrupulum semis cum nucleis pineis trito vel cum vitello ovi  
 leniter cocto, inque haustu tepidi brodii soluto & ægris propina-  
 to, palmam tribuit in dysenteria LUCAS SCHRÖEK <sup>s)</sup>. Nec  
 oleosa ipsa penitus prætermittenda sunt, ut oleum recens amyg-  
 dalarum, olivarum, sperma ceti, quibus non male subinde,  
 maxime in biliosis <sup>t)</sup>, acidi aliquid jungitur: unde potum ex  
 aceto, in quo smegma solutum non semel profuisse legimus.  
 Imo nec plebs male semper consulit, quando recens oleum cum  
 spiritu vini exhibet, quæ in statu vulneris, quem concipimus,  
 possunt sæpe opportuna esse.

## §. XVII.

Adstringentium & roborantium, si dicta pleraque præcesse-  
 runt, perfolutaris usus est. Inter mitiora adstringentia, si be-  
 ne prius evacuaveris & correxeris, sunt herba plantaginis, pim-  
 pinellæ, millefolii, veronicæ, hederæ terrestres, flores balauftio-  
 rum, rosarum, mala cydonia, terra catechu, radix tormentillæ,  
 bistortæ & alia multa. Adstringit quoque radix filipendulæ,  
 quam secreti loco hic commendavit LUD. MERCATUS, & mil-  
 lefolium, cujus usu intra triduum convaluit dysentericus apud

RIVE-

<sup>r)</sup> M. C. D. M. D. A. 2. O. 233.

<sup>s)</sup> M. C. D. I. A. 3. O. 76. & 77.

<sup>t)</sup> M. C. D. II. A. 10. O. 192. P. 373.

RIVERIUM *u*). Decocto corticis querni cum cerevisia nihil, ait, utilius se vidisse, imo a cæteris nihil aliquando iuvaminis sensit, SAMUEL LEDELIUS *x*). Prosperrimam identidem sanationem soli plantaginis succo IOSEPHUS LANZONUS *y*). Tragea granorum actes Io QUERCETANO descripta passim laudatur, Ita Matthiolo decocta cuticula intima, quæ medullam castaneorum tegit. Io. BRUYERINUS *z*) ad consilium anus sorba cruda voravit. Sic alii mespila, cydonia, poma, pyra, pruna sylvestria, fructus ribesiorum, berberum, permittunt: sed pro suspecta austeritate non tuto satis. Quo magis debellatus est morbus, eo plus roborantibus insistimus. Vinum generosum, quale Hungaricum & Canariense, cum frusto panis tosto & pauxillo aromatum indulgemus, potus chocolatæ, vinum rubellum cum conserva rosarum vel mica cydoniorum, nec minus essentia corticis cascarillæ, gentianæ rubræ & succini, multaque similia hic justum locum inveniunt. Continuetur aliquamdiu conserva cydoniata rosarum cum extracto tormentillæ, theriaca Andromachi, coralliis, C. C. usto & syrupo myrtino. Misceamus quoque per plussculum temporis pulveribus aromaticis aliquid extracti rhei & laudani opiat.

### §. XVIII.

Neque externa negligimus, qualia sunt sacculi in vino rubello calido, emplastrum de tacamahaca vel magis de crusta panis cum theriacalibus, vel etiam oleo macis & menthæ. Plura sunt hujus generis fomenta, cataplasmata, epithemata, linimenta, quæ pro vario statu morbi varia in se continent. Abdomini imponantur, ut jam de mithridatio dixi e consilio Cratonis. De foru fumoque ad anum, in quem potissima pars injuriarum redundat, speciatim determinandis actum pariter est superius.

### §. XIX.

*u*) Obs. 84. Cap. 7.

*x*) M. C. D. III. A. 1. O. 60. pag. 88.

*y*) ib. D. II. A. 10. O. 137.

*z*) Lib. III. de recibaria cap. 22. Fungum sorbi aucupariæ levem & spongiosum laudat E. Hagedorn in M. C. D. II. A. 5. O. 93.



## §. XIX.

Notamus, magno ubivis medentium iudicio opus esse, cum in vario morbi statu eadem nunc profint nunc noceant. Maligniores in primis dysenteriae minus evacuantia ferre & opiata, plus praesidii in alexipharmacis reperire censentur. Laudat hic praeter ceteris IAC. FABRICIUS mixturam simplicem cum infuso millefolii, alii essentiam croci vel alexipharmacam Stahlî cum pulveribus temperantibus & diapnoicis, conchis C. C. chelis & lapidibus concolorum, bezoardico minerali, antimonio diaphoretico. Ubivis certe ægrotorum maxime interest, vim morbi ad exteriora divertî, hinc decocta scorzonerae, chinae, contrayervae cum diascordiatis & externo regimine calidiori praescribi. At subsistimus in generalioribus.

## §. XX.

Dietae potior ratio in eo consistit, ut aërem temperatum sedulo commendemus, frigore vel calore nimio infestum, maxime ex austro venientem vitemus, vel odoratis lignis ut juniperi incensi corrigamus. Multos sola aëris mutatio sanavit. a) Rarius e lecto surgant ægroti, & instante dejectione pelvis potius, vel duplicata lintea subiiciantur, & quoties defecerunt, decocto verbenae laventur. Corpus inter stragula calidum leviter fuder, pedibus lateres calefacti admoveantur, nihil enim plus noxium illa refrigeratione pedum est. Victus sit coctus facilis, demulcens & leniens. Conveniunt maxime juscula avenacea, hordeacea, sique febris minus urgeat, vitulina & gallinacea, addere his licet, gelatinam eboris vel cornu cervi, pulvis ex oryza, amylo, fagopyro, hordeo. Nihil concedatur olerum, piscium, fructuum, nec acria, salsa, pingua & dulcia nimis. Cerevisia vel nulla permittatur, vel defaecata & calida cum pane tosto & pauxillo nucis moschatae. Præstant pro poru, qui parvus semper sit & calidus, in-

a) diss. de dysent. Rostoch 1627. habita §. 79.

infusa theiformia, decocta panis, vel illud Sydenhami ex aqua fontana, cornu cervi usto, mica panis similaginei & sacchari. Nec tenue rubellum vinum in progressu prohibemus, nec aliis potum amygdalinum ex lacte chalybeato paratum. Quicquid ingeritur vel tale sit, quod leniter ventrem stringat, ut Celsus postulat, vel demulceat sine metu subitaneæ corruptelæ. In magno ægrorum fastidio noli ingerendorum copiam urgere, quippe quibus quam salutaris interdum sit abstinencia, notatum varii, est. *b*) Nocent vigiliæ & inquietus animus, igitur de somno conciliando, & placandis turbis animi inprimis cogitandum. Medico ad præsentis mutationes magis attento licet singula singulis plenius accommodare.

DISSER-

*b*) v. Obs. Io. Dav. Wogau. in M. C. Cent. IX. O. 86.

DISSERTATIO  
 EX H. MEDICINAM  
 EX TALMUDICIS,  
 ILLUSTRATAM

PUBLICE PROPOSITA  
 GOTTINGÆ, D. 23 AUG. 1743.

R E S P.

BENJ. WOLF. GINZBURGER.

POLONO.

CONSPECTUS.

- §. 1. *Medicinæ veterum Hebræorum sub divino regimine dignitas.*  
 §. 2. *Ejusdem a summis viris cultura, speciatim a collegio sacerdotum.* §. 3. *Talmudicorum scriptorum, qui res medicas illustrarunt, ratio & ætas.* §. 4. *Physiologia ex Talmudicis illustrata.* §. 5. *Specimina cultæ Anatomies.* §. 6. *Doctrina in pathologicis.* §. 7. *in semioticis.* §. 8. *Simplicitas materiæ medicæ rerum chemicarum ignara.* §. 9. *Chirurgia.* §. 10. *Therapia in morbis internis.* §. 11. *Dietetica.* §. 12. *Studium observationum cum variis in medendo cautionibus.* §. 13. *Finis.*

§. I.

De veteri Hebræorum medicina, nemo facile est, qui sinistre sentiat, quippe quæ divino antiquissimorum temporum non solum testi-



testimonio, sed & peculiari tutela nititur. Ipsa enim miraculosa manus, quæ gentem ex omnibus electam duxit, in valetudinis negotio ita leges naturæ medicatricis abs se stabilitas ultro secuta est, ut non nisi virium quoddam superpondium addiderit. Sic ELISAEUS propheta *a*) insalubres aquas injecto sale, colocynthides addita farina *b*) correxit, lepram Syri NAAMAN septenis in Iordano ablutionibus sanavit *c*). Nam & sal putres aquas *d*), & efficacius farina colocynthides *e*) corrigit, utpote quibus omne ævum lenta & glutinosa opposuit. Quantopere vero congruat, ad omnem cutis immunditiem eluendam in aquas fluviatiles descendere, & ad rapidos inprimis vortices lavari, expenderunt penitius juxta cum aliis VALLESIUS *f*) & BORRICHIVS *g*). In qua re divinam manum, quæ ubivis veneranda est, medicas vires comprobasse, sustentasse & auxisse adparet, velut in miraculo CHRISTI contra famem tot millium, paucis panibus devictam, sine dubio adhibitum fuit, quod famem propria vi sedaret, nec novarum virium accessione, sed suarum intensiori virtute indigeret. Si SIRACIDAE *h*) credimus, lignum, quod MOSES divino nutu in aquas immisit, quarum ad tempus amaritudo corrigenda erat, hoc per naturam suam præstitit, quod eo propius vero est, si recte PLINIUS *i*) scripsit, aquas illas etiam posthac amaras fuisse. Qui vim ficus emollientem, maturantem, discurrentem, & vim fellis detergentem suffusionumque initia digerentem non ignorat, illa anginam Regis EZECHIAE *k*), hac cæcitatem TOBIAE *l*) sublatam esse, eo animo legit, ut neque

ex-

*a*) 2 Reg. II. v. 20. conf. *Aegissippi* L. IV. hist. Iud. C. 17.

*b*) 2 Reg. IV. v. 40.

*c*) 2 Reg. V. v. 10.

*d*) v. *Valles.* de sacr. philos. c. 34. p. 193.

*e*) v. *Dodon.* herbar. p. 624.

*f*) de sacr. philos. c. 38. p. 199.

*g*) de Hermet. Aegypt. ac Chem. Sap. c. 7. §. 9.

*h*) c. 38. v. 5. ad Exod. 15. v. 23.

*i*) Hist. nat. L. 6. c. 29.

*k*) v. *Bartholin.* de morb. bibl. c. 10.

*l*) Conf. de felle piscium, præsertim callionymi *Galen.* L. 10. de simpl. medic. Fac. it. *Plin.* H. N. L. 32. c. 7.

extenuet nimis medicinæ auxiliatricis facultates, nec tamen majorem ejus gloriam, quam inter divinas suppetias agnoscat.

## §. II.

Verum antiquos medicinæ Hebræorum procures dum laudo, illorum forte mentio tantum injicienda est, qui artem humanis subsidiis inventam & propagatam ingenii sui & industriæ opibus locupletarunt. Horum ut limitatio potestas, sic circa illa omnium scientiarum incunabula sine dubio simplicior & ab omni ornatu alienior fuit. Neque vero in externis solum, quæ plerorumque de primis medicis suspicio est, opera eorum substitit, ut in vulneribus obligandis, vel condiendis cadaveribus, exemplo medicorum IOSEPHI *m*), sed internis etiam malis exercitatum manum admovit, & ipso progressu audacior, majorem, quam par erat, sui fiduciam Regi ASSÆ inspiravit *n*), imo DAVIDI, frigido jam seni, accubitus vegetæ calidæque puellæ salubrius forte quam verecundius suavit *o*). Ipsum ante hæc tempora MOSEN non modo medicum CHRYSOSTOMUS *p*) vocat, eumque ab Aegyptiis hanc artem accepisse, CLEMENS ALEXANDRINUS *q*) diserte testatur, sed & GALENUS *r*) ipse ut medicinæ peritum citat. SALOMONEM summum pariter Physiologum EUSEBIUS, *s*) celebremque scriptis Medicum IOSEPHUS *t*) adpellat, quæ scripta EZECHIAS abstulisse traditur, ne populus plus herbarum viri-

*m*) Genes. 15. v. 1.

*n*) 2 Chron. 16. v. 12. *Podagricum fuisse, ac si acubus pungeretur. v. Satah. fol. 10. 1.*

*o*) 1 Reg. 1. v. 2.

*p*) Homil. VI. in Marc.

*q*) L. I. Stromat. p. 98. Conf. Philo Iudæus L. I. de vita Moysis it. Clerici Hist. Med. P. I. L. I. c. 5.

*r*) L. XI. de usu partium corp. hum. c. 14.

*s*) Eu. præparat. L. XI. c. 5.

*t*) L. VIII. Antiqu. c. 11.

viribus quam Deo crederet, ut apud SUIDAM *u)* legimus, ubi & hoc ex more paganorum fortassis desumptum enarratur, remedia cujusvis morbi in libris illis recensita vestibulo templi incisa fuisse. Ipsum Regem EZECHIAM libros medicamentorum conscripisse, R. MOSE *x)* testatur & ex eo TIRAQUELLUS *y)*. ESAIAM SERAPIO *z)* medicum vocat, luculentius CHRYSOSTOMUS, *a)* imo ad mentionem fanati ab eo Regis EZECHIAE HIERONYMUS scribit spernendam non esse medicinam, quæ usu constet & experimento *b)*. Si paulo ulterius progredimur, Regem AGRIPPAM medicorum glebæ adscribit unguentum, quod NICOLAUS & ARNOLDUS VILLANOVANUS in suis antidotariis tradunt ab eo nomen gestare. Neque fortassis alius est, quam quem MESUE, RHASES & alii sub nomine Iudæi sæpius citant *c)*. Antidotum ESDRAE, quod AETIUS, AEGINETA, ACTUARIUS *d)*, aliique commendant, expressis verbis MYREPSUS *e)* Prophetæ tribuit. Ne de Medicis Hebræis dicam Christiana sacra amplexis. Id vero omittere non debeo, fuisse semper in collegiis sacerdotum, qui medendo occupati reliquis consuluerunt *f)*, ut de Aegyptiis pariter constat. Exemplum in Talmude legas de filio ACHIAE *g)* iis, qui morbis ventris laborarent, præposito. Quoniam enim sacerdotes ibant discalceati

- u)* Sub voce *Ezechias*. Conf. *Selden*. de libr. p. 196. *Salm.* ad *Panciroli*. L. II. rer. memor. p. 39. *Camerar.* subciv. Hor. L. III. c. 30. *Morhofius* in *Polyhist.* L. I. c. 6. herbarii Salomonis Arabice scripti meminit.  
*x)* L. III. perplexor. c. 38.  
*y)* Op. T. I. de nobil. c. 31. §. 119. p. 146.  
*z)* ib. §. 83. p. 143.  
*a)* Homil. 6. in Marc.  
*b)* v. *Tiraqu.* l. c.  
*c)* Conf. *Fabric.* Bibl. Græc. Vol. 13. p. 43.  
*d)* *Aet.* Tetrab. L. 4. S. I. cap. 101. *Aeginet.* de remed. L. 3. c. 32. *Actuar.* meth. med. L. 5. c. 6. &c.  
*e)* Sect. I. Antidot. 138. 139. 141. Conf. *P. Castell.* de opt. medic. secta p. 56.  
*f)* *Ios. Scalig.* in *Scal.* prim. p. 61.  
*g)* *Schkalim* fol. 8. 2.



calceati in pavimento templi, & bibebant aquas, facile in morbos ventris incidebant. Ille vero scivit, quodnam vinum visceribus salutare esset, & quod viscera debilitaret.

### §. III.

Atrox rerum conversio, quæ cum excidio urbis pristinam gentis gloriam delevit, veluti omnes scientias atra merfit caligine, sic medicinæ novis incrementis obicem posuit. Cautum tamen ante omnia est, ne lex ore propagata, quam ut ejusdem cum scripta originis reverentia populi conservavit, in tanto fortunarum suarum naufragio & communi fere civium exilio intercideret. Hinc R. IUDA HAKKADOSCH, quintus ab Hillele, ut memoriæ civium soluto reipublicæ vinculo disperforum in tanta operis mole consuleret, omnes illas traditiones, tanquam per traducem hucusque propagatas, quibus opera doctissimorum virorum, qui Tannaim adpellabantur, lucem adfuderat, sub Antonio Pio Imperatore A. C. 150. circiter in volumen congeffit, quod Misnah vocatur. A quo deinceps tempore eruditi in Iudæa & Babylonia viri, copiosis illud opus commentariis illustrarunt, qui Gemara dicti & cum Misnah conjunctim editi tam Hierosolymitanum, quam Babylonicum Talmud constituunt, illud trecentis a C. N. hoc quingentis circiter annis publicæ luci concessum *b*). Illi vero doctores, qui ante Misnam editam Tannaim, & ab hoc tempore ad Talmud usque Babylonicum Ammoraim nuncupabantur, quemadmodum postea Seburaim & Geonim, ut omnis suæ doctrinæ, sacrae & civilis, ita & medicæ documenta uberim inferuerunt. Hæc igitur variis locis excerpta animus est oculis omnium subiicere, qui ex dictis facile judicabunt, quibus scripta sint sæculis, & quod exigua parte præcesserint ævum Galeni, majori æquauerint maxima superaverint. Mirum proinde non est, multa cum placitis Galenicis convenire, quædam vero ut propria & domestica merito considerantur.

### §. IV.

*b*) Buxtorf. recens. Oper. Talmud. it. Lexic. Rabbinic. p. 2610. seq.

## §. IV.

Cum principiis maxime Aristotelicis fulta fuerit temporum illorum Physiologia, solidiorem ejus partem jure postliminii gens Hebræorum sibi vindicare potest, cum Alexander Macedo Hierosolymis potius inter alios doctrinarum thesauros & sollicitè collecta orientis spolia ipsos Salomonis libros Aristoteli concedidisse perhibeatur. Idcirco R ABRAHAM ZACUTH *i)*, quidquid in Aristotelis doctrina eximium & inconcussæ veritatis est, a sapientia Salomonis furto ablatum censer, nugas vero fabulasque admixtas. Quin & EUSEBIUS *k)* vero simile judicat, calidorum & frigidorum, siccorum & humidorum ordines inde composuisse medicos, & quam mensura calidor herba sit, vel frigidior, didicisse. Varia in Talmude occurrunt, quæ opus imprimis generationis illustrent. Inter hæc illud est *l)*: *quæ eodem corporis situ cœunt animalia, & æquale graviditatis tempus habent, horum alterum ex altero concipere potest.* Cui respondet aliud *m)* *animalium, quæ diverso situ cœunt, & diversum graviditatis tempus habent, nequit alterum ex altero concipere, neque alterum bene nutrire alterum.* Hæc veluti non inconcinne dicuntur, ita majorem fortassis observationis curam in hoc calculo *n)* requiras, quo canes diebus L, feles LII, porcos LX, animalia cicuria immunda mensibus XII, majora munda IX, minora, ut oves & capræ V, vulpes & omnis generis reptilia VI, lupum, leonem, ursum, leopardum, bardulum, elephantem, simiam annis III, serpentem VII, viperam אפעה LXX. uterum gestare perhibent. Cujus fursuris est facta eodem loco computatio temporis, quo fructus ad maturitatis suæ terminum perveniant, nempe avellanas intra dies XXI. nuces excludere, ut gallinas ova, ficum diebus L, bac-

cas

*i)* in libro Iuchasin. פסוק ד. אברהם זאכא

*k)* Quem ex Anastasii Qu. 39. in Script. citat. I. F. Buddeus in hist. phil. Ebr. Conf. cel. Schulzii Hist. Med. P. I. S. II. c. 6. §. 3.

*l)* Beechoroth fol. 18. 1. doctorum Misnicorum.

*m)* Chulin fol. 127. 1. effatum doctoris Misnici.

*n)* ibidem.

cas mori LII, mala LX, dactylos mensibus XII, olivas IX, frumenta VI, vuas V maturescere, ad ficum vero albam requiri triennium, siliquas denique ante annos LXX. fructus non ferre, si ferunt, non nisi tertio ab hinc anno maturos esse. In quibus quidem Salomonæ ævi sapientiam haud omni ex parte reperias. De fœtu & conceptione tradunt varia. Hanc aiunt statim a coitu, non raro etiam secundo ac tertio die o) post illum fieri. Fœtum non ex omni feminis massa sed puriori ejus guttula p) nasci, natum aquæ in utero materno sic innatare, q) ut nucem aquæ, adseverant. In situ embryonis manus temporibus admotas, flexuram cubiti femoribus, pedes natibus, caput inter crura inclinatum describunt. r) Addunt, os clausum, ductum vero funiculi umbilicalis apertum habere embryonem, sanguine materno ali, alium non exonerare. Sanguinem pro vario climate s) varium, & prout in vasis vel extra vasa hæret, t) alium recte sibi concipiunt. Menstruum sanguinem ex quinque coloribus diiudicant, u) quorum si nullus adsit, pro menstruo habendum esse abnuunt. Marem, qui uno testiculo vel vase deferente caret, ad sobolem procreandam ineptum esse negant. x) Feminam gravidam ad quartum sæpe mensem fluxu menstruo laborare, y) nostri ævi observatis congruenter notant. In quorum multis nec experientiæ fidem nec dextrum rationis usum desideres. Varia altius videntur ex physicis & metaphysicis fontibus repetiisse, inter

o) Niddah fol. 38. I. Auctor hujus sententiæ obiit A. C. 251. f. A. contract. 564.

p) Niddah fol. 71. I. Auctor obiit A. C. 245. f. A. Contract. 558.

q) Niddah fol. 31. I. Auctor vixit circa A. C. 337. f. A. Contract. 650.

r) Niddah fol. 30. 2. Auctor vixit circa A. C. 217. f. A. Contract. 530.

s) Niddah fol. 20. 2. Auctor vixit circa A. C. 287. f. A. Contract. 600.

t) Crithoth fol. 20. 2. effatum doctoris misnici.

u) Niddah fol. 19. I. effatum doctoris misnici.

x) Iebhamoth 75. 12. ita doctores labhnenfes statuunt, sed non desunt dissentientes.

y) Niddah fol. 7. I. 2. effatum doctorum exoticorum.



ter quæ dogma illud est recentiorum philosophorum supercilio dignum, perfecte similia neque arte neque natura dari z).

### §. V.

Pro temporum infelicitate, quæ corpora humana attingere & secta scrutari nefas duxit, non quidem magni adeo, si cum nostri ævi inventis compares, nec tamen nullius momenti sunt, quæ ex Talmude in Anatomicis promuntur. Mentionem variis locis iniiciunt cartilaginis scutiformis, *a*) glandulæ thyroididis, vasorum cervicalium, *b*) aliorumque, quæ præcipuo loco manus Anatomicorum occupant. Medullæ spinalis *c*) initium circa foramen magnum infra apophyses ossis occipitis, finem in cauda equina sic determinant, ut hujus distributas propagines attentione peculiari prosequantur. *d*) Oesophagi tunicas *e*) in exteriorem rubram distinguunt & interiorem albam, pulmopem binis pariter tunicis *f*) ambiri, pinguedinem renum *g*) sua membrana involui docent. Et quod exercitatum crebra sectione manum luculentius arguit, tres aliquando renes, *h*) aliquando duo intestina recta *i*) in cadaveribus observarunt, nec minus illud, exsecto utero animantia vivere posse, *k*) nec lienem exsectum *l*) mor-

z) Bechoroth fol. 18. v. 1. effatum doctorum exotic.

a) Chulin fol. 18. 1. 2. cartilaginis annularis mentio fit in Misnah scutiformis a doctore circa A. C. 187. f. A. contract. 500. glandularum a doctore, qui obiit A. Contr. 663.

b) Chulin fol. 27. 1. dictum doctoris mishnici, qui vasa cervicalia jubet post mactationem dissecari.

c) Chulin fol. 42. 2. Auctor obiit A. C. 251. f. A. Cont. 564.

d) Chulin fol. 43. 2. Auctor vixit A. C. 237. f. A. Contract. 550. v. Raschei h. 1.

e) Chulin fol. 43. 1. Auctor obiit A. C. 350. f. A. Cont. 663.

f) Chulin fol. 46. 1. Auctor obiit A. C. 245. f. A. Contract. 558.

g) Chulin fol. 18. 2. Auctor obiit A. C. 363. f. A. Cont. 676.

h) Chulin fol. 55. 2. Auctor obiit. A. C. 245. f. A. Cont. 558.

i) Chulin fol. 58. 2. observatum circa A. C. 387. f. A. Contr. 700.

k) Sanhedrin fol. 33. 1. Effatum medici tempore Alexandri lannei ante C.

N. 106.

l) mortem inferre, licet vulnus in eo loco, quo vasa ingrediuntur, lethale sit. Hæc & alia forte in solis animalibus facta rentamina dixeris, at R. ISMAELIS discipuli m) in sectione scorti feruntur membra corporis CCLII. reperiisse, inter quæ labia, prolabia & musculum clitoridis numerantur. Scribunt de alia femina, quadragesimo die, quo imprægnata fuit, ad supplicium tracta, in cujus dissecto utero fœtum perfectum deprehenderint medici. n)

## §. VI.

Morborum plerorumque causam in sanguine quærunt, o) saluari vini usu corrigendam. Febrem æstivam hiemali mitiorem pronunciant p) & multos recentiorum imitantur, qui febres tantum non omnes ut salutes extollunt. Nam quantum spinam palmæ, tantum febres corpori prodesse perhibent, easque, quæ singulis mensibus invadunt, instar theriacæ esse. q) Ad retenta & excreta sollicite respiciunt, & ex retento lotio hydropem, ex aluo suppressa icterum derivant. r) Senibus aiunt & debilibus pollutione nocturna laborantibus aliquot seminis guttulas in membro genitali retineri, quæ cum lotio demum propellantur. s) Hydropis species triplex iis est, anasarca, hyposarca & leucophlegmatia. t) Menstrua terrore promoveri, mœstitia reprimi, statuunt. u) De eo subtiliter disputant, an nequeat sanguis e corpore

l) Chulin fol. 54. 1. in Misnah sit mentio exsecti. Auctor, qui limitat, obiit A. C. 350. f. A. Contr. 663.

m) Bechoroth fol. 45. 1. id. Sect. II. factum.

n) Niddah fol. 30. 2. Id factum regnante Cleopatra Alexandrina iterumque sub Cleopatra regina Græcorum.

o) Babha bathra fol. 28. 2. Auctor vixit. Sec. II.

p) Iomah fol. 29. 1. Obiit auctor A. C. 318. f. A. Contr. 631.

q) Nedarim fol. 41. 1. 2. Auctor obiit. A. C. 350. f. & Contract. 663.

r) Brachoth fol. 62. 2. effatum doctorum exoticorum.

s) Chulin fol. 24. 2. Citatur Misnah ex miquoth.

t) Sabbath fol. 33. 1. effatum exoticorum. Ibidem inedia etiam nonnumquam pro causa hydropis & alui suppressæ habetur.

u) Chulin fol. 45. 2. Vid. Aschrei ad h. 1.

pore elici vasis illæsis? x) Cranium contusum, y) os femoris ligamenti culpa laxatum, z) renes circa pelvim multum purulenti continentes, a) ut morbos lethales considerant. Quo etiam referunt b) ichorosam & purulentam medullam spinalem, observaruntque ab ea rupta agnum posterioribus pedibus claudicasse. c) Fufius causas morborum, quæ vel funestæ sunt vel in morbum perpetuum præcipitent, nisi ars succurat, in animalibus quindecim constituunt, d) nempe oesophagum, pulmonem, ventriculum & intestina tenuia perforata, piam matrem & vesicam felleam læsam, costas pectoris fractas, vulnus in cordis ventriculum penetrans, iecur putredine consumptum, asperam arteriam & medullam spinalem laceratam, concussionem magnam corporis quamvis sine vestigio fracturæ, denique conculcationem anterioribus ferarum unguibus factam.

## §. VII.

Neque signorum doctrinam, sive præsentis sive imminētis morbi genium manifestet, sive obscuros morborum exitus præfagiat, ab iis neglectam fuisse, uno alterove tuebimur exemplo. Signa impotentia virilis hæc habent, e) barba destitui, glabritiem toto corpore, semen iusto fluidius, vocem instar feminarum gracilem habere, lotium, quod nec putrescat facile nec spumofum sit, emittere, semen lotiumque nullo eiaculari impetu. Feminas steriles esse iudicant, si mammis sunt destitutæ & monte Veneris, sique

x) Sabbath fol. 133. 1. 2. Statuit ibidem Doctor misnicus, omnem sanguinem in vasis contineri.

y) Chulin fol. 42. 2. Auctor effati obiit A. C. 251. f. A. Cont. 564.

z) Sabbath fol. 53. effatum doctor. exotic.

a) Chulin fol. 55. 1. 2. Auctor obiit A. C. 245. f. A. Cont. 558.

b) Chulin fol. 45. 2.

c) Chulin fol. 51. 1. Id notatum est ante C. N. 112. circiter. Aliqui crampum pro claudicatione intelligunt.

d) Chulin fol. 42. & sq. XVIII morbi species in Misnah numerantur.

e) Iebhamoth fol. 80. 2.



sique coitum moleste ferunt, vocem vero sonoram, ut viri, habent. Inter quæ signa acute dispiunt, quibus solis & quibus conjunctis vis insit probandi. Iustissimum illud dixeris, quod signum hydrocephali lethalis interpretentur, si aqua in cerebro hæret, non lethalis, si extra cerebrum *f*). Pulmo, si obduruerit, si colorem nigrum, aut qualis carnis est, contraxerit, iis designat morbum, qui spem omnem remedii excludit *g*). Ren per morbum extenuatus signum ipsis funestum est, at ren per naturam tenuior nihil sinistri ominatur *h*). Hepar vermiculosum *i*) pro lethali non habent, nec intestinum rectum eo loco, quot ossi sacro connectitur, perforatum *k*).

### §. VIII.

In viribus medicamentorum indagandis ad experientiam, quæ iis præluxit, non contemnendam auscultant. Virtutes alii *l*) calefacere, saturare, faciem splendidam reddere, vermes necare, semen augere docent. Non aliter sentit ætas nostra, quæ hanc rusticorum theriacam, uti GALENUS adpellavit, scopo potissimum anthelmintico & aphrodisiaco commendat. Pulegium adversus vermes iecoris, hyssopum adversus vermes ventris Talmudici scriptores laudant *m*). Thus damnatis ad supplicium ductis datum in via esse referunt, ut obstupefacti sævitiam mortis sentirent languidius *n*). Gummi Alexandrinum, alumen & crocum hortensem pro immoderato mensium fluxu sistendo extolunt, singulorumque unciam unam in vino coquunt propinantque

*f*) Chulin fol. 45, 2. Auctor vixit A. C. 217. f. A. Contract. 530.

*g*) Chulin fol. 47, 2. Auctor obiit A. C. 350. f. A. Contract. 663.

*h*) Chulin fol. 55, 2.

*i*) Chulin fol. 48, 1. decisum doctoris Iabnenfis.

*k*) Chulin fol. 50, 1.

*l*) Babha kama fol. 82, 1.

*m*) Sabbath fol. 109, 2. de iis jam in Misnah fit mentio, usum plus illustrant Talmudici.

*n*) Sanhedrim fol. 43, 1.

que o). Aquam lacus Asphaltites contra morbos oculorum & lepram suadent p). Neque ignotæ iis fuerunt aquæ salubres, quales thermæ Tiberienses q), quarum calorem ope aquæ frigida temperare pro balneo tepidiori consueuerunt. Chemica præparata ex tam simplici materiæ medicæ adparatu exulant. Quam O. TACHENIUS in Hippocrate Chemico operam lusit, nolumus in Chemia Talmudica vindicanda perdere, nec nostram facere WILH. ten RHYNE r) conjecturam, quasi sacerdotes ludæorum cum nidorem fumosque a sacrificatis animalibus adscendentes fortuito attractu frigidorum corporum in liquamen coire vidissent, coeperint per capitellum seu alembicum aræ impositum colligere halitus, ut in phlegma spiritum oleum & sal volatile abierint, quæ occasio inventæ destillationis ex retorta videri possit. Sed mittimus vanas suspensiones hominum fumi & fuliginis.

## §. IX.

Manu quam medicamentis mederi cum proclivius fuerit veteribus, non desunt in Talmude, quæ Chirurgiam illustrant. Vulneribus emplastra de pice alba cum cera s) destinant, vel ea, quæ ex una parte ceræ & septenis axungia t) consistunt. Hæmorrhagias vino & oleo bene mixtis coercent u), decoctum quoque nasturtii cum aceto in iis sistendis probant x). Porro hederam terrestrem vul-

o) Sabbath fol. 110, 1. Auctor vixit. A. C. 187. S. A. Contract. 500.

p) Sabbath fol. 108, 2. 109, 2. dictum exortorum.

q) Sabbath fol. 39. & seqq.

r) Plura circa hæc somnia vide in ejus dissert. de Chemiæ & Botanicæ antiquitate & dignitate, ubi etiam in templo struendo multos Salomoni Chemicos famulatos esse fingit. Conf. cel. *Schultzei* Hist. Med. P. I. S. II. c. 6. §. 14.

s) Sabbath fol. 133. 2. Auctor vixit A. C. 287. f. A. contract. 600. Nonnulli pro pice alba resinam galbani substituunt.

t) ibid.

u) Sabbath fol. 133; 1. ex verbis mishnæ comp.

x) Abhodah fara fol. 28, 1. Auctor vixit A. C. 237. f. A. contract. 550.

vulneribus opponunt *γ*), loca contusa melle inungunt *z*) partes laxatas aqua frigida conspergunt *a*). Post venam sectam abstinere jubent ab esu lactis, casei, ceparum & ficuum immaturarum, vel si contra hæc peccatum sit, vinum cum aceto superbibere *b*). Hæmorrhoidum externarum & internarum mentionem faciunt, illis emplastra ex cera & oleo adplicant, quietemque in aëre temperato ægris præscribunt *c*). Cucurbitas siccas regioni epigastricæ infantum admovent, qui nimis ventris torminibus vexantur *d*). Ita sapienter a sede adfecta vim spirituum influentium avocant, quæ ratio est, cur in vomitu vix compefcendo ultimum hodie ad cucurbitas illas abdomini infigendas perfugium sit. Nec operationum Chirurgicarum exempla desunt. Si infans apertura ani destituitur, regionem illam, in qua esse debebat, oleo inunctam radiis solaribus exponunt, & ubi radii pellucidius transparent, cuticulam grano hordei in crucem incidunt. *e*) Aliam in homine dubii sexus operationem commemorant, qua peracta liberos ille genuerit *f*).

### §. X.

Interne in morbis fere omnibus pro præsentissimo remedio vinum habent, quo deficiente cetera demum medicamenta adhibere fas sit *g*). Id ex ASCLEPIADIS schola hausisse videntur, qui ut austeriori veterum medicinæ novam gratiam adquireret, indul-

*γ*) ibid.

*z*) Sabbath fol. 76, 2. Auctor Doctor misnicus vixit circa A. C. 167. S. A. Contract. 480.

*a*) Sabbath fol. 147, 1.

*b*) Abhodah fara fol. 29, 2 ex doctoribus exoticis.

*c*) Abhodah fara fol. 28, 3. Auctor vixit circa A. C. 237. f. A. contract. 550.

*d*) Sabbath fol. 62, 2. Auctor hujus effati vixit A. C. 287. f. A. contract. 600.

*e*) Sabbath fol. 134, 1. Auctor vixit A. C. 287. f. A. contract. 600.

*f*) Iebhamoth fol. 83, 2. Hæc operatio instituta est A. C. 287. f. A. contract. 600.

*g*) Babha bathra fol. 58, 2. Auctor vixit Sæculo II.



indulgentior in ægros laxavit vincula, quæ vini aliarumque vitæ deliciarum usum paulo severius restringerent. Occurrant tamen in Talmude multa etiam alia, morbis maxime chronicis, opposita medicinæ auxilia. Singulare est illud in dyspnoea datum consilium medicum, *b)* quo lac caprinum ex ipsis capræ uberibus sugere ægrotus iubetur. Pulchre cum CAPIVACII aliorumque doctrina convenit, qui lac suctu haustum virtute longe superius censent, quam quod externi aëris attactum cum magna spirituum suorum jactura subiit, a coctione vero in longe majorem lentorem corpori onustum degeneravit. Neque atrophicis ex diuturna inedia male consulunt, quando primum aquam furfuraceam, deinde farinaceam, postea cibos gradatim offerunt. *i)* Suspecta enim semper est in corpore exhausto subita a nutrientibus repletio. In bulimia *k)* illicitos etiam cibos dare permittunt, donec æger visu, quo fere privat urgens fames, potiatur iterum. Tollenda enim quovis impendio est irritans vehementer in ventriculo causa, quæ cerebrum & sensuum functiones obscurat. Et merito dantur, licet sanis aliena videantur, quæ instinctus ægri provida natura contra causam morbi armatus ultro deposcit. Quale enarrant ipsi Talmudistæ de bove gingivarum doloribus laborante, qui automatico impulsu dolium confregit bibitique de effusa cerevisia. *l)* Contra vermes vinum cum foliis lauri, contra tormina vinum cum pipere commendant. *m)* Emeticum in nausea probant, *n)* juvat enim pituitam, frequentiores ejus causas, in limine quasi corporis evacuare, & coctionis impedimenta cum ea remove. Cardiacam passionem per mustum vini contractam car-

*h)* Babha kama fol. 80. 1. Vixit æger, cui id remedii suaferunt, initio sæculi II.

*i)* Gittin fol. 56. 2. Id factum in obsidione urbis a Vespasiano.

*k)* Ioma fol. 83. 1. effatum doctoris misnici.

*l)* Babha kama fol. 35. 1. Id factum circa A. C. 337. f. A. Contract. 650.

*m)* Gittin fol. 69. 2. Auctor effati obiit A. C. 421. f. A. Cont. 734.

*n)* Sabbath fol. 147. 1. Prohibet Misnah diebus sabbathi medicamento ad hunc scopum uti, digito licet.

carne macilenta assata & vino diluto tollunt. o) Contra cordis angustiam aqua tepida, in qua aliquid asæ fœtidæ solutum sit, per triduum sumi jubent. p) Lotium, quod calculus vesicæ in sphinctere hærens remoratur, iniecto oleo terebinthinæ cum succo porrorum & vino liberant. q) In morbis læsæ respirationis & deglutitionis decoctum betæ cum oleo olivarum r) merito commendant, tanquam egregium abstergens & demulcens remedium. Dentium & gingivæ doloribus s) aqua ex fermento cum oleo olivarum & sale medentur alii comminutis nucleis immaturarum olivarum. Poru Aegyptiaco, t) quem ex hordeo, croco sylvestri & sale communi æqualiter mixtis conficiunt, vere ventrem laxant & perpetuas diarrhoeas simul cohibent. Locis anguæ admorsis gallinam laceratam imponere consultum ducunt. u) Farinam lentium & sal cum vino generoso coquunt, & hoc decocto sudorem in febribus eliciunt. x)

### §. XI.

Ex fonte diætetico promunt notatu digniora. Sapientissimum hoc est, mutationem subitanæ consuetudinis in victu & amictu, licet in melius tendat, esse periculosam. y) Id enim multarum legum diæteticarum, quas nullo posito limite præscribimus, fidem infringit. Ientaculum a multis morbis, imprimis iis, qui a bile oriuntur, præservare haud temere monent. z) Nam facilis

- o) Gittin fol. 61. 2. Auctor, qui hunc morbum exponit, obiit A. C. 251. f. A. Contract. 564.  
 p) Sabbath fol. 140, 2.  
 q) Gittin fol. 69. 2. Auctor effati obiit A. C. 421. f. A. contr. 734.  
 r) Brachoth fol. 36. 1. ex mente tusephtæ, cujus auctor vixit ante excidium templi A. C. 137. f. A. contract. 453. circiter.  
 s) Ioma fol. 84. 1.  
 t) Psachim fol. 42. 1. 2. Potum Misnah recenset. interpres, qui ingredientia usumque exponit, obiit A. C. 329. f. A. contract. 642.  
 u) Ioma fol. 83. 2. effatum doctoris mishnici.  
 x) Gittin fol. 70. 1. Auctor hujus dicti obiit A. C. 347. f. A. contract. 660.  
 y) Ktubbôth fol. 110. 2. Auctor obiit A. C. 251. f. A. contract. 564.  
 z) Babha metziah fol. 107.

cilis est bilis, quæ vacuum ventriculum subit; inquiete & calore corruptio. Ovum modice excalescens, ut in fluore persistat, plus alere quam alterius cibi cujusvis eandem quantitatem non inaniter statuunt. *a)* Necminus rationis in hoc elucet, quod ante annos quadraginta plus cibi, postea plus potus requiri ad sanitatem putent *b)*, crescit enim cum ætate humectandi corporis necessitas. Specimen, quo ingenio talia exornare sciant, in hoc adparebit doctrinæ diætetice compendio *c)*: *Cibi sine potu crassum sanguinem pariunt, cibi sine motu corrumpuntur; qui aluum exonerare negligit, idem facit, ac si fornacem calefaciat cinere plenum; qui thermis lavatur tantum; neque eas simul bibit, idem facit, ac si fornacem calefaciens externe ignem admoveat; qui post usum balnei aqua frigida non abluitur, idem facit, quam qui ferrum candens aquæ frigidae non immergit, qui lavatur sine unctione, ei idem accidit, quam si dolium aqua externe perfunditur.* Non infimo ipsis, uti plerisque Orientis populis, diætæ pars est, lauari & inungi, scribuntque octogenarium balneis calidis & unctionibus sedulo adhibitis vegetam longævitatē tribuisse *d)*. Pro salutarī habent *e)* matutinū somnū, siquē surgens aluum exonerat, verant autem semper alui lotique excretionem differre. *f)* Aquam frigidam mane & pediluvia vesperi plus acuire visum credunt, quam omnia unguenta & emplastra *g)*. Abusum in motu, labore; vino, somno, concubitu, aqua tepida & phlebotomia damnant *h)*. Salem edere post quemlibet cibum, aquam bibere post quemlibet potum præcipiunt *i)*, a nimio potu ægro

*a)* Brachoth fol. 44, 2. Effatum Auctoris circa A. C. 236. f. A. contract. 550.

*b)* Sabbath fol. 152, 1. Auctor obiit A. C. 251. f. A. contract. 560.

*c)* Sabbath fol. 41, 1.

*d)* Chulin fol. 24, 2. Ille senex vixit circa A. C. 187. S. A. contract. 500.

*e)* Brachoth fol. 62, 2. effatum doctorum misnicorum.

*f)* ibid.

*g)* Sabbath fol. 108, 2.

*h)* Gitrin fol. 70, 1.

*i)* Brachoth fol. 40, 1.



tantem altero die largiter iterum potare, at parcius vesci, pro bono valetudinis regimine interpretantur *k*).

## §. XII.

His omnibus varias observationes, cautiones & monita subiungunt. Cum femina particulas rubras squamosas abortiret, medici vulnus uteri suspicati attenderunt, an maceratae in aqua tepida dissolverentur *l*). Alia cum rubra filamenta utero eiiceret, metu ulceris uterini idem consilium dederunt *m*). Vetusissima observatio est ex mente Samei praesidis Synhedrii magni ante excidium templi, quae discrimen albuminis ovi & feminis humani scrutata illud ad ignem concreescere hoc liqueescere docuit. *n*) Marem lactasse infantem alio loco legimus *o*), alio feminam referunt, quae mala granatorum comedentem, viderat, saliva deglutita in hydropem incidisse, sanata deinceps per sputationem. *p*) Candide saepius de vano experimentorum successu loquuntur. Monent, fidendum non esse in morsu rabidi canis remedio, quo iecur canis vulnere imponitur *q*). Puellam oleo ex olivis nondum maturis expresso per totum corpus inunctam occubuisse fatentur *r*). Spargunt ubivis, quae scopulos medentum indicare possint, ut circa venae sectionem superius vidimus. Huc spectat cautio de infante haud circumcidendo, cujus corpus rubet vel flavet *s*).

## §. XIII.

*k*) Gittin fol. 68, 2.

*l*) Niddah fol. 22, 2. auctor vixit ante & post excidium templi.

*m*) ibid.

*n*) Gittin fol. 57, 1. ante C. N. 30.

*o*) Bechoroth fol. 39.

*p*) Ktubboth fol. 81, 1, 2.

*q*) Ioma fol. 83, 1.

*r*) Sabbath. fol. 76, 2. Auctor facti vixit A. C. 347. f. A. contract. 660.

*s*) Sabbath fol. 134. Auctor vixit A. C. 87. f. A. contract. 400.

## § XIII.

Verum hic subsisto. Poteram in amplissimo campo, quam pauci ingrediuntur, latius diuagari, & sparsas sententias eo vinculo, quod a systematis forma minus abesset, colligare, & cum varia recentioris medicinæ specie exactius comparare, at cum illud plus operæ, lectionis & meditationis postulet, in primis his lineamentis Talmudicæ medicinæ in præsentî adquiesco.

## DISSERTATIO

DE

## SCORBUTO,

PUBLICE PROPOSITA

GOTTINGÆ, D. 9 MAJ. 1744.

RESP.

HERM. CHR. SARTORIO.

OLDENBURGENSI.

## CONSPECTUS DISSERTATIONIS.

- §. I. Obscuritas doctrinæ de natura & limitibus scorbuti. §. II. Ratio nominis. §. III. Definitio & triplicis status scorbuticorum consideratio. §. IV. Sedes mali in liene an aliis locis? & quæ ratio sanguinis & feri scorbuticorum? §. V. triples causa in aëre, victu & otio quærenda. §. VI. Causarum illarum actio statum symptomatum explicans. §. VII. Quinam maxime scorbuto obnoxii? §. VIII. Discrimen inter illum & morbos affines. §. IX. Divisio varia scorbuti. §. X. Prognosis. §. XI. usus medicamentorum evacuantium. §. XII. Usus medicamentorum corrigentium. §. XIII. Recensio selectiorum. §. XIV. Cautelæ circa usum remedium omnium. §. XV. Epicrisis in remedia male jactata. §. XVI. Usus roborantium in fine medicationis. §. XVII. Potiorum symptomatum medela. §. XVIII. Leges diætæ a morbo præservantis.

## §. I.

Scorbutus non tam morbus est, quam morborum illas, certe ob symptomatum copiam & versatilem indolem tam multiplici facie ap-



apparet, ut eam inter lineamenta, peritis etiam manibus ducta, non nisi ægre agnoscas. *a)* Mireris, quicquid in medendo fatigat, quicquid obscurioris indaginis in morbis occurrit, vel scorbuti vel aspersi fermenti scorbutici argui, cum tamen iudice IOH. FREITAGIO *b)* vix inter mille medicos unus hujus mali satis gnarus sit, & ad sententiam GUERN. ROLFINGII *c)* iugulet sæpe prius, quam cognoscatur. Ideo vero, quod scenam suam ubiuis ludit, G. C. WINCLERO *d)* haud medici nomen mereri videtur, qui non crebro cum monstro illo conflixit. Tanto major eorum oscitantia est, qui non nisi exacerbata magis labem hypochondriacam vel hystericam scorbuti nomine interpretantur, & plus eorum, qui pro fabula habent, quibus merito succensuit V. A. MOLLENBROCKIUS. *e)* Certe vel solus S. EUGALENUS ita in lucem produxit hunc morbum, a veteribus obscurius traditum, ut latere eum amplius non posse cum D. SENNERTO iudicemus, maxime cum novam ei & eximiam lucem inter recentiores I. G. KRAMERUS *f)* & I. F. BACHSTROMIUS *g)* aliique affuderint.

## §. II.

Cum tormina ventris, gingivarum exulceratio & crurum imbecillitas inter præcipua symptomata sint, quæ scorbutum produnt, natum est ejus nomen Scharbuck, Scharmund, Scharbein, ex quibus primum prævaluit, quod saucium ventrem diris cruciatibus tabefactum interprete OLAO MAGNO *b)* patria lingua notat. Et satius omnino erat, ab interna parte affecta quam externa

*a)* Hic etiam, inquit I. G. Valcamer. ἡ πρὸς χαλεπὴν, scorbuto plena sunt omnia, v. *Ephem. Nat. Cur. D. I, A. 6. & 7. O. 18. schol. p. 100.*

*b)* C. I. O. 99.

*c)* Conf. med. Libr. 8. c. VII. p. 724.

*d)* *Ephem. Nat. Cur. D. I. A. 6. O. 99.*

*e)* In præf. de arthritide vaga scorb.

*f)* In diff. ep. de scorbuto ad D. Ch. Iac. Trew Norimb. 1737.

*g)* In obs. circa scorbutum Lugd. Bat. 1737.

*h)* Hist. septentr. L. IX. C. 38.

terna nomen trahere. Proinde haud ferimus barbarum gingipedii nomen, quod R. SNOIO, vel gingibrachii, quod ipsi P. FORESTO placuit. Antiquitatem vero morbi ex HIPPOCRATE, GALENO, SVIDA, PLINIO, aliisque Græcorum & Romanorum monumentis eruendam consulto præterimus, & brevitati liantes in necessariis subsistimus.

### §. III.

Scorbutum ut morbum definimus locis borealibus maritimis & castrensibus perquam familiarem, ex aliorum plerumque morborum reliquiis vel magno aëris victusque & vitæ minus exercitatae, aut etiam contagii vitio natum, qui tota humorum massa inquinata solidarum partium contextum mire reddit friabilem, in hæmorrhagias, maculas & ulcera pronum, lenta demum febre viscerumque consumptione perimentem. Triplicem fas est, ut resecta magis oculos feriat, faciem ejus intueri, iuvenilem, adultam & senilem. Incipit summo spontanei torporis & lassitudinis artuum sensu, in cruribus in primis & lumbis, non modo ab ambulatione, sed & mane a somno, quo licet allekti nec fruuntur nec reficiuntur facile ægroti. Accedit difficilis ad parvos motus respiratio, sine indicio laborantis pulmonis, vel febris vel alterius causæ. Ad hæc certe in regionibus maritimis orta de imminente scorbuto haud ambigue pronuntiamus, maxime, si paulo post salivæ & oris visciditas, gingivarumque & vicinarum partium tumor, pruritus, sensimque cruenta cum dolore exesio sequuntur. Eodem tempore, interni dolores sentiuntur vagi & per intervalla recurrentes, præsertim in abdomine, colicis, nephriticis, stomachicis, hepaticis, splenicis aliisque æmuli, <sup>i)</sup> sed adhuc  
fine

- 2) Multa hic mala occurrunt, quæ prima facie alios morbos mentiuntur, sed docuit simulacra hæc a suis archetypis discernere *Eugalenus*. Hinc nomine cachexiæ, arthritidis, colicæ, pleuritidis passim occurrunt. Sic quoque de cephalalgia scorbutica *S. Ledelius Ephem. Nat. Cur. D. 2. A. 5. O. 47. p. 90.* de paralyfi scorbutica *F. Moller ib. O. 28. p. 46.* de asthma scorbutico *R. Lentilius ib. A. 7. O. 123. p. 249.* de psora  
scor-

sine febre, siti & pulsu duro. Eorum vi mox emergunt maculæ, diversi coloris, figuræ & magnitudinis, ad crura potissimum & tibias, cum duro tumore & molesta rigiditate, ad motum fere inhabili, & tendinum genu flectentium aliquando convulsione. Altera morbi adulti facies ex pallido livida & fusca earumdem calamitatum incrementa summo prædit fœtore oris, varicoso venarum raninarum tractu, gingivarum stillicidiis cruentis *k*) & fœdis ulceribus, dentium nudatorum & nigricantium casu ipsarumque sensim maxillarum carie. Quod hic primum fit circa tenuiora vasa, loca humidiora & aëri exposita, ab intro oberrante causa molliori partium texturæ similiter imminet, ut sic omnia subitaneo tabo quasi cera liquecant, secundum sententiam OLAI MAGNI, & qui præcipuus morbi character est, hæmorrhagiæ, velut in ore & naribus, sic in interiori viscerum foco, imo ipsa cute *l*) sine vestigio interdum vulneris erumpant. Maculæ euntes redeuntesque colore suo improborum succorum genium produnt, melior ruber est, peior viridis & ex viridi lividus vel ex livido niger. Majores crebrioresque crura & tibias implent, succeduntque iis pustulæ & ulcera, nunc plana nunc convexa, nunc sparsim nunc confertim emergentia, fœtida, crustosa & ad omnem medelam rebellia. Adde jam dolores aciores & paulo fixiores,  
noctu

scorbutica C. F. Paulini O. med. phys. 103. app. D. 2. A. 5. p. 64. de phthisi scorbutica R. Morton L. 3. C. 2. de purpura scorbutica G. W. Wedelius Eph. N. C. D. I. A. 9. § 10. O. 22. p. 72. de aliis exanthematibus scorbuticis, I. Dolæus ib. D. I. A. 4. O. 118. p. 225. Perpetuum hæc symptomata non sunt scorbuticorum satellitium, nec ulcera ipsa pleraque v. I. G. H. Kramer l. c. p. 26. n. 22. 23. 24. Eum tamen meminisse oportebat, scorbutum, quem lente plerumque & tranquille citra tot symptomata decurrere vidit, non uno ubiuis pede incedere.

*k*) Mirum est his locis, ut & deinde aliis, tantas hæmorrhagias nasci. G. Horstius O. med. sing. L. I. P. 2. O. 15. lienosum fabrum ex Marcello citat, cui per venulam gingivæ ultra octo libras sanguinis spatio unius diei naturalis effluerunt.

*l*) De scorbuticorum sanguineo sudore v. S. Ledelius, Eph. Nat. Cur. D. II. A. II. O. 34. p. 6. § 64. it. I. Langelot, ib. D. I. A. 6. O. 10.

noctu praesertim per juncturas artuum, cum magna pedetentim ossium fragilitate ingravescentes. *m*) Tertius & postremus consummati & inveterati mali status inter orientes motus febriles, anxietates & deliquia animi, deiectiones per vomitum, aluum, urinam, & ratione partium nervosarum & musculosarum per paralyfes & convulsiones, denique cum universa labe corporis & viscerum consumptione ad mortem properat, simulque ad contagii vim exaltatur.

#### §. IV.

Hæc symptomata in aliis pauciora, mitiora, volubilia, in aliis copiosiora, sæviora, constantiora, juvat in ipsis originibus suis & sedibus, quo usque licet, prosequi. Lienem ex Hippocratis doctrina accusant plerique, certe raro fieri P. FORESTUS *n*) asseverat, quin lien in hoc morbo laboret. G. CHARLETON *o*) materiam sabulosam & tartaream crebra sectione scorbuticorum in penitioribus lienis meatibus offendit, eandemque lateribus ipsis arteriæ celiacæ & splenicæ adhærescentem vidit. Potest latentior illa in imis secessibus lienis noxa D. SENNERTI *p*) iudicium confirmare, quod videlicet testimonia lienis integri reperti haud ita sibi consent, quin malignas ibidem diatheses, in cadaveribus non amplius reperiundas, suspicari fas sit. Si G. HORSTIUS *q*) cum iecinore scirrhuso & tuberoso obliteratisque vasis mesentericis lienem reperit triplo majorem, cætera sanum, alii vero justo breviorum & rotundiorum, ipsa hæc magnitudinis vitia augent potius quam abolent laborantis lienis suspicionem. Cum T. WILLISIO *r*) tamen I. G. RENGGERUS. *s*) H. REUS-

*m*) Vid. M. Donat. *hist. mir.* L. 4. C. 5. I. Schenck. O. 8. L. 5. G. F. Hild. O. 68. C. 2.

*n*) L. 20. O. II.

*o*) De Lithiast. C. 4. S. 2.

*p*) Ep. 69. C. 1.

*q*) De scorbut. S. II. §. 8.

*r*) De Scorbut. c. 2.

*s*) Dissp. de Scorbut. Th. 3.



REUSNERUS *t*) & idem G. HORSTIUS *u*) aliique exempla scorbuticorum habent, quæ perpetuis illis de liene querelis nullo modo favent. Illud certe negari nequit, vim morbi in viscera ventris, unde nomen accepit, atrocius sævire, hinc præter crebra, licet non perpetua, lienis mala, hepar graviter affectum P. FORESTUS *x*) & H. REUSNERUS *y*) corruptum plane G. HORSTIUS *z*) exsuccum exsanguē & cum amurca vesiculæ felleæ T. WILLISIUS, *a*) quemadmodum omentum lacerum & friabile T. WARTHON *b*) obstructas mesenterii glandulas P. BARBETTE, *c*) duras & ulceribus exesas H. LAUBIUS, *d*) pancreas fere semper corruptum L. RIVIERUS, *e*) alii ventriculi & intestinorum vasa atro humore plena deprehenderunt. Quæ non obscure testantur, sanguinem abdominalem, quippe ad stases & corruptiones proniorem, nunc his nunc aliis magis locis, pro majori impulsus sui & partis suscipientis opportunitate labem suam affricare. Propterea ad ipsum humorum fontem, quo maxime vitio inquinetur, recurrit attentio inquirentis medici. Duplex autem est nota sanguinis in primis morbi stadiis subtracti, nempe pars rubra grumosa apparet & atra, pars serosa acris & salsa, cum flavo & viridi muco in superficie, pravi odoris & saporis. *f*) Accedit sanguinis & feri facilis nimis a se mutuo secessus, luculento

*t*) Exerc. 4. de scorb.

*u*) T. 2. L. 9. O. 4.

*x*) L. 20. O. sch. 2.

*y*) Exerc. 4. de scorb.

*z*) De scorb. f. 2. §. 8.

*a*) De Vrin. C. 4.

*b*) Adenograph. C. 2. Confer. D. Sennert. de scorbuto C. 2. it. Th. Barthol. hist. anat. 13.

*c*) Cum quo disceptat Gualt. Charleton de scorb. c. 8. A. 6.

*d*) Aët. Med. phys. Nat. Cur. V. 3. O. 104. p. 239. Conf. Reinb. Wagener in Eph. N. C. Cent. I. & II. O. 171. p. 366.

*e*) Prax. med. I. 13. c. 4.

*f*) Vid. H. Berh. aphor. II. 50. n. 3. conf. I. Funck. Med. Th. pr. T. 69. ubi sanguinem grumosum & parte serosa & lymphatica non satis subtractum arguit. it: I. Th. Schenck de sero sanguinis Cap. 5.

lento indicio, penitiorum miscelam utriusque in negotio sanitatis tam salutare hic deficere. Ex quo illud erit promptum intellectu, ob facilem illum secessum infarctus atros & varicosos in vasis sanguiferis, quemadmodum venarum raninarum exemplo patet, in minoribus ab acri sero eo decumbente tumores erosionesque, inter vagos dolores, macularum, pustularum ulcerumque ortus sequi, & hinc tam fracidam & friabilem solidarum partium texturam evadere, ut ubique fere ad levem irritationem dehiscant vasa cum effluxu cruenti vel ichorosi. Bina maxime videmus pro partium majori debilitate vel robore oriri, ibi, nimirum ad os, intestina aliaque viscera, merum ex irritatione sanguinem tanquam a pressa spongia emanare, hic nempe ad musculos tendinesque, torporem, artuum gravitatem & rigiditatem cum maculis sensum ulceribusque mali moris nasci.

### §. V.

Tantam sanguinis & lymphæ & mox ipsarum partium solidarum corruptelam ex prægressis gravioribus causis oriri necesse est. Mirum hinc nobis non videtur, cl. KRAMERO g) haud principalem morbum scorbutum haberi, sed sobolem præcedentium morborum, maxime febrium intermittentium, continuarum, malignarum, similiumque, quibus ob errores sinistrae medicationis vel diætæ uberius malorum seges succreverit. Vidit idem T. WILLISIUS h) cum aliis, & consentire videtur ipse T. SYDENHAM i), qui nunc quidem orientis mali ambiguum typum, nunc vero sæpius nati nec penitus devicti tristes reliquias scorbutum appellari existimat. Rem bene illustrat scorbutus ille militaris A. 1634. a Sueco milite in urbem Augustæ Vindelicorum illatus. Teste nimirum P. HOCHSTETTERO k) tantum febres ardentes ma-

g) l. c. p. 5.

h) de scorbut. c. 3.

i) Op. Med. T. I. P. 5. C. 5. p. m. 172.

k) Obs. Med. D. 7. c. 20. Hinc & Kramerus l. c. p. 5. Et 6. verno tempore infallibiliter prædixit scorbutum, si æstivæ febres inter recidivas & varios diætæ errores transferunt.

malignasque attulerant Sueci, quibus circa brumam elanguescentibus surrexit deinde scorbutus propriis illis signis lassitudinis, foetoris oris, macularumque circa artus conspicuus. Atque hæc ita in multis fieri in data jam scorbuti definitione agnovimus, perpetuum tamen non esse, evincit eorum, qui nuper sanissimi erant, oriens statim scorbutus, & in iis, qui afflictissimi erant, subito interdum cedens, ut in nautis terræ expositis. Utrunque vero, sive scorbutus ex propria sive ex alieni morbi radice germinet, ab aëris, diætæ & vitæ otiosæ vitiis tanquam triplici fonte vim, quam habet, accipit & sustentat. Aërem coarguunt plerique, & plus fortassis quam satis est, quem videlicet frigidum boreales populos, humidum salsumque maris accolas, impuris halitibus refertum eos aiunt scorbuticos reddere, qui humilia loca, depressa stagnisque & nebulis referta incolunt. Negari certe vix potest, his potissimum vernaculum esse scorbutum, & nulli inter eos ætati sexuique parcere. Verum plus noxæ a paucis deprehensæ in victu latet. Facile Cl. BACHSTROMIUS 1) attentioribus persuaferit, præcipuam si non unicam scorbuti causam esse, a recentiorum & succulentorum pastu diu abstinere, vel quod idem est, victu crasso, duro, falso, ut carnibus bubulis, sale & fumo conditis, farinosis non fermentatis, pisibus fabisque, pane verusto caseisque salitis acribus constantissime sustentari. Non quod fas sit victum hunc, quippe durabiliorem cæteris & minus putredini obnoxium, simpliciter damnare, sed quod citra mollium herbarum fructuumque societatem diu ferri sine valetudinis offensanequeat. Aut fallit me animus, aut ad borealium gentium scorbutum plus ille victus, tam gratus iis & familiaris, facit, quam aër, quicquid in eo vitii reprehendas. Longe enim luculentius exinde patet, cur nauticus maxime & castrensis sit morbus noster. Veterum itinera maritima in mari mediterraneo terminabantur, hodie continuo sex vel septem mensium itinere, dum Indias petunt, victum durabilem rejectis mollibus & in  
putre-

1) l. c. p. 16. absentiam, carentiam & abstinentiam a vegetabilibus recentibus unice arguit.

putredinem pronis parare sibi coguntur. Id nempe est, cur ex illo navigationum Indicarum tempore sub nova quasi morbi specie scorbutus comparuerit. Nam antehac etiam non defuerunt fortassis, qui tali victu fruerentur, minime vero, qui tam constanter. Notum vero est, illis Indicis itineribus vix vigesimum a scorbuto transire incolumem. Cum idem fiat sub frigidiori Groenlandiæ quam æstuantiori Indiarum cœlo, fas est causam mali utrisque navigantibus communem agnoscere, quæ in nulla re manifestius quam negato viridiori cibo occurrit, cujus in opere valetudinis salubritatem inter crassiora illa & acriora humectantem & demulcentem nemo facile non agnoscit. Eodem fere commodo gregarii milites in castris privantur, quam illi in navibus, cum utrorumque demensa vix comprehendant hortorum delicias. Cæsareorum militum in hibernis circa urbem Temiswar ob hortos præcedente obsidione vastatos multa millia scorbuto periiisse legimus. *m*) Plus illud in urbibus obsessis patet, ubi hortorum vel penuria est, vel perexigua cura, vel & tot alendis non sufficiens. Thorunenses *n*) in hoc seculo cum Sueci militis obsidio per æstatem premeret, plus quam quinque vel sex millia militum præsidio urbis destinatorum scorbutus sustulit. Ubi varia notamus, non levis ad illustrandam quæstionem nostram momenti, nempe Suecos extra urbem, licet in scorbutum proniores, ob liberio rem varii victus commeatum immunes ab hoc morbo perstitisse, Saxones tutelæ urbis intentos, licet minus iis sit in patria cum scorbuto negotii, ob necessitatem unius sibi demens crassioris victus atrocissime hoc malo tentatos fuisse, reliquos urbis incolas, quibus non omnis in hortulis suis mitius seges exaruit, denique soluta obsidione, cum ægroti oleribus se implerent ex lubitu, morbum omnem subito aufugisse. Atque hæc perpetuas illos de aëris vitiis suspiciones non parum diluere videntur. Nunquam me fefellit, inquit laudatus BACHSTROMIUS, quoties in diætam scorbuticorum inquisivi, alienam illam

*m*) v. *Bachstr. m. l. c. p. 5. & 6. & Kramer. l. c. p. 23. n. 4.*

*n*) *ib. l. c. p. 4. & 5. Kramer l. c. p. 23. n. 6.*



lam a succulentorum vegetabilium consortio fuisse. Id quod Italus inter Cæsareos milites in ipsa patria, scorbuti fere ignara, affectus & post longa morbi tædia a chirurgo Germano crudarum herbarum succis sanatus pulchre agnovit, qui BACHSTROMIO o) an oleribus mollibus herbisque pastus esset? sciscitanti: minime vero inquit, hoc morbo laborassem, si tali victu essem usus, nec jam viverem, nisi uti cœpissem. Congruit apud VIT. RIEDLI-  
NUM p) viri illustri diuturnis navigationibus defuncti testimonium, præcipuam tam infesti mali causam in olerum fructuumque inopia positam esse, hinc infectos, alicubi in terram expositos, cito illorum usu sanari. Haud puto adeo opus esse, ut potulentorum vitia victus erroribus adjiciam. Ultro enim patet, aquam crudam, stagnantem, gravem, verminosam, qualem plerumque in navibus haurire oportet, vel cerevisias acres, feculentas, male coctas q) nec lupulo satis conditas tesseram addere crescenti malo. Neque tamen omittere debeo, quod de Lusitanis suis ROD. a FONSECA r) refert, iis nempe ad potum aquæ ex fluvio promontorii gingivas ita tumuisse, ut eas vix os caperet. Quod pulchre convenit iis, quæ de militibus Romanis trajecto Rheno ad potum fontis noxii gingivis & pedibus laborantibus PLINIUS s) nec minus de exercitu in Arabiam ducto & simili causa iisdem malis tentato STRABO t) testatur. Addimus aëris victusque vitii causam tertiam non minoris momenti, vitam nempe inertem, desidem,

o) l. c. p. 7. it. p. 17. & 18. Hinc p. 39. conclusionem vocat mathematicæ æmulam: si herba & fructus morbum adeo cito & manifeste depellunt, E, necessario ex eorum defectu natus est. E. etiam præservatio & curatio iisdem rite adhibitis omnino constat.

p) Cur. Med. C. II. O. 138.

q) Damnat hinc Mart. Listerus l. c. consuetudinem civium suorum, qui cerevisias ex aqua salsa coquunt, cui interdum calx etiam viva adjecta.

r) Consult. 2. Nec tamen sine ratione Dan. Sennertus suspicatur, victus nautici noxam circa illud tempus se fortassis exferere cœpisse.

s) Hist. nat. l. 25. c. 3.

t) Geogr. l. 16. Sic etiam A. 1686. ex vitioso fontis potu morbum castrensem hunc natum esse refert Angeli chron. March. l. 3. p. 233.

desidem, laborumque & exercitationis expertem, nunquam non in coctione ciborum duriorum metuendam, cum ex fibrarum motricium languore statim augeat, & secretionum excretionumque beneficia, quæ maxime massam humorum depurant, intervertat *u*), unde mater scorbuti otium Belgis audit. Frugalis certe diæta & motus opportunus facile ab hac labe præservat agricolas, & scite I. N. PECHLINUS *x*) exercitatos ait in illa infectorum turba contagium spernere, auræque & ingluviei pericula superare. Extra dictas tres causas nemo scorbuticus est quam ab hæreditate vel contagio.

## §. VI.

Igitur si inimicum illud recensitarum causarum fœdus in perniciem corporis pactum ulterius scrutamur, in eo generatim acquiescimus, ἀκρότα καὶ ἰχυρά, ut cum HIPPOCRATE loquar, ex illo victu crassiori & acriori, quem nec ipsi ἔυσπλαγχοι diu ferunt, sensim humorum massam ita corrumpere, ut vires coctionis necessario succumbant, & eo quidem facilius, cum reliquæ causæ, sive otium sive aëris vitii contactus, spem repurgandi tempestivis excretionibus corporis omnino simul præcidant. Sic lentor ille ex crasso & falsugo ex salito cibo certos cum erosione infarctus minantur, iis maxime locis, quæ naturalis imbecillitatis vitio nocentem hostem facilius admittunt. Nec potulenta & fluida misceri penitus tam crassis poterunt, quin facile secedant, ita tamen, ut salibus illis in corpore animali plus exaltatis & jam ex parte elotis graviora decumbant in minora vasa, hærendoque ibidem & erodendo maculas, pustulas, ulcera tumoresque œdematosos & hydropicos, sine quibus vix moriuntur scorbutici, producant. Fracidam inde & friabilem solidorum texturam haud obscure concipimus, & reliqua noxæ se diffundentis vestigia, quæ in minimis prosequi temerarium esset, modesto silentio intacta

*u*) Hinc & A. Pitcairnius scorbutum excretoriorum vasorum morbum vocat *Op. Leyd. p. m. 321.*

*x*) *L. I. O. 67. p. 170.*

tacta relinquimus. Si CÖRN. BONTEKOE perpetuo acidum, I. COLBACH alcalinum, TH. WILLISTUS salinò sulphureum vel sulphureo salinum, alii alia increpant, suo sensu eos abundare patimur, neque vero, quamvis aliquid veri inesse non inficiemur, circa illos ludentis speculationis scopulos hæremus, ad quæ respiciendum maxime in medendo erit, suo loco propius determinaturi.

## §. VII.

Patet ex dictis, quibusnam maxime cum scorbuto confictandum sit. De borealibus id jam præmonuimus, quibus deliciae sunt fassamenta piscium carniūque, panis vetustior, lardum ac similia, in fastidio autem, quicquid tenerum nimis & molle est. Cum etiam ex frigidiori climate fructuum herbarumque non nimia copia suppetat, suis gaudere bonis cum alienorum neglectu consueverunt. Nascentem semel morbum plus figit frigidior tempestas, densamque reddit & strictam cutem minusque noxia perspirantem y). Huc forte quadrat illud HIPPOCRATIS z): qui, robustiores quidem esse & minus ægrotare, ait, quorum corpus perspirat minus, at semel corruptos difficilius restitui. Hinc vel in pavimento lapideo ambulare, hyeme præsertim ventant, qui faventes scorbuto frigoris injurias metuunt. Accolas marium lacuumque insalubrior aër afflat, in primis ubi terræ per æstum maris inundantur, & remanens ac putrescens aqua tanquam pereuntium in ea multorum animalium lixivium considerari debet. Hinc inter eos, qui clausis humidisque locis glebas pro cespitibus fodiunt, vix tricenarii dentes servant, quibus annumeramus illos, qui in cellis subterraneis habitant. In navibus, ca-

stris,

y) *Olaus Magnus hist. sept. L. 16. C. 51.* ubi scorbutum inter morbos aquilonarios numerat, esu salforum ciborum nec digestorum nasci & frigida murorum exhalatione foveri judicat. Sic V. Cockburn, qui anglie de scorbuto scripsit, eum p. a victu salso p. perspiratione læsa & hinc nata plenitudine derivat.

z) *Aph. 3. a Sponzio cit.*



stris, carceribus, xenodochiis & orphanotrophiis ob eadem aëris victusque vitia, nunc majora nunc minora, periclitari valetudinem necesse est. Ceterum corpora spongiosa laxa & otio marcida ob tardiorum humorum circuitum & teneriorem partium texturam plus illis infarctibus & erosionibus scorbuticis infestantur, hinc feminae prae viris, urbani prae rusticis, opifices prae literatis. Referimus huc illos, qui tristioribus animi motibus agitantur, ut curis & mœrore, quibus motus vitales in subigendo crudo & expellendo noxio adeo necessarii supprimuntur, unde non male S. EUGALENUS *a)* omnes vocat ad scorbutum proclives, quibus cum crassiori victu mœror perpetuus conjungitur, imo T. WILLISIUS *b)* nonnullos fortuito timore percussos evasisse scorbuticos ait. Eo certior illis noxa instat, si salutarium excretionum commoda, ut mensium in fœminis hæmorrhoidum in viris subsistunt. Nec præterimus hic eos, qui morbis lentis obnoxii sunt, uti senes, hypochondriaci, melancholici, hystericae similesque, in quorum corporibus acrior semper scorbutus sævit.

### §. VIII.

Morbi sunt varii, quibuscum scorbutus confundi possit, certis propterea signis sollicitè discernendus. Melancholia hypochondriaca tam affinis G. CHARLETONO *c)* statuitur, ut non nisi gradu differat. Multum certe spissitudine & impuritate humorum, doloribusque & spasmus ex stasi congruunt, at acri sale, qui sanie animalem absorpsit, refertior scorbutus in maculas pustulas & ulcera pessimi moris erumpit, hypochondriacis æque parum quam mira illa corporis universi lassitudo cognita. Plus forte vinculi inter scorbutum & lueñ veneream est, cum qua simul tanquam gemella sorore in scenam ante aliquot secula prodisse

*a)* De scorb. p. 3. O. 15.

*b)* De scorb. c. 2. §. 6.

*c)* De scorb. C. 3. A. 5.



diisse multis creditur. Haud facile est, inquit M. LISTERUS, d) unum ab altero dignoscere, nisi admodum exercitatis. Et I. N. PECHLINUS e) in scorbuticum se incidisse scribit, bubonibus etiam laborantem, qui nisi jurata fide & nota probitate se absoluisse, suspicionem tetrae luis effugere non potuisset. Macularum, tumorum, ulcerum, vitiorum oris crurumque ac dolorum noctu gravius instantium magna utrinque similitudo est. Præterea vero, quod lues venerea semper, scorbutus raro a contagio propagetur, tum oris vitia in scorbuticis exteriores magis partes, gingivas dentesque, in venereo posteriores, tonsillas, uvulam palatumque cum naribus erodunt, ibi maculae magis, hic nodi, ibi dolores vagi, hic fixiores, ibi solos fere articulos, hic constanter media ossa occupant. Ne addam lassitudinem & dyspnoeam & ventris dolores scorbuticis, non ita venereis, propria. Rheumatismus vagis maxime doloribus scorbutico respondet, non æque tumoribus, maculis ulceribusque, nisi forte rheumatismum scorbuticum adeoque utriusque mali connubium intelligas. Quod idem de cachexia valet, quam Græcis scorbutum norasse O. MAGNUS f) scribit. Datur enim omnino cachexia scorbutica, at reliqua cachexia nec contagio facile propagatur, nec populariter grassatur, nec gingivas & crura speciatim infestat, nec maculis corpus implet. Verum de illis symptomatibus scorbuticis superius dictum est.

### §. IX.

Merito scorbutum distinguimus in incipientem, adultum & consummatum, ob varietatem adhibendæ medicinæ. Consummatus plerumque contagiosus est & nunc inter oscula amplexusque, nunc per communionem mensæ, lecti & poculorum transfunditur. Notavit noxam exhalationum scorbuticarum C. HOFF-

MAN-

d) *Exerc. medic. de morb. chron. V. ab initio.*

e) *Obs. med. phys. O. 67. p. 174.*

f) *De gent. septentr. L. 16. c. 51.*

MANNUS g) ipsa etiam cadauera infecisse legimus apud D. SEN-  
NERTUM h) & de contagio ex vaccis ad feminam rusticam trans-  
lata apud I. WOLFIIUM i). Hæreditarium cum femine & lacte  
uterino haustum agnoscimus quidem, sed non eo sensu, quo I. L.  
HANNEMANNO k) omnes a nativitate sumus & peccatores &  
scorbutici. Fortassis etiam paulo acerbior C. F. PAULINI l)  
censura est, qui in & extra uteri carceres lambere tenellos spur-  
citiem illam putat, paucasque nutrices reperiri ab hac labe im-  
munes, quæ non contubernio & halitu suo præmanisique cibis  
inficiant. Potior divisio fit in *endemium*, *epidemicum* & *sporadi-  
cum*. Endemium borealibus gentibus, maxime oceano balthico  
& germanico adjacentibus, ut Flandris, Seelandis, Frisiis, Da-  
nis, Norwegis, Suecis, Britannis, aliisque tribuunt. Defendit  
tamen Britannos suos a scorbuti endemii opprobrio GU. CHAR-  
LETON m) Danos suos I. PIPER n) Polonos I. M. ERND-  
TEL o). Eo gravior Thuringis suis est C. F. PAULINI p),  
quibus forte immerentibus endemii scorbuti dicam impingit, uti  
Hombergensibus ob vallium prava undique miasmata admitten-  
tium situm, E CAMERARIUS q). Epidemicum in Misnia G.  
FABRICIUS r) in Brabantia ex corrupto secali R. DODONAE-

US

g) De febr. C. 57.

h) De scorb. C. I. § 4.

i) v. Eph. Nat. Cur. D. II. A. 7. O. 192. p. 363. Vicissim de cane scor-  
buticum lingente & scabioso facto v. Andr. Cnüssel. l. c. D. I. A. 4. §  
5. O. 51. p. 44.

k) Act. med. Hafn. A. 1673. O. 112. circa finem. De propagato ad po-  
steros scorbuto v. Riedlin Lin. med. A. 4. O. 24. n. 872.

l) Obs. med. phys. D. I. O. 4.

m) De scorb. C. II. A. 2.

n) In disp. de scorbuto Danis non endemio Præs. Mich. Alberti Hal. 1731.  
in primis contra judicium Verduc, qui ex Dania allatum scorbutum scri-  
psit, ubi vix infantes reperire liceat, quin misere ab illa peste cru-  
cientur.

o) In Warsau. phys. illustrat.

p) Eph. Nat. Cur. D. II. A. 7. app. O. 4. p. 142.

q) Act. Med. Nat. Cur. V. II. O. 153. p. 356.

r) L. 2. Annal. urb. Mis. sub hist. 1486.

us s) Norimbergæ 1653. I. ROETENBECIUS t) singularem aliquem, qui inter mulieres Hartbergenſes tribus tantum pepercit, I. F. KHERN u) hominibus equisue funeſtum A. M. EGGERDES x) ne de pluribus dicam, recentent. Sporadici ſcorbuti veſtigia etiam in zona temperata, ut Italia, Gallia, Luſitania, imo itinerariis teſtibus in Summatra & Guinea obſervari notat KRAMERUS y). Neque leve illud diſcrimen eſt, quod inter ſcorbutum ſimplicem & cum aliis morbis e. c. lue venerea conjunctum diſtinguit, qua ſine dubio ſocietate periculum creſcit, Naturæque gemit gemino ſub pondere cymba.

### §. X.

Incedens teſtudineo gradu ſcorbutus licet non raro iugulet, ſanatus etiam levi errore recrudeſcat, præſagio tamen non acerbio nimis ægros a ſpe ſalutis repellimus. Sola ſæpe loci & diætæ mutatio ſine moleſto medicaminum apparatu multis abunde conſuluit. Optime iis ominamur, quorum ætas iuuenilis eſt, corpus robuſtum & bene exercitatum, morbus incipiens & adhuc in ſuperioribus hærens, vel ex contagio potius quam a corrupta humorum maſſa pullulans, inprimis ſi per menſes, diarrhoeas, hæmorrhagias aliasve naturæ ſalubriter expellentis vias rōmes mali crebro ſubtrahitur. Nec ſtatim morbum, qui invaluit, immediate declaramus, niſi forte in corpore ſenili, vel prægreſſis morbis exauſto, vel ſeverioris diætæ leges ſpernente, vel etiam in medicum, qui pro ſimplicibus heroica iactat, incidente. Nec vero diſſimulare periculum fas eſt, ſi hæreditate morbus ſuſcipitur, vel acquiſitus magno atrocium ſymptomatum ſatellitio, in ul.

s) *Obſ. med. C. 33.*

t) *In ſpecul ſcorb.*

u) *Eph. Cur. Nat. Cent. I. & II. O. 159. p. 324.*

x) *Ib. D. II. A. 6. O. 108. p. 416.*

y) *l. c. p. 26. n. 20.* Idem ait, ſe in ſalubrioribus Germaniæ locis ſtigmata gingivarum verno tempore in iis notaſſe, quibus victus ſalicus & ſumo induratus valde familiaris fuit *p. 23. n. 6.*

ultimo in primis suo stadio stipatur. Ita paralyfin & atrophiam ex scorbuto MART. LISTERUS, 2) epilepsiam & convulsionem SAM. LEDELIUS a), apoplexiam I. M. HOFFMANNUS b), hydropem C. KOELICHEN c), dysenterias & diarrhoeas funestas I. C. H. KRAMERUS d) pronuntiant. Quo major est cum aliis morbis nexus, quo deterior interiorum viscerum status, qualem præcipue ex hydropse & tabe colligimus, eo ineptius est tropæum de hoc morbo promittere. Vulgaris canon est, ubi scorbutus desinit, ibi incipit hydrops, qui ut erosa vasa minima sequitur, ita perpetuo tabem comitem habet. Alii cruribus sphacelatis pereunt, alii horribili oris putredine, at plerique hydropse & partium internarum gangræna, qua totum corpus sensim corripitur immanis fœtor probat. Succumbit natura, si copia major materiæ est, quam quæ digeri vel eliminari possit, hinc & aucto malignitatis gradu in contagiosam malignitatem evehitur. Maculas ex nigro purpureas formidamus tanquam pessimi generis, quas non nisi in febris pestilentiali, lue venerea & scorbuto excitari, partisque νεκρωσιν notare T. WILLISIUS e) docet. Melioris notæ sunt rosæ, semperque iudice I. N. PECHLINO f) minoris discriminis scorbutus est, qui in cutem se exonerat, intemerata viscerum textura, unde & falsuginem illam in centro corporis oberrantem & nobilioribus partibus imminuentem evocare ad externam superficiem, & quicquid repellere possit, sollicitè evitare jubet.

## §. XI

2) *Exerc. med. V. Cas. 3. & 4.*

a) *Eph. Nat. cur. D. 2. A. 10. O. 98. p. 177. ut & Chr. Hehrich ibid.*

*D. 3. A. 7. & 8. O. 102. p. 333.*

b) *Ib. D. 3. A. 3. O. 157. p. 278.*

c) *Act. Hafn. Vol. V. O. 119.*

d) *Ic. p. 8.*

e) *De scorbut. C. 3.*

f) *Obs. phys. med. L. 1. O. 67. p. 171. Hinc & Obs. 68. p. 180. perihydrosin scorbuticam laudat, quod post quotidianos sudorum rivos haud peius se habeant scorbutici, sed leniantur symptomata, & ab hydropse anasarca, oedemate, hæctica defendant.*



## §: XL

Medicina generatim ut in aliis morbis ita & hic evacuando corrigendo & roborando medetur. Evacuare tutum in scorbuto non est, nisi in morbi initiis, nam progressu labefactaræ vires, & fracida vasa ac viscera, quæ ad levis irritamenti stimulum crepant, remediorum illorum impetum haud ferunt, nisi singulari prudentia modereris, vel eo natura ducat, ut circa ipsum vomitum ab herba vermiculari vidimus. Descripsit exitium scorbutici juvenis a drastis I. I SCHEUCHZERUS g) & expendit penitius has rationes M. LISTERUS, h) cur male plerumque venæ sectionem & purgantia scorbutici ferant. Certe non est, ut primum de metu secandæ venæ dicam, ille a timidis & ignaris Germanis, sicut A. PITCARNIUS i) obtrectat, quo nemo oscitantius de scorbuto scripsit. Id remedii, FORESTUS, GORTERUS k) & tantum non omnes negant convenire in illa virium penuria & partium atonia, cum præterea nec corrigat venæ sectio, nec nisi mobilius evacuet, magis vitioso in venis hærente. Neque tamen inconsultum penitus iudicamus, viribus ab initio nondum plane collapsis, ut defecator sanguis corrupto succedat, tumore in primis & dolore urgente suppressisque consuetis naturæ fluxibus pauxillum sanguinis per iusta intervalla detrahere, vel quod satius est, scarificando educere. Leve autem purgans in omnibus morbis chronicis uti sordes primarum viarum salubriter abstergit, ita ingressum medicamento purioris per lactea faciliat, modo id ipsum scias genio morbi propius accommodare, e. c. in putri magis specie alternis diebus drachmam cremoris tartari vel pauxillum salis polychresti vel speciem infusi ex radice polypodii rhei & foliis sennæ exhibere. Hæmorrhoides aperire suadet G. ROLFINCIUS l). Deinde illud agendum est, ut diureticorum vel

g) *Act. phys. med. Nat. Cur. V. II. O. 37. p. 96.*

h) *Exerc. med. V. ad finem.*

i) *Op. Lugd. Bat. 1737. ed. p. 322.*

k) *Comp. med. T. 17. n. 61. p. 54.*

l) *Conf. med. L. 8. C. 6. p. 754. Largiori hoc fluxu scorbutum immi-*  
*nui v. I. Ph. Nenter. fund. med. P. II, p. 235. & 312.*

vel diaphoreticorum virtus vias aperiat, quibus morbosum eiiciatur. Ibi decoctum quinque radicum aperientium, hic infusa herbarum theæ, veronicæ, fl. sambuci similiumque conveniunt. Ista ramen non tam expugnant malum, quam restitutis excretionum adminiculis ejus incrementis obsistunt.

## §. XII.

At plus est præsidii in corrigentium tempestivo selectu, quo crassum & viscidum attenuatur, acre & salsum demulcetur, modo prudentar cum evacuantibus sociantur. Aqua pura & simplex quaquaversum egregie penetrans oberrantes in humoribus nostris peregrinos sales optime eluit, infarcta emollit & mobilia reddit. Auget aquarum præstantiam, si præter levitatem subtili spiritu minerali gaudent, ut minerales Spadanæ, Egranæ, Selteranæ vel Carolinæ. Ita enim expeditius per vasa trajiciuntur, stagnantia efficacius solvunt, colatoria promptius subeunt, & liberata vasa tenui martis polline roborant. Lac identidem animantium, præsertim asininum, veteribus in omnium morborum chronicorum acrimonia temperanda commendatum, justis etiam laudibus recentiorum, DRAWITII, BRUNNERI, EUGALENI, WIERI, ALBERTI, MARTINI, CHAMEAU, HOFFMANNI aliorumque magno consensu extollitur. Efficacius forte remedium non est, quod lacteam diætam superat, nisi minerales aquæ lacte permixtæ, vel serum lactis succis antiscorbuticis sociatum *m*), quibus rabescientia jam corpora, miro sæpius & insperato successu, instaurantur.

## §. XIII.

Speciatim vero occurrunt multa ex vegetabilium succulentorum familia, quæ eximiorum antiscorbuticorum nomen pulchre tumentur.

*m*) In quo, e. c. nasturtium anagallis aut cochlearia maduit docente Rol-  
fancio *Conf. med. L. 8. C. 8. p. 784.*

tuentur. Antiqua gloria est herbæ britannicæ, quam A. MUNTINGIUS *n*) hydrolapathum nigrum esse evicit, Romanis olim morbi hujus specie quadam laborantibus a Frisiis teste PLINIO commonstratum. Cochleariæ virtutem nemo fortasse plus quam nauta ille ex Grœnlandia *o*) redux cognovit, qui absoluta piscatura a fociis cymbæ in litus expositus, magis ut mortem quam opem expectaret, crescentem ibi copiose cochleariam ore instar pecudis decerpfit, cum manuum pedumque officio destitueretur, & hoc solo tamen crudoque remedio paucis diebus convaluit. Inquilinum illud in Grœnlandia remedium scorbuti HERMANNO NICOLAI *p*) bis illas oras invisenti penitus perspectum ipsa est cochlearia cum acetosa, quæ herbæ illis locis junctim crescentes viatorum gressus ubivis impediunt, junctim in usum revocandæ, quod illa sale volatili, hæc acido turgens mutuam noxam societate sua corrigant. Atque his herbis Grœnlandi brodia carniū condientes laxari alvum viresque refoveri & morbum cito superari sentiunt. Non est nasturtii vilior fama, sive illud cum cochlearia sive acetosa in sero lactis coquas. Ex millenis suis & aliarum experimentis se didicisse KRAMERUS *q*) testatur, nasturtii & cochleariæ succos inter se mixtos & bis vel ter quotidie ad uncias aliquot in juscule tepido exhibitos certo sanare. Imo in eo omnium cognatarum herbarum gloriam nasturtium superat, quod semen ejus, quo copiosissimo gaudet, per ipsam hyemem in cellis & cubiculis paululum calefactis tam cito germinet, ut vulgo feri dicant, dum mensæ accumbitur & ad finem prandii jam inter acetaria exhiberi. Certus est post paucos dies proveni- tus, hinc sæviente hyeme scorbuticis semper & ubivis obvi- us. Semen quoque sinapi cum vino multas scorbuticorum centurias referente I. RATIO *r*) restituit in obsidione Ruppellenfi. Quod vero

*n*) In libello de herba britannica Amst. 1681.

*o*) v. Bachstrom l. c. p. 8.

*p*) Act. med. Hafn. V. I. O. 9. p. 35.

*q*) l. c. p. 40. n. 62.

*r*) Hist. plant. T. I. L. 16. C. 15. Kramerus tamen incassum tentavit l. c. p. 14.



vero cochlearia, sinapi & nasturtium frigidioribus, id calidioribus præstant limonia, negatque Piso ullo alio remedio tam felices se in praxi sua successus vidisse. Et quid non de foliis trifolii fibrini speremus, quo nullus qui non convaluit, visus est I. V. WILLIO s), modo decoctum foliorum cum cerevisia tenui vterique aliquoties de die hauserit, & calido ejusdem herbæ cum aqua marina decocto crura dolentia & exulcerata abluerit, vel etiam folia viridia aut siccata & prius in aqua macerata ulceribus imposuerit. Quosdam ait intra octiduum, quosdam paulo tardius, omnes tamen ex voto sanatos esse. Similia fere B. BELOW t) de herba vermiculari refert, modo ab ejus usu vomitus sequatur. Multos in castris scorbuticos opera sua eluctatos scribit, dum herbæ manipulos octo cum totidem libris cerevisiæ vase recto ad mediam consumptionem decoxit, & singulis vel alternis diebus uncias aliquot hujus medicinæ præbuit, longo usu expertus, citius convaluisset, qui facilius & copiosius vomerent. Os etiam collui hoc calido decocto cum pauxillo mellis rosarum & aluminis crudi, imo etiam contracta genua & talos vel ulcera tibiarum foveri iuber. Absinthii u) decoctum a S. EUGALENO, succum fraxini sylvestris in actis Anglorum x) philosophicis, lepidium, sive carnes condiat, sive succo suo in embammata cedat, a G. W. WEDELIO y) succum brassicæ coctæ linteo expressæ ab aliis commendari video. Addo externa, ut balnea, quæ teste I. G. VOLCAMERO z) nigricantem & foetentem scorbuticorum corporum saburram extraxerunt. Sive cochleariam sive acetosam pro vario morbi genio incoquas, salubris hoc modo succus resorbetur, & sanguini a corde remotiori propius miscetur. In nimio foetore corporum aquam pro balneo non modo ex acetosa

coquere,

s) *Act. Hafn. V. 3. O. 75. p. 123.*

t) *Eph. Nat. Cur. D. I. A. 6. & 7. O. 22. p. 49.*

u) *Vim absinthii v. ap. Mizald. in app. Cent. memorab.*

x) *No. 43.*

y) *Eph. N. C. D. II. A. 6. O. 89. p. 178.*

z) *Ib. O. 239. schol. p. 554.*



coquere, sed & acetum sambucinum affundere, & inter hæc partes leniter fricare suademus. Quid vero optatius, quam si eodem tempore & exhalat corruptum & salutiferum ingreditur? Semper tamen in topicis noxa repulsionis cavenda est, & in ipsis balneis nimius calor corruptionem promovens. Ulceribus crustosis S. EUGALENUS vitello ouorum, myrrha, olibano, croco, oleo rosarum, balsamo peruiano medetur, manantia bolis, cerussa, camphora & floribus sambuci siccant, contractas partes unguento populeo cum oleo hyosciami molliunt. M. LISTERUS cataplasmata ex emollientibus cum herba cochlearia cruri late admovent, sed certus successus non est, nisi radice mali internis prius excisa. Hæc igitur semper præmittantur, sine quibus vix mederi ulceribus licebit, a quibus e contrario sæpius ultro sanescunt.

#### §. XIV.

Solers medicus in dictis medicamentorum laudibus, quocunque merito impertitis, non acquiescit, nec audito statim scorbuti nomine ad specifica illa properat, sed hæc ad varium illius statum caute attemperat. Si talis non sit, præstat ab ejus consilio abstinere, secundum illud ARETÆI, cedentibus medicis multos morbos sanari. Sed & periti cedunt subinde ultro, quod ubi victu instaurandum est corpus, salutare interdum sint medicamentorum induciæ. Euassent omnino multi, si medicos illos ad acria & calentia statim confugientes euitassent. Certe si exemplis salubrium eventuum medicina constaret, quis non ex plebe ad illam una norma exercendam idoneus esset? At quamvis natura, ut cum G. ROLFINEIO *a)* loquar, vernaculum scorbuti remedium ubiuis & ubertim præbeat, ut Britannis cochleariam, Belgis sinapin, Germanis nasturtium, attentos tamen arcanorum suorum interpretes postulat, qui inter accuratiora tentamina, quibus recta ratio præluet, in notitiam eorum & limitationem usum penetrent. Si nunc cochlearia, nunc acetosa, nunc sal volatile,

nunc

*a)* Conf. med. L. 8. C. 6. p. 736.

nunc acetum scorbuticis toties profuerunt, palam est, non unis semper armis sed sæpe oppositis pugnandum esse. Cl. KRAMERUS *unica*, quidem inquit, *scorbuti species est*, putris, foetida & alcalescens, sed hanc quomodo nasturtii & cochleariæ succis, tantopere & quidem merito ab eo prædicatis, quippe in putre & alcalinum cito abeuntibus aggredi potuit? Sine dubio frequens illa species est, ut ipse ulcerum corporisque foetor prodit, imo eo frequentior, si extra controversiam fuerit, quod circa natales eius C. M. BURCHARDI *b)* censuit, non ex classicorum salitis & fumo induratis cibis, sed jam corruptis vere & putridis hoc malum nasci. At non suis tam male consulunt, qui navigationum negotio præficiuntur, quin de comæatu pluribus mensibus durabili cogitent, nihilominus maximum semper navigantium numerum vel in medio itinere scorbutus invadit. Et quis credat impelli quempiam posse, ut manifeste putridis vescatur, vel si fecerit, talem non protinus atroci vomitu vel putrida febre corripi, cum tamen lentus morbus sit scorbutus, & lento progressu iugulet. Illa certe scorbuti species, quæ ex tam lento & viscido cibo lenta & viscida nascitur, non minus frequens est. Et huic calidiora & acriora tanto consensu jactata, ut cochlearia & sinapi, manifeste conveniunt, & piperata acerbitate penetrant meatusque aperiunt. Cholericis calidisque prior scorbutus, phlegmaticis frigidisque posterior maxime metuendus est. Illis temperata & acida, his acriora & penetrantiora prosunt, non illis sed his e. c. trifolium fibrinum conveniet, a SIM. PAULI magnopere laudatum, a G. E. STAHLIO fere rejectum. Nec parum est ad diversi morbi stadia attendendum, per mitiora enim semper corpori magis afflicto succurrendum erit. Ipsam vero medicamentorum classem sapienter I. F. BACHSTROM triplicem constituit, quarum prima olera & herbas, arborumque fructus fere insipidos vel subdulces comprehendit, ut lactucas, maluas, cucumeres & similes; altera vegetabilia acida & subacida, ut species acetosæ & acetosellæ cum malis citreis, baccis ribium, berberum, ipsum-

*b) In progr. de scorbut. septentrional. Rost. 1726.*

ipsumque in primis serum lactis cum succo citri & aurantiorum;  
 c) tertia herbas amaras acrioresque offert, ut lepidium, trifolium  
 nasturtium aquaticum, cochleariam, raphanum rusticanum &  
 quæ alia sunt hujus generis. Dictis omnibus vis inest in lentore  
 illo morbi & acrimonia humectandi, dissoluendi, eluendi aperi-  
 endique. Quo major acrimonia peccat, eo plus aquosa illa & mitia  
 conducunt, quo major lentor, eo plus acriora & amariora ad-  
 mitti debent. Intermedio loco sunt acida illa, quæ putridam &  
 alcalinam acrimoniam præ reliquis coërcent, quæ ut præcipua  
 LISTERO aliisque habentur, ita acetum ipsum non immerito iun-  
 gimus, quod sistit reprimisque sanguinem, feruorem compescit  
 & putrida ulcera fotu suo corrigit. Non æque acida d) minera-  
 lia tuta iudicamus interne. Circa dictorum vegetabilium præpa-  
 rationem probe notandum est, sollicitam nimis haud postulari,  
 sed cruda, recentia & succi plena, nec nisi ab externa immun-  
 ditie & sordibus purgata præstare. Optime agunt, qui mane  
 cum leni deambulatione nativis illis succis utuntur, vel ut durabilio-  
 res sint, duplo sicci purique sacchari figunt. Sic conserva cochleariæ  
 hortensis vel beccabungæ vel fumariæ cum pulvere ari composita  
 & syrupo aurantiorum in justam formam redacta bene ad magni-  
 tudinem nucis iuglandis ter de die sumi potest cum infuso quo-  
 dam, ut bardanæ & baccarum iuniperi, cui in fine cochlearia &  
 beccabungæ incocta. Duriuscula omnino coquere & ipsis brodiis  
 miscere licebit, vel aceto & oleo condire. Peccant, qui spiriti-  
 bus inde elicitis & extractis eodem se scopo potiri arbitrantur.  
 Neque vero succi illi, ut limonum vel cochleariæ guttatim &  
 cochleatim sunt exhibendi, quod sane idem esset, ac in re seria  
 insanire, sed ad uncias librasue & cyathos, ut se diffundant &  
 penetrent, latentioresque mali sedes eluant. & omnia viscera sa-  
 lurari

c) v. *Cl. Kramer. l. c. p. 42. n. 68.*

d) De spiritu nitri v. *Cl. Juncker. Consp. med. th. pr. T. 69. de spiritu*  
 tamen vitrioli aliquis credidit omnes borealium morbos servari posse  
 ob perpetuum cum iis scorbuti commercium, quem citat oppugnatque  
*Bachstr. l. c. p. II.*

lutari charactere imbuant. Opiata, in primis siæ diaphoreticis vel aliis evacuantibus data, haud temere exhibeantur, quia minuunt vires, statim augent coctionesque supprimunt. Diacodiata tamen demulcentibus farinosis & emulsis interposita urgente dolore vigiliisue non damnamus.

## §. XV.

Patet, haud nobis magnopere placere, quæ pulverum, essentiarum, salium spirituumque antiscorbuticorum nomine a multis iactantur. Non est facile in siccis illis & acribus, quod lentorem morbi & acrimoniam vincat, & ista quidem virium lenitate, qua in corpore tam friabili opus est. Merito laudatus KRAMERUS iudicavit imbellia hic pleraque illa arma esse, quæ vulgo commendantur, quibus nunquam sibi sit pugna cum successu inita. Vix tincturam antiscorbuticam I. LANGELOTTI *e*) cum I. N. PECHLINO, vel illam O. WORMII cum T. BARTHOLOINO *f*) suadere nimis audeam, nedum illum pulverem pini a C. F. GARMANNO *g*) pro antiscorbutico habirum, vel stercus asinum, quod omni lapide bezoardico orientali efficacius C. T. PAULINI *h*) iudicavit. Ipsum salivationis præsidium placere aliquibus miror. Ea profligatum esse scorbutum, testantur T. WILLISIUS *i*), I. ACOLUTH, *k*) I. BURGIUS, *l*) R. LENTILIUS *m*) alique, quorum nonnulli ægre persuaferint, cum scorbuticis sibi rem fuisse. Ultro sane ad os ruit materia morbi, nec ut major impetus lacera jam vasa destruat, stimulum augere oportebat. Sola vitæ debilitate se sustinent partes friabiles, & falsedo, quam plus hydrargyro vitari cum HARTMAN-

*e*) l. c. O. 67. p. 179.

*f*) *Act. med. Hafn.* V. II. A. 1673. O. 6.

*g*) *Eph. Nat. Cur. D. I. A. I. O.* 97. p. 226.

*h*) l. c. p. 155.

*i*) *De scorb. C.* 2. p. m. 328.

*k*) *Eph. nat. Cur. D. II. A.* 9. O. 165. p. 306.

*l*) *ib. A.* 3. O. 173. p. 338.

*m*) *ib. A.* 10. *App.* p. 54. ad O. 10. A. I. D. I.



NO LISTERUS censet, haud erat novis ad nocendum armis munendum. Negat Cl. KRAMERUS *n*) ad remedii hujus usum accedere se potuisse, ad quem Semendriæ ex gregariis militibus quadringentos periisse meminit, & quem a medicinæ tantum destructoris probari, Facultas medica Viennensis litteris ad eum datis iudicavit. Non est in medici manu, ut misso semel furenti remedio frenum iniiciat, cujus minima dosi per omnem artem mitificata corpus scorbuticum undique tumuisse, ingenui quidam fassi sunt. Laudet I. DOLAEUS mercurii fixioris virtutem & alii majora promittant, nulla nos ratio mouet, ut a minerali verum hic tabescentis corporis auxilium expectemus. Aliquem tamen locum habere posse, si lues venerea in enormiori gradu scorbuto accedat, G. P. NENTERI *o*) aliorumque sententia est.

### §. XVI.

In fine medicationis multum amara & roborantia promittunt, ut radix cascarillæ, gentianæ, cortex Winteranus, baccæ juniperi, herba scordii, absinthii, veronicæ aliaque, infusi maxime vel decocti forma. C. KOELICHEN *p*) spissius extractum croci commendat, tanquam insigne instaurans nativi caloris, quo succumbente asthma scorbuticum in hydropem abeat. Plus est in ipsis chalybeatis virium, modo correctæ prius sint humorum vitia, & mucosa maxime corporis laxitas sine putredine peccet. Hinc limaturam martis tenuem, tincturam vitrioli martis LUDOVICI, vel cydoniatam ZWELFERI passim præscribunt, & C. KOELICHEN *q*) in ipso hydropse ex scorbuto chalybem cum radice zedoariæ in vino infundi iubet, & mane & vespere aliquot cochlearia exhiberi. Quam sententiam jam olim C. CELSUS *r*) &

SCRIBIT

*n*) l. c. p. II.

*o*) Tab. 105. fund. med. T. II, p. 316. Conf. I. Iuncker. l. c. T. 69. p. 471.

*p*) Aët. Hæfn. V. I. O. 82. p. 166.

*q*) ib. Vol. V. O. 119. p. 314.

*r*) De med. L. II. c. 9.

SCRIBONIUS LARGUS s) amplexi aquam, in qua candens ferrum extinctum fuit, contra liens magnos, malo nostro admodum affines, laudarunt, Nec male in vino rubro succos laudatos cochleariæ, nasturtii similesque propinare pergimus. Neque hic non inicienda mentio est corticis peruuiani, quo Cl. KRAMERUS t) plus quam sexaginta scorbuticos in altero morbi stadio sub tenui diætâ integre & intra paucos dies restituit.

### §. XVII.

Seorsim occurrendum erit atrociorum symptomatum vehementiæ, ut vitiis oris & cutis. De his jam diximus quædam, ibi vitatis calidis simplex acetum cum sale marino pauperibus pro tepido gargarismo inserviat. Locupletiores succo citri vel tamarindis in sero lactis coctis os crebro eluant. Cadunt a tali remedio, quamvis ab initio mordente, gingivæ putrefactæ. Alii acidulas pro gargarismo commendant. In nimia laxitate præfer ophacium succo citri. In summo fœtore & corruptione vix aliquid sine affuso spiritu nitri efficies, hunc cum melle rosarum rubrarum adstringentium & aqua scordii misce & facta collutione pastillos vel trochiscos odoratos in ore tenendos & masticandos præscribe. Lenior quoque scarificatio exitum ichorosi aliquando promovet. Qui spiritum cochleariæ hic laudant vel theriacalem, mucosum sine putredine lentorem supponunt, tunc vero præstat alium cum raphani tessulis in sero lactis coctum. Facta separatione si dentes vacillant, ultra mensem a cibis frigidis vel calidis nimis, durisque & masticationis molimine egentibus abstine, radicem vero oxylapathi vel integram vel rasam suadente jam PLINIO leniter mastica, nec parum acetosæ succus dentes firmabit.

### §. XVIII.

Diætâ scorbuticorum breviter subiicimus, quæ rectius primo loco commemoranda erat. Si fieri potest, mutetur aër, quod

s) C. 32.

t) l. c. p. 14. it. p. 43. n. 73.

in omnibus fere morbis consilium est Hippocratis. Certe non inter minima valetudinis commoda numeramus habitationum loca Italorum more permutare. Ex septentrione inprimis versus meridiem, ut in Italiam Galliamque proficiscantur scorbutici. Si itineribus locus non sit, lignis iuniperi vel suffimigio succini aliisque aërem corrigant. Victus sit prægresso victui oppositus, exulet durus, lentus, pinguis, salitus, fumo induratus, legumina & casei, qui in sale, ut PLINIUS ait, fenescunt. Succedat tenuis, mollis, demulcens victus, ut carniū recentium vitularum, agninarum, gallinacearum cum copiosis oleribus, acetosa, chærefolio, lactuca, & inter crebra embammata ex raphano rusticano, nasturtio, sinapi. *u*) Potus sit levis, dilutus, purus, cerevisia ex aqua munda & granis puris cocta & lupulata, in primis extractis cochleariæ vel rhei vel enulæ medicata, vel cum radice oxylapathi, baccis iuniperi, semine bardanæ cocta. Alii tenellos abietum turiones in cerevisia coquunt. Otium vitetur nimiusque somnus, & diligenter exerceatur corpus, motus enim optime vitalium humorum miscelam & circuitum sustentat, cruda coquit, superflua eliminat. Fugiantur tristes animi affectus, continuæ meditationes & lucubrationes, Venus & communio infectorum. Seorsim de macilentis & calidis moneo, ut pro raphano rusticano, sinapi similibusque acribus eligant acetaria, serum lactis, vina oligophora, similiaque. Majori sollicitudine diæta nautica & castrensis, quæ potiri non omnibus potest valetudinis subsidiis, limitanda venit. Sane quantum fieri potest, recentium & acidorum vegetabilium copiam in com meatu suo habeant, rejecta inutili farragine antiscorbuticorum pharmaceuticorum. Multa in navibus diu satis servari possunt, ut cepæ, allia & porrum sectile, quæ etiam sponte germinant. Iuvat aliquoties singulis hebdomadis brassicæ muria conditæ copiam classariis præbere. Sponte liquet, si appellere interdum ad vicina littora liceat, id negligendum non esse, tum recentis aquæ, tum fructuum colligendorum causa.

*u*) Diæta tota sit excarnis, inquit Cl. *Kramerus l. c. p. 42. n. 69.* at uti vox ita res ipsa paulo durior.

causa. Ipsas in mari natantes herbas haud spernere monet BACHSTROMIUS. x) Obfessis haud alia praeservandi cura incumbit, quam ne vegetabilium usu destituantur. Hinc urbibus munitis ampli horti profunt, in quibus herbas antiscorbuticas, ut lactucam, beccabungam, lepidium, cochleariam, acetosam, trifolium aquaticum, nymphaeam, lapathum & quicquid olerum culinarium est, ferere & metere possint. In ipsa hyeme copia seminis nasturtii superius laudata, hic aequè quam in navibus, proderit. Semper milites caveant aquas palustres, nec stationum nimis infrequens sit permutatio. Borealibus gentibus licet diuturniores sint hyemes, iis tamen sub ipsis nivibus latentes & virescentes herbas, aestate autem campos implentes, quæ egregie prorsunt, non tam obtulit natura quam obtrufit. Hisdem suademus, ut sæviente scorbuto aestate & autumno oleribus & fructibus largiter pascantur, & sic plus resistant contagio scorbuti. Servare etiam licebit per hyemen varias radices esculentas, fiser, napum, raphanum utrumque, brassicam capitatam, cepas, daucum & alia aruensia & agrestia. Quid ars ubivis auxilii ad conservandum suggerat, fusius profecutus est I. F. BACHSTROMIUS. y) Sed hic opellæ nostræ limes esto!

DISSER-

x) l. c. p. 35.

y) l. c. p. 32.



## DISSERTATIO

DE

## ERYSIPELATE

PUBLICE PROPOSITA

GOTTINGÆ, D. 17 DEC. 1744.

R E S P.

G. CPH. STARKE.

HILDESIENSI.

## PROOEMIUM.

Quam miserum, quam miserandum animal homo est! qui rot imbecillitatibus & morbis laborat, quibus exacte discernendis vix nomina sufficiunt. Cautos etiam & de sanitate tuenda vitæque proroganda præ reliquis sollicitos mala ista opprimunt, quorum uno fonte obstructo mox alii plenius redundantes aperiantur. Fragiles nempe & caduci nascimur ex prima labe contracta, corpus tam teneris flaminibus constans, tam dissolubili fluxarum partium nexu præditum properat in ruinas suas, in quibus sollicito vitæ regimine retardandis sola artis gloria versatur, in avertendis nec summi arcanorum Euctiones spem faciunt. Ipsa natura inter tristes virium suarum reliquias vigilat quidem in corporis sui tutelam, attrita eiicit, amissa reparat, & vitæ, quæ se ipsam motibus suis perpetuis consumit, constantiam aliquam & durabilitatem conciliat, ut in eodem fere statu, si lentas & fere insensibiles ætatum mutationes excipimus, homo persistat. Verum prævalet vis in corruptionem nostram tendens, sæpe jam per hæreditatem cervibus nostris gravius incumbit, & radices morborum plus in progressu pullulantes, ac nova germi-

num specie, novis morborum nominibus luxuriantes, protrudunt. Suppetias laturi medici, & cum tot monstribus infelici ut plurimum exitu pugnantes, in gloriam sæpe artem exercent, nec tamen si rite excolitur, levaminis & solatii parum promittentem. Inter tot morbos cum inflammatorii præsentis magis periculo decurrant, nec illi ex eorum numero, qui minoribus vasis vim inferunt, hujus periculi, licet latentioris, expertes sint, placuit pro inaugurali specimine Erysipelatis scrutari genium, tot occultis insidiis, quibus præsagium medici non raro turbat & pervertit, in vitas hominum sævientem. DEUS gratia sua adsit, Lector benevolus, ut tenue specimen diligentiae meae consideret, nondum adultioris eruditionis viribus fultæ.

### §. I.

**E**rysipelas non latinæ originis vox est, ut censuerunt aliqui, quibus non multum repugnat GUIDO de CAULIACO *a*), quasi dicatur hærisipila, adhærens scilicet pilis & cuti. Verum vestustissimis jam Græcis cognita vox παρά τὸ ἐρύσθαι ἐπὶ τὸ πέλας longe commodius derivatur, quod vitium in proxima loca serpat & attrahatur. Quibus τὸ ἔρυσθος rubor, vel corruptis litteris inde descendens τὸ ἐρυθρὸν rubrum, pro origine definienda plus adridet, cum sine certo ruboris gradu non sit pars adfecta, nec male in eum sensum vernaculæ voces, *Rose*, *Rotblauff*, *die Schoene* aliæque conspirent; his quidem ægrius adsentimur, partim, quod inter tot mutilatas abiectasque litteras vix amplius originis illius vestigia deprehendas, partim, quod color erysipelatis flavus potius & citrinus sit *b*), quam perfecte ruber, imo ali-

*a*) de Arte medic. Tractat. II. cap. 3. p. 64. Galenus tamen inter nomina refert, quæ nec locum adfectum nec causam exprimant, de meth. medend. L. II.

*b*) vid. Ludov. Duret. in Hippocratis Coac. prænot. p. 115. n. 20. ubi erysipelas tumorem citrinum appellat. Pallidi flauique coloris miscelam hic agnoscit Galenus.

aliquando tam pallidus, ut albi erysipelatis speciem apud cl. I. O. LUNCKERUM c) reperias. Dubium vero non est, tam Græcæ quam Romanæ civitatis jura usu auctorum utriusque linguæ dudum obtinuisse vocem nostram, adeoque illos, qui ignem sacrum latine vocari statuunt, monitum HIERONYMI FABRICII AB AQUAPENDENTE d) merito attendere, quod nempe CELSUS e), alio loco de erysipelate, alio de igne sacro agens in utriusque caractere designando tanquam in diverso argumento versetur. Omitto recentiores voces latinas, ut ignis sylvatici, ignis sancti Antonii, icteritiæ rubræ, vel Germanicas, *das heilige Ding, das wilde Feuer, Flogfeuer, Anschuß* & similia, ne nimis in cortice vocum hærare videamur.

## §. II.

Est vero erysipelas tumor levis in superficie cutis conspicuus, ex rubro flavescent, digito premente fugiens, remittente rediens, late serpens, plus calens, quam dolens pulsansque, & stasi imprimis feri inflammatoria in angustiis minorum arteriolarum inter febriles motus natus. Patet, nos morbum hunc ad inflammatorios in minoribus vasis referre, teste colore, splendore doloreque & aliis inflammationem comitantibus signis. Dum tumorem voco, non me fugit, tam sæpe exilem esse, ut multi maculam ex rubro flavam adpellari malint, GALENUS f) etiam partem perpetuo inflammata esse, non perpetuo tumere olim judicaverit. Tument tamen etiam minora vasa ex stasi sua, licet minus ad sensum, imo dum illa stasis multaprehendit unius loci vascula, satis etiam sensibilis interdum tumor ille adparet. Conspicuum in cutis superficie dixi, quo non excludo similem in interioribus partibus membranaceis latentem. GALENUS g) quidem

c) *vid. ejus conspect. chirurgiæ Tab. V. p. m. 55.*

d) *vid. Op. chirurg. cap. 8. de erysipelate p. m. 25.*

e) *conf. de Medic. cap. 26. L. V. cum cap. 28. L. V.*

f) *in Hipp. de offic. med. C. III. p. 219.*

g) *L. II. Meth. med. ad Glaucon. cap. I.*

dem solius cutis adfectum dixit, verum idem apud HIPPOCRATEM *b)* erysipelatis nomen manet, siue foris accedat, siue intro conversum lethale fiat. Cedens tumor & evanescens ad pressum digiti a phlegmone distinguit, plus illud, ex quo nominis ratio petita est, quod non soleat facile uno loco figi, sed late dispergi & multa vicina loca sensim pererrare, pro liberiori tenuiorum vasculorum & fluidorum commercio. Colorem vero flavum quidem potius quam rubrum arguimus, sed neque hunc, si mixta phlegmone sit, inficiamur, & quisquis demum ille fuerit, ex indole stagnantis & pellucis humoris, vel puri vel mixti, æstimandum esse censemus.

### §. III.

Inter ea, quæ definitio comprehendit, sedes adhuc & materia morbi paulo solertius investiganda est. Sedes quemadmodum omnis inflammationis in vasis convergentibus, ita hic maxime in arteriis minoris generis quæri debet. Id quod recentiores præeunte HERM. BOERHAAVIO ita solent interpretari *i)*, ut vasa rubra, quæ sanguinem, flava, quæ serum, pellucida, quæ lympham vehunt, inter se subtilius distinguant, & reliquas decrescensium vasorum & fluidorum series ad normam mutationum in illis sensibilibus notatam dijudicent. Si fas est illorum sententiæ accedere, phlegmone, erysipelas & œdema, siue hæc mala seorsim, siue conjunctim existant, determinari plenius in suis finibus posse videntur, nempe in finibus arteriæ sanguiferæ phlegmone, serosæ erysipelas, lymphaticæ œdema calidum. Veluti phlegmone est stasis inflammatoria sanguinis, in arteriæ suæ extremis angustis hærentis & a tergo vi cordis impulsæ, tumens a tensione, calens ab attritu, dolens a fibris distractis, rubens a colore stagnantis per latera distracta pellucis, pulsans a systaltico

*h)* vid. *coac. pranot.* 103. *Ed. Lind. V. I. p. 555.*

*i)* vid. Gerh. van Switen comment. in aph. Boerhaav. T. I. §. 122. p. 185; it. §. 380. p. 642.



co motu arteriarum, & splendens cum renixu ob liquidum tenuius per lateralialia vasa dissipatum & reliquum crassius coagmentatum; Ita hæc tantum non omnia in minoribus arteriis, quarum angustiae contentos humores sistunt, ex motu cordis urgentis fas est concipere. Quodsi videlicet arteriarum sanguiferarum lateralialia orificia, quæ naturaliter non nisi tenuius secernunt, per injuriam motus vel alias causas plus dilatata ipsum admittunt sanguinem, in progressu convergentis tubi hærentem, hæc species inflammationis, ut a priori distinguatur, non incommode phlegmone erysipelatodes audit, cujus rubor loca adfecta, antea non rubentia intensius tingit, claro sanguinis in aliena loca ingressi indicio. At si lateralis arteria, proprium liquidum vehit, nempe tenuius & sanguini proximum, quod serum est, hujus in ultimis angustis stasis, cum flavedine sero propria pellucens, erit erysipelas simplex, quemadmodum erysipelas œdematodes coloris dilute crocei commode dixeris, si idem serum vasorum lateralium pellucidius liquidum seu lympham vehementium ora subiit, moramque & obstaculum in progressu invenit. Oedema vero purum & calidum vocant stasin lymphæ in propriæ arteriæ finibus, quod conveniet erysipelati albo a quibusdam dicto. Sic, ut breviter dicam, duplex inflammatio rubra ex stasi sanguinis vel in fine arteriæ sanguiferæ vel principio serosæ, duplex flava vel in fine arteriæ serosæ vel principio lymphaticæ, & sic porro in progressu diversorum vasorum & fluidorum concipi solet. In qua re, si quis acumini plus, quam veritati, ex anatomicis demonstrationibus ad luculentiorum sensum deducendæ, inesse putet, litem hic non movebo, & sufficiet mihi, in erysipelate stasin liquidi arteriarum minorum coarguere, vel ita sentire, ingentem esse inter phlegmonem erysipelas & œdemaaffinitatem, ubivis stases inflammatorias in arteriis diversæ magnitudinis peccare.

#### §. IV.

Materiam stagnantis liquidi serum esse, cui domestica flavedo, non multum dubitem. Scio GALENUM *k*) & affeclas ejus ob

*k*) vid. Meth. med. L. XIV. Cap. VII. p. 87. ubi biliosæ fluxionis.germen  
*Richter* Opusc. T. I.

ob eandem flavedinem de bile potius suspicari. At *bilis* nisi in sanguinem redundet, tingere externam cutem nequit, & redundat, non potest non ubivis tingere, hoc est omnibus vasis, pelucidiori liquido gaudentibus, flavedinem illam communicare. Videas autem ictericos, quos nulla erysipelata vexant, macri etiam, fusci, nigri, qui plus bilis generant, minus, quam sanguinei, obesi, rufi, hoc malo infestantur. Non est igitur, cur tracto ab antiquis errore cum DAN. SENNERIO *l*) calidiorē hepatis intemperiem, vel cum FRID. HOFFMANNO *m*) bilem vitiatam cum succo pancreatico confermentatam & causticam, intro ad cutanea vasa raptam, accusemus. Promptior nobis est ratio feri, quod sive cum sanguine sive in propriis vasis moveatur, hærere ubivis in naturali fluxu potest, nec longe arcessi debet, maxime impurum, acre, & subitaneis statibus in extremis opportunum, non minus, quam alius humor ad magnum malignitatis gradum eniti potest, & commode, quicquid phænomenorum occurrit, illustrare.

## §. V.

Accessus mali in corpore latentis non fit sine præsensione quadam. Corporis lassitudo, artuum gravitas, spastici membrorum motus, nausea, somnus interruptus cum crebra situs mutatione præcedunt. Sequitur artuum tremor cum rigore ultra horam aliquando infestante, deinde calor æstuantissimus. Inter has moruum febrilium vicissitudines efflorescunt parte corporis tantum non omni, sed maxime facie, & tempore tantum non omni, sed maxime æstivo, maculæ jam descriptæ, & in locis illis cutaneis, quæ adfligi incipiunt, præter singularem ardorem sensus stringentis & coarctantis doloris percipitur, donec pars adfecta inter notas plenioris inflammationis, quam frustra negat

vocat. circa cutem maxime subsistens, interdum tamen aliquid subjæctæ carnis occupans.

*l*) vid. op. medic. T. II. L. II. cap. 16.

*m*) vid. med. syst. T. IV. P. I. cap. 13. §. 7.

negat cl. GORTERUS *n*) plus expansa cuticula ad splendorem crescat, & nunc sedem mutet, nunc ad levem causam recurrat. Pulsus in tali statu frequens & celer, lotium cum roseo sedimento, vel circa declinationem, glutinoso. Post aliquot dies remittunt symptomata, tumor in molestum pruritus transit, superficies cutis marcet, flaccescit & evanescente fulgidiore colore per squamas secedit. Ille simplicis erysipelatis decursus est, pro temperie varia ægrorum & morbosæ materiæ intro sæpius redundantis genio, sæviori nonnunquam, ut anxietatis, vomitus, delirii fatellirio stipatus.

## §. VI.

Postulat illa symptomatum varietas magis inspicere varie discrepantem ambigui mali indolem. Præcipua differentia est simplicis & compositi, vel exquisiti & spurii. Simplex & exquisitum cutanea vasa vix excedit, nec tumet sensibilibiter, illæsa quippe carne substrata. Compositum, descendens profundius, ob partes suppositas in communionem mali pertractas, & inflatas suffarctasque cellulas pinguedinosas, plus tumet ruberque, & ægrius ad prementem digitum cedit. Hoc erysipelas phlegmonodes est, velut illud, quod in tali descensu tumet quidem, at majori molitie digito minus resistit, est erysipelas œdematodes, quibus addi solet erysipelas scirrholes circa loca glandulosa, discutientibus incaute tentata. Hæ diversæ species ex illa doctrina, quæ Galenicorum & Arabum vestigia premit, miscelam spectant vitiatæ bilis cum aliis humoribus, ut si bili crassus accedat sanguis, sit erysipelas phlegmonodes, si phlegma, œdematodes, si terra, scirrholes, de quibus superius, ubi de sede & materia mali actum est, quæ necessaria sunt, commonuimus. Præcipui momenti divisio fit in benignum & malignum. Benignum erysipelas, ut plurimum a causis externis natum, intra triiduum aut quatrividuum, si pars adfecta in temperato calore, & corpus in blanda diaphoresi est, dissipatur. Si ultra quantum diem durat,

*n*) vid. *Comp. medic. Tract. 47. §. 2.*



durat, nec exploratæ virtutis remediis cedit, plus etiam mali ominis in calore & duritie prodit, ortum judicamus ex causa interna, quæ suppetias mali perpetim mittit, unde prona via est in malignum erysipelas. Hoc ab impuris humoribus in corpore cacochymico genitum vel sustentatum, vesiculas ut plurimum & bullas protrudit, sub quibus acer humor & subcruentus per plures dies exundat. Inter tetras igitur maxime species vesiculare & pustulosum est, ubi pustulæ primis diebus exiguæ mox confluunt inter se, & ichoroso succo turgidas majores vesiculas constituunt. Notamus etiam erysipelas zonale o), quod instar zonæ corpus cingit, cujus si deterior materia est, & magis apta partem adfectam erodere tendit in sphacelum, herpes vel formica veterum dicitur. Verum merito dubitamus, an hujus loci sit? Epidemicum p) hoc malum Augustanos suos adflixisse L. SCHROECK restatur, endemium quoque CONNOR Polonis tribuit refragante ERNDELTIO q). Notatum ulterius est hæreditarium, quin & contagiosum r), iis qui ægro adstiterunt, adflatum. Mira etiam sunt illa periodica quater imo septies nonnunquam redeuntia s), aliquando trimestria vel semestria, imo æquinoctialia & annua.

o) Ζώνη PLINII in *Hist. Nat. L. 26. c. 74.* Est ea species ignis sacri, quæ medium hominem ambiens, dum cingit, enecat. Idem habet *Plinius Valer. L. III. c. 34. Largus Scribonius c. 98. comp. 247.* zonam vocat, quam Græci ζώνη dixerint. Speciem perfectæ talis zonæ refert *Ioh. Henr. Brechtfeld in Act. Hafn. V. I. O. 108. p. 198*, quæ ventrem inferiorem viduæ sic cinxit, ut cingulum fuscum ad palmæ latitudinem referret. Lethale hoc fuit, ut & illud *Io. Langii L. I. epist. 32.* Mitius hoc malum vidit *Ros. Lentilius* in sexagenaria, cui zona talis super lumbos singulis fere mensibus rediit. *vid. Eph. Nat. Cur. D. I. ann. 3. obs. 4. Ap. p. 92.* Zonam per pudenda & clunes notat *G. Detharding ib. D. 3. A. 6. & 7. App. p. 73.*

p) *In constit. Epid. Augustan. 1701. v. Eph. Nat. Cur. C. I. & II. App. p. 13. Conf. Act. med. Berolin. Dec. I. V. 4. p. 42.*

q) *in Warsfau. illustr. p. 188.*

r) *vid. V. Riedlin. cur. mcd. 282.*

s) *vid. ib. Cur. med. 704. it. 846.*



nua. Nec prætermitto haud contemnendam differentiam inter symptomaticum, quale in ascite occurrit, & criticum, quo oriente silent interni morbi & remittunt, dum noxium vi vitali ad externum corpus protruditur. Ita erysipelas faciei Stahliani <sup>1)</sup> considerant tanquam congestionem incompletam sanguinis ad caput, ubi natura evacuare voluerit, at vigor animi vel crasis humoris non satis fluxilis defecerit.

## §. VII.

Remotiores inter causas præcipue considerari meretur plethora, quæ nisi tempestive per artem & naturam levatur, circuitum suum pressius peragens ob languentes motus secretionum & excretionum non repurgat satis sanguinem ab excrementitiis partibus, unde fomes mali data occasione in morbos ejusmodi inflammatorios facile erumpit. Præbent occasionem hanc præ ceteris pathemata animi <sup>u)</sup>. Vidit FALLOPIUS feminam, quoties ira excanduit, erysipelate multatam, & quotidie lactantes feminas videmus similiter a terrore multari. Plus fere latentem fomitem accendunt erepta consuetarum evacuationum præsidia, plenis corporibus tam necessaria. Suppressæ hæmorrhagiæ narium, vel hæmorrhoides in viris, vel menstruus sanguinis fluxus in feminis, nec minus intermissæ venam secandi consuetudines viam huic morbo facile aperiunt. Quo maxime pertinet perspiratio læsa per frigidum aërem, potum, balneum & similia, quibus erroribus eo minus veniæ est, si calor præcessit corporis sudantis, vel sese exercentis, vel acrem victum & potus generosos copiose ingurgitantis. His enim pori pro largiori diaphoresi patentiores & crassiora admittentes, uti pro lymphæ serum, pro sero sanguinem, cum periculo stringuntur, & contenta tenacius retinent ac figunt. A frigore pueri pilis nivalibus diu ludentis GEORGIUS FRANCUS <sup>x)</sup>, ab aura boreali & pluvia MARCUS GERBIZIUS

<sup>1)</sup> Io. Dan. Gohl. *Comp. ad Prax. Clin. L. III. C. VI. p. 137.*

<sup>u)</sup> vid. Riedlin. *cur. med.* 211.

<sup>x)</sup> *Eph. Nat. Cur. Deb. II. ann. III. obs. X. p. 48.*

BIZIUS *y*), à disparentibus scrophulis Io. BURGIIUS *z*), ab esu cyprini nec elixati satis nec saliti SIGISM. GRASSIUS *a*) orta notarunt erysipelata, quæ omnes causæ læsæ perspirationis sunt soboles. Addimus dissipatos tenues humores post magnum profluvium sudoris, lotii vel alui, unde immeabilitas residui in angustis minorum vasorum facile oritur. Nec ligaturas omittimus, contusiones, vulnera, irritationes externas a punctura apum, calceorum, ocrearum, vel acribus infixis *b*).

### §. VIII.

Obnoxia præ ceteris huic morbo sunt corpora spongiosa & humorum copia turgida, maxime uti jam monitum est, post evacuationes vel naturæ vel artis suppressas. Mulieres hinc sæpe adfliguntur teneram ob texturam corporis, quæ in mollitie & plenitudine sua suppetiis excretionum magnopere indiget. Infantes ob similem laxitatem in abdomine; immo toto corpore, sparsum erysipelas exhibere, observata loquuntur *c*). Alioqui partes, quæ vim morbi crebrius sustinent, sunt brachia, crura, marmæ, facies, non æque reliquis corporis truncus. Facies, cur toties fiat erysipelata, fusius profecutus est CAMERARIUS *d*). Situs opportunitas crura maxime adficit, ubivis in loca imbecilliora, ut luxata & contusa, materia morbosa promptius decumbit. Inter quæ plus semper tumoris adparet in facie, plus splendoris in tibiis, plus duritie in mammis, plus dolorum sub axillis *e*). Post plethoricos scorbutici maxime, & quorum acrius ac impurum serum est, infestantur:

### §. IX.

*y*) *Ib. Dec. 3. A. 9. 10. obs. 200. p. 371.*

*z*) *Ib. D. 2. an. 3. obs. 171. p. 336.*

*a*) *Ib. Dec. I. ann. 9. & 10. obs. 70. p. 199.*

*b*) a lapillo flexis genubus infixo, Gottfr. Dav. Meyer. *ib. C. 6. obs. 62. p. 319.*

*c*) vid. I. D. Gohl *Comp. prax. chir. cap. 8. §. 6.*

*d*) vid. Syllog. *memorab. med. cent. 13. p. 75. conf. Sydenh. p. m. 278.*

*e*) vid. Hoffm. *medic. system. T. IV. P. I. cap. 13. §. 5.*

## §. IX.

Infida & ambigua est prognos, quæ varias mali hujus species, nunc huic nunc illi ægro plus metuendas in primis statim incunabulis negligentius expendit. In corpore puro & juvenili, bonique regiminis studioſo; cito & sponte intra quatrídium plerumque cum pruritu & squamis cedit eryſipelas, si benignum fuerit & exquisitum, ac levis inflammatio, quæ sine intensiore febre partibus tantum externis & ignobilioribus incumbit. At si inflammatio magna partem prehendit nobilem, vel nobiliori vicinam, aut cum multis nervis communicantem, nihil audacius promitte, inprimis si fons mali internus sit, corpus infirmum, regimen diætæ & medicinæ perversum. Metuant hoc nomine senes & cacochymici, quorum natura debilis, materia morbi copiosa & acris, consuetudo errorum tenax. Nunquam periculo vacat eryſipelas spurium & compositum circa fauces, oculos, glandulas & alias partes officii præstantia & sensu insigniores. Pustulosum cito oriens & crescens, uti vehementiores causas arguit, ita in sphacelum celeri sæpe gradu tendit, indicio coloris in lividum atrumque transeuntis. Male tractatum & exulceratum dat ulcera ad mortem interdum inſanabilia, quale in rustico perversè tractato relictum necessitatem abscindendi pedis imposuit, teste SAM. LEDELIO f). Mire profecto crucem figit status horum ulcerum, tetro progressu substratam pinguedinem depaſcentium, & in fistulas gangrænasve abeuntium, unde malam ab eryſipelate suppurationem jam HIPPOCRATES g) vocavit. Inter hujus oracula præcipuum hoc est Ἐὰν δὲ ἐν τῇ γίνεσθαι χηρῶν, ἢ ὡς τῆς περὶ τὰς δακτύλους h). Ubivis malum est intro veru, idem ait, at anginosi vix non semper funestum. Vitalium nempe parium tennes membranas obsidens, asthmate, deliriis, soporibus, intra septimum sæpe diem exstinguit. Ventriculum non raro ad-

fligi,

f) vid. Eph. Nat. Cur. D. II. ann. 2. obs. 41. p. 71.

g) VII. Aph. 20.

h) VI. Aph. 25.

fligi, & febrem, quæ leipyria dicitur, comitem habere, docet IO. DAN. GOHL *i*). Inter notantiores noxas retrocedentis mali refert HIPPOCRATES, quod fœtum in utero interimat *k*), quod in pulmone ruffim, sputa & suppurationem cieat *l*), & alia hujus generis. Lethale in femina, quæ faciei erysipelarosæ linthea aqua frigida immersa adplicuerat, cum sensu levaminis & remittentis ardoris, delirium subsecutum testatur E. HAGEDORN *m*). Natum ex simili ratione lethargum THOM. BARTHOLINUS *n*) describit, alii phrenitides, phthisin & anginas. Quæ mala maxime parit incaute tractatum erysipelas faciei *o*), vel si vitæ parcit, alia satis gravia, qualia sunt abscessus & ægilops teste PLATERO *p*), vel excrementia carnea in uno, pterygium in altero oculo notante ANDR. LOEW *q*). Ceterum bene respicimus ad mala complicata, ut vulnera & fracturas *r*), quæ ob stasin in vicinis locis crebrum pariunt & mali generis erysipelas. Nec illud prætereundum est ex Hippocraticis regulis, qui sæpe hoc malo corripiuntur, eo tandem occumbere, vel illud, in phlegmaticis & cacochymicis diuturnos ut plurimum tumores pedum remanere, qualem in femore œdematosum cum fluxu liquoris lactei commemorat SIGISMUND. GRASSIUS *s*). Parotides post febres signa sunt erysipelatis in facie nascituri *t*). Salutare erysipelas nuncupare possumus, quod partes internas liberat, quali sæpe tertianas quartanasque sublatas esse testatur IO. DAN. GOHL

*i*) vid. eius *Comp. ad Prax. Chirurg. cap. 3. §. 6. p. 26.*

*k*) de *Morb. L. I. §. 3.*

*l*) *ibid. §. 13. it. de morb. II. §. 53.*

*m*) *ibid. §. 38. C. I. p. 66.*

*n*) *Act. Hassn. Vol. I. obs. 14. p. 42.*

*o*) tale horrendum erysipelas v. ap. *Horst. L. II. obs. 18. & Benninger L. 5. obs. 61.*

*p*) *L. III. p. 485.*

*q*) *Eph. Nat. Curios. D. III. an. 5. & 6. obs. 115. p. 355.*

*r*) *Nudatis ossibus superveniens malum Hipp. 19. Aph. 7.*

*s*) *Eph. Nat. Cur. Dec. I. ann. 9. & 10. obs. 66. p. 187.*

*t*) *vid. Hipp. coac. prænot. §. XI-79.*



GOHL u). Alii convulsivum asthma vel etiam colicam ad ortum erysipelatis evanuisse observarunt.

### §. X.

Qui ad medendum se adcingit, territus tot aliorum vestigiis, quorum sinistra medicatio ægros pessundedit, inquirat primum, an suppetiis opus sit, deinde quibus? Si FRANCISCUM BONCALLUM uu) audit, solo victus, aëris & stragulorum regimine, cunctando in reliquis & nihil agendo, vincet ut plurimum. Decumanum illum errorem vocat, etiam eorum, qui sanum credunt sinciput se habere, tot remedia præscribere, quorum nomenclatura laudi fortassis memoriæ sit, ægrotis raro salutis. Desciscens a crasi naturali humor necessarios postulat coctionis & separationis gradus, quos recte natura metiri didicit, ars sæpe inconsultius præcipitat, & excretorios illos ad ambitum corporis motus turbat. In illo tamen nunquam peccabit medicus, si tenues & calidas sorbitiones ad lenem & continuam diaphoresin suadeat, temperet febriles motus, spiracula cutis expediat, & contra injurias frigoris defendat. Verum hoc ipsum nihil est, quam sanantis naturæ potiora obstacula remove. Certe in leviori mali specie majoribus & sollicitè conquisitis auxiliis opus non est.

### §. XI.

Idem vero judicium non erit, si sævior morbus & ex impuro fonte natus nobilioribus partibus, ut faciei, imminet. Euacuantia an hic conveuiant, & inter illa venæ sectio? multorum video dissidere sententias. Qui leniter sentiunt, non necessariam quidem aiunt cum GALENO x), quod in summa cute hæreat malum, cui consultum cupimus, ferendam tamen esse,

u) vid. *Comp. Prax. chirurg. cap. 8. §. 5.*

uu) vid. ejus *hist. morb. 2. de erysipelate non tangendo p. 34. seqq.*

x) C. 3. L. 14. meth. contra Celsus, Paulus, Haly Abbas & alii V. S. postulant. Negat Fallopius conciliari has contradictiones posse. conciliat H. F. ab Aquapendente *Op. Chir. C. 8. p. 28.*

esse, si calor vehemens & sanguis copiosus sit. Alii eam acrius damnant, tanquam redundanti ad interiora materię noxię faventem. Id tamen non movit ANTON VALISNERIUM *y*), quin sexagenario in erysipelate sinistri cruris non copiose solum, sed & ter sanguinem detraxerit, cum admirando in morbo conclamatione successu. Cito id fieri in plethoricis & spirituosorum potioni adsuētis, vel cucurbitas cum scarificatione in cervice substitui vult FR. HOFFMANNUS *z*). Dubium non est, tumentia vasa & ultra elaterem interdum distenta, post partem sanguinis exhaustam, novis potiri viribus, ad ipsam illam diaphoresin juvandam, qua dissolatur morbosum. Ex magno vulnere saltu celeri erumpat sanguis, qui similis sæpe pleuritico est cum crassa & alba pellicula, ut sic eo sensibilius liberet, & communem illam inflammatorii morbi noxam levet, ab impetu retro adfluentis humoris nimis urgente. THOM. SYDENHAM *a*), unam venę sectionem, ait, & subsequenter catharsin, in tempore adhibitam plerumque sanare. Multi vero adhuc magis hæsitant in cathartici nomine. Vidi, inquit, FRANC. RONCALLUS *b*), a leni purgante hic vomitus, convulsiones & tormina orta esse, vimque illam infelicitate enervatam, qua motus excretorius in eum despumatur. Ad drastica in primis lethalem secutam esse inflammationem ventriculi F. HOFFMANNUS *c*) monet. Imo usu solius rhei testatur IO. IAC. WEPFERUS *d*), ita exasperatos in quodam humores esse, ut post febriles motus totum caput erysipelate infestaretur, & biduo post deliria supervenirent. Licere in principio purgante uti, iudicat IO. IAC. WAIDSCHMIDIUS, nocere autem, ubi radices morbus egerit, quod crescat inflammatio, vel motus humo-

*y*) Eph. Nat. Cur. Cent. VI. obs. 6. p. 189.

*z*) Med. Rat. Syst. T. IV. P. I. Sect. I. cap. 13. §. 5.

*a*) vid. Oper. p. m. 280. Addit conditiones, quando & quibus interval-  
lis iteranda sit V. S. ?

*b*) vid. loc. citat. p. 35.

*c*) loc. citat. p. 309.

*d*) vid. Obs. Med. pract. de adfect. cap. obs. 81. p. 314.

humorum introrsum vergat. Nihil vero ejusmodi judiciis commotus I. o. FREIND e), invalescente etiam erysipelate faciei & delirante jam aegro, summisque in angustiis hærente, purgans quater frustra exhibitum fidenter repetiit, cum incredibili rerum ad interitum vergentium mutatione in melius. Quis vero nescit, jam GALENUM f), licet ex hypothesi, nullum hic efficacius remedium laudasse, quam quod bilem & pituitam expurger, hoc addito, diem se conterere, si admirandos purgantium in hoc malo effectus recenseret. Sane ut in principio morbi commotis valde & turgescens humoribus sufficit lenioribus uti, ita in progressu inter orientia mala comatosa & phrenitica validioribus & continuatis etiam locus est, modo prudentia medici ubivis scopo, primarum viarum sordes & irritamenta non modo subducendi, sed & acre & abundans serum, ne ad loca adfecta plus irruat, ad alium revocandi, congruentia remedia elingat. Fortuiti & ab alia prætervisa causa pendentes effectus finitros hinc in contrarium citare, nullam vim argumenti habet.

## §. XII.

Sive vero pro determinata corporis indigentia adhibita fuerint dicta evacuantia, sive omissa, par utrimque erit ad usum internum diaphoreticorum nos protinus convertere, quippe in morbo cutaneo tanquam propriis, ad quas viribus suis pertingant, sedibus plus auxilii pollicentium. Non vero calida, acria, aromatica, volatilia, & sic dicta alexipharmaca & bezoardica hic intelligimus, sed quæ tenui & salubri vehiculo pauxillum solventis stimuli & morbo oppositi ad loca adfecta transferunt. Cum regimine perspirationi favente placent potiunculæ ex aquis cardui benedicti, scabiosæ, cerasorum, florum tilia & sambuci similibusque cum pauxillo nitri & antimonii diaphoretici, addito syru-

e) vid. *Comment. VII. de Febr. in Hipp. morb. pop. p. m. 203.* Draſtica etiam hic veteres adhibuerunt, ut hieram diacolocynthidis *Largus Scribonius* & helleborum *Hippocrates* simili fere loco.

f) de purgantium facultatibus p. m. 87.



rupo papaveris rheados vel violarum. Placent quoque infusa theiformia, quæ & copiam præbent meabilis liquidi, & ad diaphoresin determinant. Qui simplicia præfert, vix habet, a quo blandiorem diaphoresin tutius exspectet, quam rob sambuci cum aqua florum suorum dilutum. Nolim essentias scordii pimpinellæ albæ, vincetoxici & similium radicum suadere, non ob has, quas in forma infusi vel decocti laudo, sed ob menstrui acrimoniam. Commendamus propterea haustus magis Galenicorum, ut decocta hordei, cornu cervi, scorzonæræ, cichorii, liquiritiæ similiumque, quam chemicorum guttulas ex acri stimulo metuentes, nisi forte tinturas florum, ut rheados, aquilegiæ, cyani, quippe aquæ tantum infusas & acidulatas excipiam. Salia neutra, ut arcanum duplicatum & tartarum vitriolatum non improbo, sed modice adhibita & probe diluta.

### §. XIII.

Verum his plerumque non magni momenti habitis maxima pars medentum ad topicorum usum ruit. Sic enim virtutem medicamentorum propius cum hoste conflagere, & salutari tactu præsens incendium restinguere clamitant. Dubito, an similis vox naturæ sit, utpote quæ coquendo, separando & ad diaphoresin sensim disponendo spernit illas sine consensu suo laras suppetias. Sunt certe topica illi ut plurimum scopuli, ad quos salus ægrotorum ipso medico duce impingit. Vindicabimus quædam, cetera reliciemus, vel spem præsidii limitabimus, primum quid in frigidis & humidis emolumenti sit, ponderaturi. Frigida ut arguam, fere tota prohibet Galenicorum schola, cujus magister, dum morbus consistit, frigida utendum esse docet agonistice, id est, affatim & frigidissima. Quæ res ne nimis videatur rationis expers, cogitandum est, veteres ad ortum tumorum statim fluxiones sibi imaginatos, hinc illico influentis repulsum molitos esse. Nec rationi repugnant, frigus, quippe lympham & serum minus cito quam sanguinem coagulans, ab initio erysipelatis, ubi nondum crassum est, quod influit, vel ut Galenica dictione utar, nondum σφινωσις seu incuneatio liquidi facta est,



est, salubriter repellere, quod influxit, per vasa modice arctata in truncos majores, ut hic novi circuitus beneficio vel coquatur vel loco magis idoneo eliminetur. Nihil ad illam doctrinam nisi duo refero, nempe hæc remedia frigida, nisi statim prosint, augere morbum, hoc est, nisi arctando propellant, plus adflatu suo figere & retinere: deinde stagnantis liquidi genium non satis distingui, cujus sæpe tanta malignitas est, ut arceri omni studio a novo contactu internorum humorum & viscerum debeat. Id ex parte ipsi olim GALENO g) suboluit, hinc immodice refrigerari dura & atra loca queritur, ipse non nisi ab initio, ubi influens humor nondum novam ex stasi corruptelam contraxit frigida suadet, terminum in usu eorum ad signa coloris nondum mutati restringit. Ita quis nescit, sola interdum aqua frigida multas ophthalmias sanari? Quæ tamen omnia etiamsi non penitus satisfaciant nobis, certum tamen est, Galenicorum longe majorem quam magistri sui culpam esse, quos jam a chemicis ille maxime character distinguit, quod frigidis, velut chemici calidis abutantur. Quam temere AMATUS LUSITANUS h) nullo ait meliori remedio quam larga frigidæ potione erysipelas sanari! Quod quamvis ex GALENO hausisse videri velit, hic tamen cautius externa frigida non nisi in ortu mali ex causa non manifesta postulat, in progressu demum internum frigidæ potum permittit. Crescente experientia major cæpit frigidorum metus suboriri, nec tamen illis, qui moderate frigida in principio erysipelatis, quo corpus purum & juvenile laborat, adhibere velint, justæ cautionis & felicitis sæpe successus laudem reddo ambiguum, ipse tamen ejus particeps esse nolim, quod tutiora in medelam suppetant.

#### §. XIV.

g) *de art. cur. ad Glauc. L. II. c. 4. p. 103.* ubi scirrhum ait infrigidando nasci. Ipsam ejus querelam de abusu refrigerantium leges *L. III. p. 21. de simp. med. fac.*

h) *vid. Cent. I curat. medic. III. schol. p. 36.*

## §. XIV.

Qui humidam topicorum formam laudant, non carent multorum suffragiis, in primis si spectes, quid in tot morbis inflammatoriis fomentorum usus præster. At nec desunt, quorum iudiciis premuntur, hinc enim excoecavit fere omnes opinio, inquit I. O. IAC. WALDSCHMIDIUS, *i*) in erysipellate humida applicanda non esse, cum tamen egregium lenimen adferant. PAULUS *k*) inter veteres perliquida commendat, & spongiis madidis abluit erysipelas. Nec THOM. SYDENHAM, qui post venam sectam catharticum & mox paregoricum dedit, aliud præterea quam pro externo foru decoctum præscribit *l*). Ut stagnans in vase cedat, utroque modo obtinetur, dum vel laxato transmittitur vel adstricto vase repellitur. Posterius GALENO *m*) placuit, ob prius methodicos redarguit, qui omnem inflammationem laxantibus indigere crediderant. Metuendum omnino ab humidis & laxantibus est, ne pars adfecta, inprimis in corpore debili, nimis tonum suum amittat, & adfluentium humorum novis iniuriis pateat, magis in tali loco, cujus robur infregisti, stagnantium. Addo externi fomenti in æquali tempore conservandi instabilem virtutem. Ante omnia vero in capite ab humidis abstinere hortatur I. O. MUNNICK. *n*) Neque solum cataplasmata hic reiicio, sed & multis familiarem methodum, qua folia recentia & humore madida, vel in succo suo conquassata, imponunt, ut chærefolium subuiride polygonum, portulacam, fem-

*i*) *Op. med. pract. L. VI. cas. 4.*

*k*) *L. XXI. cap. 4.*

*l*) *S. V. cap. 6. p. 280.* ex radice althææ & liliorum, floribus maluæ sambuci verbasci meliloti, summitatibus hyperici & centaurii minoris, feminibusque lini & fœni græci. Huius decocti uni libræ spiritus vini uncias duas misceri, & stupham panni lanei immersam & expressam bis in die calide admoveri, denique partem adfectam charta emporctica in spiritu vini, cui aliquid theriacæ Andromachi piperis longi & caryophyllorum immittatur, madefacta circumvolui jubet.

*m*) *Chir. L. I. C. V. §. 14.*

*n*) *vid. Galen. meth. med. ad Glauc. L. II. C. 2.*

sempervivum aliaque, & in primis corticem medium viridem sambucinum, cujus ipse noxam probe notavi. Nec tamen laudata a tot eximiis viris humida penitus exulare jubeo, modo curæ sit, pannos madefactos solerter exprimere, ut non nisi pertenui & tepido rore partes adfectas penetrent & adluant, cuius rei exempla dabimus inferius.

### §. XV.

Reliqua farrago adstringentium, incrassantium, repellentium, unde vires mutuetur, ex dictis magna parte adparet. Hæ frigidis proprietates comperunt, sed & aliis multis, ut alcoholi vini, spiritui vini camphorato, theriacali similibusque, non uno loco ab auctoribus commendatis. Sunt tamen sublestæ fidei remedia, quæ quia plus nocent, nisi cito & innoxium repellant, non nimis extollo. Siccantia terrestria, ut cretam, cerussam, bolos, quæ vulgus instrata charta crassa cœrulea prædicat, minus metuo, siquidem non æquæ eorum virtus penetrat, sed tantum corporis superficiem ab externis iniuriis defendit, & exhalans liquidum magis siccitate sua absorbet. Pulvis Mynsichti ad erysipelas nimis virium adstringentium habet. Paregoricorum placida vis longe utilius videtur opponi apostemati huic igneo, uti HELMONTIUS erysipelas vocat. Prodest hic farina secalis cum floribus sambuci, vel inspersa loco adfecto, vel quod melius, sacculo inclusa. Majoris virtutis momentum accedet a miscela levissimorum diaphoreticorum & discutientium, si dictæ farinæ secalis vel filiginis vel fabarum præter flores sambuci & chamæmeli etiam pulverum radices liquiritiæ & iridis florentinæ & pauxillum camphoræ addimus, cujus in pulvere admixti usus magnam laudem meruit I. D. GOHLII o). Multi his sacculis cuti calide imponendis præmittunt suffimigia ex mastiche, thure, hyperico, sabina, floribus stæchados vel similibus. In corpore sicciori præstat sacculos illos aqua florum sambuci & pauxillo aceti sambucini levi-

o) vid. *Comp. prax. chir. cap. VIII, §. 13.*



leviter irrorare. Alii epithemata ex his ipsis liquidis cum pauxillo sacchari saturni & camphoræ probant. Si penuria remedium sit, GALENUS *p*) aquam & acetum sufficere censuit. Quibus omnibus, modo refrenetur vis exundantis humidi, haud repugno. PRAEVOTIUS *q*) pannos aqua saponata imbutos, LINDANUS saponem venetum vino coctum & linteis exceptum commendant. IO. SCULTETUS *r*) negat, se quidpiam præstantius scire, quam secretum illud a Chirurgo Germano communicatum, quod intra triduum tumores, gangrænam jam minitantes, discutiat, nempe lixivium ex cineribus vitis cum nitro, sale & aceto, duplici splenio tepide adplicandum. Nec omitto, quod a celebri viro HENR. BASSIO præceptore suo accepit vir cl. SAM. SIM. CHARLEVILLE *s*) remedium, & quod erysipelas pustulosum in octogenario inter initia sphaceli compescuit. Coquitur nempe acetum vini cum cerussa & lithargyrio, quod hinc dulce & adstringitorium evadit, & mox diluitur aquis calcis vivæ, solani, plantaginis & foliorum quercus, addito pauxillo myrrhæ & spiritus vini camphorati. His lintea imbuta & expressa calide admoventur & sæpe renovantur, non contemnendæ virtutis, ob vim modice adstringentem discutientemque. Cetera pleraque ut vana relinimus, veluti est, filum sericum circumligare. *t*) Pulverem semper viui manantibus erysipelatis vesiculis IOH. LUD. ALPINUS cum successu ait se inspersisse, negat v. RIEDLINUS. *u*) Non irrita solum, sed & noxia sunt maturantia, quæ ad sphacelum, & valde adstringentia, quæ ad scirrhum adducunt. Pinguibus & oleosis, poros obstruentibus, vis inest generandi erysipelas in sensibilibioribus, genitum facile in

*p*) Eius reliqua contra erysipelas remedia recenset in *comp. med. per genera* L. V. p. m. 252.

*q*) vid. *Eph. Nat. Cur. D. I. H. 4. & 5. App. p. 56. in mist G. H. Welschii.*

*r*) *Obs. 98.*

*s*) vid. eius *Disp. inaug. de erysipelate pustuloso* Hal. 1740. p. 20.

*t*) *Eph. Nat. Cur. D. III. A. I. O. 26. p. 49.*

*u*) *Eph. Nat. Cur. D. 3. A. 9. & 10. obs. 149. p. 275.*



in funesta mala præcipitant. Ita vidit GUIL. FABR. HILDANUS x) inuncto tantum oleo rosarum erysipelas in gangrænam versum.

## §. XVI.

Erysipelas capitis & faciei topicis vel nullis vel cautissime electis & maxime paregoricis tractetur. Nempe ingens instat circa illa loca redundantis mali periculum. Quo inter deliria soporesque & alia funesta signa ingruente, prudentia medici in usu verificatoriorum, scarificationum, hirudinum, & maxime, ut superius ex IO. FREINDIO docuimus, purgantium, non semel sed aliquoties iterandorum, provide in spem revulsionis versetur. Factum sæpe est, ut repulsus hostis paulo post scarificata loca infederit. Si externe hærens malignitas in suppurationem tendit & sphacelum, velut ominantur dolor profundus & color livescens, occurrendum est cito. Contumacissima enim ulcera & multorum annorum sæpe sequuntur. Quale ab erysipelate natum relictumque per triginta tres annos, nunc salivatione nunc unguento aureo aliisque dubio successu tractatum, medici Berolinenses y) describunt. Quæritur in tali casu, utrum ulceribus tam vetustis & rebellibus mederi, an potius, ut fonticulos corporis impuri salubriter scaturientes relinquere intactos satius sit? Adseverare auisim propria experientia fretus, posse ægrotum, non nimis impuri corporis, nec fractum adeo viribus, præceptis autem medicis sollicitè auscultantem liberari ab hoc malo, licet unum alterumve annum exceßerit, modo corrigere humores, moderari vitalem circuitum, subsidia excretionum & secretionum instaurare, externis deinde partibus per abstergentia & antiseptica sanatis robur suum restituere connitamur. Efficit plerumque abusus fomentum humidorum, ut partes, in quas ob situm decliviores plus ruunt interni humores, relaxentur nimis & enerventur, am-

missio-


x) *Obs. chir. Cent. I. O. 82.*

y) *vid. Act. Med. Berolinens. V. VII. p. 56.*

missoque elatere suo perpetuam colluviem circum se fistant. Subsidia ceteroquin eorum ulcerum liquamen myrrhæ & oleum ovorum, tinctura florum hyperici, balsamus peruvianus ut & terebinthinata & alia balsamica spondent, accedentibus saturninis, quæ talia in situ suo coërcent. Contra gangrænam sphacelumque designati superius fatus multum promittunt, sed abstinere ab his seorsim tractandis, quia non amplius de statu erysipelatis, sed sphaceli ex suorum remediorum classe tollendi, quæstio est.

### §. XVII.

Circa diætam, quæ convenire dictis debet, non hærebo multum. Aër temperatior sit, vel leniter humectanti & refrigeranti propior. Quies præstat quam motus, hinc & motus animi ac pervigilia sopiantur. Alvus lubrica sit, diaphoresis facilis, ad quam conservandam potulenta calidius sumpta, sive sorbitiones infusorum multum faciunt. Laudamus ex horum numero serum lactis vel potus hordeaceos, vel cerevisiam, si æger desideret, tenuem. Exulet vinum, longe plus salsa, aromatica, acria, ut sinapi, raphanus, cepæ, carnes suillæ vel anserinæ, vel aliæ nunc sale maceratæ nunc fumo duratæ, ut & pingua & oleosa, vel quidquid obstruere interne, & in diaphoresi tantopere quæsita plus novi obstaculi producere valebit.




DISSERTATIO  
DE  
CUNIS INFANTUM  
MAXIME NOBILIORUM

PUBLICE PROPOSITA  
GOTTINGÆ, D. 1 SEPT. 1745.

RESP.

JO. GOTTL. FRIDERICI,

LIPSIENSIS.



§. I.

Quemadmodum alia herba est tenera & vix sulco eminens, alia dum convaluit molli culmo, alia dum flavescit & spica ejus induruit, ut cum *SENECA* loquar *a*); sic ætas humana non nisi per lentos & ambiguos gradus ad aliquam vitæ constantiam enititur. Levis tempestas spem in herba suffocat, parvæ injuriæ hominem in ortu extinguunt. Inter centum natos plus quam triginta ante tertium ætatis annum ex viventium numero iterum decedere, calculus est *IO. GRAUNTII* *b*) aliorumque. Major etiam illa strages esset, nisi instinctus amoris, qui parentum animos sollicitat, pro tenellorum salute tantopere excubaret. Verum quod ignorant

*a*) *Epist.* 121. *Op.* T. II. p. 603. *Ed.* GRONOV.

*b*) v. ei. *Anmerkungen der Todten-Zettel der Stadt London.* p. 19. *Conf.* ACT. MED. BEROL. D. II. V. I. p. 87. *it.* V. III. p. 36. *it.* V. V. p. 78.

rant partim, quibus maxime præfidiis infantilis ætas fulcienda sit, partim curas suas in eos transferunt, qui rem oscitanter sæpe vel perverse agunt, hinc errorum funerumque nova etiam seges exsurgit. Vix igitur medicorum opera in laudabiliori argumento versari potest, quam si illas adeo metuendas vitæ insidias a *cunis infantum, maxime nobiliorum principumque*, quibuscum integrarum regionum salus sæpe periclitatur, arcere contendat. Atque hæc ipsa erit pro ingenii modulo præsentis laboris meta.

## §. II.

Dum cunas infantum appello, tenerum illud ætatis spatium intelligo, quo cunæ seu lectuli illi mobiles, in quibus pueri cubant, cunabula & incunabula, seu vincula & fasciæ, quibus colligantur infantes in cunis positi, aliaque huc pertinentia, primam custodiam offerunt, quamvis incerti termini, si in primis alios compares cum *ALCUMENÆ* gemellis, de quorum altero *BROMIA*:

*neque enim quisquam colligare eum quivit incunabulis c)*

Luculentius eam hic orientis vitæ conditionem designo, quæ nec loquelæ facultatem, nec usum incessus, nec indigentia suæ & salutis sensum habet, & tota ab aliorum lege & arbitrio pender. Accedunt medici ad tam tenellos plumbeis pedibus tanquam ad mysteria. Quis enim, ut *HARRISII d)* verba mea faciam, querulos illos vagitus & incertum proterviæ idioma exacte interpretetur? Fallit ipse pulsus ex levi causa crebrior, & lotium in sanissimis infantibus crassum. Nec desunt tamen ex ipso infantilis corporis habitu petenda, quæ intellectum dubitantis medici plenius instruunt. Norunt omnes, constantissimæ veritatis esse, hominem, quo proprior origini est, plus cerebri nervorumque habere. Lucem, qua id illustret, satis affudit anatome, nec  
vulga-

c) *PLAUT. Amphitr. Act. V. Scen. I.*

d) *De morb. infant. ac, p. m. 2.*



vulgares pictores ignorant, quam adulti & infantilis capitis dispar ratio sit, secundum ceteras corporis partes aestimata. Vnde mirum non est, inter centenos infantes vix unum sine convulsione occumbere, & hanc ob systema nervosum, adeo tenerum & irritabile, ad levissimam injuriam oriri, quam adultior ætas vix sentit. Nec vero minus in illa ætate notanda est humidissima temperies, quum vasorum sensum occalescentium nunquam sit major numerus, nunquam mollities major & dilatabilitas. Quod si cum crassi illa molli, nervosa, humida, diætam conjungimus lacteam similemque in debili corpore facile acescentem irritantemque, unde morborum ex acido larga progenies; facile existimem, ex his paucis, si vitia incrementi & externas injurias simul attendimus, quid scitu opus sit medico, inveniri, & inter exiguas quæstiones ad illos, qui infantis curam habent, confirmari.

### §. III.

Primum statim auxilii genus, dum ad aërem & lavacra admittitur infans, recens & secundum ordinem naturæ natus, a vario erroris contagio est vindicandum. Habent illud plerumque nobiliores in potestate sua, purum & salutarem aërem in idoneo & elatiori cubiculo infantibus suis impertiendi, quum tenuioris fortis homines non alium aërem, quam qui sordidum tuguriorum perflat, sive ruri sive in urbibus, in multorum convictu concedere possint. Verum priores contaminant hoc fortunæ suæ beneficium perpetuis illis artibus calefaciendi cubicula, suffimigiis non semper nervoso generi amicis implendi, & renovando aëri aditus occludendi. Alia veterum consuetudo erat frigidiusculo non solum aëri exponendi tenellos sed & frigida lavandi. Si avorum exemplum spectamus, infantulos ab utero calentes ad flumen deferre, & de naturæ vigore periculum facere, corpusque sic roborare oportebit. Damnat institutum GALENUS *e*) & dum suam de re illa sententiam fert, non magis, ait, Germanis aliisque

*e*) De Sanit. tuend. L. I. c. I.

que se scribere, quam ursis, apris & leonibus. Pro lenienda avorum culpa vix illud quidem sufficiet, statim discernere eos voluisse robustiores, contempto imbecilliorum periculo, nedum illud, factum ideo esse *f*), ut spurios cognoscerent, quos ita mergi, reliquos emergere putaverint: nam alterum temerarium, alterum quoque superstitiosum est. Quum eadem tamen STRABO *g*) de Hispanis, Celtis, Scythis, Thracibus aliisve testetur, mulieresque scribat, in ipso opere agri colendi parientes mox lavandorum infantum caussa ad alveum alicujus amnis properare; non male exinde colligere possis, consuetudinem pluribus gentibus probatam, haud inter tot suorum funera natam, sed ex crebri experimenti successu ut salutarem receptam esse, quamvis eam imitari mollioribus gentibus impune non sit. Haud diffitemur, fori caloris egere omnino renellos, & excessu frigoris micantem leviter vitæ scintillulam facile extinguere, quemadmodum legimus vel frigidiorum sacri lavacri undam exitium aliquando attulisse *h*). Certum tamen non minus est, modicum frigus & aëris & lavacri respirationem debilioris etiam infantis salubriter intendere, & quæ in primis viis expulsiōne egent, ac primæ morborum causæ sunt,

*f*) Vid. GUID. PANCIOLOI *Rer. memor. f. deperdit. P. I. Tit. de horolog. p. 179.* Hinc a NONNIO in Dionysiacis *πρωὸς ἱβνῆ* quasi Zelotypus dicitur, & apud CLAUDIANUM L. II. in RUFINUM hæc verba occurrunt:

*nascentes explorat gurgite Rhenus.*

*g*) Vid. ei. *Geograph. L. III. Ed. Jo. WOLTERS Amstel. 1707. p. 250.* POSIDONIUS ibi ex CHARMOLAO narrat, Massiliensem feminam inter alias mulieres virosque ad fossionem conductam & partus instantis caussa ab opere digressam statim rediisse, ne mercedem amitteret, & recognita dimissam extulisse infantem ad fonticulum, lotumque & pannis involutum pertulisse domum. Sic feminis Tapoiyarum apud G. MARGRAV. *Hist. rer. natural. Brasiliens. p. 281.* hunc morem esse legimus, ut puerperæ & infans mane ac vespere frigida abluantur. Quin & ipsam politioris Italiæ disciplinam & vitam ita extollit VIRGILIUS *Aeneid. L. IX. v. 603.*

*Durum ab stirpe genus natos ad flumina primum  
Deferimus, sævoque gelu duramus & undis.*

*h*) v. FR. MAURICEAU C. V. O. 422.

sunt, a corruptione per moram metuenda tueri. Antiquorum multi cum vino & aqua salsa abluebant *i*). Atque omnino per-  
 opportunum judicamus, ab initio statim nativitatis *k*) sordes  
 corporis a lymphâ amnii adhærescentes & cutem instar lanuginis  
 regentes vino tepidiusculo abluere. Id quod apud PLUTAR-  
 CHUM Lacedæmonum feminæ observasse videntur, persuasæ,  
 ita habitu firmari infantes *l*). Qui aquam calidam cum plerisque  
 unice laudant, non semper debilioribus, humidioribus, flatulen-  
 tis, herniosis recte consulunt. Sed distinguenda sunt lavacra,  
 quæ recens natis & quæ paullo post per progressum infantiae ad-  
 hibentur. Vbi generatim notandum est, frequens lavacrum, in  
 primis mere aquosum, infantis corpus flaccidum & imbecille red-  
 dere, hinc ubi AVICENNA *m*) bis in die aut ter lavari voluit,  
 id OMNIBUS FERRARIUS nonnisi semel concedit, in quartum usque  
 a natali mensem, deinde idem fieri alternis diebus ad mensem  
 septimum jubet, postea, donec ab ubere removetur infans, bis  
 in hebdomade *n*). Optimum tempus a somno est & perfecta di-  
 gestione, ne corpus crudo alimento impleatur. Hieme omnino  
 tutius

*i*) Vid. *Harmon. Gynæciar. p. 35.*

*k*) Crustam quasi aut mucilaginem viscidam MICH. ETTMULLERUS  
 vocat, ob quam cutis in prima alteraque hebdomade iteratius abluenda,  
 & ut pori melius aperiantur, ipso adjumento saponis, immo addito  
 post hæc lixivio communi. *Prax. L. V. de Morbis infantum C. III.*  
*Artic. 2. p. 597. Op. T. III. Ed. JAC. MANGET. Genev. 1736.*

*l*) Vino scribit non aqua abluisse in LYCURGO suo *Op. P. I. p. 149. Ed.*  
 GUIL. XYLANDRI. Sed dum addit factum esse, quod mero crede-  
 rent flaccescere comitiales & morbosos, salubres durefcere, elucet simi-  
 liter barbarum illud ingenium, quod vitam tenuem infantum, ceu pa-  
 triæ parum utilem, tanto periculo exponeret. Hinc malim locum non  
 tam de prima ablutione cum vino diluto tepidiusculo, sed subsequente  
 illa iteratori cum frigido vino intelligere.

*m*) *I. f. 3. doc. I. c. I.*

*n*) De *arte medica infantum* L. I. p. 47. Hinc & HIERONYM. GABU-  
 CINUS de *comitiali morbo* p. 81. Ed. Ald. Venet. 1561. periculum non  
 mediocre vocat, lacte crudo in ventriculo hærente lavari, & nutrici-  
 bus imperat, id post longissimum somnum demum facere. Conf. ANDR.  
 BACCIUS de *thermis* L. VII. c. 20. p. 401. Ed. Rom.



tutius est, & locum calidum esse & aquam calidam cum siccis floribus, ut rosarum, chamæmeli, salviæ, menthæ, paullo ante ebullientem. Aestate & temperatior locus sit, & aqua tepidior, florumque tinctura suavior. Alia pro lavacro liquida, ut aquas minerales, lac, lotium, lixivium, rejicimus. Ceterum cautiones illas in lavando necessarias, ut lenis frictus lavantis manus maxime per loca concava, sordibus fovendis proniora, ut axillarum & inguinum oberret, ad cava aurium, quæ restagnante aquarum palude admodum læduntur, sollicitè attendat, & totum corpus pannis calidis mollibus siccisque suaviter exstergat, tradi satis ab aliis & præcipi video.

#### §. IV.

Nec minus errorum & negligentiae occurrit circa fascias infantum. Negandum non est, membra tam cerea ob vagi & instabilis ac facile aberrantis motus periculum coercenda leniter esse & sustinenda, neve nunc rudior tactus externus, nunc obliqui procubitus parvulorum ex latere in latus, diductis spinæ vertebri, & enervatis cito partibus, quæ in longiori tensione sunt, deformitatem artuum & vitia incrementi pariant, corpus æquali vinculo fulciendum esse. At nimiam naturæ vim inferunt, qui imprudenti & arctiori constrictione suffocant vasa cutis, ac plura gignunt circulationis incommoda, in primis humores ad superiora urgent, dentitionis difficilis incommoda cito excitant, aliasque successu temporis magnorum malorum causas stabiliunt. Rident teste GUILIELMO PISONE o) matres Brasiliensium ineptam nostrorum industriam in vestiendis & educandis pueris, qua ajunt perspirationem impediri, & catarrhos aliaque mala generari. Nulli sunt, ait PISO, in illa gente strabones, lusciosi, claudi aut gibbo deformati, quum tamen fasciis & linteolis recens nati nunquam involvantur, aut Europæorum more ligentur. Ligant tantum teste GEORG. MARGGRAVIO recens natis in

o) Tapacura vocant, vid. *de Medic. Brasiliens.* L. I. p. 6,



in infantia crura certo fasciarum genere p), quamquam & hic præclare moneat cel. I. Z. PLATNERUS q). Præceptor eximius, varos, valgos, compernesque fieri pueros adductioribus pedum fasciis, ob marcescentia ligamenta & emotas ossium epiphyyses. Speciatim ex pectore nimis constricto gibbos fieri & in tabem incidere infantes, vel ad crebros vomitus compelli & herniosos evadere, queritur FRID. HOFFMANNUS r). Apud excell. H. P. LUCHIUM principem infantem a strictiori fascia hæticum evasisse, & coalitum internorum viscerum exhibuisse s), alium apud cel. PLATNERUM in erysipelas totius corporis incidisse legimus x). Tam flexilis infantum mollities est, tam imbecillia ligamenta, tam mollis ossium in appendicibus suis commissura, ut illa vis ipsam solidiorum partium compagem invertat. Solet hic rursus nobiliores maxime feminas (nam vulgares illa cura non tangit cum magno vitalioris prolis commodo) ille error fascinare, ut decoram conciliaturæ rectitudinem corporis tenellos mature thoracibus involvant, unde ingens imbecillitas & crebra rhachitis cum aliis malis ex parte enarratis u). Optime munere suo nutrix defungitur, quæ omnia infantis membra voluens mollior & aptans sublata sub pannis fascia æqualiter circumvoluit, ut cervicis dorsi totiusque spinæ æqualis tractus sit, & operæ rite præstitæ ipsum infantem testem habet, quiete nempe & sine ploratu illa vincula ferentem. Ceterum sub injectu fasciarum quæ OMNIB. FERRARIUS x) addit, ex parte sat bona sunt, ex parte non nimis magni momenti, uti sunt: digitis purgare nares, oleum dulce oculis infundere, vesicam pro exitu lotii comprimere, anumque, si opus, immisso digito dilatare, signo crucis etiam nocturnam ac maleficam strigem arcere. Suadet idem quarto

menſe

p) l. c. p. 269.

q) In *Diff. de Thoracibus* §. 5. p. 15.

r) De Regimine recens nat. Cap. II. §. 1. p. 472. Op. T. II.

s) In *Diff. de usu & abusu involutionis & fasciationis infantum* Erf. 1730.

x) l. c.

u) De qua re fusissime laudatissimus PLATNERUS l. c.

x) l. c. L. II. p. 49. 50.

menſe manus & brachia ſolvere, decimo etiam pedes, thoracem autem & ventrem non ante biennium.

### §. V.

Alimentum indigentiae tenellorum congruentius nullum eſt ipſo materno lacte, quum ſub nexu novem menſium eandem quaſi vitam cum matre infans in utero vixerit, adeoque ſalubriter in aſſueti pabuli uſu pergat. γ) Verum dudum eſt, quod principes feminæ, formæ & commoditati ſuæ litantes, ab onere alendi infantis etiam inter ſuffragia aſſentantium medicorum diſpenſari cœperint; quanquam vix ulla dignitas, vix ullus conſenſus ab eo diſpenſet officio, ad quod natura & fabrica corporis vocat, inflans a partu mammas, & lactis, quod ſæpe non ſine periculo repellitur, alueos aperiens. ζ) Videas ſæpe, ſenes etiam matres felicius lactare iuvenibus illis nutriculis, an meretriculas dicam? In Actis Anglicis feminam pauperem LXVIII. annorum ita gemellos lactaſſe legimus, ut robuſti, toroſi & optimo ſanitaris colore per-

γ) Paucae ſunt, quæ cum BLANCA matre LUDOVICI SANCTI acerbè ferunt, vel per ipſum morbum ab hoc officio excludi. Illa nempe cum febre correpta eſſet, & a filiolo deinde, qui ab alterius nobilis matronæ ubere interea pependerat, ſaſtidita, rem ſubodorata in os filioli digi- tum intruſit, ut lac alienum euomeret. Vid. VARILLAS de la minorité du S. LOUIS p. 110. & ex eo P. BAYLE Dictionaire Hiſtor. & Crit. p. 97. T. II. n. C.

ζ) Concinne FAVORINUS ad puerperam ſenatorii ordinis ſcripſit: quod eſt enim hoc contra naturam imperfectum atque dimidiatum matris genus, peperiſſe ac ſtatim ab ſeſe abieciſſe? aluiſſe in utero ſanguine ſuo nescio quid, quod non videret; non alere nunc ſuo lacte, quod videat, jam viventem, jam hominem, jam matris officia implorantem? an tu quoque, inquit, putas naturam feminis mammarum ubera quaſi quosdam navculos venuſtiores, non liberorum alendorum, ſed ornandi peſtoris cauſa dediſſe? ſic enim, quod a vobis ſcilicet abeſt, pleraque iſte prodigioſa mulieres fontem illum ſanctiſſimum corporis, generis humani educatorem, areſcere & exſtinguere cum periculo quoque averſi corruptique lactis laborant; tamquam pulchritudinis ſibi inſignia deve- aſt. Vid. AVL, GELLIUS. Noct. Att. L. XII. c. I.

perfusi adolefcerent. *a*) Accidit infanti, quod plantis in eodem loco, quo natæ sunt, persistentibus, quum alio translatae radicibus non bene firmatis facile arefcant. Quemadmodum homini cachectico per transfusum ex sano corpore sanguinem nunquam bonos humores restitues, quippe proprii corporis fabrica parandus, ita lac alienum, quamvis omni caractere sanissimum, fere semper infra illam virtutem nutriendi erit, quæ est in materno. Non dicam de amore & moribus alumnorum ac propagatis cum lacte malis propensionibus, secundum illud MACROBII, valere ad fingendas corporis & animi similitudinesuri vim & naturam feminis, non secus lactis quoque ingenia & proprietates. *b*) Singulare hic etiam est, quod IO. NIC. PECHLINUS notat, ne posse quidem feminas, ex longa serie non lactantium natas, lactare, ubi velint. Macrocephali apud HIPPOCRATEM *c*) arte primum fasciarum formabantur, deinde tales sine hac arte nascebantur. Sinenses acuminatos pedes, quos curæ primum & adstrictioni, nunc naturæ debent: ita PECHLINUS mammarum habitum obstructis lente tubulis corruptisque in liberos progagari censet, ineptos ideo ad lactandum. *d*) Verum quum fieri quoque possit, ut matres cachecticæ sint, ulcera mammarum habeant, papillas excoriatas ac similia, imo dubitare fas sit, an splendidæ & nobiles feminae, inter otia & delicias enutritæ, ludorum, chorearum, theatrorum amantes, & ad molesti officii sensum morosæ artisque præceptis refractariæ *e*), merito ad lactandum admittantur; tunc quidem mercenaria nutricum opera damnari neutiquam po-

*a*) Vid. Transact. Anglic. n. 453. Obs. X.

*b*) *Saturnal. L. 5. c. VI. p. 472.* Edit. GRONOV. *Rapit nutricula;* inquit. IO. NIC. PECHLINUS, L. I. Obs. 46. p. 106. *blanda illa & videntium infantum ora, tradit e diverso ingeneratque mores non matris, sed suos.* Amore nutricis CORNELIUS SCIPIO damnatis ad mortem militibus quibusdam ignovit, pro quorum salute frustra inter-

*c*) *De aëre, aquis locis XXXV. p. 348.* V. I. Ed. LINDEN.

*d*) l. c. p. 107.

*e*) Sic BERNH. RAMAZZINI vocat Op. Lond. 1718. p. 24.



potest. Curiosa magis sunt, quam in usum trahenda, quæ de infan-  
tibus ab animalibus nutritis HENR. KORNMANUS, f) &  
de nutritione infantum sine ministerio nutricis ephemerides Gal-  
lorum g) recensent. In nutricum vero selectu b) non externa  
sanitas & vividus color, nec lactis salubrior character i) unice  
attendi debent, sed potissimum convenientia nutricis cum matre  
infantis, ratione ætatis, formæ, temperiei, & temporis partus.  
Si mater iuncea est, talis sit nutrix, si tenera, hæc non sit toro-  
sa, si iuvenis, hæc non sit vetula, si hodie peperit, hæc non an-  
te annum. Nec gravida sit, nec mensium fluxum rursus experta,  
nec

f) Miracul. vii. p. 47. ad 56. Conf. AELIAN. Var. hist. L. XII. c. 42.

g) Nempe ipse senatus major Parisiensis anno 1680. d. 19. Aug. rem hanc  
quibusdam medicis & chirurgis cum binis iuratis feminis commiserat,  
cum salubris & æqualis nutritio ob multos animi affectus ægrotudines  
corporis & alia incommoda minus a nutrice speranda sit. Inquiverunt;  
quid chylo proximum sit, & pro digestionem suam nullo fere calore egeat,  
parum in ventriculo subsistat, facile distribuatur. Cogitatum est de lac-  
te animalium bene temperato, & de mammis artificialibus ex tela se-  
ricea tenui vasi stanneo accommodatis. Multa hic argute definiunt cl.  
du VAL.

h) Ios. VULPINI *Op. pract. & phil. de requisitis bonarum nutricum* &c.

i) Ut sit gustu & olfactu suave, & speciatim ratione consistentiæ ungui  
pollicis instillatum nec diffuset nimis tarde nec subito, ratione coloris  
subcæruleum, non impenso albicans, nec in flavidinem declinans, ra-  
tione saporis, nec salsum, nec acidum, nec amaricans. Nec  
explorari hoc lac debet nisi aliquot horis a partu nutricis, & in utris-  
que ejus mammillis. Est vero, licet lac unum videatur, omni fere ho-  
ra aliud, & diverso gradu nutriens. Reliqua adspersamur; ut illud  
VITALIS DE FURNO *de conserv. sanit.* Mogunt. 1531. p. 181 ubi  
lac nigræ mulieris melius quam albæ nutrire statuit, vel illud PAREI *Op.*  
*L. 23. c. 21.* eligendam esse, quæ marem enixa sit, rursam reiciendam.  
De colostro illud adhuc moneo, ejus a partu usum improbe tenellis  
negari, & a MICH. ETTMULERO *Prax. L. V. c. 4. §. 3. de morb.*  
*infant.* pro cibo medicamentofo, qui laxandi vi præditus meconium fe-  
licius eliminat, non citra causam haberi. Conf. FRID. HOFFMANNUS  
*de regim. rec. nat. c. II. §. 3.* MICHAEL ANG. ANDRIOLLIUS *dome-*  
*sticor. auxilior.* p. 310. Tr. V. Ed. Venet. 1698. Jo. DOM. SALA *de*  
*alimentis* Patavi. 1628. p. 125.



nec facile ultra triginta annos, ceterum pinguedinis mediocris, pectoris ampli, uberum prominentium. In hoc etiam, si fieri possit, antecellat matrem, ut bene morata sit, vigilans, exercitata, ad leges boni regiminis attenta, non meticulosa, libidinosam, biliosa, iracunda, quibus vitiis lac varie corrumpitur. Errorum circa hæc ingens numerus est, quorum potiores attingemus. Sunt, qui robustioribus nutricibus ruri petitis optime existiment infantes committi, qui tamen a mollibus & delicatulis parentibus nati male lac illud agreste coquunt. Nec error levior est, quod ubera præbere ad omnem statim infantum ploratum nutrices admoneantur, quum reluctantes renelli sæpe vomitu, flatu, convulsione, quam sibi oneri sit pabuli copia, testentur. Tanto hic rectius agrestes feminæ inter domesticas operas ter vel quater lactant, *k*) nec ploratu infantum, *l*) cujus cruditas frequentior causa quam fames est, nimis commoventur. In aulis & apud ditiores præter ubertatem lactis, qua infanti consultum putant, etiam de nutricum nimis lauta diæta cogitant, & meracas potationes victumque aromaticum iis indulgent, unde primariorum puerorum frequens languor ac strages. Ita H. BOERHAVIUS *m*) vidit ab hilari & temulenta nutrice ebrium nobilem puerum, paulo ante sanissimum, horrendas convulsiones perpeßum. Neque solum in nutrice lautius sustentanda, sed & medicamentis præservanda peccant. Ita princeps puellus ex nutrice, cui medicamentum purgans medicus exhibuerat, avide sugens hypercarthasi *n*) periit. In qua re non tam nocuit usus pharmaci, quam cito nimis ab eo assumpto oblatum uber, quippe quod nunquam

*k*) PAULUS AETIUS & alii, bis tantum aut ter de die lactari volunt. Mavult ANT. SANTORELLI sæpe & parum. v. *ei de sanit. nat.* L. 22. C. 4. p. 493. Ed. Neap. 1643.

*l*) Ploratum, clamoremque, quod pulmonem dilatet melius, nares, os, oculos expurget, calorem nativum vegetiorem reddat, non vult inhiberi nimis A. PANNEUS *Op.* 23. C. 23. p. 680.

*m*) In prælect. acad. in proprias institut. c. comment. III. A. HALBERI T. V. P. II p. 449.

*n*) V. HERM. BOERH. *præl. in instit. c. Comm.* HALL. l. c. p. 450.

quam statim a crudis cibis vel medicamentis ingestis offerri debet. Nocet æque lac a longo nutricis ieiunio, quam proxime a pastu, optimum vero est, quod post tres quatuorve horas probam in corpore coctionem subiit. Addo & illum errorem, quo nutrices opere suo prospere defunctæ mox natis in eâ domo aliis præficiuntur. Fuit nutrix teste Jo. GEORG. SOMMERO o), quæ nobilem puerum commode lactavit, natam hinc ejus sororem pariter lactare iussa, sed sinistro successu, inter tormina, alvum obstructam convulsionesque. Siluit malum ad medicinam, verum nutrice lac iterum præbente recrudit. Præbuit lac aliis infantibus æque sinistro effectû, qui non nisi ad novam nutricem plane remisit. Adeo nimirum pro gradu illo ætatis tenuiori lacte egent infantes, & pro hac indigentia mirè differt lac puerperarum a lacte alterius nutricis annuæ, quod prius purius sit & multo sero dilutum, ac melius detergens, posterius crassum, obstruens & in coagulum proclive, adeoque recens natis admodum noxium. Illud adhuc intactum relinquere nequeo, bene consuli parvulis protracto lactationis negotio ad unum imo alterum annum, quod minus corruptelæ obnoxius sit unius & simplicis nutrimenti usus, inde etiam dentitio facilior & a vermibus immunitas obtineatur. Certe quamdiu primis dentibus haud alii fortiores succedunt, danda non sunt, quæ majus masticationis molimen postulant, firmatis autem dentibus per gradus firmiora concedi debere, inter motus sensim auctiores, neutiquam inficiamur. Ab initio quidem, aliquo tempore ante ablactionem merito pulmenta & alii cibi boni succi & facilis coctionis interponuntur. Non tam conveniunt pulmenta ex farina triticea, qualem cum lacte coctam præmansamque nutrices sæpius ruditer in fauces repugnantium infantum p) intru-

o) Miscell. nat. Curios. Dec. II. Ann. 6. obs. 7.

p) Quæ querela est C. F. PAULINI Obs. med. phys. 51. cui adde ipsam, quæ tenellis fraudi est, nutricum voracitatem. Pulchre in equ. ABISTOPH. A. II. S. II. AGONICRITUS populum male a CRITONE nutricum more pasci ait:

μασώμενος γὰρ τῷ μὲν ὀλίγον ἐντιδεῖς  
αὐτὸς δ' ἐκείνῃς τριπλάσιον κατίσπανας.

intrudunt, quam ex pane bis cocto cum aqua & saccharo. Car-  
nes vero, fructus horæi & alia cruda, nec non vinosa, quæ sti-  
mulant nimis, & aquosa, ut infusum Thee, quæ nimis relaxant,  
longe absint.

## §. VI.

Ut fœtus, quamdiu in utero manet, perpetuo quodam somno  
opprimitur, sic ubi utero egressus est, maxima ex parte dor-  
mit *q*). Propterea somni immensi, iudice H. MERCURIA-  
LI *r*) ipsis minime morbofi sunt, imo sine hoc beneficio sub quo-  
cunque nutritu tabescunt. Post ablutiones, suctumque lactis  
bene infans compositus & nutritum aliquamdiu brachiis, deinde  
ipsis cunis blande agitur facile in illa proclivitate ad somnum  
quiescit, silentibus maxime externis irritationum caussis. Cavea-  
tur vero, ne concitator & concutiens cunarum motus vertigine  
quodam sopiat, & hebetudines relinquat, cum moderatior simul  
ut species exercitationis profit, respirationi percommoda. Ac-  
cedant pro somno ciendo lenes susurri, & suavia in primis vocis  
modulamina, vel ut AUSONIUS vocat, nutritum lemmata lal-  
lique somniferi modi *s*). Si persistit in fletu infans; fasciæ in-  
spiciantur, an strictæ nimis sint, vel immunditiem sordium, vel  
aliquid rei pungentis comprehendant, quibus sæpe sublatis non  
suavis modo sed & longissimus somnus sequitur. Si ex causa  
morbofa gravati ventriculi & corrupti lactis dolores nati irritant,  
prodest mellis aliquid, ore vel & clysmate accipiendi. Maxime  
acori, in quem degenerant assumpta, in temperie tam humida,  
nil efficacius medetur, quam largior usus testaceorum, quibus  
tempestive adhibitis GUALT. HARRISIUS *t*) certius in tenellis  
demul-

*quia ubi præmandes, in os paulum ipsi ingeris,*

*tu vero triplo plus quam alumnus devoras.*

*q*) ARISTOT. L. V. c. I. de gener. animal. Ed. L. IV. c. 10. infantes  
scribit ante quartum ætatis annum non somniare.

*r*) de morb. puer. L. II. cap. 9.

*s*) Ep. 16. ad PROB. v. 88.

*t*) l. c. p. 55.



demulceri dolores & vigilias compesci judicat, quam per opiata in adultis. Non est funestior opiatorum vis, quam in debilibus, maxime ab imperita nutricum manu nunc requies Nicolai, nunc philonium romanum similiaque clanculum oblata saepe perpetuas fatuitates *u*), saepe convulsiones mortemque pepererunt, quorum non longe arcessenda exempla sunt.

## §. VII.

Ubivis vero attentior oculus irritationes, quæ in convulsionem infantilem tam facile terminantur, quamvis raram noxæ suæ suspicionem injiciant, omni studio & contentione arcet. Primis a nativitate diebus fere omni causæ diffidendum est, quæ vel solos infantum externos sensus gravius afficit. Quæsitit ARISTOTELES, cur ante septimum diem plurimi puerorum convulsione intererant *x*)? additque ideo septimo nomina imponi, quod jam salutem eorum magis confidant. Adeo nimirum in nimio discrimine posita præcedentium dierum vita pro nulla habita est. Huc redit, quod PLINIUS *y*) neget morem gentium esse, hominem priusquam genito dente cremari. JUVENALIS minorem igne rogi vocat *z*), quod ita interpreto, illam vitæ umbram nondum

*u*) Officiunt opiata, inquit MERCURIALIS, corporibus, & ingenium puerorum mirifice retardant. de morb. puer. L. II. c. 9.

*x*) Hist. animal. L. VII. c. 12. Natum hinc proverbium est bovis septem dierum, si quem stupidum & vix hominem esse dicere volebant. SUIDAS diem & septimum & decimum ponit, (sub voce *δευατέριον*) quo simul convivia sunt celebrata. Tapugarum pueri octavo demum anno circiter in hominum numerum dicuntur adscisci, dum auriculas & labium inferius iis perforant. vid. I. C. SAGITTARII. Corp. Hist. Herald. Cæterum quod MACROBIUS in somn. Scip. L. I. c. 6. de septeno dierum numero hic habet, non multum veri continet. *Post dies septem inquit, infans gæstât reliquias umbilici, post his septem incipit ad lumen visus ejus moveri, & post septies septem libere jam & papulas & totam faciem vertit.* Sic ulterius per numeros septenos tamquam spatiosissimos campos non sine superstitione excurrit.

*y*) Hist. natur. L. VII. c. XV. p. 384. T. I. Ed. HARDUIM,

*z*) Sat. 15. v. 138.



nondum communia viventium jura mereri. Verum hic ipse status vitæ tam teneræ, a quo levissima offendicula prohiberi debebant, magnum reperit, in aulis præsertim, sui neglectum, dum cereis luminibus & dispoſitione bombardarum natales recens natorum principum celebrant, quorum sæpe oculos & aures e propinquo vis illa quatit *a*). AMATUS LUSITANUS infantis meminit post auditum bombardæ strepitum apoplectici *b*). SAM. LEDELIUS binos refert infantes ad sonum tubarum & tympanorum inter nuptias celebratas territos convulsosque obiisse *c*). Et sane frequentior illa noxa esset, nisi ipsa providentiæ manus sic recens natorum oculos construxisset, ut humorem aqueum turbidum gerant, sic aures dedisset, ut callosæ membranæ species meatus auditoriî principium obturet. Ita nimirum nec luminis nec sonorum vis libere & cum periculo irruit, sed ad obstacula illa frangitur *d*), nec nisi sensim, ut assuescant organa actioni objectorum, pellucet oculorum humores, & crusta aurium subsidit. Quem in modum etsi organis sentiendi nobilibus molli-  
busque, verba sunt I. B. MORGAGNII *e*), multifariam prospectum est, ne præmature in recens natis percellantur, & hinc quoque præcipua olfactus organi sedes pituitarii sinus nondum explicati sunt; nihilominus inter hæc tutelas organorum accedere medici vigilantia debet, ut nihil hic impetuose fiat. Ubi de oculis illud adhuc moneo, non solum pleniori fortiorique lumini nunquam obvertendos, sed & in motu suo instabili & in strabismum facile desectente coercendos esse. Bene A. PAREUS vimineum arcum pannis velatum subtendi voluit capiti in cunis jacentium, qui

*a*) Hinc H. BOERHAVIUS Chym. P. II. p. 110. commonefacit suos, ut contra istos errores, si in aulas olim vocentur, sedulo vigilant.

*b*) Cur. med. Cent. II. cur. 22.

*c*) MISCELL. NAT. CUR. D. II. A. VII. Obs. XLVI. p. 90.

*d*) Vide, quæ circa auditum post KERKRINGIUM VERNEYUM, VALSALVAM, RUYSCHIUM, WINSLOVIUM, CHESELDEN, TREW habet Jo. BAPT. MORGAGNUS Epist. Anat. V. p. 84, 87. sequ.

*e*) ib. p. 86.

qui vagos puerilium oculorum motus contineat dirigatque *f*). Ut aequaliter agant muscoli, HIERON. CAPIVACCIIUS optime infantes ab illo vitio praeservari putat, si lucerna e regione oculorum non ad latus ponitur *g*). M. A. ANDRIOLLUS, si sint strabones oculi dextri, lumen ex sinistro latere poni jubet & contra *b*), si oculi in statum naturalem redacti, CAPIVACCII consilium sequitur. DAN. SENNERTUS *i*) picta aulaea poni jubet, quo retorquendi sunt oculi, vel hos putat larvæ faciei obductæ foraminibus dirigi posse.

### §. VIII.

Omitto terriculamenta puerorum, larvas monstrosas & idola personatorum dæmonum, quibus pueris, quasi sic intra obsequii limites continendis, pavorem imprudenter incutiunt *k*). Videri res illa possit ad paululum adultiores pertinere, nec tamen omnino teneriores hæc scena præterit, velut de infante ad Rupertiani phantasmatis larvam epileptico MART. SCHURIGIUS ad C. F.

GAR-

*f*) Op. L. XXIII. c. 22. p. m. 679.

*g*) De aff. ocul. Cap. XLVII. p. 61.

*h*) De domest. aux. T. V. p. 320.

*i*) Op. T. III. P. II. C. XI.

*k*) Ita olim nutriculae pavorem inspirabant minis suis & narratiunculis de *Accone* macilenta strige, de *Hecate* cruris asinini & nocturnorum terrorum præside, de *Lamia* ampli gutturi & infantes in cunis vorare solita, de *Gallone* puerperis & partibus insidiantem, de *Mormone* hiantem ore pendentibus cincinnis, aliisque, quæ clausis ostiis & nocendi animo puerorum ingredi cubicula finguntur. Nostrates hodie inter marmolycia sua popelos mommelosque habent, abas Sybillas, choreas nympharum & inconditos quasi Lemurum sonos; quali nutrici intempestive teneros animos perterrefacienti tenellus, si loqui quidem possit, merito acclamet, ut DAVO MYNIS:

*Di te eradicent! ita me miserum territas.*

Vid. TERENCE. ANDR. Act. IV. Scen. 5. v. 42. *Conf. Disp. de terric. puerorum* Præf. cel. J. M. GESNERO. Resp. I. C. L. Brüggemann Gotting. 1745.

GARMANNUM 1) scripsit. Malo tamen illa adhuc attingere, quæ sub summa salubritatis spe in maximum tenellos vitæ discrimen conjiciunt. Infaustum cardiacorum nomen est, quod debiles infantes per nocentissimos stimulos interimat. Astute & singulari artificio inventum hoc nomen esse ad captum rusticarum & demulcendas mulierculas, sententia est GUALT. HARRISII m), quum dubia ceteroquin res sit, morbis plures an cardiacis perierint? Aquæ illæ cardiacæ calidiores, ut cœlestis, mirabilis, pæoniæ composita, salia lixiviosa, volatilia, spiritus bezoardici, theriacalia, & alia non possunt nisi venena esse tam teneræ ætati. GALENUS ipse, qui theriacæ laudes in cœlum extulit, pueros tamen ejus usu exclusit. Binæ vel tres guttulæ olei succini, quas vetula infanti apud SENNERTUM præbuit, tantum corporis ardorem pepererunt, ut tota cuticula quasi ad fervidam aquam abscedente infans paullo post periret. Miror MICH. ETTMUELERUM n) in cura morborum infantilium salibus volatilibus primatum tribuere, Deorum manus hæc medicamenta vocare, pavorem aliorum ridere. Imo præter salia hæc volatilia acriora vel aromatica, etiam tincturas chemicas, ut tartari, scoriarum reguli antimonii, porro myrrham, castoreum & alia extollit. Sive experientiam consideres, quæ hodie cœpit magis illas cardiacorum noxas formidare, sive rationem, impossibile est, ut inter tam acres stimulos corpus tam tenellum, convulsioni tam obnoxium, non succumbat. Dubitat GU. HARRISIUS o), annon ex centum, qui variolis pereunt, nonaginta quinque cardiacis calidis insulse propinatis, primis morbi diebus interficiantur, cum speret temperatiori regimine ex centum variolosis pueris plus quam nonaginta quinque servaturum se esse. Nec tamen his incendiis cardiacorum facile ab obfirmato errore mulieres in primis revocantur. Verum ut potiores hucusque in regimine vitæ errores coargui, ita adhuc morbos, quibuscum

cunis

1) MISCELL. NAT. CUR. D. III. A. IX. X. Obs. LVI.

m) l. c. p. 62.

n) Nosocom. infantil. C. III. §. 5.

o) vid. Diss. med. & Chirurg. p. 57-59.



eunis hærentes communiter ætatis causa *p*) confligunt, succin-  
cte adhuc cum præfidiis suis commemorabo.

### §. IX.

Uti primum est, quod in recens extincto infante reperitur, copia lenti & glutinosi per primas vias dispersi, & toto tempore graviditatis ex partibus crassioribus assumptorum congesti; ita exinde nauseam vomitumque, & crescente per moram acrimonia convulsiones in nuper natis excitari, res est confirmatæ experientia. Propterea, si hunc tenelli corporis statum ex pallore & debilitate ejus, phlegmate oris & tumente abdomine colligis, prompta erit medelæ ratio, si ieiunium octo vel decem horarum imperes, ut vis coctionis novis ingestis haud obruta hoc phlegma subigat. Licebit ad eandem vim, quæ subigit, augendam, omni quadrihorio illius ieiunii pauxillum vini cum melle offerre. Mel gluten incidit, vinum roborat & ventriculi actionem iuvat, utrique remedio, si pauxillum syrupi cichorei cum rheo addis, promptius ad aluum semisubactam saburram illam promovebis. Facere huc videtur superius allatus Asiaticarum mulierum mos, infantes suos aëri exponentium, quod ipse auctior respirationis motus gravatum stomachum repurget. Nec alia desunt externa, quæ tonicam illam & expellentem virtutem leviter intendunt, epithemata nimirum, quæ panis tostus & decocto menthæ imbutus, vel aquæ tantum theriacali immersus & epigastricæ regioni impositus præbet. His obest plerumque nutricum sollicitudo, dum ubi ieiunio & euacuantibus opus, ad primos eiulatus ubera præbent, & ut lentum illud & glutinosum crescat, in debili ventriculo efficiunt.

### §. X.

Sed & præcipuæ labis multum a meconio natis nascitur. Illud novem mensibus inter uteri carceres collectum, necegestum, hinc

*p*) Quos morbos tanquam infantum præcipuos H. BOERHAVIUS in aphorismis a §. 1340. ad 1378. pertractat.



hinc ab intestino cæco, sæpe etiam ab ileo, ad anum usque accumulatum, tam viscidum plerumque est, ut vitæ viribus eiici nequeat. Magna infantum pars ex hac noxa rerenti corruptique meconii inter convulsiones perit, nisi primis statim diebus, aluo quater vel sexies auscultante, fusca illa seu atra moles exterminetur. Aer per rubum intestinorum jam liberius admissus, quod in utero non accidit, celerem parit & funestam corruptionem, quoties nec largiter exundat meconium, nec, ut par erat, colorem opii & picis tenacitatem refert. Variis hic viis ingredendum est, ut immunis sis ab errore in medendo. Nunc enim vis expulsiōis in debili infante languet, nunc contentorum peccat crassities, nunc viarum abest lubricitas. Adversus primam causam pugnat rheum, non inodo purgans sed & roborans, hinc vix aliis quibuscunque remediis postponendum, in primis, si ex eodem rheo cum sapone veneto globuli fiunt, qui in anum reconditi efficacius expellunt. Adde mitia cardiaca ex aquis ceraforum, fœniculi vel aliis cum melle interius adhibita. Vinctes duritiem expellendæ materiæ, quam contrectatis hypochondriis eiulantis infantis senties, si serum lactis cum melle recenti pro usu potus & clysmatis destines. Denique viarum lubricitatem & transitum per intestina expedit, si vitato usu intempestivo adstringentium & purgantium, adeoque ipsius rhei, oleum olivarum vel simile mane ac vespere ad drachmam unam propines iuncto simul clysmate ex sero lactis, & illito ventre idoneis oleis. Ad quæ tria momenta attentus medicus clamores illos, pervigilia, convulsiones, & quæ alia infestant symptomata, ut plurimum sopiet. Vulgaris autem usus medicinæ nunc opiatis temere confligit, ut philonio romano, requie Nicolai, syrupo diacodii, quibus tremuli & semistulti evadunt, nunc acri stimulante teneros nervos plus sollicitat, ut sale volatili oleoso, quo ipsa SYLVII proles occubuit. Ibi vero tutius symptomatum levamen radice excisa expectamus. Quodsi a nonnullis eorum major inducta sit partibus affectis mutatio, morbo hinc novo nato & causa sublata adhuc persistenti occurrendum est, uti in inflammatione intestinorum cum febre per remedia antiphlogistica abdomini maxime obvolvenda.

## §. XI.

Frequens non minus a lacte morbus est, cujus pars caseosa facile secedit, ut in mortuorum infantum toto ventriculo congestus & quasi vi quadam coagmentatus appareat caseus, & tenelli non ab acido sed hoc coagulo convulsi moriantur. Novimus lac recens mitissimum in venam canis immissum subito coagulo per venas protruso, post suum in pulmones ingressum, funestam parere peripneumoniam; non secus in ventriculo infantis quippe calente & aeoris caussas sustentante secedit, cum ejus sæpe exitio. Accedit coagulo huic acrimonia, qua nunquam caret paullo vetustior caseus. Sedulo statim sciscitanda est mater vel nutrix an pallidus frigidusque infans vomitu caseosi aliquid eiiciat? an ructus & feces acidum spirent? Quorum si alterum quoque contingit, non subsistit labes in primis viis, sed sensim sanguinis vias occupat. Pro victu sint iuscula carnium, ad acorem vero refrenandum & coagulum solvendum eiiciendumque præstat saponem veterum cum vitello ovi & rheo permiscere ac syrupo althææ, & cum delectu pulvisculos terrestres adicere, omnia vero hæc aqua vel melissæ vel simili ad potiunculæ formam accommodare. Sic suavi vinculo variæ coalescunt vires pro scopo corrigendi evacuandique. Sæpe cassia & rheum icterum puerilem sustulit, natum per intervalla ex caseoso coagulo, fluxum bilis in intestina cohibente. Inter præcipua remedia efficacissime ipsa bilis caseosum solvit, ut in vitulo apparet solum lac potante, cujus durissima coagula ad quartum ventriculum descendunt sed in loco adfluentis bilis solvuntur. Si igitur infanti vel parca vel inefficax bilis sit, optime frigidorum piscium bile, ut anguillarum, in micam panis vel pultem recondita consules, nihil facile in atrophia infantum ab obsidente latera intestinorum coagulo exploratoris virtutis est.

## §. XII.

Nec vermes infantibus parcunt, non, quod cum N. C. ANDRY vel aliis eos cum tenellis nasci, existimemus, neque enim unquam

quam reperti sunt in infantibus solo lacte materno vel alio cocto victitantibus, sed quod ovula insectorum illos conspergant cibos, quos cito satis tenellis offerunt, uti maxime sunt fructus horæi, carnes etiam paullo vetustiores & alia. In iis certe infantulis, quorum vis parva est ad destruenda talia, facile adpersa ovula excludi judicamus, & latere sub inerti pituita, satis tuta ab injuriis attritus. Adscensus famelicorum vermium per vias nervosas & sensibiles instar plumæ vellicantis parit nauseam, vomitum, pruritus narium & alia. Quum deinde ab iis consumptio chyli fiat, necesse est esurire infantes continuo, pallefcere, animo linqui & emaciari, solo tumente abdomine, quippe ubi absumto tenui crassa remanent pro nido vermium, in quo latent, crescunt & multiplicantur. Denique ab iisdem perforari intestina effundique contenta inter funestas convulsiones mirum non est, quum extra corpus terram fodiant terebrentque. Si igitur infans debilioris post vel ante ablactationem corpusculi victu tali, quem hic damnamus, utitur, & dicta symptomata, nausea fames macies & alia sequuntur, fas est de nido non solum vermium destruendo, sed & ipsis necandis expellendisque cogitare. Pituitam, contubernium illud vermium, incidunt fortiter gummata, ut ammoniacum, bdellium, opopanax & asa foetida, vitello ovi & sapone veneto subacta, vel salia alcalina, ut cardui benedicti cum aqua melissæ & syrupo radicum aperientium, vel mitia mercurialia, ut mercurius dulcis cum tantillo scammonii & syrupo rhei, vel æthiops mineralis cum trochiscis alhandal & similia. Quæ omnia non nimis leniter agunt, hinc oculum ad infantis vires attentum & providam moram in lentiori usu postulant. Multi externis potius pugnant, unguento Agrippæ vel Arthanitæ, quæ abdomini imposita vim sæpe effrenem purgandi exserunt, ut & hic opus sit frenum injicere medicamento. Suavius vermes ipsi necantur per mellita saccharina & salina: in hæc enim soluta injecti citius quam in amarissimis infusis pereunt 7). Laudant alii vitriol-

lica

7) Hinc FRANCISCUS REDI dolet tenellorum sortem, quibus dulcia, quæ appetunt, negantur, amara & fastidiosa offeruntur. in Obs. circa animal. viv. p. m. 165.



lica & venerea, ut vitriolum martis, vel syrupum violarum, qui in cupreo vasculo per noctem hæsit, sed hæc quidem nonnisi adultioribus commendare audebis, quod etiam de duris, acutis & indigestibilibus, quæ a jejunis assumpta vermes vulnerando necant, intelligo. Nec mercurialium, nisi caute usurpentur, sincerior fides & certior virtus est. Quodsi necare non solum, sed & expellere velis, dictis convenit lenia purgantia addere externè inungere, & clysmata vel suppositoria ex sale gemmæ & melle parare.

### §. XIII.

Restat dentitio difficilis a septimo maxime ad decimum mensem affligens, qua dentes in primis acutiores cum funesta sæpe nervorum punctura erumpere ex latibulis suis nituntur. Sola hic irritatio nervorum est, quæ fluxum salivæ & alvi convulsionesque ciet, & de qua sedanda, cum tantæ stragis causa sit, serio cogitandum est. Primum illud agimus, ut gingivæ polito ebore vel simili attritæ exitum denti concilient, ipsius infantis ope, cui instinctum natura dedit duriuscula gingivis cum frictu admovendi. Neque infelix opera est, quæ foris tepido gingivas emollit, uti cremore ex floribus sambuci & althææ in lacte infusis enatante. Probaræ etiam virtutis hic sunt emulsa cydoniorum semina in aqua sambuci, quibus succum sedi vel portulacæ cum syrupo violarum miscere licebit. Crescente inflammationis vi & in convulsionem erumpente venæ sectionem tam severe SYDENHAMUS imperat, ut pro specifico reliquis omnibus longe anteferendo declaret *r*). H. BOERHAVIUS *s*) cum aliis multis huic convulsioni minutam dosin spiritus cornu cervi opponit, cujus loco olim in Anglia Gœdartianæ guttulæ ex crudo serico destillatæ ad guttas quatuor circiter ex syrupo violarum cum insigni successu propinabantur. Verum & ipsa lanceola interdum opus est, quæ foramen ad latitudinem dentis incidit, & dictos deinde foras requirit.

### §. XIV.

*r*) C. III. p. 199. Ed. Leyd. 1741.

*s*) Aphor. 1378.



## §. XIV.

Animus non est ad alia excurrendi, id tantum moneo, infantum curam, quæ si nimia sit, RIDLINO noxia dicitur *t*), non posse sub perito & vigilante medico nimiam merito adpellari. Perjucundum est cum GU. HARRISO observare, facillime in morbos dilabi infantes, sed & facillime, nisi aut serius aut imperitius tractentur, in sanitatem restitui *u*). Nempe quælibet impressio, sive bona, sive mala, in humido quam sicco, in molli quam duro corpore, citius perficitur. Cum stupore infantes tenellos se vidisse ait THOM. SYDENHAM *x*) quartana sex mensium affectos, nec oppressos, sed de morbo illo Herculis pueri instar in cunis triumphantes. Formidabilis est, inquit LUD. DURETUS *y*), puerorum convulsio, at non raro defunguntur illo periculo. Simpliciores in simplici victu eorum morbi sunt, hinc & simpliciori medicina in crasi tam mutabili promptius sanantur. Vix vero illam auxiliorum farraginem, qua sub maxima inconstantia iudicio MICH. ALBERTI *z*) obruuntur recens nati, ut plurimi sollicitæ magis quam providæ medicationi succumbant. Quæ non PLINIUS olim in tenellorum usum ex antiquorum libris cummulavit? innumera passim commendans, ut in ulceribus plantaginem, in lippitudine ova, in pavoribus dentem lupi, in destillationibus folia helioscopii, in vitiis ventris cuminum, testium erysimum aliaque. Hodie pulvisculis bezoardicis, cordialibus, pannonio, marchionis aliisve ubundamus, ubi omnino cum RIDLINO agnoscas, nimiam curam pro infantibus noxiam esse. Verum in his adquiescimus.

*t*) lin. med. Ann. II. Sept. Obs. 25. II. p. 459.

*u*) l. c. p. 8.

*x*) l. c. p. 85.

*y*) v. ei. Comment. in Coac. HIPPOCR. pub. lin. II.

*z*) Iurispr. Med. C. XVI. de autoch. med. §. 7.

---

DISSERTATIO  
DE  
**CACHEXIA ICTERICA**

PUBLICE PROPOSITA  
GOTTINGÆ, D. 2 SEPT. 1745.

R E S P.  
JO. HENR. ZOPFF,  
GREIZA-VARISCO.

---

§. I.

**C**achexia icteritia est depravata corporis nutritio, cujus præcipua causa & fomes in hepate latet. Necesse enim est, in cachexia nutritionem corporis, in ictero functionem hepatis laborare. Quandoquidem tamen & sine cachexia icterus, & sine ictero cachexia esse possit; in animum induxi, genium limitati mali in illo virium connubio penitus considerare. Non attinet dicere, quæ argumenti dignitas sit, cum nihil fortassis magis exercitati etiam medici judicio tenebras offundat, & medendi consilia in illa symptomatum colluvie turbet.

§. II.

Ipso vitali motu perit corpus nostrum, & ipso opere suo conficitur. Sed & eodem opere suo novos sibi colonos parat, novas, in ministeria sua, si vetera consenuerunt, suppetias. Nihil in corpus ingeritur cibi potusque, quin ipsa miscela inquilinorum humorum, trituque & actio-

actione solidorum subactum serviat instaurando nutriendoque corpori. Fieri autem potest, ut id, quod ingeritur, coquentis & subigentis vitæ vires aliquando vincat, nec peregrinas illas dotes, in quibus nulla est alendi facultas, exuat. Talia sunt cibi visceri, pingues, acres, farinæ non fermentatæ, & alia mutantibus vitæ viribus rebellia, maxime in otiosis, quos vel solus liberalior victus cachecticos reddit. Bene HIPPOCRATES a) cibum, si vincitur a corpore, nutrire ait, si vincit, cachecticum reddere. Pronior in cachexiam via est, si ipsi interni humores a salubritate sua naturali desciscunt, partim, quod per circulationis vitia stases varias & corruptiones in visceribus subeant, partim, quod post magnas hæmorrhagias, vomitus, diarrhœas & alia dispendia sua, non amplius ex reliqua massa id segregent, quod ingestis, etiam coctu facilibus, uberi satis fluxu se misceat, & miscendo assimilet. Vnde sensim multiplex cacochymia oritur, qua degenerant humores nostri in indolem naturæ varie inimicam. Neque vero cachexia in humorum prave alentium vitio subsistit, sed solidorum, quorum virtus vitiis illis corrigendis jam impar est, labes accedit. Vis nempe vasorum in contenta, per quam humores nostri omni momento alium partium situm alias motuum leges subeunt, & nunc discerpendo ac separando, nunc permiscendo & compingendo, ad veram internæ salubritatis normam effinguntur, languere sine ingenti damno utilissimarum in corpore mutationum nequit. Implemur crudis ac tumemus, non alimur, si illa vis solidorum in laxioribus torpet, marcescimus & extenuamur, si in rigidioribus nimis renixus ille vasorum obnititur & dissipat, squalido denique tabo consumimur, si ipsum solidarum partium nexum vis morbi dirimit. Fas est ubivis in cachexia non modo considerare vitia nutrimenti, sed & locorum nutriendorum, & ipsius motus applicantis.

## §. III.

a) De loc. in hom. L. III. P. I. p. 396. Ed. Lind.

## §. III.

Cachecticos distinguere non adeo arduum est. Prævus ille corporis habitus, unde nomen cachexiæ fluxit, vel ipsum primo adspectu oculum offendit. Lætus ille & floridus color cutis nunc luridus apparet, & genio corruptorum humorum tinctus, nunc lividus ab atrabilaria cachexia, nunc albus ab hydropica, nunc flavus a biliosa, nunc maculis discolor a scorbutica. Solus humorum motus interdum sufficit, inquit G. BAGLIVIVS *b*), ut in cognitionem morbi perveniamus. Cruda etiam per lotium & sudores excreta non dissimulant, quam a coctionis genio longe aliena sit humorum massa. Regnat ubivis marcor, quamvis sub improbo tumore alicubi fallat. Nimirum non minus cachexia est, sub qua marcet & arescit corpus, per elapsum corrupti humoris ad nutriendum inepti, quam sub qua tumet ob moram & infarctum ejusdem, maxime circa extrema stagnantis, quo non pertingit vis languentis circulationis. Talibus videas palpebras inferiores bullis aquosis inflari, artus albo tumore obsideri, ut & inter vasa ipsa distendens liquidum accumulari, vel in ipsis cavis colligi. Mirum non est, hos semper queri de sensu majoris ponderis, cum in cachexia pars una tumens & infarcta præponderet alteri exinanitæ, & motum inæqualem reddat, qui sine sensu gravitatis nunquam est. Queruntur etiam de corde ad levem motum palpitante, quia debile illud, ubi jam plus venosi sanguinis per motum auctum refluit, nequit nisi iteratis nixibus, id est, palpiando se liberare.

## §. IV.

Patet difficilis medendi ratio, quod non nisi per bonum chylum illa fluidorum solidorumque vitia corrigi possint, nec vero, nisi his correctis, bonus chylus elaborari. Haud illam difficultatem multum levavit spes elapso seculo iniecta, sanguinem animalis sani in corpus ægrotum transfundendi. Præterea enim, quod nocent

*b*) Op. Ed. Antwerp. 1719. p. 440.



ant transfusa per subitum vasorum tam debiliū ingressū, certum quoque est ob varietatem structuræ in singulis animalibus eum denique sanguinem salubrem appellari posse, quem propria corporis fabrica, non aliena confecit. Neque tamen non fuit multis cachecticis etiam inveteratis dextre satis omni ævo consultum, nec in alia parte diviniore apparere potest artis succumbentem naturam erigentis potestas, quoties illa victum sine magno molimine nutrientem, gratum, & præsentī vitio, uti tenuitatis, spissitudinis, acrimoniæ oppositum, primum provide præscribit, & illa statim adminicula coctionis, quæ victum illum facilius subigunt, per condimenta, vina cardiaca, exercitia, aliaque pro morbi indigentia suggerit, & tunc demum, ubi primam coctionis officinam lento gradu expurgavit, saburram nunc digerendo, nunc eluendo, nunc tonum roborando, coctiones interne læsas, quas prius aggredi temerarium esset, sollicitè emendat, lento ubiuis ac tuto progressu, nec nisi eradicatedo malo ad chalybeata confugiens, quorum sæpe præmaturior usus in scirrhum vitiosa figit. Nec vero cachexiæ deterior scena est, quam inter scirrhus viscerum & fomites purulentos. Verum animus mihi est omissis reliquis, illam, quam icteritiam appellavi, jam perlustrare penitius.

## §. V.

Icterus græce *ἰκτερος* vi vocis avem galbulum sive galgulum notat flavi coloris & croceos vapores attrahentem. Ea conspecta PLINIUS c) ictericum scribit sanari, & avem mori. Aliis cum ARETÆO d) *ἰκτὶς* mustela sylvestris, cujus auricolor est oculus, aliis gemma icterias, quæ lurido aliti similis prodesse ictericis creditur, e) nomen videtur morbo dedisse. Latine LUCRETIVS f) morbum arquatū vocat, quod color & oculi vireant, quasi in arqui, quem

c) H. N. L. XXX. cap. XI.

d) Morb. Diuturn. L. I. c. XV. it. PLIN. L. XXIX. c. 4.

e) PLIN. H. N. L. XXXVII. c. X.

f) L. IV. vers. 333.

quem poëtae irim appellant. Plerique regium morbum vocant ab auri colore, quanquam hic, ut cum ARETAEO g) loquar, hominem non deceat, quod in metallo pulchrum est, nec PARACELSI h) hic probata sit industria, qui spiritu ex auro extrahere morbum promittit. Potius hunc titulum teste SERENICO SAMMONICO morbus meruit, quod molliter in aulis regum cureretur, iis nempe, quæ mentem exhilarant, cultiori conclavi, ludis, lascivia, aliisque, ut ipse CELSUS i) testatur. Re ipsa est icterus symptoma tertiæ classis sive mutatarum qualitatum sensibilem, vitiatum nempe coloris. Notat morbum hepatis, a quo secreta bilis aditu in duodenum prohibita, & per venam cavam in sanguinem redundans, externum corporis habitum, maxime partes pellucidiori liquido impletas, nunc dilutiori nunc obscuriori flavedine tingit. Non sunt obscura mali hujus signa, si ad sensum tensionis & anxietatis hypochondrii, tanquam ad sedem & causam mali, ad pallidas feces alui, quas bilis dereliquit, ad flavedinem, qua in alienis locis nunc lotium tingit, nunc cutem externam, maxime pellucida albugineæ tunicæ oculorum vasa, probe respicimus.

## §. VI.

Ut hepar eo iustius arguas, stabiliendum est, flavum illum corruptumque humorem a nullo alio humore corporis quam bile per hepar diffusa pendere posse. Vix autem est, quod assensum hic remoretur, si consideres, nullum in nobis liquidum reperi, quod tam luculenta flavedine tingat, nec serum esse ad flavedinem vergens, nec lotium in acutis flammeum, de quo suspicari possis, cum nulla unquam aurigine partes inficiat. Vir tamen clarissimus G. HEINTKIUS k) ipsi bili dubiam reddit facultatem

g) l. c. ε γάρ ανθρωπω ευπρεπές, ογι εν λιθω καλον εη.

h) Op. T. VI. p. 91. & 92. Ed. germ. Francof. 1603.

i) de medic. L. III. c. 24.

k) Misc. nat. cur. D. II. A. VI. o. 125. p. 260.

tatem tingendi in sanis feces, in ictericis lorium & serum sanguinis. Feces, inquit, an bilis tingat, cum sint amaritudinis, quæ bili propria, expertes, lambentibus avide canibus, qui æque amara quam homines fastidiunt? imo, an feces infantiles acidum spirantes, & magis sæpe quam adutorum coloratæ, id debent bili ab acido devictæ & fatifcenti? & cur canum albidæ fœces? Sane jam HELMONTIUS statuit bilem feces aluinas non tingere, nec has amaras esse, testimonio multorum σκατοράων. Sed hoc concessio, alterum non cadit. Amaror ille non hepaticæ solum, sed & cysticæ bilis adeo interdum levis est, ut fere nullam utrinque deprehenderit FRID. RUYSCHIUS. 1) Dum non a sale, sed oleo trito, digesto, rancido, amarescente pendet, mere sæpe insipida & aquea est in debiliorum corporum inertia. Verum hic illud in primis spectandum puto, bilem copioso tot liquidorum, confluxu, maxime succi pancreatici, dilutiorem exuere eo facilius amarorem, ut nec in chylo nec fecibus appareat. Addo, bilem opere suo functam præcipuis suis dotibus in sanguinem remeare, nec nisi fatua recrementa, quæ tamen coloris & stimuli satis feculentis pro exitu impertiuntur, relinquere. Nec minus verum est, confusionem & miscelam tot variorum succorum in primæ coctionis officina saporis omnes dotesque immutare, ut vacca etiam ex amaris herbis, & liberali bilis contactu, lac dulce pariat. Feces autem infantum acidum spirantes naturalem flavedinem, imo plus exaltatam habere, sic limito, ut negem alterum, alterum pro bilis inertioris signo habeam, quæ ab acidis fit vitellina, viridis, æruginosa, grumosa, qualis omnino infantum est. In canum stercore, maxime lanionum, qui crudas corruptasque carnes vorant, non albidus nisi post copiam ossium in calcem comminutorum, sed fuscus satis color & obscurus, nec sine fœtore est. Denique contra solem pugnat, qui manifeste videns, albidæ ictericorum feces esse exclusa bile, admissa iterum flavescere, ei tamen negat illam tingendi facultatem. Pergit de lorio HEINTZIUS, nec illud in flavedine sua amarum esse, & experimenta ci-

tar.



rat, quibus lotio instillata bilis amaritiam dedit, colorem non auxit, & alia, quibus bilem aquæ miscuit, alcalinis additis, ubi colorem infringi vidit amaritie permanente. Ergo, inquit, alcalina colorem potius, quam saporem mutant, quod secus notatur in ictericis. Verum cogitet adversarius, cum bile pura cystica se experimenta fecisse, qualis illa non est, de qua loquimur, quippe mixta cum aliis fluidis & varie hebetata. Cogitet, vera alcalina se miscuisse, qualia non existunt in corpore, ubi potius bilis efforta sæpius & glutine involuta peccat. Quæ de sero sanguinis adiecit, se amaritiam in sero icterici nullam gustu percepisse, cum paucillum bilis in lacte digestum satis amaricans fuerit, id sane cogit mentionem renovare illius erroris, quo puram & cysticam bilem cum interna, per totum humorum laticem dispersa & varie alterata, in suis effectibus comparat. Eodem redit, si unicam fellis guttulam dolorem oculis conciliare, totum vero bile suffusum icterici oculum non dolere obicit: in qua re illud etiam responderi potest, humores acres intra vasa contentos & stagnantes non facile illum sui sensum excitat paucillum eorum externis nervosis partibus applicatum. Ceterum, dum sibi aliisque crucem figit, adversarius nunquam inter hæc omnia eo pervenit, ut flavedinem ex alia æque manifesta causa oriri ulla probabilitatis specie evincere audeat, cum e contrario bilis non solum naturaliter ventriculum & intestina tingat, sed & in ictericis singula membra tinxisse AUG. THONNERUS, *m*) ossa ipsa in puero recens nato a matre icterica THEOD. KERKRINGIUS, *n*) viscera abdominis & thoracis, ipsumque cerebrum cum ossibus & cartilaginibus IO. DOLAEUS, *o*) sanguinem denique, ut instar flavæ iumentorum urinæ esset, THEOD. ZWINGERUS *p*) testentur.

## S. VII.

*m*) Obs. medic. L. III. obs. 1.

*n*) Spicileg. anat. obs. LVII. p. 118.

*o*) Encyclopaed. L. III. c. 8.

*p*) Theatr. Prax. med. Part. poster. p. 3. & 4.



## §. VII.

Hepar igitur, ex quo illa icteri injuria exundat, ceu gravis incendii causam eo jam æquius in functione sua, & integra & læsa, consideramus, quod judice HERM. BOERHAAVIO <sup>q)</sup> ex centum morbis chronicis vix unus occurrat, cujus princeps sedes non sit in hepate. Amplum hoc & nobile viscus sanguificationi servire vetus Galenicorum schola censuit, gemino errore nixa, venarum nempe originem, & chyli intro meantis terminum in hepate esse. His fulcris ad cultiorem anatomen ruentibus patuit magis magisque, nec lentum hepatis motum operi illi convenire, nec pessundari statim sanguificationem affecto hoc viscere in chronicis. Non ignobilis, certe verius, munus recentiorum doctrina tribuit, secretæ nimirum bilis & cibos subigentes beneficio chylicationem fulciendi. Totum viscus arte maceratum non nisi minimos in omni puncto sensibili acinos ostendit, quos MARC. MALPIGHIVS pro glandulosis folliculis, FRID. RUYSCHIVS pro vasorum agnovit fasciculis, in quibus perpetuo nexu venæ portæ, venæ cavæ, arteriæ hepaticæ & ductus hepatici minutissima stamina mirabili viarum commercio conjunguntur. Rerum omnium momentis varie pensitatis sententia est nata & confirmata, venam portarum, in quam maxime sanguis mesaraicus acrior, lienaris dilutior, omenti pinguior, inter conjunctas secernendæ bilis dotes, simul ingreditur, lento per angustias progressu ultimis suis ramusculis per totum hepar in illos acinulos terminari, ubi bilem minimis radiculis, quæ aliorum deinde concursu ductum hepaticum constituunt, infundit, residuum vero sanguinem ibidem in surculos sibi continuos, qui ad venam cavam pertinent, exonerat. Ita ulterius patet, ductum hepaticum, qui jam bilem hepaticam vehit, & cysticum, qui cysticam continet, conjungi, & ad communem ductum, siue choledochum, qui mixtam utrinque bilem duodeno immittit, hinc latiore coire. Arteria hepatica

<sup>q)</sup> Vid. Præl. acad. T. III. p. 190. ad instit. medic. §. 351. Confer easdem de hepate agentes cum notis ill. A Halleri per hunc totum §.

tica nutriendo hepatis, ut bronchialis pulmone servit, caloremque  
 & motum visceris augeat, neutiquam vero, quod JOANNI  
 SWAMMERDAM placuit, bilem ex suo sinu promit, impar quippe  
 tantæ secretioni, & exilior, si cum mole visceris compares. Li-  
 gata hac arteria haud sistitur bilis ad intestinum fluxus, ligata au-  
 tem vena portarum paucis horis opprimitur. Nec SYLVIVS hoc  
 fecernendæ bilis negotium soli vesiculæ felleæ recte tribuit, cu-  
 jus pariter moles tanto impendio non congruit, & ex qua non  
 minus ac in quam ob rugas spirasque, non nisi auctiori pressione,  
 bilis expellitur vel admittitur. Nec recte FRANC. GLISSONI-  
 US ex hepatico ductu in cysticum fluere bilem statuit, ob anguli  
 acutissimi impedimentum, & pendulam, quam plurimi stabiliunt,  
 membranam, ubi confluunt ductus. At quanquam perexpeditum  
 & liberum iter sit fecernendæ bilis ex vena portæ per ductum he-  
 paticum versus duodenum, ut injecta cera, status & alia docent,  
 omnibusque constet, si in aperto animali vel digito prematur du-  
 ctus hepaticus aut cysticus, fluere bilem ad duodenum, sique li-  
 gantur ductus illi, detumescere spatium inter vinculum & duo-  
 denum; hæc tamen non impediunt, quo minus secreta bilis, na-  
 turalium interdum aditu viarum exclusa, vim inferat fabricæ, &  
 inverso motu vias impeditiores legat, quibus e. g. hepatica bilis  
 in ductum cysticum, cystica in ductum hepaticum, superato fle-  
 xilis anguli renixu, ingredi potest. Natam concipe in ductu cho-  
 ledocho resistantiam, bilis retropulsa tum versus hepar, tum ver-  
 sus cystidem, facile ad venam cavam redundabit. Sic enim in-  
 jectus per choledochum liquor sine vi magna penetrat, & ad ve-  
 siculam fellis, & ad ductum hepaticum, & ad venam cavam. Per-  
 inde erit, si ligetur ille, vel quocunque laborans vitio affluentem  
 bilem excludat, ita enim hæc pariter dictis viis regurgitabit.  
 Potest in ipso duodeno obstaculum nasci, non quod ex eo subeat  
 aliquid choledochum, cum flexilis villosæ ostiolum ob viæ obli-  
 quitatem non hiet facile non nisi ad vim urgentis a tergo bilis,  
 sed quod spasmi, status, lactis coagula & similia stringant, pre-  
 mant & obturent choledochi aditum. Res est in infantibus sæpe  
 notata, quod ex coagulo lactis, choledochi ingressum obstruente,  
 icterici fiant, eo per rheum & saponem venetum soluto, & viis

bilis iterum expeditis, promte sanentur. Intra choledochum si hærent calculi, torum cavum opplentes, accumulata ad hunc obicem bilis, inter dolores, anxietates vomitusque a subsequente musculorum abdominis convulsione ortos, reprimitur, & ictero sequente aliquamdiu pax est. Colicam aiunt esse ictero solutam, at ubi post breves inducias iterum bilis accumulatur, iterum calculosus infarctus resistit, redeunt prima mala, redit icterus, & alternis periodis torquentur ac levantur ægri, in cadaveribus autem non calculi solum apparent in ductu choledochi, sed & incredibiliter expansi ductus bilis. Tale vero obstaculum, quod bilem per venam cavam in sanguinem repellit, non modo in intestino & ductu choledochi, sed & propius in substantia hepatis & ipsis ejus acinibus nasci potest. Atque hanc causam proximam vocamus, quo secreta bilis & intestinis destinata, reperit in via, quod motum ejus sistit, & quod ad ipsa loca, unde venit, repercutiens versus venæ cavæ ramos determinat.

### §. VIII.

Videndum jam propius est, quid illam in hepate calamitatem, illas turbatæ secretionis noxas & bilis corruptelas pariat. Præ ceteris ipsa hepatitis occurrit in finibus arteriæ hepaticæ & venæ portæ concipienda, fortassis tamen non ita frequens, partim ob laxitatem & amplitudinem vasorum hepaticorum, partim ob lentiores sanguinis impetum, quippe hic bis venosi & fere extravim cordis positi. Varia tamen sunt, quæ stasim tam lentam quam inflammatoriam parere hic possunt, ut plethora ad stasim semper proclivior, pinguedo obstruere ubivis solita, hepar etiam naturæ consilio ingrediens, tenacior denique sanguis, quem atrabiliarium <sup>r)</sup> dicunt, lente permeans vasa, sensim decumbens ad hypochondria, & vasa laxiora maxime hepatica inter contumaciores infarctus implens. Exinde stases periculi plenas metuendas esse, & difficultates secretionis in hepate, & secretorum corruptiones

nemo

<sup>r)</sup> Vid. III. Præsidis diss. de morbo hypochondr. p. 12.



nemo non videt. Quæ enim adhuc secernitur bilis, solito spissior & lentiori motu concrescens facile hepaticorum ductuum propagines crusta lapidea obducit. Naturalem hanc bilis concrescendi proclivitatem auget, quidquid liquidiora dissipat & coagulat. Itinera æstiva per regiones calidas hominum sitim tolerantium siccant sanguinem corporis, ægre ubivis, sed ægerrime in hepate meabilem, adeoque admodum favent secretæ spissioris bilis concrementis. Sic & crebrior spirituosorum potus funesta liquidorum coagula inducit. Hæc a fluidorum pendent vitiis, in solidis maxime natas vasorum angustias notamus. Sic ductum choledochum, quo loco intestino inseritur, penitus coaluisse scribit, GERH. BLASIIUS *s*), eundem capillaris tantum magnitudinis vidit BARTH. CABROLIIUS *t*), omnimodam ejus exsiccationem describit JO. ARGENTERIUS *u*), lapideam duritiam ductuum biliferorum & felleam vesiculam cum suis meatibus plane osseam observavit JO. RHODIUS *x*), vesiculæ denique fellis anteriorem membranam lapidifactam reperit FRID. RUYSCHIUS *y*). Et quas non angustias pariunt nata in hepate atheromata *z*), steatomata *a*), scirrhi *b*), concrementa caseosa & alia, quæ in pessimi generis ictero defunctis passim observata legimus? Sæpissime præ aliis acriâ constringunt, ut sequatur icterus. In sectione icterici crebris spiritus vini potationibus assueti intestina admodum corrugata, ductum hepaticum concretum, corpus exsuccum FRID. HOFFMANNUS *c*) depinxit. Adde inter acria ipsam bilem vitiosam vel metastasin corruptorum humorum, qualis fit ab externis ulceribus, a suppressis mensibus vel hæmorrhoidibus, a febr-

*s*) Obs. med. p. 2. obs. 4.

*t*) Obs. X.

*u*) in Lib. IV. aphorismor. Hipp.

*x*) Centur. II. obs. 96.

*y*) Obs. chirurg. XXXI.

*z*) Ex obs. JO. LECHELII in misc. cur. D. II. A. 2. O. 76. p. 186.

*a*) C. H. WELSCH Epifagm. obs. LIV.

*b*) Vid. BONETI Sepulchr. anat. L. III. obs. XI.

*c*) System. medic. T. II. p. 157.



febris per adstringentia sufflaminatis aliisve. Venena etiam vistringente crebrum icterum generasse, res est iterata observatio-  
nis d). Nec frigus inter adstringentia est omittendum, quod  
metallorum poros stringens tanto facilius frigidis ingestis vicinum  
ventriculo hepar & vasa bilis constringit. Aestuantibus motu vi-  
ctuque id magis metuendum est, qui frigida immersi sæpius  
icterici evaserunt. SYLV. SAM. ANHORN infantem recens na-  
tum, aquæ gelidæ immersum, statim ictero correptum periisse  
refert e).

### §. IX.

Inter has causas maxime obnoxii sunt ictero, quorum iners  
& otiosa vita est. Litteratos huc refero, a pastu ad amata studia  
redeuntes, & mensæ affixos curvato plerumque corpore, quo  
motus per vasa abdominis jam satis languens magis sufflaminatur.  
Quiete vero & post pluvios autumnos oves hepar referunt ver-  
mibus erosum, ut vacuus fere sacculus sit, quod e lanionibus disci-  
mus. Ipsa quies hiemalis boum efficit, ut si maculentur, systema  
vasorum biliosorum crusta plerumque calculosa obductum appa-  
reat, quæ verno calore solvitur, dum ad motum & pascua rever-  
tuntur. Eo autem plus a vita nimis quieta damni est, si victui  
simul crudiori ac tenaciori indulgemus, ut pisces, fabis, caseo,  
austeris vinis ac cerevisiis, quæve ejusmodi plura sunt. Denique  
illos, qui pathemate animi nimis laborant, in eundem numerum  
conjicio. Terror mororque actionem nervorum sistit, & morum  
humorum figit, unde multi audito fortunarum suarum naufragio  
pondus statim senserunt hypochondrii, & mox in icterum inci-  
derunt. In ira crescit vis circulationis, augentur secretiones, &  
fortior liquidi nervei influxus ad spasmos partium ciendos facile  
invalet.

### §. X.

d) Quo morbus etiam animalium pertinet in icterum desinens. Conf.  
RICH. MEAD. de venenis.

e) Misc. nat. cur. D. III. A. I. O. 86. p. 134.

Hh 3

## §. X.

Verum hæ causæ omnes in primis viribus mitiores, licet multa & secretioni bilis & naturali ejus progressui impedimenta objiciant, nondum protinus, viis adhuc integris, quamquam varie arctatis & immeabili ac vitiosa mole obsessis, ipsam cachexiam ictericam pariunt. At si eadem viæ sensim destruuntur atque eroduntur, si puris undique tubercula surgunt, si gangrænosus tabus corrumpit omnia; non potest sane non, quod ex fomite tam tetro perpetim stillat, massam sensim humorum sic inquinare, ut in hac labe omni nutriendi facultate destituatur; adeoque pravum corporis habitum inducat. Verum hic convenit, per gradus intueri orientem labem, crescentem & perimentem. Neesse primum est, vasa hepatica cujuscunque generis stasi laborantia tumere, vicina premere, ipso pressu descendentis diaphragmatis & repletioris ventriculi dolere. Incipit sanguis circa hypochondria sisti, quod hepatis feces abdominali oppletum jam difficulter plus humorum admittat. Qui vero admittitur sanguis, tenax, lentus & jam pressius inter illa interna obstacula means, comprimit sensim aditum minorem in vas biliosum, dilatatque & subit majorem in venam cavam. Crescit infarctu pondus hepatis, ut duplo vel triplo naturali majus nunc trahat annexum diaphragma cum dolore ad jugulum usque ascendente, nunc abdomen velut ab ascite tendat. Periclitatur jam, bile vel non, vel parcius secreta, ipsa chylicatio, & per negatas boni chyli suppetias primam cachexiæ portam aperit. Princeps enim instrumentum coctionis ciborum est bilis, tanquam sapo elaboratissimus, arteriarum venarumque actionem bis passus, qui succi pancreatici miscela solutior penetrat, subigit ingesta, solvit tenacia, pingua, resinosa, glutinosa, lymphæ miscibilia reddit, famem excitat, motum peristalticum acuit, parietes intestinorum detergit, ostia lacteorum liberat, & totum corpus subactioris chyli com meatu sustentat. Hæc igitur præsidia virium mutantium, suam ingesta in dolem, suam corruptionem sequuntur, jamque sine bile, quam clysterem naturalem LAZ. RIVERIUS appellat f), gluten ac mucus perpetuus

tuus est in intestinis cum alvi inertia. At tragicorum malorum feracior est interior scena, dum vel sanguis impedita secretione acer & biliosus, vel ipsa secreta bilis ab obstaculo repulsa per venam cavam vitales fontes inquinat, & humores nutritios corrumpit. Ut cito alcalescit ipsa bilis, sic in foco internorum viscerum magis agitata sanguinem & omnia liquida suo contactu ad putredinem disponit, unde sitis, febris & alia. Nec omitendum est, quod vi sua saponacea sanguinem in lympham fundat, ut illa ex majoribus vasis elapsa hæreat in minoribus, accumuletur, tumeat & varias hydropum species, ictericis in progressu tam familiares, pariat. Ita sine dubio non porta una, sed plures cachexiæ aperiuntur. Verum sævius nusquam est mali incendium, quam in proprio hepatis sinu. Omnia hic sanie & ichore plena, etiam si repurgare primas vias ipsumque sanguinem liceret, huc tamen & illuc novam continuo spurcitiam, nulla cohibendam arte, effunderent. Non est viscus putredini magis expositum quam hepar in stasi illa humorum corruptibilium, ut sanguinis mesaraici, & utriusque bilis. Neque pus hic natum docente BALLONIO aliud est, quam putris amurca. Denique totum abdomen in reliquis suis visceribus perpetuas sustinet injurias, non modo a tumente ex omni ambitu hepate & functiones eorum suffocante, sed inde inprimis, quod sanguis abdominalis ab infarcto jam hepate exclusus, restagnet intra viscera sua, quæ exonerare se viis consuetis nequeunt, & stagnando necessariam corruptionem subeunt.

## §. XI.

Differentia icterorum varia est pro ipso bilis ingenio & colore. Distinguere inprimis vappidam, viscidam, lentam cum languore conjunctam; & acrem, tenuem, igneam cum siti & febre sociatam a G. BAGLIVIO commonemur. Altera terrestribus fixior & obscurior colore infarctum in vasis majoribus auget, altera solutior in minima penetrat, pruritum per corpus diffundit, ungues,



ungues, pinguedinem tingit, salivam sic aliquando inficit, ut sapor amarus sit rerum non amararum, nunc etiam oculorum vasa non albugineæ solum, sed & subtiliora corneæ subit, ut flava appareant omnia, quæ visui se offerunt. Quam rem neganti contra GALENUM & SEXTUM EMPIRICUM HIER. MERCURIALI binas observationes, quæ eam confirment, opposuit FRID. HOFFMANNUS *g*). Mira interdum est colorum in uno corpore varietas. JOS. LANZONUS *h*) in viro generosis portionibus ad dicto icterum notavit, qui totum caput ad guttur viridi, dextrum corporis latus atro, sinistrum flavo colore infecit, atque hi colores, antequam evanescerent, in flavum tanquam benigniorem transierunt. F. LOSSIUS *i*) colorem icterici jacentis dilutiorem, surgentis saturatiorem observavit. Et mirabilior forte res est, quod pars interdum aliqua, non totum corpus ictero contaminetur, qualem icterum in septuagenario ira commoto & dextri lateris hæmiplegia tacto CONR. BARTHOLD. BEHRENS *k*) descripsit. Fuit nempe icterici illius dextrum latus flavi, sinistrum naturalis coloris, idque tam definito limite, ut etiam dextra tantum nasi pars flavesceret. Icterum peculiarem mammarum CH. FRID. PAULLINI *l*), unguium WILH. ANDR. KELLNERUS *m*) tradunt. Ceterum distingui maxime icterum in symptomaticum & idiopathicum video. Quamvis enim sedes in hepate perpetua sit, occasiones tamen causarum, ut spasmi, aliunde oriri, & in hepate illas mutationes, quas icterus sequitur, gignere possunt. Alii icterici chronicorum morborum sunt, alii acutorum, quidam critici sunt, quidam periodici, quorum jam ratio partim exposita, partim adhuc exponenda est.

## §. XII.

*g*) Med. rat. system. T. IV. p. 4. c. 12. §. 4.

*h*) Eph. N. C. Cent. V. obs. 41. p. 61.

*i*) Obs. L. III. c. 37.

*k*) E. N. C. Cent. 3. & 4. obs. 65. p. 145.

*l*) D. I. obs. med. phys. c. 9.

*m*) E. N. C. Vol. IV. p. 449.

## §. XII.

Ut præfagio de exitu morbi eo constantior fides sit, scrutandum in ictero est, an hepar jam ante graviter affectum fuerit? an sanguis jam ante corruptior per vasa fluxerit? Si neutrum, icterus ille sine cachexia est, qualis post vim purgantium & emeticorum, post levia obstacula ad os choledochi in intestinis, post spasmos sensibilium corporum ut hysteriarum, ortus, cito, imo sæpius ultro remittit, cum raro caussarum illarum durabilior actio sit. Truculentior spasmus & perennior venenis debetur; quorum vim eluere & enervare tam promptum non est. Ad statim inflammatoriam acutam & lentam chronicam, si moderatior utraque sit, vasis hepaticis nondum destructis, imminet quidem cachexiæ periculum, at nondum natum est. Si stasis illa in sinibus venæ portarum hæret, vis mali propagatur lentius, in sinibus arteriæ hepaticæ celerius, ibi scirrhum, hic gangrænam magis metuimus, ibi venam secare raro prodest, cum revulsioni locus haud sit, hic omnino suaderi potest. Criticus in febribus icterus est circa septimum diem post signa coctionis, perniciosus circa quartum post signa cruditatis. In febre ardente, si cum rigore accedit icterus & singultus, quinto die mortem instare HIPPOCRATES *n*) docuit. Bona ictericorum crisis est nunc per fluxum alvi *o*), qui liquafis sæpe sordibus & calculis aditum in intestina, post prægressas querelas de dolore & tensione hypochondriorum, restituit, nunc per fœtidam & stranguriosam urinam ante quartum diem, nunc per sudores crassos, flavos, fœtidos, levantes. Adde hæmorrhagiam narium, inprimis naris dextræ. Ita I. F. BAVER *p*) icterum refert ex ira natum & cum febre coniunctum die quinto per narium hæmorrhagiam critice solutum esse. Mites in liene, hebetioris antea sensus, dolores bonam pariter crisin testantur. Nam lien a sanguine suo ab hepatis tumen-

tis

*n*) De jud. n. 8.

*o*) a calculis in vesica fellea per alvum excretis sanatos legas, apud Sal. Alberti Or. II. it. in misc. nat. cur. D. II. A. IV. & V. c. 99. p. 431. it. D. III. A. IX. & c. 246. p. 431.

*p*) Aët. Nat. Cur. V. III. p. 209. O. 63.

tis portis repulso repletior stupefcere & emori incipit, nunc redeunte sensu palam est, liberata vasa hepatica aditum rursus sanguini lienoso concedere. Si icterus est a suppurato hepate, sive pus exedat sensim ipsum viscus, sive rupta externa membrana hepatica in abdomen exstillet, sive violentas vias per intestina aut venam cavam sibi aperiat, nulla spes est, nec nisi levissima, si extrorsum ad peritoneum se evacuat. Hic cachexia icteritiae extremus furor est, qui nunc in hecticas consumptiones & hæmorrhagias, nunc in hydropem vel hydrope crudeliorem tympanitidem convulsionisque exit. Nec icterus ex scirrho, licet quiescentibus plus indulgeat serenioris intervalli, medelæ facile capax est, sed lente suppresso chylicationis opere emaciat & interimit. Certe nunquam spernendi sunt icteri iudice DODONÆO, quod sæpe sub iis magni, periculosi, repentini morbi abscondantur. Qui a calculo est obstruente ob bilem inde retro actam per vias oppositas, dolore, anxietate, vomitu per crebras periodos affligit, nec tamen peritiorum medicorum operam prorsus eludit.

### §. XIII.

Medendi ratio varia est, nunc enim chylicationis læsæ damna sarcit, nunc ipsum hepar infarctu suo & vitio liberat, nunc bilem ex venis, in quas infusa est, eluit, nunc symptomatum cohibet sævitiam. Non errat, qui laboranti primarum viarum coctioni protinus succurrit, & aliquid bili affine pro juvanda chylicatione substituit. Familiare sibi esse absinthium ponticum iustulo coctum, vel etiam marubium, centaurium minus, carduum benedictum & similia, quæ præ mille pomposis remediis pharmaceuticis sufficiant, scribit G. BAGLIVIVS. *q*) Similiter marubium PETR. FORESTUS; absinthium omni mane REIN. SO-

LENAN-

*q*) Prax. med. L. I. p. m. 83.

*s*) Conf. 15. S. 5.



LENANDER *r*) commendat. Ipsum legimus HIPPOCRATEM *s*)  
 absinthium & anisum laudare. Huc animam hepatis rheum  
 refero, quod cum sale tartari aquæ infusum leniter purgantis &  
 tonicæ virtutis est. Misce huic animæ rhabarbari terram folia-  
 tam tartari, ut plus solvat, detergat, roboret, & aditum ad in-  
 teriora novis viribus muniat. Aliis gentiana & trifolium fibri-  
 num placet, imo ipsa animalium bilis, ut anguillarum, vel sapo  
 venetus eximiae virtutis, a quibus omnibus vires coctionis resur-  
 gunt, lentum gluten resoluitur, alvus ad officium redit, chylus  
 melioris notæ internis humoribus affunditur, & viæ patent libe-  
 rius, quæ medicamenta nullis primarum viarum sordibus inqu-  
 nata vel hebetata introrsum vehunt. Atque hæc maxime in lento  
 & chronico ictero conveniunt, jamque licebit in corpore sic præ-  
 parato pro ipsa sanguinis massa & hepatis vitiis eluendis deco-  
 ctum Lindani euporiston *t*) vel infusum antimonii crudi, quo sa-  
 nati inter triduum icteri G. H. WELSCHIUS meminit, *u*) propina-  
 re. Largiora decocta graminis, taraxaci, apii, caryophyllatæ,  
 vel quorum forte major usus est, recens expressos fumarie &  
 beccabungæ succos cum nitrosis ac mellitis in calidioribus lauda-  
 mus. Atque hæc non modo per os & clysmata, sed & fomenta  
 hypochondriis applicata, communem nauabunt operam. Pluri-  
 mis acetosa placet, Italis cichorium, nobis herbæ arrident lac ama-  
 rum stillantes, ut sonchi & lactucæ. Nam lac illud tenaci mate-  
 riæ persistum delinit ut bilis, salina parte ad nitrum accedit.  
 Nec parum fructibus horæis blandioribus tribuimus. Inter potu-  
 lenta nihil tam eximium est, quam serum lactis, cujus liquidior  
 pars resorpta recto itinere ad hepar fertur. Et quid non ab aquis  
 mineralibus e. c. acidulis Spadanis & Egrensis, thermis Caro-  
 linis aliisque expectare fas est? quibus lentas stases hepatis diluen-  
 di & solvendi non dissimulanda vis inest. Sine his certe negat  
 FRID.

*s*) III. morb. n. 12.

*t*) v. Misc. Nat. Cur. D. III. A. II. O. 87. p. 138. it. O. 88. p. 139.

*u*) ib. D. I. A. IV. & V. app. p. 38. G. H. Welschii mistomn. 55.

FRID. HOFFMANNUS  $\alpha$ ) contumaciorem icterum, & crebris recidivis assidentem, tolli posse. Non est multo inferior virtus salium neutrorum, ut tartari vitriolati, arcani duplicati, salis polychresti & aliorum, quæ aperiunt, solvunt, detergunt, putredini resistunt, modo in fine tonica haud negligas, ut corticem cascarillæ, tincturam martis & similia. Gloriatur HOR. AUGENIUS  $\gamma$ ), se electuario suo chalybeato omnes fere sanasse ictericos, ubi scirrhus hepatis non adfuit, etiam inveteratos: quod in mucoso corporis infarctu & atonia facile probamus, in calidiori & strictiori corporis habitu damnamus.

#### §. XIV.

Euacuantium ratio non æque expedita est. Venam secare in hepatitide graviore, calidis & plethoricis, in primis post suppressos menses & hæmorrhoides, non potest non opportunum esse, at in lento hepatis infarctu ac virium inopia id tentare sine metu crescentis morbi non possumus, nec revulsione, in hoc morbo spes facile locum habet. Purgari ægrum prohibet HIPPOCRATES,  $\alpha$ ) plus enim, inquit, periculo eum expones, nec iuvabis. Nempe facile & emetica & purgantia spasmos excitant, humores exagitant, vires deiciunt. Maxime mercurialia in corpore salino & bilioso metuuntur. Diuretica & sudorifera, quæ per renale & cutaneum cribrum nōxia transmittunt, pariter a multis ob stimulos rejiciuntur. Sed vagus ille metus est, qui uno vel altero infelici successu nititur, varias morbi conditiones negligens. Sudore per largum vini generosioris potum orto convaluit ictericus apud IOS. LANZONUM  $\alpha$ ). Icterus scorbutici sub frigoris tertianæ invasisse, sudoribus diffluentibus

$\alpha$ ) Med. Systemat. T. IV. P. IV. p. 363.

$\gamma$ ) L. VII. Epist. 3. & 4.

$\alpha$ ) de loc. in hom.

$\alpha$ ) Ephem. Nat. Cur. D. III. A. 2. O. 33. p. 41.

bus evanuisse a FR. LOSSIO *b*) memoriae proditum est. Ita qui purgantia formidant, auripigmentum per errorem pro purgante assumptum sustulisse icterum, a MARC. GERBIZIO *c*) relatum reperient. VITUS RIEDLINUS *d*) diagrydio & marriatis icterum profligavit. Nempe horum omnium ambigua virtus est, nisi ante omnia ad genium morbi, & naturae vestigia sibi ipsi hic consulenti, quippe quae unice terenda sunt, respicias. Sæpe in ictero ex hepatitide salutarem alui fluxum natura excitat, ubi artis præceptis convenit, laxare vias illas, potu tamarindorum, sero lactis, in quo acetosa cocta, & clysmate emolliente ex decocto maluae cum melle. Sæpe natura per foetidum lotium repurgat corpus, ubi renibus, perinaeo, hypogastrio fomenta ac balnea conveniunt, cibus præterea diureticus ex fructibus horæis vel decocto milii in lacte ebutyrato. Si sudores natura ciet, balnea in primis vaporis cum frictu prosunt. Poto vino generoso sumto sudare, lavari, laborare HIPPOCRATES in ictero jubet. *e*) Nigrum icterum sudore & balneo sanavit brevi V. Riedlinus *f*). Nunc fieri solet, ut narium hæmorrhagia solvat, ubi nares spongia tepida fovemus. Guttæ aliquot succi cucumeris asinini mixtæ cum pauco lacte mulieris, ac per nares tractæ, fere incredibiliter icterum per nares expurgare dicit G. BAGLIVIVS. *g*) Hæ veræ artis suppetiæ sunt, ad omnia naturæ vel resolventis, vel coquentis, vel eliminantis molimina attentæ, quæ non facile, nisi nimis invaluerit morbus, suo successu destituuntur.

## §. XV.

*b*) Obs. L. III. O. 35.

*c*) Eph. Nat. Cur. D. III. A. 5. & obs. 137.

*d*) Cent. VIII. obs. 26. p. 292.

*e*) De loc. in hom.

*f*) cur. med. p. 296. o. 397.

*g*) Prax. med. L. I. p. m. 83.



## §. XV.

Verum non simili successus spe nituntur consilia in ictericis, qui purulento vel scirrhuso iecinore laborant. Non nisi histrionis est, qui signa affecti corporis interpretari nescit, magnam in tanto cachexiæ gradu opem iactare. Cito abscessus internas hepatis sedes depascitur, unde nascitur icterus cum ingenti siti, summa debilitate, anxietate & macie. Hordeata mellita, serum lactis cum tamarindis coctum, acidulæ cum lacte, oxymel, nitrum & sal ammoniacum multa aqua dilutum, dare aliquid levamimis possunt & celeriores mali progressum inhibere, at sistere nunquam & certa fide eradicare. Si ulcus rupto hepate abdomen *b)* implet, vesica, ventriculus, intestina, & quidquid in abdomine viscerum est, ita comprimuntur, ut transmittere nihil vel recipere queant, & abolita omni eorum functione decedat æger. Tumidum abdomen, si lanceola perforatur, subsidit, sed altero die iterum tumet, renata in putri loco materia elastica. Ars hic negat præsidia sua, novit que inania esse. Si stillat pus hepaticum in intestina *i)* cum nausea, siti, vomitu, & dysenteria, perit exhaustus æger, nec nisi diætata acida tenui vim orientis putredinis aliquamdiu sistit. At ferociores turbæ sunt, si illa sanies in sanguinem per venam cavam effusa *k)* febres continuas accendit, & fusco imo æthiopico colore cutem fœdat: nam ad caput advecta funestis deliriis, ad pectus terribili dyspnoea, ad extrema tetris ulceribus, & per mesaraica imprimis colliquativo alui profluvio interimit. Levis hic est levaminis umbra ex remediis paulo ante laudatis. Nec si abscessus versus peritonæum penetrat, certa emergentis ægri spes est, nisi aperto abscessu *l)* illo pus bonum, album, æquale, nec specillum inficiens, exeat.

*b)* v. Icterus huius loci apud *HEVRNIUM* obs. 22.

*i)* v. tales ictericos in *BONTII* obs. 9.

*k)* Icterus huius capitis *TH. BARTHOLINUS* notat. v. Hist. anat. Cent. IV. Hist. 18.

*l)* *FR. RVYSCH* obs. anat. chir. L.

cat. Raro id fit ob genium puris in his locis, tum vero diæta renuis antiseptica & detergens, donec cicatrix loco affecto indurata sit, commode adhibetur. In scirrhuso hepate cavendum est, ne vasa viva per ambitum scirrhusæ partis repentina, inflammantur & canescant. Id vitabit æger, si edat bibatque parum, nunquam se subito moveat, nec affectibus animi indulgeat. At flebile artis beneficium est, quod dubias inducias, pacem nunquam, ab hoste impetrat.

## §. XVI.

Nec sordidas & superstitiosas sanationes multum hic moror. Lorium pueri potandum laudat FEL. PLATERUS, *m*) saccharo quidem & melle miscendum, nec in frigido & lento infarctu prorsus contemnendum, sed nihil causæ est inter digniora præsidia, ut ad id, quod sordium nomine natura ejicit, confugiamus. Nec multo plus ille ægrorum palato blanditur, dum pediculos devorare suadet. Anserum stercora, quæ nitro sulphureo turgida plurimum attenuare IOS. QUERCETANUS censet, in usum tracta GER. ARN. VINQUEDES, *n*) extollit, & ne in re una illepidam acquiescat, pisces dissectos scrobiculo cordis ad summum fœtorem imponit. Quis morbo putri ac fœtido putribus illis ac fœtidis consulat? Sunt, qui in transplantando iëtero operam suam perdunt, acri censura dignissimi. Anomalis ingeniis, ut ROBERTI A FLUCTIBUS *o*) convenit hæc spes. THEOD. CHR. KRUG *p*) iëtericam nullo medicamine levatam sic sanavit, ut ex urina ægræ & farina triticea confectas placentalas siccitasque cani masculo esurienti obliiceret. Ita, inquit, remiserunt symptomata, & paulo post ægra convaluit. Similis narratiuncula apud FR. IOEL. *q*) occurrit.

*m*) Op. T. III. p. m. 101.

*n*) misc. nat. cur. Cent. 2. & 4. obs. 148. p. 342.

*o*) philos. mosaïc. S. 2. L. III. n. 1. c. 4. & 7.

*p*) misc. nat. cur. D. III. A. V. & VI. o. 160. p. 366.

*q*) Op. T. V. S. 2.

---

currit. Allos mingere oportet in formicarum acervum, quam transplantandi methodum attigit SIM. SCHULTZIUS. r) Inter alia, quæ hic suis censuris persequitur TH. BARTHOLINUS s) sanguinis meminit ex mediana ægroti extracti, testæ ovi per artem inclusi, gallinæ per XIV. dies suppositi & famelicæ dati, unde ægra evaserit. Verum ad fabulas silere quam respondere satius est.

r) Misc. nat. cur. D. I. A. III. o. 89. p. 146.

s) Hist. anat. Cent. III, H. 66.



DISSERTATIO  
DE  
MEDICINA PLAGOSA

PUBLICE PROPOSITA

GOTTINGÆ, D. 17 AUG. 1746.

RESP.

G. ALB. DE SELPERT,  
RATISBONENSI.

CONSPECTUS DISPUTATIONIS.

§. I. *Medicinæ plagosæ ambiguitas & duplex sensus.* §. II. *Status medicinæ plagosæ ex parte medici strictim attingitur.* §. III. *ex parte ægri, ut scopus argumenti, stabilitur.* *Damnatur mollities ægrorum & noxia lenitas medicorum.* §. IV. *Salutares plagæ in morbis animi simulatis.* §. V. *in morbis animi veris, ut melancholia & furore.* §. VI. *his affines morbi in scæta flagellantium & ad usum verberum ultro ruentium considerantur.* *Spes hic successus dubia ob varios impuri fomitis stimulos.* §. VII. *Ufus in apoplexia & epilepsia.* §. VIII. *in paralyfi & in primis paralyticis excretionum organis, tabe & macie, arthritide & podagra.* §. IX. *Ufus in multis aliis morbis chronicis, ut dysenteria, odontalgia, singultu, luxatione maxillæ, deliquio animi in balneis, sterilitate, impotentia ad venerem &c.* §. X. *Quæstio, in quo positum sit salubritatis tam variæ momentum? a vi nempe stimulante & revellente in primis.* *Negatur aliorum stimulantium & revellentium parem Richteri Opusc. T. I.* Kk *virtutem*

*virtutem esse. §. XI. Responsio ad illos, qui pudendam, contumeliosam & plenam doloris medicinam vocant.*

## §. I.

**E**runt, quos in limine fortassis nomen plagosæ medicinæ offendit. Cujus cum dubius sensus esse possit, quod vel plagas in remedium morbi ars præscribat, vel ipsa in præmium operæ auferrat, neutrum videtur sine probro fieri, nec concinnum publicæ disquisitionis argumentum præbere. Verum enim vero uti probrosum nihil est, quod salutem ægri vindicat, & hi interdum ipsi læto ore, nec de sævitia remedii querulo, exclamant:

*Scorpius & fabæ nostra fuere salus a);*

ita ex altera parte medicina, quæ multis aliquando censurarum vibicibus plagosa adparet, hoc in opprobrium suum minime interpretatur, bene merendo male audire, vel, ut *Cicero* ait, aliorum sermone vapulare.

## §. II.

Neque tamen est, cur alteram plagosæ medicinæ speciem multis attingam. Nam quibusvis verecundioribus integrum esse debet, sua & artis vulnera, etsi modeste ferunt, reticere vel dissimulare. Propterea haud eorum vacordiam excuso, qui fruges fastidiunt & spinas colligunt, nunc de medicina incerta, cum **LEONHARDO CAPUANO** *b)*, nunc de contempta cum **GERHARDO**

DO

a) Scorpii s. scorpiones sunt flagella taxillis, uncinulis, aculeis ferreis, offibus pecuinis innexa, hinc aculeata, hamata, taxillata dicta. Fabæ sunt scuticarum in summitate nodi instar fabarum. *Isthæc in me cudetur faba*, inquit *Parmenio* in *Terent. Eunuch. A. 2. S. 3.* Confer. *C. F. Paullini. Obs. Med. Phys. D. 1. O. 2.*

b) v. ei cogitat. in *VIII. D. prolat. in quibus origo & progressus medicinæ distincte enarratur, incertitudo simul ejusdem perspicue detegitur. Edit. 2. Neapol. 1689. 4.* In hoc libello contentiones medicorum non

DO GORIS c), nunc de eadem per expectationem id est, per dolos & mendacia curante cum GEDEONE HARVEO d), alia cum aliis differunt, asperius sæpe ipsis adversariis, & decus artis, cujus ultores esse debebant, lascivo pede conculcant. Hac via, quasi per proditores strata, incedere alios, & nunc cum ARISTOPHANE e) medicos *σφατοράγους* adpellare, nunc servitia apud Romanos & exilia objicere, nunc alia in dedecus artis scommata jactare, quid mirum est in illa plerorumque ingeniorum petulantia? Verum hoc plagarum genus ad quos non pertinet? Nulla profecto disciplina est, in qua non maculas vel arguta ingenia perspexerint, vel finxerint maligna. Fortassis proprio magis sensu plagosos vocabis medicos, in quorum interdum faciem phreniticos involare, capillos turbare, vestes lacerare non ignorant, qui tragicis morborum scenis sæpius interfuerunt. Durius est, quod GLAUCO f) accidit, cum *Hephestionem*, & GABRIELI

tam medicis adscribit, quam ipsis medicinæ fulcris titubantibus, rationi & experientiæ dubiæ.

- c) De medicina contempta Ao. 17co. Leydæ, ubi Thraasonibus medicis ipse summus Thraso succenset. Confer de aliis ejus scriptis judicium I. Astruc. de lue Vener. T. II. L. 9. S. 17. p. m. 1048.
- d) Exagitat medicos etiam in optimis artis adminiculis: ita ferreos vocat, qui chalybem, asinarios, qui lac, inprimis asininum, aquarios, qui fontes medicatos, lanios, qui V. S. stercorarios, qui purgantia ubivis inculcant. Confer. G. E. Stahl's artem sanandi cum expectatione, oppositam satyræ huic Harveanæ.
- e) Nempe apud Aristophanem in *Plut. Act. III. Scen. 2. Edit. Frischlin. pag. 56.* servus *Cario* de rebus in delubro *Aesculapii* gestis Dominam instruens, sibi ventrem, pulte sacrum, ait crepitasse ad accessum Dei, grabata ægrotorum circumeuntis. At, inquit, & *λιβανωτὸν γὰρ βδίζω*. Igitur *Aesculapium σφατοράγουν* vocat, quia id pensi non habuit, licet inter filias, patris comites, *Taso* erubesceret, & *Panacea* naribus compressis se averteret. Sumitur hic *σφατοράγους* sensu improprio, uti *φθοροράγους*, apud Strabonem pro sordido, & *ἀγνιστοράγους* apud Hesychium pro avaro.
- f) vid. *Arrian. Exped. Alexandr. Lib. VII. p. 232. Edit. Gronov. fol. In Curtii Suppl. Ereinh. Lib. X. C. IV. n. 12.* Alexander dicitur medicum, tanquam in curando negligentiore, suspendi jussisse.



TRIERI de ZERBIS g), cum satrapam Turcam sanare non possent, quorum ille in crucem actus, hic per satellitum acinaces concisus periit: ne de iis dicam, qui suo occubuerunt flagitio, ut VECTIUS VALENS h) valetudinem *Messalinæ*, & APOLLONIDES COUS i) uterinum *Amytis* morbum spurca libidine contaminantes. Verum id fatum sive infeliciū, sive scelestorum medicorum, iis forte minus imminet, qui artis successū & probitate consilii gaudent. Nec tamen a plagarum injuria longe abest diversā illa facies, quæ medico tribuitur, altera boni genii, dum sanat, altera mali, dum sanavit. Nec possum, quin rei hujus mentione injecta, de veris etiam medicorum, quibus prospere res successit, plagis, lepidam interpretis cujusdam conjecturam attingam. Erat captis Hierosolymis R. ZADOCK, qui suspiriis suis, lacrymis, jejunii & deprecationibus imminentem urbis cladem per quadraginta annos avertere conatus in sceleti speciem emarcuerat. Virum tam probum & crimina gentis suæ inter illos corporis sui squallores desilentem adduci ad se jussit *Titus Vespasianus*, & quum vidisset hominis extrema macie confecti umbram, medicos suos obtulit, qui sanitati ejus consulerent. Ab his longa opera recreatus, & a filio, ne sine præmio eos dimitteret, admonitus, solvere jussit, quidquid mercedis deberetur, secundum digitorum computationem k). Hanc bonus ille interpres pro alapis explicat, quas senex ille medicis suis, quippe paganis hominibus, apud quos nullum sit, etiam in successu operis, meritum, infligendas in abitu esse censuerit. Facile justior interpretatio respicit abacos veterum per digitos manusque numerandi, qualem veterum Latinorum ex BEDA cum picturis & imaginibus desum-

g) v. B. Seidel. L. I. de morb. incurabil. Potest huc referri *Austrigildis* dysenteria maligna periens, quæ rogavit maritum *Guntchramnum*, Gallicarum Tetrarchum, ut sibi liceret ante obitum oculos pascere cæde medicis, quo usā incassum esset. *Aimon. Lib. III. de reb. gest. Franc.*

h) vid. Tacit. annal. lib. XI. 35.

i) v. Phot. Biblioth. C. 71. ex Ctes. lib. XVII. de reb. Persic.

k) רחמנא רחמנא רחמנא vid. איכר רבת s. Glossa major in threnos Jerem.



desumptam apud I. O. AVENTINUM l) propius licet intueri. Rectius quidquid tam inficeti præmii est, empiricis & circulatoribus, mortem pro salute offerentibus debetur, quibus fustigationis vel relegationis poenam pro arbitrio iudicis lex civilis m) imposuit.

### §. III.

Talia, ut præmonui, animus non est fufius prosequi. Medicina hic nobis altero tantum sensu plagosa erit, quæ per plagas & verbera ægros sanat, cum mitiori vel efficaciore remedio non possit. Corruptum medicinam, qui placere eam, quam prodesse malunt. Nunquam blandior nocentiores nævos eluit, sævitia interdum requiritur, ipsis morbi injuriis non multum inferior. Ita vero contra desideria sua sentiri, ita ieiunii, se fatigari, ita in gaudia salutis se excruciiari, ipse postulat Imperator in formula archiattrorum Cassiodori. Recte SENECA n) nulla inquit, dura videtur curatio, cuius salutaris effectus est, & PLATO in *Gorgia* excusat medicum, qui secundo urendoque consulit, amarissimos potus exhibet, sitim famemque imperat. Aeger, si recte ejus indolem perspexit FERTULLIANUS o) mercede cumulabit medicos, artifices optimos prædicabit, sævos fuisse negabit. Crudelis mansuetudo est, tumentes vulnerum sinus leni manu attingere, & brevis offensionis metu furorem morbi alere. Laudari ait SIMPLICIUS p) medicinam exercentem, uren-

l) Accessit ejus annal. Boior. Edit. noviss. Gundling. Lips. Ao. 1710.

m) v. Carpxov. prax. Crim. p. I. quæst. 13. §. 24. Zach. L. VI. Tom. I.

n) Lib. I. d. Ira. Cap. 5.

o) adu. gnostic.

p) Comment. in Epictet. Enchirid. c. 12. laudari ait ιατρικὴν γυμνάζουσαν, καίουσαν, μύρια ἀποκόπτουσαν, καὶ τὰ αὐτὰ τοῖς ἀφειδῶς πολάζουσι ἀνθρώποις ποθεῖσαν. Ita Basilus M. in asect: ratio dicitur ferri deberi τομας, καίουσας, τὰ διὰ δρυμέων καὶ ἐπιπόνων φαρμάκων ἀλγήματα, ἀσιτίας διαίτας, ἀκριβῆ μέτρα &c.

urentem, membra refecantem & sacros carnifices imitantem. Hæc sine dubio possit major injuria videri, quam plagarum & verberum a manu amante & honesta. Errant profecto, qui medicinam semper in sinu habere jactitant, quæ cum iucunditate profint, & optionem penes ægrum esse, quo genere auxiliorum plus oblectetur, servili indulgentia persuadent. Hoc ASCLEPIADIS q) studium fuit, ut veterum medicorum severiora præcepta, ad pedes hominum sui ævi abiiceret, & nullum in arte esse, etiam ab improbissimorum desideriis, dissensum, temere dictaret.

#### §. IV.

Primum animi morbis, quos ratio non corrigit, medicinam nostram salutarem esse remur. Haud illos penitus excludimus, quibus ficta corporis labe occasio lucri est. Sæpe, inquit THOMAS BARTHOLINUS r), epilepsiam mentientes aspero hoc remedio sanati sunt, antequam ægrotarunt, profuitque etiam ad prophylaxin, ne postea hominibus simulato morbo imponerent. Novi, idem ait, pigros servos, nescio quem morbum comminiscetes, flagris ad officium rediisse s). Verum hoc disciplinæ genus a dominis potius aut magistratu dirigitur, haud proprie cum sanis medico res est; nisi ut de eorum imposturis, ex artis re-

q) Illi debetur regula, cito tuto & iucunde sanandum esse. Sustulit violenta omnia, & facilia ac grata substituit. v. *Cleric. hist. med. P. II. L. 3. C. 4. sq.*

r) vid. *epist. eiusd. ad Henr. Meibom. de flagrorum usu medico p. 7.*

s) *Ibid. p. 8.* Poterat hæc medendi ratio mulieri Argentinensi, ventris tumorem per 39. annos mentienti, convenire, cujus historiam cum apologia medicorum Argentinensium exhibuit Io. Bæclerus. Illa nimirum, ut in iuventute prægnantis ventris suspicionem effugeret, progressu deinde tot annorum illum tumorem, quem medicos inspicere pudicitiae specie passa non est, arte assinxit. Cum moreretur Ao. 1728, venter sine vitio, & saccus XIX. librarum pannis & linteaminibus fartus, quem ventri aptare scivit, repertus est. *Vid. Act. Med. & Phys. N. C. V. II. O. 94. p. 207.*

regulis penitus cognoscendis, rogatus illos instruat, apud quos cognitio causæ est & pœnæ arbitrium. Potest nimirum callide expressa morbi cujusdam facies multos fallere, minime peritum medicum, qui perspicaciori oculo, quid phænomenorum in illa ficti morbi scena omissum sit, quid contra morbi leges expressum, levi attentionis opera cognoscit. Neque enim talis fallendi artifex perfectam tenet morbi ideam, neque si teneret, totam exprimere in ejus potestate esset. Particula medicinæ non contemnenda est, quæ improborum hominum in imitando morbo astutiam, ex ipsis illis mutilæ imitationis vestigiis deprehensam, protrahit in lucem, publica legum severitate coercendam.

### §. V.

Crebrior est medicinæ nostræ locus in vera animorum impotentia, melancholia aut furore. Honestum virum se nosse, scribit T. H. BARTHOLINUS <sup>1)</sup>, non raro furentem, at quoties alterius fortioris minis & verberibus cogatur, agno pacatiorem. Nobis cognita est in celebri urbe, medici manu fortis, animo intrepidi, solertia in sanandis melancholicis & furiosis felix. Cum soleant plerique errantem melancholicorum ideam adplausu quodam excipere, lenique obsequio demulcere, is eandem verberibus potius excussit. Quoties non deflecerent verba a rationis præceptis, laudavit ægros, & multis officiis demeruit, si deflecerent ad vitiosam illam ideam, correpto statim baculo nascentem errorem exstinxit. Si diceret æger: tantæ mollitiei corpus meum est, ut sine dubio ad leuissimum motum, imo attactum alterius diffluet; ille sic delirantem statim in rhedam iniecit, & per asperas vias vectum, fortiterque concussum convicit erroris, vide, inquires, quantum absit, ut ad violentum etiam motum diffluas! Ita errorem vicit fortiter repugnando, & quoties ille novo germine pullularet, ressecando statim, objurgando & manu armata obluctando. Nihil in sanatis hac methodo ægris,

nisi

<sup>1)</sup> l. c. p. 13.



nisi maior quædam meticulositas in quibusdam remansit. Subjicimus similem furoris medelam ab ipso furioso exambitam. Fuit in vico Wagriæ ante XX. circiter annos, qui uxore ducta, quam mox conspexit corpore laceram & cicatricibus deformem, indignabundus rem ad judicem detulit. Narravit mulier, se viri, illius loci justitiæ præfecti, furoribus sanandis, qui per intervalla ingruiebant, mercede conductam servivisse, ita ut, quoties vis morbi immineret, utrinque secretiorem petierint locum, & nudata corpora dilaniaverint mutuo virgis, ubi demum ille ad sanguinem cæsus & cædens, hoc conspecto compos sui factus est, & liberato quasi cerebro ad tempus resipuit, iterata tamen medela aliquoties per annum indiguit. In ædibus defuncti ad iudicium mulieris reperti sunt multarum virgarum fascēs, ut statim nimirum redeunti furori ad manum esset medicina. Speciatim ex amore melancholicos & insanientes fortiter & aliquoties vapulare jubet RHASES *u*). VALESCUS DE TARANTA *x*), si juvenis est æger, flagellari culum jubet, si nondum resipiscit, in carcere inclusum aqua & pane sustentari. Vidit JO. BODINUS *y*) Londini furorem epidemicum, quo correptos acerrimis verberibus castigari oportuit, quarta decima luna, qua major vis est furoris, tumente cerebro. Cujus rei cum eum commiseratio cepisset, intellexit ex iis, ad quos cura morbi spectabat, salutarem hanc furoris medicinam esse. CAELIUS quidem AURELIANUS, dum furoris meminit a Tito *z*). ASCLEPIADIS discipulo verberibus sanati, haud plane consentit, partim quod affectus in furioso locus, caput videlicet plagas non ferat, partim quod longus dolor ex plagis supersit. Verum ut in doloribus illis parum sævitiae est, si mentem inde sibi restitutam spectas, ita in remotioribus locis excitati sua revulsione profunt, nec æstum & alia, quoniam furor sine febre est, excitant. Haud penitus ab iis, qui mentis com-

potes

*u*) v. L. I. Contin. c. 4.

*x*) Philon. L. I. c. 17. p. m. 53.

*y*) L. V. de Republ. c. 1. p. m. 790.

*z*) L. I. tard. pass. c. 5.

porēs non sunt, somnambulos excludo, quos noctu surgentes verberibus mulctandos esse, multi auctores suadent: id quod feliciter successisse exemplo hominis sibi cogniti HENR. MEIBOMIUS a) testatur, malo per verbera feliciter depulso, nec unquam redeunte.

## §. VI.

Non possum hic mirum illud hominum genus præterire, quod sacro quodam furore, vel vero, vel simulato, in corpora sua sævit. Ad sectam illam flagellantium b) respicio, quæ ferventioris pietatis specie ad expiandam vitæ antea actæ conscientiam dorsum vulneribus secat, adeoque medicinam nostram ipsa inconsulto præripit, ejusque virtutem nimio usu obtundit. Neque in veteri neque nova ecclesia disciplinæ hujus ante sæculum XI. vestigia existant, at lapsa meliori parte sæculi hujus cœperunt religiosi viri, stimulis atræ bilis forte magis quam pietatis impulsī, pœnas pristinorum criminum a se ipsis reposcere, & virgis, loris, flagrisque corium sibi lacerare. Potuit error ille, quamdiu inter privatæ disciplinæ limites se continuit, ut innocentior tolerari: potuit misratio subire, pias animas atris morbi melancholici inquinamenti laborare c). At sæculo XIII. in lucem

a) v. Ep. ejusd. ad Barthol. p. 103. annexa patris sui dissertationi de usu flagrorum in re medica & venerea.

b) Post A. 1047. vel 1056. quo tempore Petrus Damiani de honestis vixit, quem Baronius Annal. Eccl. T. XI. A. 1056. n. VIII. vel autorem vel propagatorem vocat disciplinæ hujus, qua pœnitentes se flagellant. Ipse Damiani, qui obiit Ao. 1072. id in epistolis suis testatur de Dominico Loricato eremita, de sancto Rudolpho monacho a iisque. Ampliorem catalogum habet Gretserus Jesuita in virgindem. Volc. c. 5. p. 116.

c) Cœpit furor ille, qui pietatis larva imposuit Ao. 1260. in Italia, superius novis surrexit viribus Ao. 1340. Spiræ præsertim in Germania, & denuo caput extulit principum indultu in Gallia A. 1574. Obstitērunt quidem ab initio statim Alexander IV. pontifex, & deinde Clemens VI. & inter Italos principes Rex Siciliae Manfredus, præterea in Germania Carolus IV. alii magistratus in aliis locis; at vix potuit torrenti huic ob-

cem publicam se proripuit mali morbi genius, & *Perusinos* primum, deinde omnes fere Italiae populos ita corripuit, ut spiritus valetudinis, pudoris & legum vinculis, senes & juvenes, nobiles & ignobiles, docti & indocti, non die solum, sed & nocte accensis cereis, aspera etiam hieme, per plateas nudi ruerent, cœtu interdum decem millium collecto, præcedentibus sacerdotibus cum vexillis & crucibus, inter lugubres cantus, flebiles modulationes, & flagrorum, aspera manu sibi ipse inflictorum, strepitus. Quis non hic furorem imo furoris quoddam contagium agnoscat? in quo nihil æque mireris, quam multorum in una scena instruenda consensum. Venuste *THUANUS d)* hanc lasciviam religionis vocat per voluntarios cultus luxuriantis, eique mortem *Caroli Cardinalis Lotaringi* tribuit, quandoquidem ipse rex Galliae *HENRICUS III.* cum proceribus aulae suae flagellantium turbæ se misceret. Non male fortassis turbam illam in triplicem classem dispecimus, ut una sit furiosorum, altera improborum & fraudulentorum, tertia eorum, qui hebetis & flexilis ingenii colore pietatis ad omne facinus, præeuntis gregis exemplo, tanquam habenis quibusdam trahuntur. Mixtus igitur animi & corporis morbus variis in uno cœtu nervis dirigitur, & sub poenitentiae fuco probis illudit, totus ex pagana superstitione ortus e). Quamvis cum pontificiis *BOILEAU f)* nihil reprehendat

sisti. Neque solum *Sebast. Franckius* & *Rud. Hospinianus* plurimos errores insano gregi tribuunt, sed & alii, primis statim temporibus, quibus rabies illa erupit, proximi, ut *Hermannus de Schilde*, *Jo. de Indagine*, & *Jo. Gerson*. Miror virorum horum operam, quod eorum, qui vere insanirent, errores in doctrina numerarent.

d) *hist. P. III. L. 59. p. m. 61. Et 62.*

e) Videtur totus ille mos voluntariæ flagellationis a paganis fluxisse. Solémnis *Lacedæmonum διασίστης*, *Aegyptiorum* mutuae flagellationes in festo *Isidis*, teste *Herodoto*, *Scytharum*: in honorem *Dianæ*, notante *Philostrato*, *Arcadium*, tempore regis *Evandri* in gloriam Dei *Pan*, & alia id generis, hoc satis confirmant. Apud *Apulejum L. 8. metamorph.* sacerdotes Syriaci ancipiti ferro brachia sibi secabant, & quasi erroribus vitæ suæ succensentes, contortis tæniis laniosi velleris atrociter & sine gemitu se verberabant. Ad quæ *Phil. Beroaldus* bene notat,



dat in hoc instituto, nisi disciplinam voluntariam, quam superiorum leges definire debebant, deinde eandem nimis severam, nec verecundam satis, nudatis publice corporibus; imo GRETSE-  
RUS g), rem omnem defendat, de una hac quaestione sollicitus, dorso an lumbis clunibusque congruentior sit disciplina, & a va-  
letudinis noxa alienior? plus tamen omnino imposturae & impu-  
ri fomitis later. Crescit hominum, illis pietatis experimentis,  
uti adparet, insignium reverentia, & in alios, tam sanctis ani-  
mabus in nulla re oblectari audentes, imperium. Illud praeterea  
attendimus, in re etiam injucunda, si usus invaluit, illecebrarum  
aliquid reperiri, nec a dolore pruritus, qui voluptatis causa est,  
facile separari. Hi sunt, qui inter flagella rident, ut ait SENE-  
CA h), cum alii gemant sub colapho. Magna tunc in multorum  
pectoribus ardet libidinum fax, & pari passu ad voluptatem do-  
loremque contenditur. Notavit CAELIUS RHODIGINUS i),  
quendam salacissimorum, qui aestuantem pruritus verberibus in-  
cendit, convitiis incessens converberatorem, si lentius ageret. Fru-  
stra unicum mortalium credit Caelius, qui eodem impetu in suppli-  
cium

has fuisse sub specie sanctitatis insidias superstitiosorum oculis structas.  
v. ei. *Comment. in Apul.* Hinc contra tales idololatrias divinum prohi-  
bitum monuit Judaeos *Deuteron. 14, 1.* לא תתגררו *ne laceretis vos*  
*ipfos.*

f) *vid. Hist. ejus flagellant. Ed. Gall. p. 254.* Idem plurima habet ad hoc  
argumentum pertinentia, maxime c. IX.

g) *L. II. de Discipl. c. 9.* Ex medico consulto, ait, se audivisse, a fla-  
gris in dorso nunquam sanguinis & caloris nativi multum profundi posse,  
unde mala oculorum, fluxionum & alia, quae hanc disciplinam suspectam  
reddiderunt, oriri queant. Imo quum saepe scarificatio prosit in vitiis  
oculorum & fluxionum, posse etiam verbera prodesse, quorum actio  
non multum discrepet. Verum *Boileau* existimat, noxas illas experien-  
tia nimis confirmatas esse, quibus impulsos Capucinos & monialium mul-  
tas, nunc potius in lumbos clunesque expedire virgas, spinis & funicu-  
lis intermixtis. asperiores v. *Boileau l. c. p. 306.* ubi tamen non frustra  
susplicatur, calentibus inter verbera vicinis partibus generationi dicatis im-  
puram libidinem etiam plus exaestuar.

h) *Ep. 13.*

i) *lect. antiq. L. XI. c. 15.*

cium feratur ac delicias. Simile de cive Lubecensi JO. HENRI MEIBOMIUS *k*) habet, qui non nisi flagris cæsus par operi fuit. Omitto, quam in eodem libello longam seriem similium observationum habet, & venustis conjecturis illustrat. Verum heteroclitos illos homines, sive in iis hypochondritis quædam enthusiastica, sive pravitas animi, voluptati aut ambitioni litans, peccet, excludere ex ægrotorum nostrorum classibus fere oportet, quippe medela nostra majores, & hac ipsa, ad omnia mala sustinenda, duratos. Quosdam tamen etiam inter hos arbitror per medicinam nostram aliâ manu exhibitam ad saniores mentem reduci posse.

## §. VII.

Quemadmodum ad morbos, in quibus anima actionum suarum conscientiam amittit, & omni simul in corpus potestate exuitur, apoplexia præcipuo loco pertinet; ita hujus imminentis periculum vicit aliquando flagelli usus. Fuit, qui torpidus, cephalicus, vertiginosus venam secare a medico jussus est ad apoplexiam præcavendam. Negavit ille, at urgente medico, aliisve in consilium accitis, non quidem vicit secandæ venæ horrorem, vitæ tamen amore impulsus, & qua arte, quibus locis sanguis elicetur, perinde esse existimans ad medicinam nostram ultro confugit, in domesticam solitudinem se abdidit, catribus bubulos duriter sibi inflixit, ut sanguis tergo erumperet, & commoto semel vitali latice, ingens quoque narium hæmorrhagia sequeretur. Gavisus efficacissimi remedii virtute, non dubitavit, quoties opus esset, ad ejusdem usum reverti. Mirantibus aliis, egone, inquit, ob tantum lucrum, quod sanitas est, mortuum bovem formidem *l*)? Fortassis idem tentare in epilepsia plus habet discriminis, quod nervos in convulsionem jam pronos novo laceffere ver-

*k*) de flagellorum usu in lue venera ad Christ. Cassium, additis variis ejus argumenti. Francof. 1670. Ibi inprimis lege p. 44. sq.

*l*) Eph. N. C. D. II. A. 7. Append. p. 128. Conf. Paulini flagell. salutis p. 20.

verberum stimulo vix opportunum videri possit. Tenellos in primis, quorum tam amplum, tam molle, tam tenerum est nervorum systema, ut ex eorum numero vix inter centenos unum alius morbus quam convulsio interimat, vindicandos esse ab illis austerioris medicinæ experimentis credideris. Constat omnino, eos ex levissimis causis, ut vermibus, vel torminibus ventris ab acido, imo in prima ætate ad maiorem paulo fragorem vel fulgidam lucem convelli. Attamen MARCUS GERBEZIUS *m*) puellæ meminit, vehementer & per exigua intervalla epilepticæ, quæ suâsu amici a matre familias sub novum morbi ingruentis impetum virgis acriter cæsa, ab omnibus postea redeuntis mali injuriis immunis vixit. Negari nimirum nequit, spasmodum medellam, quæ influentes spiritus ad alia loca ab adfectis divertit, rationi egregie convenire. Dum puerum singultientem subito increpas, per excitatam ejus attentionem & formidinem, mutato spirituum motu conquiescit singultus. In contumacioribus spasmodis hysteriarum aliisque ad spiritus e loco in spasmum proclivi revocandos, plus stimuli circa alios nervos excitare moris est, in quo præcipua consistit antihystericorum virtus. In adultioribus epilepticis cur idem aliquando moliaris, nihil repugnare video. THOMAS BARTHOLINUS *n*) flagris aliquos vidit a religiosis castigatos, iudicio ejus mere epilepticos, sed eorum sententia a dæmone obsessos. Et certe nervis liberandis & in torpore suo excitandis, plus quam dæmonis pellendis, efficax hoc esse remedium arbitror.

### §. VIII.

In illis morbis, qui animum turbant, quid in verberibus spei sit, recensuimus. At & in paralyfi, læsi motus voluntarii instrumentis, turbatur anima, vel, dum illud inter cerebrum & nervos musculorum commercium labefactatur, nihil in omni voluntatis suæ nîsu virium motricium ut olim esse sentit, nisi commercio

*m*) *ib.* D. III. A. 7. & 8. O. 187. p. 306.

*n*) *l. c.* p. 9.



mercio illo restituto. Iam CORN. GELSUS o) paralytica membra urticis cædi voluit. THEMISONI per ferulas membra resoluta ad vitam motumque revocare suadenti CAEL. AURELIANUS p) usum falsæ aquæ ut congruentiorem substituit, de quo jam, ultra ratio potior sit? non disputamus. Ex recentioribus ipse HERM. BOERHAAVE q) inter remedia ad sanandam paralyfin adhibenda fustigationes & urticas discrete refert, Non est, cur in partem, quæ sine motu, sæpe etiam sine sensu est, plagas ingerere multum dubites, ut ad officii sui sensum redeat. Sic aliis, ut aluum, aliis, ut lotium exonerarent, verberum stimulo opus fuit ad nervos excitandos. Apud C. F. PAULLINUM r) puella non nisi a moroso vitrico virgis probe cæsa lotium misit. Citat idem DAHLBORNII s) testimonium de mercatore, cui non nisi sua vel uxoris manu similem in modum percusso unda illa expeditius saluit. Verum etiam major est nervorum imbecillitas, si lotium effluit iniussu, hinc pueris in primis, qui continere illud nesciunt, virgis consulit vulgaris experientia. Præterea cum emaciari partes & gracilesceere soleant, in quas nihil vitalis motus & nutrimenti per adfectos nervos descendit, non immerito HIER. MERCURIALIS t) veterum consuetudinem laudat, partes graciles, donec caro elevetur & alimentum ad eam adtrahatur, virgis diverberandi. GALENUS u) ipse ferulas parvas, leves, modice illitas, gracilibus partibus in hanc spem incurtiendas esse docet, donec adtolli & tumere incipiant, eaque arte mangonem scribit pueri fame consumptas nates mediocri percussu, singulis vel alternis diebus iterato, tumidulas reddidisse. Quæ de impotentia motuum diximus, ad arthriticos & podagri-

cos

o) *Medicin. L. III. c. 26.*

p) *L. I. tard. pass. c. 1.*

q) *aphorism. 1069.*

r) *Obs. Phys. Med. 26.*

s) *v. ei. flagell. salut. P. III. c. VI. p. 88.*

t) *de arte gymnast. L. IV. c. 9.*

u) *in meth. med. L. XIV. c. 16.*

eos commodè extenduntur. Sæva tunc admittuntur atrocium dolorum remedia, ut linum HIPPOCRATIS accensum in cure, moxa *Indorum*, telæ aranearum contortæ, quas TEMPLE *Britannus* extollit. Forte verberum mitior hic medicina est, certe adeo illa non timuit pater C. F. PAULLINI *x*) ut pedes dolentes sæpe obtulerit filio, gravissimis virgarum ictibus restituendos.

### §. IX.

Verum etiam vigente animo & in sensus motuumque functiones sufficiente, verberum usus multis aliis corporis ægritudinibus fortuitam ab initio, & mox iteratis experimentis confirmatam medelam attulit. Bini rustici robusti, pater & filius, a dysenteria, qua epidemica laborarunt, ipso fere momento verberum inflictorum liberati sunt, notante W. A. KELLNERO *y*). Flagris discussæ quartanæ ipse SENECA *z*) meminit, quod metus animi in alias curas secedens, suspectas horas fefellérít. Negat tamen, iis quidquam deberi, quorum inimica consilia fortuna flexit in melius, cum beneficium ab iniuria non eventus distinguat, sed animus. Nihil illæ argutiæ impediunt, quin salutem vere iis, a quibus accepimus, debeamus: satis est, profuisse illos, licet inscios & invitos, imo multis profuisse, quod interdum fortuita communem salubritatis normam stabiliant. Alapa (at quantillum in tanto lucro injuriæ!) tempestive, licet non semper a favente manu inflicta, odontalgiam, teste C. F. PAULLINO, *a*) singultum, observante Ios. LANZONO *b*) varias febres notante Ros. LENTILIO comepescuit, *c*) sæpe luxa-

*x*) vid. ejusd. *flagell. salut. P. IV. c. 12. p. 103.* ubi plura huius generis.

*y*) v. *Act. Phys. Med. N. C. V. IV. obs. 113. p. 450.*

*z*) *L. VI. de benefic. c. 8.*

*a*) v. *Eph. N. C. D. 2. A. 9. obs. 192.*

*b*) *ibid. D. 3. A. 1. obs. 44. p. 61.*

*c*) in addend. ad *E. N. C. D. II. A. III. obs. 93.* Ubi varias ait in Curlandia febres se vidisse per fortia verbera sanatas. Sic tertiana ancillæ cessit ad alapam dominæ, v. *Paullini erbaut. Lust. P. III. 48. p. 330.*

luxatam maxillam *d*) experimento in vulgus cognito, & ipsi MOEBIO probato restituit. Viliores etiam in balneo, si animo linquuntur, alapis refici & excitari posse AETIUS *e*) censuit. Id vero non legi, quod Vienenſis medicus DRAHN *f*) alibi notatum reperit, impactum uxori colaphum post *συρρυτιαν* id efficere, ut femine retento certius imprægnetur. Grauidam tamen illam respexisse potuit, quam legi apud C. R. CAMERARIUM *g*) id data opera egisse, ut colaphum marito extorqueret. Romanæ olim mulieres spe sæcunditatis dextram vel terga flagellanda Lupercis *h*) offerebant. Nec dubitat MENGHUS BLANCHELLUS FAVENTINUS *i*) remedium sterilitatis virides urticas appellare, certius apud PETRONIUM salacitatis fomentum. An in legitimo toro iustum aliquando sit spem prolis hoc remedio sustentare, si plures forte sint, illi Bavaro, cujus OTTO BRUNFELS meminit, *k*) similes, cui non nisi ruditer flagellato res esse cum uxore potuit, nolim hic dispicere, nec existimo multos fore, qui nostrum hic consilium requirant. Poterat certe, qui urticæ olim laudes condidit PHANIAS, multa hujus generis addere, imo & alia, minus suspectæ virtutis, veluti illud ELIDAEI PADUANI, *l*) qui, ut facilius variolæ erumpant, tenellorum corpora urticis cædere iussit.

## §. X.

- d*) Facilem hanc medelam vocat G. Moebius *Epit. inst. p. 242.* nec minus vulgare est, pugnâ tergum percutere, si bolus vel ossiculum gulæ inhæret.
- e*) *tetrabibl. 3. §. 1. t. 8.*
- f*) Scripsit illud G. Franco de Franckenau. vide huius *Satyras med. p. 514.* Tuta tamen non est illa alaparum species, quæ Sannioni in *Tarent. adolph. A. 2. S. 2. v. 36.* omnes labefecit dentes, ut totum caput tuber esset, qualis occasionem præbuit G. Franco de Franckenau funestiarum alaparum largam messem in suis satyris medicis colligendi.
- g*) *v. syllog. rer. memorab. Cent. II. §. 32.* An ideo inter verbera se amari credunt vel crediderant olim mulieres Russorum?
- h*) *v. Ovid. fastor. II. v. 427. & 445.* Prudentius in *Rom. Mart.* ait pulsaſſe puellas verberare ludicro.
- i*) *Prax. P. II. cap. de passion. part. genital.*
- k*) *in onomast. sub nomine coitus.* Haud similia damnatæ veneris incitamenta, de quibus fuisse egit I. H. Meibomius libello superius indicato, attingo.
- l*) *Confil. med. 282.*



## §. X.

Opus non est per uberes illos observationum campos vagari ulterius, præstat adhuc strictim dispicere, in quo situm sit præcipuum hujus salubritatis momentum, & ita situm, ut quum verbera per se nomen invisum sint, viribus vincant, quidquid sit medicinæ mitioris, agroque vel medico dignioris. Id vero primum nemo non intelligit, stimulantium maxime vices implere verbera, igitur torpentis circulationis & pendentium inde coctionum, secretionum & excretionum vigorem instaurare, & sic in multis morbis chronicis hominum frigidorum, lentorum, pituitorum, liberali virium mensura prodesse *m*). Qui novit, ex stimulantium fonte, cardiaca, aphrodisiaca, diaphoretica, diuretica, aliaque non infimi ordinis medicamenta peti, perspicit plenius, quam larga verberibus bene merendi occasio sit, uti præsertim in torpore nervorum, paralyfi, impotentia ad venerem & naturalium excretionum remoris eluxit. In eo etiam plus latet arcani subsidii, quod illa externi stimuli vis, nunc virtutem aliquam, nunc noxam ex interna viscerum sede alliciat. Prius declarant partes macie & tabe consumptæ, ad quas fovendas vim interni motus, caloris & alimonie ope nostræ medicinæ uberius derivari, supra docuimus, posterius illustrant exempla dysentericorum per verbera sanatorum. Sæpe stases & vomicae, quarum obscurior cognitio est, sic ad externa exundant, uti PHEREO JASONI *n*) contigit, cui illatum ab inimica manu vulnus vomicam rupit, medicis insanabilem. Vocabant hæc olim attrahentia, quod attrahant ad cutem, sive impetum cordis humorumque, adflctis interne

*m*) Id obiter ex dictis attendant scholasticæ disciplinæ magistri, acuta & excitata ingenia, ratione, quam promptius capiunt, regenda, vel, si illam negligant, carceribus aliisque agilitatis suæ capistris coërcenda esse, lentis vero & torpidis, quæ ratione ducuntur minus, ut in officio contineantur, sic verbera convenire, ut aliquid sæpe ad sanitatem conferant. Tractandi ut hi pueri sunt, & ipso magistratus iussu tractantur, fatui, melancholici, furiosi &c.

*n*) v. Val. Max. L. I. c. 8. N. 6.

interne partibus sæpe metuendum, ad vasa cutanea, quæ inde rubent, tument, calent dolentque, tanquam ad loca minus resistentia, & stimulo illo laxante & solvente debilitata, pro scopo artis convertant. Ita frictus, (quid vero verbera nisi frictus paulo vehementior?) a mediis partibus & summis materiam evocare CELSUS o), cucurbitas incantamenti instar dolores internos sedare GALENUS p), fetacea contumacissimas cephalalgias solvere RUYSCHIIUS q) testatur. Et quæ non hic vis est phænigmorum, sinapismorum, vesicantium & causticorum, quibus verberum actio proxime responderet. His vero ipsis & forte multis aliis, inquires, si illa vis sit stimulandi, attrahendi, revellendi, interiora liberandi, quid opus verberibus? Fateor, opus non esse, si illa quidem fidem impleverint. At ut in mitioribus illis lenta vis est, & raro in contumaciori malo sufficiens; ita in fortioribus non tutus satis usus, cum ab iis sæpius noxa introrsum rapiatur, cujus deinde progressum solutis jam habenis sistere non licet. Sub certiori moderamine sunt verbera, nec ita moram trahunt, nec postulant impensas. Hæc vero omnia curatius inter se si conferre vellem, nimis ad particularia delabendum esset.

## §. XI.

Igitur iis adhuc in fine occurremus, qui rem nimis ignominiosam verbera esse objiciunt, & ulmeas virgas in servulorum tergo, ut PLAUTUS ait, luscitantes, aliasque flagitiosorum hominum poenas, nec suaderi a medico, nec admitti ab ægrotantibus sub forma remedii debere censent. Ignominia in crimine latet, cujus, si comes non sit poena, hæc mutat nomen, & aliquando in beneficii locum transit. Non est carnificis manus, quæ lædit, non forum, in quo plebis oculis puniendi subjiuntur, sed consentiente ægro & postulante, vel si ille compos sui non est, agnatis efflagitantibus, manus amica & honesta se reluctanter accingit, idque

o) de Medicina L. II. c. 14.

p) v. Meth. med. L. XII. c. 8.

q) Obs. Anat. Chir. cent. O. 40. p. 39.

idque clanculum, ut inter millena exempla vix unum effluat in notitiam & censuram vulgi. Occultare reticenda medicus, antequam ad exercendam artem admittitur, jurisjurandi fide adstringitur, ægro integrum est, salute sua sine indicio remedii frui. Verum alte ista opinio hominum animis insidet, ut iis, qui nobilioris sunt dignitatis, nolit medicus indicare, nedum suadere auxilium, quod prævidet cum fastidio & indignatione rejici. Disputent alii, gravius peccet medicus? si deprehensis reliquis remediis ut inertioribus, ultima illa, dum ad triarios res rediit, artis præfidia dissimulat? an æger? si hæc in contumeliam suam interpretatur. Nostro judicio satius est, repugnare ægrum, quam medicum filere. Id vero certissimum deprehendimus, minorem ideo esse artis potestatem in profligandis magnorum hominum morbis, quod in iis exhauriantur mitissimorum remediorum classes, & hinc fixis altius radicibus invalescens malum mox omnem medelæ spem eludat. Sit sua cuique libertas, si sævitiam morbi prementis, quam remedii sanantis experiri malit, etiamsi prior sævitia sit plerumque multis modis atrocior. Fuit sacerdos quispian, qui cum FRID. KRAFFTIO r) adseverasset, compertissimæ virtutis in podagra remedium sibi fuisse, postquam reliqua incassum tentasset, si pedes virgis betulinis ad sanguinem usque sibi caderentur, id etiam adjecit, ob tormenta podagrica se vix sensisse novos illos a virgis inflictos dolores. Permitteret interdum morbus, ut sua manu, a qua certe aberit ignominie suspicio & pudoris causa, se cædat æger. Neque erit, cur ambigat multum, quibus instrumentis utatur, flagellis, scuticis, virgis, urticis, vel quibuscunque aliis? de quibus ad puniendos scelestos adhibitis disceptatum olim est, in quo ignominie plus vel minus sit s). Simulac ratio infamie nulla subest, quaestioni tantum locus erit, quaenam ex iis instrumentis pars adfecta cum majori salubritate ferat. Nec prorsus desunt exempla illustrium virorum, quibus,

hæc

r) Ex cujus ore, C. F. Paullini in der Erbaul. Lust. P. III. c. 67. p. 1055.

s) Flagris olim cædi servorum, fustibus & virgis liberorum fuit. vid. Brisson. L. III. antiqu. Jur. civ. c. 9.



hæc ratio medendi, aliorum administrata manibus, divitiarum non fuit. Singulare est, quod de principe Venusino CAMPANELLA *t*) refert, alvum haud potuisse eum exonerare, nisi a servo ad id conducto verberatum. In hoc tamen consentimus facile, adnitendum esse medico, ut in nobilioribus, quorum morbis verbera mederi poterant, eligat quæcunque alia, viribus paria, aut non multum inferiora, in vilioribus autem & in primis junioribus medelam per verbera consideret aliquando ut temporis & sumptuum compendium. Optime cum iis agitur, quibus sufficit in sanationem, instrumentorum illorum sævitiae meminisse, ut auctores aliqui persuadere conantur. Non secus sufficit quibusdam ad alvum movendam olfecisse catharticum. Oeconomum SAL. ALBRECHT *u*) sodæ dolores scribit constanti experimento compe-scuisse, si flagri sui axungia inuncti & domi suspensi etiam absens meminit. Idem in simili morbo P. ROMMELIUS *x*) cum Jo. AGRICOLA tradit de homine, restem vel laqueum inunctum & in angulo domus pendentem cogitante. Efficax profecto remedium, ad cuius nomen morbi trepidant & aufugiunt! Ceterum obstitit & obstabit in posterum offensionis metus, ut inter classes medicamentorum alia forma quam subreptitia adpareant verbera, semper, quasi certæ aliquid maculæ adhærescat, numeros suos implere non nisi clanculum oportebit. Ipsa medentum memoria horum experimentorum cognitione instructior libros hujus generis observationibus locupletare metuit.

*t*) *Medicinal. L. 3. c. 5.*

*u*) *Aët. phys. Med. N. C. V. 4. O. 54. p. 167.*

*x*) *Eph. N. C. D. II. A. 8. O. 179. p. 459.*



## DISSERTATIO

DE

INSOLATIONE,

SEU

POTESTATE SOLIS IN  
CORPUS HUMANUM

PUBLICE PROPOSITA

GOTTINGAE, D. 29 APR. 1747.

RESP.

G. ALB. DE SELPERT,

RATISBONENSI.



## §. I.

Fulgidissimum illud Solis fidus, quod calorem lucemque undique diffundit, fruges excoquit, semina evoluit, tempora distribuit, & in tanta ab orbe nostro distantia rerum ambientium & salutari vi proxime influentium ministeria multum superat, adeoque in-exhausti beneficii fontem præbet, non tamen omnes querelarum & reprehensionum causas amoliri abs se potest, in primis ubi igneas habenas propius immittit. Hinc hominum ingenia, quæ raro vel nunquam justo limite rerum usum discernunt, nunc ad majorem, ac par est, cultum, nunc contrariis passibus ad ipsa convitia Solis deflexerunt. Fuerunt, qui eum ab antiquissimis temporibus pro unico vel præcipuo Deo habuerunt, quem, ut placabilem sibi redderent, omni sanctimonia & religiosis ceremoniis

Mm 3 enixi

enixi colossos, obeliscos, antra, templa, aras, ludosve consecra-  
runt a). Fuerunt e contrario, qui saxum aliquod aut fortuitum  
ignium globum, & quidvis potius quam Deum adpellarunt b).  
Quin & fuerunt, qui non agnita, aut spreta tam benefici fideris  
salubritate, nunc velut *Cimmerii* c), quorum regio perpetuis ne-  
bulis

a) Jam illud *Hermeti Trismegisto* tributum est, Solem Deorum coelestium  
maximum esse, cui reliqui Dei cedunt ut Regi & Domino. *Macrobius*,  
quicquid olim Deorum Numinumque cultum est, ad Solem referri debere  
multis persuadere conatur, *Saturn L. I. c. 17. ad 23. in Somm. Scip.*  
*L. I. c. 20.* Vocat Solem cor coeli, mentem mundi, oculum Jovis,  
fatorem rerum, vitae & foecunditatis auctorem ducemque reliquorum lu-  
minum. Tam manifeste ad laudis pompam, quam fugere se fingit, lasci-  
vit oratio. Non secus *Julianus* Deorum universa nomina uni Soli tri-  
buit, τὰ πάντα ἡλῶ προσήκοντα adpellat, *v. Op. Edit. Spanh. p. 148.*  
Sic Solem μόνιμον τῆς ζωῆς αἰτίαν, imo τὴν ἀγέννητον αἰτίαν γινο-  
μένων nuncupat, *p. 142.* & ab eodem, cujus se famulum jactitabat, im-  
mensa postulat, βίον ἀγαθὸν καὶ τελειότεραν φρόνησιν καὶ θεῶν νῦν,  
ἀπαλλαγὴν τε τῆς ἐμαρμένης ἐκ τῆ βίβι προσητάτην ἐν καιρῷ τῷ  
προσέκοντι. *v. finem Orat. IV.* Paulo limitatius *Porphyrus* non pu-  
fillam Deorum manum unius Solis simulacrum esse dixit. *v. Euseb. praep.*  
*Evang. L. III. C. XI. p. m. 112.* Atque in horum naturali caligine  
splendorem Solis diviniorem justo visum esse, minus forte miramur, at  
nēquit ferri in presbytero illo Hierosolymitano, quem multi ut idolum  
arcanæ sapientiæ venerantur, *Petro Arlensi de Scudalupis*, qui in *sym-*  
*path. VII. metall. & VII. sel. lap. ad planet. Edit. Paris. p. 398.* So-  
lem vocat exactissimum Dei simulacrum, cujus essentia pater, splendor  
filius, calor spiritus sanctus sit. Non dubitat addere: tanta consonantia  
Deo respondet, ut merito conspicuus Dei filius nuncupetur. An analogi  
aliquid erroris ad Peruvianos defluxit? quos Soli tres statuas posuisse,  
primam Soli patri, alteram Soli filio, tertiam Soli fratri, legimus apud  
*Acoft. L. V. Indic. c. 4. Lerii navig. in Brasili. c. 16.*

b) *Senec. de benef. L. 7. C. 31. p. m. 868.* Notat ibi *Anaxagoram*, qui  
πέτρον vel ὕδρον διάπυρον, hic *Xenophanem*, qui νέφος πετυρωμέ-  
νον, vel *Empedoclem*, qui πυρὸς ἄθρυσμα, μέγα, dixerunt Solem.  
Adde doctrinam *Epicuri*.

c) *v. Plutarch. de superstit. op. T. II. p. 169. F.* Possis, quos velis, *Cim-*  
*merios* intelligere, vel *Italos*, qui ad Lacum Avernī in subterraneis do-  
miciliis toto die delituerunt, nocte tantum ad latrocinia egressi, vel *A-*  
*siaticos* circa Bosphorum, quorum coelum perpetuis nebulis involutum



bulis involuta est, negarunt Solem esse, nunc velut *Atlantes d*), qui cæli sui intemperie carbunculantur, Solem orientem occidentemque, quasi sibi agrisque suis exitialem, dira imprecatione sunt prosequuti. Hæc hebetis & ignavi ingenii lascivia est, dum cælestium corporum ministerio fruitur, quæ tamen inter errores illos propitia, ut *SENECA e*) ait, ignorantibus etiam munera sua conservant & perseverant ingratis.

## §. II.

Solaris virtutis aut noxæ medica consideratio campum hic nobis patientiorem aperit. Placet insolationem *f*) in illis, quas in corpus humanum exferit, viribus scrutari, oculo licet ad tantum fulgur hebescente, & animo ad vires tam abdiras hæsitante. Erit, cur in his viribus commodi multum, sed & aliquando noxæ non parum deprehensuri simus. Non quod Soli, qui tot in nos munera soluto quasi sinu effundit, potestatem aliquam nobis inimicam tribuamus: est enim, ut jam *PLINIUS g*) censuit, reme-

fuit *Strabone teste L. I. & III.* unde *Cimmeriæ tenebræ* in proverbium abierunt. Priores *Cimmerii* iudice *J. Jac. Hoffmanno* sunt, qui *Homero* dicuntur *ἤρι καὶ νεφέη κεκαλυμμένοι* *Odyss. L. XI. v. 14.* Utrique certe inter circumfusas tenebras (nisi fabulosum esse mavis cum *Strab. L. V. p. 240.*) negare excusatius Solem poterant, quam in media eius luce philosophi quidam *Academici*, inter quos *Favorinus* toto libro demonstrare adgressus est, ne id quidem comprehendi posse, Solem esse. *v. Galen. Op. Edit. Juntin. Libr. Isagog. p. m. 31. B.*

*d*) *v. Plin. Hist. nat. L. V. 3.* *Solinus* scribit, *diris Solis ortus excipere, diris occasus prosequi, & torrentis plagæ fidere astos odisse Deum lucis.* At jam *Herodotus: L. IV. ἥλιω ὑπερβάλλοντι καταρῶνται, καὶ πάντα τὰ εἰχρὰ λοιδοροῦνται.* *v. Edit. Gronov. p. 180. n. 284.*

*e*) *De Benefic. L. VII. c. 31.*

*f*) *Insolatio* vox *Plinii* est, dum candorem ceræ laudat post insolationem iterum recoctæ *H. N. L. XXI. 14. p. m. 453.* *Columella* humum diesque insolatas, uvas insolatas, doliâ insolata passim commemorat, *de rer. rustic. L. XII. c. 18. L. IV. c. 17. & 24. L. XI. c. 3.* Hæc vero œconomorum artificumque præsidia insolationis, non minus quam *Chemicorum*, qui illa in

diorum omnium maximum, genuitque fabuloso *Apollinis* nomine *Aesculapium* h) τὸν σωτῆρὰ τῶν ὅλων, ut JULIANI voce utar i); sed quod nunc in aëre transmittente, nunc corpore recipiente, nunc aliis causis occurrant multa, quæ virtutem illam Solis, merito suo semper admirabilem, nunc retundunt, nunc augent ultra consuetæ salubritatis terminum, nunc etiam inquinant & per miscelas noxiarum virium corrumpunt. Idcirco *Apollinem*, qui Eliis ἀΐσιος Arcadibus ἐπικέρσιος Milesiis ἔλιος dictus cultusque est, Lydii alique λῳμιον inter sacrificia sua nominabant, quod pestem morbosque immitteret, quibus laborantes ἀπολλωνοβλήτες vocare moris erat. Hinc alii adclamabant voce solemni; sana! alii: feri! ἢ Παιάν, ἢ Παιάν k). Hæc Solis adumbrant indolem, qui nunc temperato calore sustentat mortalium vitam, nunc intensiori radiorum jactu per loca corruptioni obnoxia pestiferum virus quasi in pœnam immittit.

### §. III.

Duplex insolatio nostro se examini offert, altera moderata, suavis & valetudini nostræ faventior, quam tersiori voce apricationem

suis operibus certatim commendant, hic præterimus, ubi quæ ad hominem spectant, ubertim se offerunt.

g) H. N. L. XXVIII. 14. p. m. 453.

h) *Homerus in hymno κακῶν θελετῆρ ὀδυνάων*, *Hippocrates in Ep. ad Philopœm. Θεὸν θεραπεύοντα*, *Pindarus in Pyth. od. III. παντοδαπῶν ἀλεκτῆρα νέσων*, *Plutarchus symp. L. 8. Qu. 14. ἡγεμόνα ἱατρῶν* vocant.

i) l. c. p. 153. Paulo ante p. 144. *Aesculapium* vocat vim illam Solis, quæ concinnum vitæ ordinem complet, ὅλην τὴν τῆς εὐταξίας ζωνὴν συμπλοικοῖ.

k) ἢ ab ἰᾶσαι sanare, ἢ ab ἰερεῖ immittere v. *Macrob. Saturn. L. I. c. 17. p. m. 274.* Sic, inquit, *Apollinem*, id est, *Solem* modo sospitatem modo pestem significantibus cognominibus adoramus.

tionem in sole, Græci ἡλίωσιν 1) adpellant, altera vehemens & infesta græce ἡλιοκαΐα, quæ nimis exsiccat aduritque corpus, & sensim stipato morborum agmine infestat. Utramque & gradu & duratio ne discernit GALENUS m), dum a principio Solem ait tepescere corpus, humores fundere, cutem laxare, carnes molli- re, at si æstivis diebus in corpus, in primis nudum, longiori mo- ra incumbit, squallidam duramque cutem reddere, carnes siccas, quales nautarum & messorum sunt, aliaque mox sæviora parere. Sane potestas Solis in illo limite, quem nunquam egreditur n), in illa distantia, qua orbis incolas haud temere lædit, o) in illo situ, quo omni momento ejus ad nos directio mutatur, per cer- tos paulatim gradus vertici nostro nunc propior nunc remotior, mirabili temperamento mox egelidi-reporem veris, mox æstatis crescentem æstum, mox autumnalis auræ molliorem, mox sua obli- quitate & breviori per diem mora hiemem dispensat, ad nutum conditoris usibus nostris & indigentia per omnia prospiciens. Has vices alternas, quibus unius successio alterius excessum op- portune & assiduo temperat, postulat hominum nunc ad æstatem nunc hiemem melius se habentium status, confirmatque iudicium

HIP-

1) ἡλίωσις ab ἡλόω infolo, unde ἡλιωμένος. Scribunt alii ἡλίασιν vel ἡλίωσιν ab ἡλίαζεσθαι apicari. Et ista quidem mitiorem gradum raro infestum notant. At verba ἐξηλιάζω & διηλόω unde διηλιωθεῖς apud Theophrastum, uti aliis ἡλιοκαΐς Solis vehementius urentis iniurias exprimunt.

m) De consuetud. L. 3. Edit. Iuntin. L. II. p. m. 61. D.

n) Fuit illud Heracliti: ἥλιος ἐχ' ὑπερβήσεται μέτρα. Plut. de plac. philos. L. 2. c. 20. non enim Sol est, ut pulchre ait Philo Iudeus de Monarch. I. αὐτεξέσιος ἀλλ' ἐνὸς τῶ πάντων πατέρος ὑπαρχος.

o) Ille Solis situs & distantia a tellure est, inquit R. Mead. in diss. de Imp. Solis & Lunæ in corp. hum. p. m. 195. prout rerum univer- sitati lucis calorisque diffusionem maxime conducit. Si inferiori loco es- set, ubi nunc luna, Galenus ait, arderent universa, si superius in Phæ- thentis regione, nulla pars terræ habitabilis esset ob vim frigoris. de usu part. corp. hum. L. 3. c. 10. Ed. Iuntin. Cl. I. p. 133. F.

Richteri Opusc. T. I.

N n



HIPPOCRATIS: p) æstivos morbos hieme, hiemales æstate solvi. Inquaretamen nimis familiari errore q) aliarum caussarum vires miscemus, unde crebra emergit adversus Solem iniquorum hominum querela. Nimirum insignior illa temporum varietas, sæviori æstu vel gelu offendens, minus in Sole quam ipsa hac tellure vel etiam corporum in aëre natantium natura ac motu quærenda erat r). Summæ lenitatis & fere uniformis videtur actio Solis pro ratione spatii extra atmosphæram telluris, intra hanc vero obuolitantia tam variæ indolis & opacitatis corpuscula æquabilem radiorum traiectionem turbant, & refringendo, reflectendo, colligendo, dispergendo miras in subiectis locis mutationes & morborum sæpe feracissimas pariunt: maxime prope terram, ubi accumulatur halitus & plus attritu calefcunt, quippe nondum per laxiora spatia diffusi, & ubi radii Solis ab ædibus, montibus, arenis similibusque corporibus fortius reflectuntur, partim resiliendo in se recurrunt, ut adeo Solem plus illa loca sentiant s). Certe ad summam altitudinem, ad quam eniti licet, placidus & reficiens aër est, ubi nihil resistit, atterit, reflectit, quamvis fonti caloris propior. Hinc vertex montium in media æstate nivibus oppletur, aves sub infimæ regionis squallore auram iucundiores superne captant. Miluum VL. ALDROVANDUS t) describit sub meridie loca frigidiuscula quærentem sublimi volatu

p) *Epid. Com. III. t. 88. 3. 101.* Ad quæ *Galenus*: statum tempus est iudicii longorum morborum v. de dieb. decret. L. III. c. 7 Cl. IV. p. 157. B.

q) *Conf. H. Barh. Chym. T. I. p. m. 150. §. 8. 9. 10.*

r) *Conf. dissert. de Sole, quod causa caloris vulgo tributi non sit, quam frater Præsidis G. F. Richter edidit Lips. 1715. recens. in Act. Erud. Ao. 1715. p. 229.* Ita insula Ormus, licet ultra tropicum versus septentrionem declinet, albis montibus ab Oriente ad Occidentem exporrestis reflexo lumine sic aerem accendit, ut aquis immersos incolas dormire oporteat, capite solo per sustentaculum inter dormiendum elevato. *Boerh. Chym. I. c. p. 221. Coroll. 3.*

s) v. *Senec. Nat. Qu. L. IV. c. VIII.* ubi de rationibus caloris circa terram nervose diserit, haud recentiorum præceptis inferior.

t) *Ornithol. L. V. C. 15. p. m. 204. b.*

latu in altum contendere, & expansis alis se supra nubes librare. Quod si excessus illi æstus frigorisque a Sole essent, incolas regionum polis vel æquatori viciniorum fas esset æquali aëris temperie frui. Nemo autem nescit, loca ad eundem Solis adspectum non una lege calere, multa a se ipsis differre certo diei vel anni tempore, inter subitas sæpe frigoris & caloris vicissitudines. Quibusdam ideo plagis matutini, aliis vespertini Soles calidiores sunt. HERODOTUS *u*) in India matutinum Solem ardentissimum esse ait, non ut plerisque meridiem, & alio loco fontem describit, qui fons Solis adpellatus *x*) mane tepet, meridie friget, vespere tepescit iterum, media nocte fervet. Neque vero inter hæc ipsa, quæ aliunde accedunt, etiam in Zona torrida sic unquam crescit vis æstus solaris, ut ad gradum vitalis caloris accedat, vel ut accendat pulverem pyrium. Potius in sinu illarum regionum continetur, quod istam vim salubriter moderetur & retundat. Verum est, ardorem Solis in Aethiopiæ planis & depressis locis intolerabilem sentiri. Saxa, ut cum SENECA *y*) loquar, ibi velut ab igne feruent, non tantum medio, sed & inclinato die, pulvis ardens est, nec humani vestigii patiens. Attamen inhabitabilis regio non est, imo vero cives robusti, laboriosi, longævi, fœcundi fertile solum, æstates amœnas, duplicem messem habent, cujus ubertati confisi nihil recondunt in horrea. Non in depressis habitant sed editis locis: montes enim ibi sunt ultra nubes adeoque ultra æstum, *z*) per quos montes amœnæ scaturigines manant, ventique crebri & jucundi adflant, ut mitior æstus sit, quam in multis Europæ provinciis, quin & regiones montosæ sint, ubi plus frigus quam calor metuitur. *a*) Verum hæc

*u*) L. III. p. m. 200. n. 104.

*x*) Κρύον ἡλίου apud Ammonios. Herod. L. IV. p. m. 279. 280. n. 281.

*y*) Natur. Qu. L. IV. c. 2. p. m. 751.

*z*) Telles montes Pyrenaeos & Alpes cum istis Aethiopum comparatos humiles colles esse ait. v. Ioh. Ludolphi Hist. Aethiop. L. I. c. VI.

*a*) ib. C. V. & IX. Veteres Aethiopes, quos Herodotus μακρόβιος, καλλίςς, μεγίςς vocat, in Africa ad australe mare habitantes, ut fertilitatem terræ suæ Soli tribuerunt, ita pratum in suburbio assa carne

hæc physicorum scrutinio relinquenda eo tantum animo hic tumultuaria opera attigi, ut insolationis nunc lætæ nunc tristis genius, ratione salubritatis suæ vel noxæ, nunquam a Sole tantum sed & multis causis sociis, in indole sua & virium miscela ægre determinandis, & prior quidem a Sole magis, posterior a causis potius alienis pendere, generatim intelligatur.

## §. IV.

Primum igitur moderatæ insolationis commoda recensebimus in locis apricis id est Soli patentibus expectanda. Tempore calido & sereno in porrecta quaquaversum planitice aër temperatus & reficiens cum magno valetudinis commodo hauritur, æstuosus, dum in valles seceditur. Observatum est dudum, in apricis locis cito convalescere ægros, in clausis & humidis etiam sanos corripere. Vocamus autem aprica loca *b*), non quæ Soli patent immo-  
dicis caloribus torrenti, sed leni, tepido, temperato. Hinc aprici colles vocabantur orienti Soli obversi, quippe mitiori, & placebat hibernus tepor in locis apricis, multisque familiare erat, quotidie per hiemem in Sole apricari *c*). Verum quicumque sit ille

omnium quadrupèdum magistratus cura per noctem refertum, quo ubi diluxit, cuilibet epulatum accedere licuit, mensam Solis, quasi ab hoc ipso instructam, vocarunt. *Herod. L. III. p. m. 166. 18.*

*b*) Loca ἡλιαζόμενα, melius ἔθειλα vel πρόθειλα: nam εἶλη vel εἶλησις est Solis calor modicus & tepidior, *Hesychius* θερμασίαν & αὐγὴν τῆς ἡλίου vertit, unde eidem εἶληθερεῖν est τὸ ἐν τῷ ἡλίῳ θερμαίνεσθαι apricari. Εἶληθερές aut εἶληθερές notat in Sole calefactum apud *Hippocratem L. II. de morb. XXX. 7. & Galen. L. VIII. Meth. med. c. 2.* Ἐν ἐνὶ ἡλίῳ in aprico versari apud *Aristophanem* est, unde & τόπος ἐνὶ ἡλίου laudatur, δυσὶ ἡλίου vel ἀνὶ ἡλίου, Solem non vel ægre admit-  
tens, damnatur.

*c*) Instinctum non absimilem Naturæ animalia sentiunt. Cancros hieme littora aprica, hirundines apricos montium recessus, id est cavernas ad Solem apertas & a frigore tutiores sectari *Plinius* scribit, *H. N. L. IX 50. p. m. 518. & L. X. 35. p. m. 558.*



ille adspectus Solis sive ἀνίχοντος sive ὑπὲρ κεφαλῆς ἱσταμένου sive εἰς τὰ κέντρον ῥέποντος d), modico illo & suavi tepore, quem pro anni ratione aëri conciliat, laus omnis salubritatis limitanda est. *Dio- genes* e) *Cynicus κατακείμενος ἐν ἡλίῳ Alexandro* saluti, & qua re opus haberet? sciscitanti, allevatus paululum hoc unum respondit: μικρὸν ἀπὸ τῆς ἡλίου μετέσκηδι, spernens incerta fortunæ munera, ut certis illis naturæ frueretur. Vnam tecum, *CICERO* f) ad *Atticum* scribit, apricationem in illo *Lucretio* tuo Sole malim quam regnum. Senes in primis, deficiente nativo calore, apricabantur. Hinc *HORATIUS* g) præmaturam sibi senectam tribuens (at non nisi quater undenos annos impleverat) lepide se vocat

*Corporis exigui, præcanum, Solibus aptum.*

*Persius* h) senes ideo apricos adpellat, & quod res ipsa sensim in voluptatem versa esset, tangit eorum mollitiem, quorum est

*Assiduo curata cuticula Sole.*

Nec infrequens occurrit mentio apricitatis totarum regionum. Locum in Judæa palmeto & opobalsamo insignem ab ubertate non magis, quam apricitate commendans *JUSTINUS* i) pulchre moderatum exprimit salutaris insolationis gradum. Cum toto, inquit, orbe regionis ejus sit ardentissimus Sol, ibi tepidi aëris naturalis quædam & perpetua apricitas inest. Plus etiam justo Hyperbo-

d) v. *Jul. Polluc. Onomast. L. IV. p. m. 443.* Nec tamen facile probamus statum κέντρος εἰς τὰ μετεμβρῆναι καὶ περιβλέγοντος ἡλίου, vel ut alio loco *Pollux* ait, ὑπὸ μετέσταν τὴν ἡμέραν περιέοντος.

e) v. *Plutarch. Op. T. I. p. m. 671.* D. Offecerat enim *Alexander* apricitati ut *Cicero* ait *Tusc. Qu. L. V. c. 34.* Singularia de hoc fastu *Cynico* judicia v. in *P. Baylii Dict.* sub voce *Diogenis* p. m. 229.

f) *Ep. XI. ad Attic. L. VII.* regnum vero respicit inter civiles turbas ab ambitiosis tunc quæsitum.

g) *L. I. Ep. 20. v. 24.*

h) prius *Sat. IV.* posterius *S. V. 179.*

i) *H. N. L. XXXVI. c. 3. p. m. 433.*

perboreos PLINIUS extollit, quod regio eorum aprica felici temperie omni adflatu noxio careat, ubi discordia & ægritudo ignota sit, & mors non nisi ex saturitate vitæ *k*). Ut vero apricas regiones, montes, flatus, ita eodem scopo subdialia pavimenta & ambulationes subdiales seu ἐν ὑπαίθρῳ amabant. VITRUVIUS *l*) pro exhalatione corporis vegetius sustentanda amplissimas censet & ornatissimas in civitatibus sub dio hypætrisque ambulationes collocari oportere. Athenis forum iudicii in aprico erat, sive sub Sole, dictum ideo ἡλιαία *m*), quod & vigori mentis & salubritati corporis & ipsi honori iudicii, lucem non tenebras postulantis, plus locus ille favere videretur. Nec vero privatorum segnior in his cura erat, qui nunc delicias ruris, villas suas, qualis illa Laurentina PLINII *n*), nunc in ipsarum ædium suprema parte solaria *o*) sua adornabant. In Græcia enim Asiaque & toto  
pæne

*k*) Ob quam epulati delibutique ex quadam rupe in mare saliant. v. *Plin. H. N. L. IV. 26. p. m. 218.*

*l*) V. IX.

*m*) Hinc ἡλιάζειν iudicare in foro, ἡλιασῆς iudex, φιληλιασῆς amicus litium forensium, ἀπηλιασῆς earum osor.

*n*) Laurentinum suum Plinius *L. II. Ep. 17.* venuste describit, & inter alia hybernaculum purissimi Solis, cubiculum, quod Solis ambitum fenestris omnibus sequitur, sphæristerium, quod calidissimo Soli die jam inclinato occurrit, cryptoporticum, quæ teporem infusi Solis percussu auget, non nisi tunc carens Sole, si ardentissimus culmini insistit, ac plura sic tradit, ut elegans adornandæ villæ exemplum esse possit.

*o*) Vocabant ea ἡλιασηρία, ἡλιατικά, ἡλιοκαμίνας, ἐξώσας. v. *Salmas. not. in script. Hist. Aug. p. m. 155.* Talia testæ transversis trabibus sustentata erant quoque in Palæstina & Aegypto teste Hieronymo. At testæ utrinque inclinata ad deducenda stillicidia Romani vocabant pectinam vel fastigiata, sacris ædibus fere in Oriente propria. Adpellabant eadem πτερύγια ob aliarum formam, vel αἰτώματα. Et sic quidem fuerunt solarium ædium loca luculentissima, unde Augustus de emtæ purpure obscuritate questus venditori, ut erigeret altius & suspiceret. mox concinne respondit: *ut bene cultum me populus Romanus dicat, in solarium ambulaturus sum?* *Macrob. L. II. saturn. c. 4.* Dubites tamen, an solarium pro locis ædium sumta eo ubivis sensu apud auctores accipiantur, Claudium legimus rumore cæsi Caligulæ territum in pro-

pæne Oriente privatarum ædium tecta plana erant, hinc, quod ibi apricari solerent, solaría dicta, vel deambulatoria, vel etiam ob eminentias in circuitu, ne præceps lapsus esset, mœniana.

## §. V.

Nondum hoc eximiæ apricationis argumentum dimitto, quod veteribus tantopere commendatum nostro pæne usu excidit. Haud sine vitali comœatu est *p*), quod defluit ex Sole, & velut infuso per occulta nutrimento omnia renovat, sic hominem quoque pascit, & plura omnino præstat, quæ *Senecæ* verba sunt, quam intelligi ab eo possit, qui inter utilia numerat. Non inepte *BERNH. RAMAZZINI q*) ex inexhausto illo luminis & caloris fonte spiritus viresque hauriri credidit, febrium quarundam genio confirmatus, cum quibus ægri per totam noctem quasi cum morte colluctati mane ad ortum Solis sub porticibus velut redivi deambularunt, imo campos inter subita virium, quæ penitus deiectæ videbantur, incrementa peragrarunt. Indos moderato Solis calore sic durari scribit *PLINIUS r*), ut nec capitis nec dentium nec oculorum nec aliarum partium doloribus vexentur. Ad phaleras pertinere videtur, quod radius Solis, qui nos ferit, τὸ φω-

ximum solarium prorepsisse. *v. Suet. vit. Claud. c. 10.* Scribit vero *Josephus Antiqu. Jud. L. XIX. C. 3. p. 111. Ed. Haverc. T. I. p. 937.*

*Claudium* tunc in crypta ἐν τινὶ σενωπῶ latuisse de sua salute anxium, ubi vix potuerit *Gratus* faciem eius διὰ τὸν σκότον agnoscere, & *Dio Cassius L. LX. p. 664. E.* repertum esse notat in obscuro angulo, ἐν γωνίᾳ πρὸ σκοτεινῇ κατακεχυμένον. An hic potius locum solitudinis notat?

*p*) *Pulchre Plutarch. Op. T. II. p. 928. B. ἥλιος καρδίας ἔχων δύναμιν ὥσπερ αἷμα καὶ πνεῦμα διαπύπτει ἐξ ἑαυτῆς θερμότητα καὶ Φῶς.*

*q*) *Op. Ed. Lond. p. 71. Constit. Epid. rural. 1690. §. 10. it. 39. p. 81.* ubi in Solis recessu vel accessu ponit nocturnam virium dejectionem & renovationem matutinam, liquato, ut conjicit, pituitæ gelu blando Solis calore.

*r*) *H. N. L. VII. 2. p. m. 372.*



τὸς ἀκρότης καὶ ὥσπερ ἄνθος JULIANO s) audiat, certe calefacit corpus, excitat nervos, motuum robur instaurat, plus luculenti vigoris actionibus nostris inspirat, & ut cœli tristitiam discutit, sic animi nubila serenat. Quam salutaris sit illa vis & ipsum in cerebro motuum principium subeat ac roboret, illustrare inter alia potest GALENI t) observatio de sternutatione a directo in Solem adspectu lethargicis & comatosis saluari. Nolim tamen ad ingeniosa EDM. DICKINSONI u) commenta divagari, qui lucideam igneamque hominis naturam Soli cognatam per phosphorum probat, vel ad difficiles nugas P. ARLENSIS DE SCUDALAPIS x) deflectere, qui vires Solis renovandi, nutriendi, conservandi, discernendi obscura ac tumente dictione involuit magis quam enucleat. Non tamen inter plurimas dotes Solis, ex parte latentiores, illam prætermittere fas est, in salutari aëris ventilatione positam. Fluxus & refluxus ut aquarum Oceani sic aëris iisdem legibus & temporibus contingunt, a conjunctis attractionum viribus Solis & Lunæ insigniores, quibus ut magno animalium commodo a stagnatione & corruptela defenduntur aquæ, sic aëris, nostrum corpus propius adluentis, ingens & vitalis salubritas vindicatur, quod ex principiis Newtonianis subtili calculo illustrat R. MEAD y). Præstat jam ipsum salutaris insolationis modum inspicere, qui apud

s) l. c. p. 34. A. Idem ingeniose p. 140. D. describit, quod ita ad nos permeat, a contagio & sordibus alienum ἀχραντον καὶ ἀμόλυντον καὶ ἀπαθές.

t) de instrum. odorat. c. 6. in Cl. I. p. 112. E.

u) in phys. vet. § ver. C. XI. §. 48. p. m. 288. Tanta, inquit, libidinis effervescencia, si utriusque liber congressus datur, in mutuos amplexus ruunt, ut aërem prorsus inflamment, id est, per artem ex corpore humano tinctura paratur instar Solis fulgida, qua repletum vitrum si Solis radios attingit, cœunt & commiscuntur utriusque radii tanto ardore, ut brevi, ni separentur, incendium faciant.

x) l. c. p. 397. Talia sunt: vim illam Solis influentem in semina rerum, attrahere, quæ illi similia, & elementa contraria in propriis formis conciliare &c.

y) l. c. Cap. I. p. m. 182. 188. 189. Tota hæc disquisitionis, quæ adnexa est libello de venenis, meretur attentius evolvi.

apud veteres erat, corpore vel tecto leviter vel nudo sedere, jacere, stare, ambulare, currere in Sole: ubi iusta quaestio incidit, utrum horum confirmandæ vel reparandæ valetudini magis conveniat. Credunt multi, corpori a Sole calenti tutum non esse, moveri etiam & agitari, quasi geminum inde metuendum sit humorum incendium. At jam olim ARISTOTELES *z*) stantem sedentemque gravius a Sole mulctari, ut rem experientia comperitissimam tradidit, subjecta ratione, quod aëre immoto Sol urat vehementius, hujus autem fervor agitato illo mitescat. Similem in modum AVICENNA *a*) deterius vocat, morari in Sole & pedem figere, quam ambulare in eodem, & clarius ante eum AETIUS *b*) stantes sedentesque non solum ambulantiibus sed & currentibus in Sole plus lædi existimavit. Ipse HIPPOCRATES *c*), qui alioquin imperat aestate luctari parum, currere minime, ambulare multum & ἡσυχῇ καὶ κατὰ ψύχον, excipit itinera in Sole, tanquam festinantibus prosequenda. Cui sententiæ Galenus *d*) hanc rationem subnectit, ut ocyus siccitate illa & calore liberemur, sub Sole cunctandum non esse. Ante omnes ii, qui non tam sedent jacentque, quam stant in Sole, ac calcibus nituntur, laboris plus & lassitudinis sustinent, quod situm illum tueri sine magno nixu & virium impendio nequeant. Ceterum in eo plerique conveniunt, corpore purgato nec cibis oppleto Solem subeundum esse, ad vitandam capitis noxam. Igitur haud satis con-

coquere

*z*) V. Sect. probl. 36. Ed. du Vall. T. IV. p. 86. κινεμένων πνεύμα κατὰ ψύχει ἡμᾶς. Prior ratio & πᾶσα κίνησης θερμαίνει, ἀλλ' ἐνία ψύχει vix similis momenti est.

*a*) L. 1. Fen. 2. D. 2. c. 20. Edit. Valgris. P. I. p. III. ubi agit de iis, quæ ex usu Solis proveniunt.

*b*) de re med. L. III. c. 9. ubi de insolatione ex Antylo agit, p. m. III. occurrunt ibidem reliqua in textu sub nomine ejus adlegata.

*c*) De salubr. diat. III. § XI. Edit. Lind. V. L. p. 628. § 630.

*d*) Comment. in illum locum Hipp. Cl. II. p. m. 40. A.

Richteri Opusc. T. I.

Oo

coquere potest **HIER. MERCURIALIS e)**, *Plinium Maiorem æstate post cibum in Sole mansisse, aqua deinde frigida lavatum f)*. Verum veterum more facilis interdum & parcius cibis vix sanorum, quos hæc vincula stringunt lenius, caput lædere temere potuit. Læsit autem multum imbecilliora capita, maxime ideo, quod ea tegere non nisi paucissimi ad exemplum *Augusti petasati g)*, consuevissent, adeoque catarrhis aliisque morbis obnoxia redderent. Nec proinde frustra **CAELIVS AURELIANUS b)** monuit sub mora longiori in Sole tegenda sedulo capita esse. At cur **GALENUS i)** plus ait capite laborare indutos? Nempe hos nudatis eo sensu opponit, quod corpus quidem non vero caput tegant. Comitari etiam insolationem unctio vel præcedere sæpe solebat. Sic ipse **CICERO k)** pro asso Sole in pratulo suo Solem nitidum & unctum ab *Attico* repetit. In Sole ungi ac currere priscos, jam mentio fit apud *Aristophanem*, velut quoque apud **VEGETIUM l)** unctio costarum post insolationem præscribitur. Quæ tamen unctio cutem sensim denigrans & perspirationem inhibens, haud æque omnibus adrisit. Præstat insolatio simplex capiti ex causa frigida humidaque laboranti, roboratque, si alvum prius duxeris, ut ex veterum præceptis **AETIUS** inculcat,

e) *de arte gymnast. L. VI. c. 1. p. m. 343.*

f) *Plinius junior Ep. V. L. III. avunculum describit æstate post cibum, si quid otii, jacentem in Sole, & dum libri legebantur, adnotantem, excerptentemque, post Solem frigida lavatum, mox gustantem dormientemque paululum Ep. XVI. L. VI. similiter utentem Sole, jacentem, gustantem frigida, studentem sistit, ipso illo die, quo crassior Vesuvii caligo spiritum ejus interclusit.*

g) Solis ne hiberni quidem patiens domi non nisi petasatus (i. e. pileo lati marginis tectus) sub divo spatiabatur. *Sueton. in Aug. c. 82.*

h) *de morb. chronic. L. I. c. IV. p. m. 312. in epilepsia it. L. I. C. V. p. m. 334. in mania. Corpus, inquit, Sole torrendum est prætectis capite.*

i) *de caus. morb. c. 2. Cl. III. p. 97.*

k) *Ep. ad Attic. VI. L. XII.*

l) *L. III. c. 22. nam Cel. Gesnerus monet insolationem non inflationem legendam esse v. script. ei. rei. rust. p. 1124. c. 22. 3. cui congruit unctio corporum in Sole descripta ib. p. 1128. C. 18. 3.*



cat, a multis etiam methodicis teste CAELIO *m*) adversus epilepsiam laudatur, sed moderata. Diffilat noxia, sudores elicit, pinguedinem absument, oedemata praecipue & aquam inter cutem exsiccat. In obesitate Aetio, in ictero Archigeni placuit, in phthiiasi Calio *n*). Sane amplissimus hic usus est, ubi debilitas vrium, humor lentus, & morbi chronici occurrunt, ex laesa perspiratione nati: unde multos nervorum morbos, quartanas, gravedines, superveniens calor & siccitas aestiva compescit. Ad dissipandos in Sole pedum tumores PLINIUS *o*) simul cretam, acetum, nitrum & aphronitrum imponi jubet. Hydropici, uti nunc arenae calidae, nunc clibano pistorio, nunc fimo, nunc arcae lignae (quadrangulam compaginem CAELIUS *p*) vocat) se immerferunt; ita Solem ex auctoritate CAELII *q*) & plerorumque medicorum etiam tempestivius sustinuerunt. HERACLITUS *r*) aqua intercure laborans adverso Soli se objecit, puerosque ut bonum stercore ipsum oblinerent, instruxit. Corium, cui ex duriori veterum lege hydropici plerumque incumbabant, magnum oleoque perunctum erat & stratum in arena tenui & cribro excussa. In quo situ diu persistebant in Sole, postea in contrarium latus devoluti, mox in pristinum reversi, ministris arenam subinde calidam in corpora spargentibus. Haec etiam in renum vesicae & calculi vitiis, in elephantiasi, morbo coeliaco, profluviis mulierum

*m*) *Morb. chron. L. I. C. IV.*

*n*) *ib. L. IV. C. III. p. 498.* utitur hic voce follicationis pro insolatione.

*o*) *L. XXXV. 57. p. m. 718.*

*p*) *Morb. Chron. L. III. C. 8. p. m. 476.* in eam loris praeligatam & pelle includi ægrum jubet.

*q*) *ibid. p. 473.* docet, ex arena littoris Sole ignita torrenda corpora.

*r*) *Hermippus* id refert apud *Laertium L. IX. Edit. Menag. p. 238.* Ibidem ab aliis dicitur, praeposito medicis ænigmate, an siccitatem ex imbre, ἐξ ἐπομβρίας ἀνχυὸν facere scirent, nec intellecto, εἰς βέλτην κατορυγῆας stercoreis tepore exhaurire aquam voluisse. Cui convenit illud *Marci Antonii de rebus suis L. III. §. 3. ὕδατος τὰ ἐντὸς πληρωθεῖς βολβίτω κατανεχρισμένος ἀπέθανεν.* Hippobotus & Aristoteli referente Sotione dicunt hydrope curata superstitem fuisse.

rum ipsisque febribus multis commendabantur. Palam vero est, hunc insolationis molestioris gradum non nisi in contumacioribus morbis locum habere, pro exsiccando humorum in imis recessibus stagnantium latice, nec infirmiores illam vim tuto sustinere. Hinc illud vetus: Sol & exercitatio roborant valida corpora, prosternunt imbecilla s). Metuendam tamen a calore putredinem ipsa hæc arcet major exsiccandi virtus, ut *Moschio* medicus apud *PLUTARCHUM* t) docuit, cum quæstio incidisset, cur carnes sub luna putrescerent, non sub Sole? Id *Oritæ* u) illustrant, qui nullum alium cibum, quam pisces norunt, quos unguibus sectos torrent Solibus, & in panes sine corruptionis metu præparant. Nec tamen diffiteor, rudiores illam & anxiam antiquorum curam ægros ad ignem torrendi & assiduo Soles quærendi haud omni culpa vacare, ideoque ut *PLINIUS* testatur, *Asclepiadi* jucundiores salutis leges stabilienti adensum ac famam peperisse x).

## §. VI.

Non possum inter salutaris insolationis argumenta illud penitus intactum relinquere, quod ex statu opposito laborantis aliquando vel deficientis Solis evincit, quantum ab ejus adspectu nunc intercepto pendeat. Nimis fortassis trepidant hic superstitionosi, ut olim rex *Archelaus*, qui eo die, quo Sol defecit, regiam clausit, & filium, ut moris in magno lusu erat, torondit y). Dum vero Sol, quem objectu sui luna abscondit, prohibetur radios suos viresque effundere, periclitari illos, quorum imbecillior valetudo est, nec ratione vacat, nec rara observationum fide nititur.

s) *Gal. de simpl. med. fac. L. III. c. 14. Cl. V. p. 28. A.*

t) *Symphos. L. III. Qu. X. Op. T. II. p. m. 658. A.*

u) *H. N. L. VII. 2. p. m. 374. A* pluribus gentibus id fieri probat *Furner. L. IV. hydrag. c. 25.*

x) *Ibid. L. XXVI. 8. p. m. 392.*

y) *Senec. de benef. L. V. c. 6.* Versutius *Agathocles* e'usit & in hostium capita detorsit sinistrum deficientis Solis omen, cujus religione navigantes secum milites terreri viderat. *Justin. L. XXII. C. 6. p. m. 325.*

nitur. Merito GUIL. BALLONIUS 2) in corporibus morbo exhaustis ad magnos siderum mutationes attendi debere ex præceptis Hippocraticis commonuit. Femina ægrotantis mentionem facit, in qua ante ecclipsin Solis nihil adversi præfigivit sollicita medicorum attentio, sub ipsum vero ejus incidentis momentum visa est ægra animam agere, nec nisi postquam Sol iterum refulsit, vires resumit. Incredibiles ait morborum conversiones tunc adparere, convulsiones, deliria aliaque, idque subito & citra rationem, quin & sanos repente interdum elanguescere & velut agente dæmone infestari. BERNH. RAMAZZINI a) ipso solaris deliquii tempore aëris gravitatem fere in momento auctam notavit in barometro, cujus ad lineas aliquot ascenderat hydrargyrum. Igitur licet ex *Monardi* consilio, si urget vis morbi, lotium potius quam astra contemplanda sunt, pruderiores tamen nihil negligunt, quod inter causas ingravescentis morbi, etiam longinquo minaces, pertinet. SAM. STEURLIN b) in magna Solis obscuratione malignitatem aëris notavit in febres catarrhales malignas proniorem. Mirabilius videtur lucis deliquium, quod anno nono Imperatoris *Iustiniani* teste ABULPHARAGIO c) passus

2) *L. r. Epid. Constit. IV. p. m. 48. ib. p. 37.*

a) Notavit illam Solis defectionem 1694. d. 27. *Jul. in Diss. de Constit. Epid. Mutinens. A. 1692. 93. 94. §. 16. Op. Lond. p. m. 110.* Ruri etiam procul Edimburgo *Pitcarnius* 1687. cælo sereno & rubente Sole in ipso lunæ coitu subitum sanguinis ex naribus profluvium habuit prægresso sensu gravitatis & imbecillitatis. Reversus in urbem reperit ea ipsa hora altius quam unquam subsedisse hydrargyrum, & circa idem tempus *Cockburnium* Prof. Philos. hæmoptoe extinctum, quinque etiam vel sex ex cognitis ægris variis sanguinis profusionibus tentatos fuisse. v. R. *Mead. l. c. p. m. 206.* Conf, si placet de ecclipsium portentis *Peuceorum de divinat. p. 661.*

b) *Obs. de Ecclipsi Solis morbos causante v. Cent. I. & II. Ephem. N. C. O. 83. p. 156.* Luc. *Schræck de constit. August. 1699. & 1700.* negat quidem post magnam Solis ecclipsin se multum morborum observasse, non negat tamen frequentem tunc lymphæ colluviem & stasin in odontalgicis & catarrhosis. D. III. *Ephem. N. C. 4. 7. & 8. App. p. 90.*

c) *hist. dynast. Ed. Pocock. p. 94.* Addit ex judicio hominum tunc accidisse aliquid Soli, quod nunquam ab eo recessurum videretur. Mirum deliquium sub anno 17 *Heracii* recenset ib. p. 99.



sus est Sol intra proprii sinus orbitam, durans ultra annum, nōn nisi exigua luce superstita. Tunc vero locustas scribit totam fere tellurem vastasse, & inclementiam hiemis cum ingenti hominum strage sæviisse, anno etiam altero Solis calorem adeo remisisse, ut fruges nullæ maturuerint. PLINIUS d) pestilentia ex obscuratōe Solis contractæ meminit, cui 'suffitum ignis mederi ex *Empedocle & Hippocrate* probare instituit. Neque hoc loco prætereunda sunt extrema mundi e), quæ a Solis, etiam naturali lege influentis, via remotiora sunt, & una frigoris perpetuitate torpescunt. Quodsi ipsum plerorumque morborum statum noctu invalescentium die remittentium consideramus, dictis exinde non parum novi roboris accedit. Agnovit jam olim rei momentum vel ipse puerorum lusus, Soli sub nube latenti adclamantium: ἐξελ' ὦ φίλ' ἡλιε, *exorere Sol dilecte f)*! Discant ex his litterati ἡμέραν πανήλιον plus sibi commendatam habere quam λύχνον πάν-  
υχον.

## §. VII.

Ad eos transeo, qui ex fervore Solis & directâ luci actione laborant. Nulla vis est homini tam amica, quin extra limitem justæ actionis lædat, & quantumvis caverit Natura, ne Soli excederet illam salutaris actionis limitem, attamen pro indole regionum, ut supra dixi, & temperie hominum, æstus sæpe exiguos haud impune ferentium, vis illa exasperatur, certe quibusdam noxia imo funesta evadit. Eundem Solem, quem humidiores, frigidiores, laxiores, debiliores commodè ferunt, ut molestum accusant sicci, validi, biliosi, quibus omnia vitalis motus sui incrementa merito suspecta sunt g). Quodsi præterea Sol ille ex  
vertice

d) H. N. L. XXXVI. 69. p. m. 759.

e) Macrobi. in Somn. Scip. L. I. c. 10. p. m. 100.

f) Iul. Polluc. onomast. L. IX. p. m. 1107. 1109.

g) Hos etiam levi insolationis usu lædi ob mordaces calores, aucta bilis vis, asthmata aliaque monet Galenus 6. Epid. C. I. aph. 10. & 2. de tuend. valetud. C. 12.

vertice eorum imminet, & accitis aliunde viribus æstuantior incumbit, eos ratio & ipse in illa temperie sensus docet, non esse temere capita foco solari objicienda. Maxime vero ii periclitantur, qui crudis humoribus scatentes post ipsas exercitationes Soli æstivo se exponunt. In his enim rapi introrsum impuriora illa, & ex locis, in quibus tutius latebant, redundare in viscera, fallax præfagium non est *h*). Arescunt in tali caloris gradu corpora, gracilescunt & contrahuntur fibræ, membranæ, vasa, sanguis tenuiori dissipato figitur, & mole immeabili opplet meatus: in quo statu a causâ morbosa virtutem vitalem irritante febres auctiores promptius accenduntur. Nam partes jam siccæ & densæ validius quam humidæ & laxæ agitantur, veluti chorda sicca & densa, si pulsatur, validius oscillat. Inde est, quod durum pulsum ex fervore Solis notet GALENUS *i*), qualem in morbis inflammatoriis tantopere metuimus. Nemo est eodem iudice *k*), qui ipsa doctus experientia non agnoscat, ab ardoribus Solis multos febre corripì, & præsertim eos, quibus noxia humorum coluvies est, angi, concuti & febrili lege tremiscere: unde etiam vitam laboribus, curis, & incendio Solis obnoxiam inter crebras tertianarum causas refert *l*). TH. MORGAN *m*), dum ab actione Solis calefcere fluida, & ab his rarefactis impleri vasa ac plus distendi, motus momentum crescere, serumque cum crassamento intimius misceri docet, læsa exinde secretionum vitia & plethoræ, in majoribus vasis distendentis ac varias sanguinis profusiones parientis, damna derivat. Satis quidem commode fir, si illæ profusiones sequuntur, quarum insigne exemplum vidit in robusto amico JOH. FERD. HERDOT *n*), quem improvisa &

magna

*h*) Gal. de sympt. causis. L. I. C. 3.

*i*) de differ. febr. L. I. c. 7.

*k*) Ib. L. I. c. 2. Conf. de sympt. causis L. I. c. 5. ubi de iis loquitur, qui ex Solis incendio febricitant.

*l*) Ib. L. II. c. I.

*m*) P. I. Philosophical. princip. of Medicine Lond. 1725. Conf. Act. Erud. Lips. 1728. p. 56.

*n*) Ephem. N. C. D. I. A. I. O. 24. p. 89.

magna hæmorrhagia narium ex longiori mora in Sole adfectum vix aliis remediis quam sufflato in nares crudo alumine & lacca servare licuit. Verum ubi exitus non ita patet in corpore suppressis secretionibus plethorico, suffocationem circulationis & crebras inflammationes ex crassioris sanguinis in dilatata minora vasa ingressu & stasi inter symptomata acutissime febrilia imminere, crebris observationibus confirmatur.

### §. VIII.

Nulla vero pars est, quæ a flagrantiori Sole gravius multatur, quam caput, quippe iniuriis ejus propius expositum. Rubent oculi, cum siccitate calent, venæ oculorum, frontis, temporum tument, arefcit cutis ægre mobilis, caput sub aucto humorum decubitu in vasis suis distenditur, dolet, febreque, phrenitides, apoplexiæ & ipsa mors sequuntur. Dubitanti Sophistæ, vellem, inquit GALENUS o) ut æstate media, oriente canicula, in regione aliqua humili, nullis perflata ventis, nudo capite stares, nec id per dies plures aut unum, sed tribus solummodo horis meridianis, urereris non modo & febre laborares, sed & delirares cum vitæ periculo. In itinere per loca plana Soli expositissima integrorum exercituum strages orta est. GER. SWIENTENIUS p) binos messorum sanos & robustos in fœni acervo ad Solem meridianum dormientes intra bihorium periisse refert. Expergefacti a sodalibus titubantes & incondita quædam mussitantes subito exspirarunt. In sacro codice legimus *Iudithæ* q) maritum *Manassæ* diebus messis hordeaceæ, cum messoribus manipulos ligantibus adstaret, æstu caput occupante peremptum esse, phreniticum quidem vel apoplecticum a sanguine confertim in cerebrum

o) *de caus. procat. c. 1. Cl. 3. p. 96. ib. D. 2.* de quodam loquitur, qui sanus in theatrum se contulit, at ubi caput ejus Soli ardenti expositum paulatim incallescere & dolere cœpit, paulo post febris eum adorta est.

p) *Comment. in Aphor. Boerh. T. II. p. 548.*

q) *Iudith. c. 8. v. 2. Ε 3. ὁ κάυτων ἤλθε ἐπὶ τὴν κεφαλὴν αὐτῆς.*



brum evocato, ut FR. VALLESIO r) placet. Cujus periculi fidem confirmat Sunamitidis filius s), qui ad messores sub æstivo Sole egressus clamare mox cœpit: *vab caput, vab caput meum!* & delatus ad matrem circa meridiem in sinu ejus occubuit, apoplecticus ex cephalico, uti I. IAC. SCHEUCHZERUS t) iudicat, cerebro ab expansis arteriis, forte etiam ruptis, compresso. Possis usitata Græcis voce siriasin vocare, quæ *Actio* & *Aeginetæ* est febris infantum ab exustione solari nata, cum inflammatione cerebri & membranarum, syncipitisque & oculorum collapsu ob molliorem adhuc contextum u). PEINIUS ardorem Solis vocat, nunc etiam destillationem nunc adustionem infantum x). Convenire hoc malum videtur cum illo, quod solstitialis morbi nomine PLAUTUS y) designat. Apud hunc STASIMUS servus agrum heri, quem in dotem sororis incaute promiserat, servaturus vitia agri lepidis verbis prosequitur, oves in eo scabras esse, fues angina suffocari, boves in quinto sulco, quo terra proscinditur, mori, & maximam messem triplo minorem semente esse, præterea hoc addit:

*tum autem Syrorum genus, quod patientissimum  
hominum, nemo extat, qui ibi sex menses vixerit,  
ita cuncti solstitiali morbo pereunt.*

Mul-

r) De Sacr. Philos. c. 43. p. m. 211.

s) 2. Reg. 4. v. 18. 19. 20.

t) Phys. Sacr. p. 244. Tab. 483. Arguit Vallesium, quasi non mortuum esse puerum, sed syncope laborasse dixerit. At hic l. c. C. 25. p. m. 195. hoc adstruit, in miraculo medelæ habitum esse honorem naturæ, & Elisam aliquoties incubuisse super puerum tanquam syncopiticum, posito ore ad os, oculis ad oculos, volis ad volas, ut hinc calefceret corpus, & puer septies sternutaret, oculosque aperiret. Verum fatetur simul, puerum vere mortuum esse & ab Elisa per miraculum suscitatum.

u) conf. Sennerti de curat. infant. P. I. C. 7. Op. Lugd. T. III. p. m. 212. Placet ei vocis origo *σῖρας* fovea ob collapsum syncipitis. Præstat *σείρας* canicula, tunc enim gliscunt omnia sub ferventiori cœlo, si, ut Statius ait, L. I. sylv. Carm. III. v. 5. *calido latravit Sirius astro.*

x) ibi H. N. L. XXII. 29. p. m. 275. hic L. XXX. 77. p. m. 542.

y) Trinum. Act. II. Sc. IV. v. 141.

Richteri Opusc. T. I.

Multi velut herbam solstitialem tanquam fugacem & æstivo halitu arescentem, sic morbum hujus nominis tanquam brevissimæ durationis sibi concipiunt. Hinc alii ephemeram, unius diei morbum, alii comitalem, morbum, qui subitoprehendit, intelligunt. Verum funestioris morbi genius requiritur, quem proinde TURNEBUS ardentem circa solstitia febrem esse doctius suspicatur. TAUBMANNO sufficit, morbum prævum & mortiferum esse, quis præcise sit in tanto numero, divinando adsequi non audet. G. W. WEDELIUS phthisia statuit, cui congruant notæ hic traditæ morbi calidi, lenti, consumentis <sup>2</sup>). At has notas omnes in Plauti verbis non reperio. An enim hæc verba, ne minem ibi sex menses vivere, idem est ac morbum istum per sex menses durare? Si pestem dixeris incolas urbis alicujus per sex menses absumpsisse, nemo inde lentorem morbi colligit, sed alios citius alios serius correptos esse, omnes tamen intra id tempus celeri fato defunctos iudicabit. Coniectura de hoc morbo labores in agrum collocandos tempore solstitii confert, vti solstitialem herbam fas est vocare, quæ falci circa solstitia imminenti proxima est. Siriasin igitur a solari exustione tunc fortiori natam cum C. L. RHODIGINO <sup>a</sup>) vocare malim, cui jam *Rob. Constantinus* adfuerit. Vel si evuluit hodie usus vocis, aut non nisi ad infantum morbos restringendus videtur, quod de messoribus illis Plautinis non valet, satis est ardentem febrem ex occupato capite phreniticam agnoscere. TH. BONETUS <sup>b</sup>) mercatoris meminit, qui variis locis ardente Syrio peragratis cephalalgia correptus, quamvis plurima tentarentur, die quarto occubuit. Ablato cranio vasa meningum & cerebri adparuerunt sanguine turgida & ex tensione vehementer livida cum seroso abscessu circa frontem. Simili fere fato agricola periit de dolore capitis ex insolatione contracto questus, qui mox in febrem ardentem & die quarto in phrenitidem incidit, & licet pus foetidum per os nares & aurem dextrilateris

<sup>2</sup>) *Exercit. Med. philol. Dec. VI. Ex. III. p. 9.*

<sup>a</sup>) *Antiqu. test. L. 29. C. 4. p. m. IIII.*

<sup>b</sup>) *v. Sepulchr. Anat. L. I S. I. O. 2. p. m. 4.*

lateris efflueret, mortem appetiit. Aperto capite non modo dura & pia mater, sed & foetida substrati cerebri labes, licet haud magnum spatium occupans, chirurgi oculis se exhibuit c). Qui proni sunt ad cephalalgiam, ipso etiam blandiori Solis commercio lædi videntur. Mirabile est, quod IOEL LANGELOTT d) de virgine ut & viro quodam commemorat, quibus cum ipso oriente Sole nati dolores sunt, eo meridiano sic exacerbati, ut vix ferre amplius possent, occidente Sole remiserunt, evanescente simul evanuerunt. Duravit malum per dies aliquot, contumacius in viro, hic cedens sanguifugis, ibi cucurbitulis admotis, luculento utrinque revulsionis a capite beneficio.

### §. IX.

Ab ipsis oculis nostris, quibus res omnes alta alioqui nocte sepultas mundi ille oculus reddit conspicuas, verecundum & timidum sui obtutum postulat, ne lædantur. Non vult, inquit XENOPHON, audacius a nobis adspici, quod qui fecere imprudentius, videndi facultatem perdiderunt. Cum Socrate adversus *Anaxagoram* pugnante statuit e), oculos nostros ignis adspæctum non Solis ferre, ab hoc non ab illo cutem nostram fuliginosa fuscædine imbui. Sane nec sustinet acies nostra lucem moderatam ex summis tenebris subito emicantem, nec lucem adsueta majorem, hinc ab igne etiam fortius lucente & a corporibus ignitis & splen-

c) Chirurgi Geneuensis *Baillii*, e cujus testimonio refert *Bonetus l. c. L. I. S. I. O. 54.* Vidit Præses Lubecæ Ao. 1719. æstate sævientissima plures agricolas, idque fere quotidie, febre ardente correptos & ex agro in urbem delatos.

d) *Misc. N. C. D. I. A. 6. § 7. O. 18. p. 18.* Qualis vero fuerit illa fitis, quæ post quartanam crepusculo vespertino invasit, diluculo iterum evanuit, idque sine sensibili causâ & constanter, cujus meminit *E. S. Grassius*, hic non attingo. Symptoma hoc ad absentiam Solis natum uti prius ad præsentiam ejus. v. *Misc. C. N. D. II. A. V. O. 44. p. 86.*

e) *Memorabil. L. IV. p. 644. 109.* πῦρ ῥαδίως καὶ φορῶτιν, εἰς δὲ τὸν ἥλιον ἔ. δύναται ἀντιβλέπειν, ὑπὸ τῆς ἡλίου καταλαμπόμενοι τὰ χρώματα μελάντερα ἔχουσιν. ὑπὸ δὲ τῆς πυρὸς ἔ.



splendentibus *f*) vel hebescent oculi insigniter vel alta nocte merguntur. Verum ut Sol est τὸ λαμπρότατον τῶν κατ' ἔρανδον ἰόντων, *g*) vim summam ab eo nervis oculorum inferri, ut ab hac corrugentur & arescant, omnique jam commeatu spirituum destituantur, mirum videri nequit. Aliqui occæcati eorum sunt, inquit *GALENUS h*), qui Solem nictando contuentur, omnes ita læsi, ut vix recuperarint visum. Idem alio loco *i*), ubi celeriter visum perdi tradit, si quis inconniventibus oculis intueri Solem velit, hoc addit, multos in Solis defectibus, cum quæ ei acciderent, lustrarent attentius, fixiori obtutu occæcatos esse. Vix tamen existimo, alios quam imbecilliores oculos tam subito periculo esse obnoxios. Imo, moderatum Solis & luminis ab eo diffusi adspectum roborare oculos & plus vigoris iis inspirare, vero similimum puto. Hinc proverbium est, lippientes tantum oculos non delectari Sole, ut nec vino palatum, quod febris infecit. Halæctus implumes pullos suos percutiens subinde cogit adversos intueri Solis radios, vel si conniventem nictantemque animadvertit, præcipitat e nido, ut adulterinum & degenerem *k*). Sic canes vitiosos credunt, qui vitant Solem, umbram sectantur *l*).

At

*f*) Ita *Democritum* subtili solertia cæcitatem sibi consciuisse, obtutu nempe clypei ærei Soli oppositi, ex *Laberio* poëta refert *A. Gellius L. X. C. 17. p. m. 492.* Alii describunt *Democritum* εἰς ἑσπιντρα πυρωθέντα ἀπηρεσταμένον τὰς ὄψεις καὶ τὴν ἀπ' αὐτῶν ἀνάγκασιν δεξάμενον, referente *Plutarcho* nec tamen adficiente *de Curios. Op. T. II. 521.* *C. Fabulam* pulchre evoluit *P. Bayle in diction. T. II. p. m. 273.*

*g*) *Clem. Alexandr. Stromat. L. VIII. Ed. Potter. p. 916.*

*h*) *de sympt. caus. L. I. C. 2. it. c. 69.* ubi sub Sole iter emensis oculos squallidos sordidos conniventes, in quibus flos vitalis coloris extinctus sit, tribuit.

*i*) *de usu part. corp. hum. L. 10. G. 3. Ch. I. p. 179. Conf. Misc. N. C. D. III. A. 7. & 8. O. 99. p. 166.* ubi *D. Io. Theod. Moeren* post finitum *Phœbi* deliquiam se cum aliis observatoribus primis ab hinc diebus tantum non cæcum sensit.

*k*) *Plin. H. N. L. X. 3. p. m. 548. Aristot. L. IX. hist. anim. C. V.*

*l*) ἐνδοδύσας ὑπὸ τῶν ἡλίου, ὑποφυγέσας ὑπὸ τὰς σκιάς *v. Iul. Pol. hic. Onomast. L. V. C. XI, p. m. 510.*

At gymnosophistas ab exortu ad occasum immotis oculis Solem intueri, & ferventibus arenis toto die insistere consuevisse *m*), res est vel fabulosa vel futilis iactantiæ plena, quæ cum Diis familiaritatem, nihil fulminis & pœnarum metuentem, sibi adservit. JULIANUS *n*), qui a puero scribit radiorum solarium desiderio se flagrasse, quoties ausus est oculos in æthereum illum splendorem conuicere, attonita ait & perculsa mente se fuisse, quanto certius caligantium oculorum. Majori adhuc desiderio Solis flagrasse videtur Philosophus EUDOXUS *o*), qui modo propius liceret formam, magnitudinem & dotes ejus inspicere, *Phæthontis* fato interire optavit.

### §. X.

At & nervos aliis sensibus dicatos vis Solis obtundit. Auditus quidem ob nervos latentiores minus periclitatur, imo ob membranas in sicco aëre magis tremantes, iis, qui ab humorum colluvie obsurdescunt, acutior evadit. Olfactus vero ut nervos nudiores habet, ita noxam promptius admittit, & breves interdum in æstuante arena ambulationes ἀόσμον<sup>1</sup> relinquunt. Nimirum cum liquida subtilissima aëri calido & siccanti plus obediant, mirum non est ad vim Solis vasa nervina & lymphatica suis exhausta liquidis arefcere, & functiones eorum sensim aboleri. Ex eadem ratione pulmo, cuius tam necessaria est lubricitas, siccatus nimis asthmata parit, iis etiam sæviora, quibus ob amplitudinem corporis meatus animæ gravior & sonantior est. Anginæ quoque post itinera æstiva frequentes observantur, maxime si frigus superveniens fauces stringit, imo fuit apud SWIETENIUM *p*), qui blando verni Solis tepore recreatus & vesperi obdormiscens periit noctu anginosus. Bilis præcipue in illa dilutionis penuria fervet & corrumpitur, hinc moram sub Sole corpus biliosum reddere

*m*) Plin. H. N. L. VII. 2. p. m. 372.

*n*) ab initio Orat. IV. in R. Solem.

*o*) v. Plutarch. op. T. II. p. m. 1094. B.

*p*) Com. in aph. Boerh. 799. V. II. p. 654.

dere docet GALENUS *q*), & ex iudicio HIPPOCRATIS *r*) biliosis & splenicis metuenda æstas est, & præsertim ejus solstitium. Incidunt, qui imprudenter in Sole ambulant, in angustias circa hepar, & aluo vel vomitu atra & acria ejiciunt *s*). Coctio ventriculi ob arescentes lymphæ digerentis fontes languet æstate, aliis strictior ex simili vitio obtorpescit. Præterea HIPPOCRATES *t*) crebros coxendicum morbos ex mora in Sole evenire scribit, humore videlicet circa artus arescente, unde flecti sine magno dolore nequeunt. Nascuntur & inde aliæ arthritides, & ipsæ sensim paralytes.

## §. XI.

Propero ad cutem, quæ æstuantis Solis & cœli injurias sustinens ephelidum *u*) vitiliginum aliarumque hujus generis macularum, maxime fuliginosi coloris tristi nube obtegatur. Sanguis parte aquosa & pellucida orbatus non potest non per vasa cutanea obscuriori colore translucere, & facili in his locis stasi macularum forma coire. Omnia corpora, quæ diu in Sole æsti-

vo

*q*) C. I. de morb. vulg. in L. VI. Hipp. n. 10.

*r*) de aër. aqu. & loc. Ed. Lind. V. 1. p. 345. XXX. 5. Idem de Struett. Hom. l. c. V. 1. p. 286. XI. 16. ait bilis facultatem augeri ab exortu vergiliarum ad æstivum solstitium.

*s*) Et bene quidem corrupta bilis quippe febres accendens & sustentans in limine per vomitum eiicitur. Unde Hippocrates æstate purgationes ait convenire τὰς ἀνω, hieme τὰς κατω. Aph. IV. 4.

*t*) De int. Affect. Ed. Lind. V. II. p. 263. LIV. Ceterum recenset æstivos morbos Aph. I. 25. Alio loco, ubi urbes ad Solem ventosque male sitas tanquam morbis magis obnoxias arguit, addit tamen, sicca æstate citius sedari morbos, pluviosa esse πολυχρόνας. v. V. I. p. 330. III.

*u*) ἐφελίς, Græcis est ἡ ἐν τῷ ἡλὶ περιτὸ πρόσωπον γινομένη ἑκκαυσίς καὶ μελανία. Celsus L. V. C. 5. asperitatem & duritiem vocat mali coloris. Curare eas & lenticulas varosque pene ineptiæ sunt, inquit, at eripi feminis cura cultus sui non potest.



vo versantur, nigra reddi GALENUS x) tradit, rationem quoque cur Sol carnes denigret, simplicissimam ARISTOTELES y) exprimit, τὴν σὰρκα μαλαίνει, inquit, ὅτι καί τις. Veteres omnes torridæ Zonæ vim denigrandi & ustulandi corpora tribuerunt, iis quidem arbitris tanto luculentiores, quod ejusdem coloris pleræque bellæ & aves earum regionum essent, & ipsi ad Africæ solitudinem montes a Solis percussu attri adparerent. Verum id recentioribus non probatur, quod intensior vis Solis iis, quorum cervicibus constantius imminet, illum penitus colorem, qui Indorum vel Aethiopum est z), conciliet. I. N. PECHLINUS, a) quamvis laud inficietur, eorum, qui vel per unicum diem Soli æstivo se obvertunt, candorem obscurari, negat tamen vel mille Solibus exustam cutem posse illum æthiopum colorem referre, quippe in nitido habitu pinguem & lævem. Neque enim humida illa & flexilis mollities cutis ac fulgidus splendor Soli exsiccati & induranti congruere videtur. Igitur horribile & Oedipo dignum secretum vocat, unde hæc prima habitus colorisque æthiopici origo pendeat? Sedem quidem nigroris abunde demonstrarunt anatomicorum nostri ævi observata, verum de causâ ambigunt vel silent, eamque diu quærentibus fortassis nunquam reperiri iudicat B. S. ALBINUS. Id scimus, in cute ipsa nigroris huius æthiopici parum esse, paulo plus in epidermide, plurimum

x) *Comm. II. in Progn. Hipp. 29. Cl. IV. p. 200.* Agit quoque de nigrizia ex Sole in *L. I. de tuend. sanit. C. 5. v. Cl. II. p. 64. A.*

y) *Op. T. IV. p. 258. II.*

z) India & Aethiopia secundum Strabonem olim omnis erat terra meridiana, deinde per hanc intelligi cœpit terra mari rubro vel in Asia vel Africa contermina, posthæc strictius media pars Africæ ad æquatorem sita, cujus olim metropolis Meroe teste Stephano dicitur *Lucano Pharf. L. 10. v. 303.*

*nigris foecunda colonis;*

Nihil hic vel hos vel alios æthiopix terminos moror, nec incolarum diversi gradus nigriziam, sed hujus causam, an a Sole sit, paucis in hac coniecturarum caligine dispicio.

a) *de colore athiop. C. XVIII. p. 177. & 182. C. X. 108. C. XIV. p. 153.*

мумин intermedio, quod *Malpighio* nomen debet reticulo *b*). Hoc reticulum in hominibus nostris semper candidum reperit *F. Ruyschius c*), imo ejusdem candoris, quam epidermidem, quamvis in quibusdam corporis partibus, ut scroto & pube, ad fuscadinem satis insignem vergat. Ubi illud præcipue in æthiopis notamus, tantam esse atrii coloris in dictis sedibus constantiam, ut nec aqua nec spiritus vini multorum dierum digestionem eam eluat *d*), & hinc vulgari proverbio vanus labor sit æthiopes lavare. Quodsi vero hos igne vicini sideris torreri *Plinius e*) inepte dixit, si *Lucretius f*) percoctos calore per errorem vocat,

*b*) Etsi cutem ipsam in omnibus hominibus, adeoque & Aethiopibus, albam *Malpighius* & *Santorini*, albiſſimam *Ruyschius*, nive candidiorem *Riolanus* adpellat, vicino tamen nigrore leviter infectam *Albinus* notat, in quem nulla cadere potest cutis vel reticuli detrahendo vitiati suspicio. Tam leviter tamen tincta cutis parum ad colorem Aethiopum confert. Idem de cuticula verum est, quod experts omnis nigroris haud sit. Non eo id sensu intelligo, quo veteres, qui cuticulam cum illo reticulo conjunctam considerarunt, unde solam cuticulam nigrore imbutam recte *Riolanus* dixit, sed de cuticula sine reticulo, quam *Ruyschius* in Aethiope cineream vocat, *Santorini* etiam nigram. Est enim cuticula ejusmodi tegmen, cujus interior pars cutem tangens *reticulum*, exterior *epidermis* antiquo nomine audit, quæ lamellæ ejusdem naturæ sunt, & ut *Winslowius* ait, altera alterius continuatio vel pars, hæc dilutioris illa obscurioris fuscitatis, maxime interiori parte, qua cuti accumbit, plus etiam, ubi intervalla papillarum cutis quam ipsas papillas ambit. Ita quoniam interior est sedes majoris nigroris, hunc *cl. Littre* interne cum carbonis nigrore lignei comparat, licet per epidermidem tantum adpareat ad similitudinem fuliginis. Simul vero notandum est, non esse colorem in omnibus partibus æthiopis eundem, quas variis locis detraxit *Albinus*, sic differre testatur, ut dubites ejusdem æthiopis esse, e. c. in planta, vola, calce, & sub unguibus, ubi dilutior color. v. *Celeb. Viri exasciatam diss. II. de sede & causa coloris Aethiop. Leyd. 1737.*

*c*) *Adv. Anat. D. III. 8.*

*d*) *hist. Ac. Scient. 1702. & quidem divers. Obs. Anat. auctore Littrio n. 13.* Paria experimenta cum aqua forti, spiritibus acidis, lixiivis frustra instituit *J. N. Pechlinus l. c. C. 8. p. 86. 87.*

*e*) *H. N. L. II. 78.*

*f*) *de rerum Natura L. VI. v. 722. it. 1107.*

cat, nec *Galenus* g) æstu ambiente & calore interno foras verso æthiopum cutem contaminari rectius definit, an satius erit, cum STRABONE b) *σπερματικὴν διάθεσιν*, vel cum HERODOTO i) genituram æthiopum nigram, reliquorum albam, pro causa discrepantis coloris venditare? quod iudicium jam *Aristoteles* k) erroris convicit. Eluere plenius hanc maculam Solis urentis visus sibi est *Onesivritus* l), quod in ventre matris jam atrescere fœtum doceret, quem Sol nondum attigit. At inter recentiores LABAT m) recens natos in æthiopia eundem ac albos colorem habere vel rubicundiozem, certe non nigrum, ut oculatus testis confirmat. Vix autem illos confutare operæ pretium est, qui signum *Caino* impressum, ne occideretur, putant nigrítiam fuisse, nam hac infectam ejus progeniem cum universo orbe inundato interire oportuit. Ex his vero aquis superstitem unicum cum sua domo *Noachum* fingunt æthiopes Marabæi ex filiis habuisse primum album, alterum fuscum, tertium nigrum, qui deinde cum uxoribus sui coloris tres hominum diversæ coloratorum classes propagaverint. Ludentis ingenii, nullo certe argumento nitentis, commentum hoc est, quemadmodum & illud alterum, *Chami* filium *Canaan* ab execratione *Noachi* atro correptum colore sui similes genuisse. Neque enim color ille Cananitarum fuit, neque iis, quos obfuscavit, pro inauspicato & piaculari habetur: potius in eo triumphant, & candorem averfantur. PECHLINUS n) in cute æthiopum fermentum sibi concipit, quod cola-

g) *de temper. L. II. C. 6.*

h) *Geograph. L. 15.*

i) *γενελογία* ei dicitur *L. III. p. m. 200. n. 105.*

k) *de hist. anim. L. III. C. 22.*

l) apud *Strabonem l. c.*

m) *v. nouv. voyage aux Isle de l'Amerique T. II. C. 6. Afrique II. C. 14.* Fatetur tamen, quod incipiant post octo vel decem dies infusari. Idem ex *Purchasii* itinere *Boyle* refert albos nasci, at calorem brevis cum atro permutare, *v. Pechlin. l. c. C. 17.*

n) *Cl. c. .8.*

*Richteri Opusc. T. I.*



colatos ibidem succos nigrore inficiat, uti vitriolum solutas gal-  
 las. Nec illas hodie secretionum provincias fermentis disperi-  
 mur, nec patet, cuius fermentum illud genii sit, & cur solis  
 Nigritarum corporibus adsuescat? Plus alii imaginationi vindi-  
 cant, ex qua uti *Persina* ad picturam *Andromedæ* albam prolem  
 peperit o), ita nigram parere alia potuit ad atræ picturæ occur-  
 sum, cui constantior ejus cogitatio obhæsit. Satis scio, quantum  
 sit in hoc argumento, etiam fabulis exornando, elaboratum, sed  
 cur non tot seculis apud nos, qui a Solis propiori contactu remo-  
 vemur, similis matrum imaginatio nigras familias condidit? Non  
 unum imaginationis errorem, sed ejus per multorum animos dif-  
 fusi consensum aliquem postulant, ut Natura quasi tot suffragiis  
 impulsæ contextum operis sui immuter. Nam macrocephali, qui  
 generosiores videri volebant, formabant olim manu & fasciis te-  
 nerum caput infantum, fastigiata sensim ossis frontalis compage,  
 cum qua deinde consuetudine viribus imaginationis adiuta Natura  
 ipso HIPPOCRATE iudice p) conspiravit. Pedum tenuiorum for-  
 mæ apud Sinenses per similes stricturas & interceptum alimenti  
 liberum comæatum ars operam dedit, auscultante sensim, ut  
 aiunt, & imitante Natura. Ita in Nigritis tumentia labia, retu-  
 sas & hiantes nares, crispatos capillorum flexus, & in cute colo-  
 rem illum noctis, quippe de quibus omnibus tanquam magnis de-  
 coribus gens illa sibi adplaudit, ars cœpit fortassis pariter tanquam  
 formæ ornamenta fingere, Natura perfecit. Quid his omnibus  
 veri vel fictitii subsit, in illa plerorumque interpretandi fingendi-  
 que libidine nolim disputare, nec tamen dissimulo, ut in fastigio  
 illo capitis, tenuitate illa pedum, aliisque corporis partibus, si-  
 mili fato ab arte corruptis, nihil veræ pulchritudinis inest, ita  
 Naturæ constantiores mihi videri leges, quippe a summa sapien-  
 tia præscriptas, quam ut tam facile illis humanæ imaginationis  
 lusibus succumbant. Ex dictis hoc elucet, inter coniecturas tam  
 ambiguas illam, quæ Soli plusculum tribuit, ut antiquiorem, ita

ratio-

e) v. *Heliodor. Aethiopicor. L. IV. p. m. 175. 176.*

p) de aërib. aqu. & loc. Ed. Lind. V. I. p. 348. XXXV.

rationibus suis inferiorem non esse. Nam quod albi inter nigros non nigrescant, nigri inter albos non albescant, argumenti contra Solem parum continet, cui, qui primo ætatis decursu color debetur, ille ut confirmator haud facile hac regionum & vitæ permutatione deleri penitus potest. Neque vero largimur, coloris sub uno cœlo nati mutationem sub alio nullam esse. PESCENNIUS *q*) vocabatur niger, quod dux Aegyptii limitis colorem cœli contraxisset. I. MITCHELL *r*) Hispanos ait sub Zona torrida æque fuscus esse quam Indos Virginiae, Anglos per triennium, quo hic viuunt, non amplius nisi lingua discerni. Repugnat, inquires, nitor ille & humiditas cutis *s*), ut ex Sole nigrescere dici possint, Verum specta morem gentis, cui dies non transit sine unctione, non tantum oleo sed adipe varii generis, quo ita se imbuunt incolæ, ut instar speculi nitescant: ne tangam ipsius regionis nocturno rore reficientis commoda. Ita igitur cutem sub cœlo illo arefcentem molliunt, nigrorem quoque isto unguine ad Solem atrescente exaltant *t*). Pergis: si Solis hæc vis est, cur non idem sub eodem Sole incolarum color? cur Indi, Asiatici & Americani in eadem cum Aethiopibus Solis vicinia gradu nigro-  
ris differunt? Superius attingi, quid intendat actionem Solis ex varia indole subiectarum regionum, si planæ, fabulosæ, plantis, arboribus, aquis destitutæ sint. Addo diversas vivendi leges, dum  
alii

*q*) v. *Salmas. not. in script. Aug. hist. p. 156.* Hic *Pescennius* fuit teste *Spartiano*, qui sibi nunquam vel contra Solem vel imbres quæsitit tecti suffragium. Rex Thebæorum ex thebacio marmore nigrum *Pescennio* simulacrum dicans verba subiecit:

*nigrum nomen habet, nigrum formauimus ipsi.*

*r*) in novissima observatione paulo inferius commemoranda.

*s*) Corpus mollitiei bombycinæ, tumens & pingue, quale *Iuuenalis* in *Meroiticis* nutricibus venuste exprimit, tribuens iis maiorem infante papillam. Canibus istis Afris & insularis depilibus, ut ex insula *S. Thomæ*, idem status est.

*t*) v. *Jf. Vossium de Nili & al. flum. Orig. C. 19. p. 68.* *Leucoæthiopes* vocat, quibus exaruit cutis, id quod sedulo cauent æthiopes reliqui assidua unctione.

alii contra vim Solis se vestibus defendunt, ad latibula ædium confugiunt, vel balneis utuntur, alii abjectis vestibus neglectisve ædibus nudi unctique Solis vires constantius sustinent. Existimat I. MITCHELL <sup>u</sup>), albos nigrosque a colore communis parentis gradibus oppositis degenerasse. Indicat epidermidem, quæ in Europeis tenera est & translucens æque ac reticulum in nigris soliditatem quandam & crassitiem adipisci, aquosis calore dissipatis oleosa abundare, quæ plus refringunt & magna parte intercipiunt radios cum effectu nigroris. Ut ex quæstione paulo diutius protracta nunc paucis me expediam, vix Soli dubito hujus nigroris primas tribuere, aliis causis secundas. Cum constet atrum colorem extinguui paulatim, nigrum cum candida leucophæum, hunc cum candida candidiorem sobolem gignere, donec sensim color ille in primis sub mitiori cælo expiret; quidni vicissim credamus, colorem atrum, si his gradibus extinguatur, contrariis natum esse. Pone hominem inter illos, quos propior Sol obfuscat, ex vitæ suæ genere fusciorem cum puella, quæ pariter dicere potuit: μελαμνὴ εἰμι ἐγώ, ὅτι περιεβλεψέν με ὁ ἥλιος <sup>x</sup>), fusciorem prolem generasse, hinc propagines novas, sui coloris inter similia connubia vindices, sub torrentis cæli perpetuo adspæctu, & conservatis iisdem vivendi legibus, sollicitæque vitata aliarum gentium & connubiorum mixtura habitum corporis confirmasse, avitæ deinde indolis & gentilitii coloris etiam sub blandiori cælo diutennem, sensim tamen elanguescentem.

## §. XII.

<sup>u</sup>) v. *philos. transact.* 1744. n. 474. Art. IV. vel recens. in *Bibl. raison.* 1747. T. 38. P. I. p. 177. ubi *John Mitchell* medicus Anglus in Virginia nigrorum corporibus iterato incisis causam coloris in structura cutis reperisse sibi videtur, & præmissa colorum theoria ex *Newtoni Optic. L. II. P. III. propos. VIII. & X.* gradus colorum, quibus corpora humana ab albore ad nigrorem deflectunt, ex gradibus densioris solidiorisque texturæ & opacitatis, per calorem natæ, in epidermide reticulo & cute derivat.

<sup>x</sup>) *Cantic. Canticor. C. I. 5.*



## § XII.

Remedia adnectere, quæ illas insolationis noxas eluant, animus non est: nam morbis oppido multis, quibus abunde in propriis classibus prospicitur, occurrendum esset. Arstamen transiitum in hos morbos inter prima molimina præcaver, maxime balneorum. CELSUS *y*), si quis exustus est Sole, ei protinus in balneum eundum esse docet, GALENUS *z*) post itinera in Sole fervente nil balneis potius habet. Ex ejus judicio, si talis non lavatur, mox febre laborabit, certe capite: si opportune lavatur, licet lingua, fauces & totum corpus aruerint instar stipulæ, calorem, sitim, loquelæ difficultatem & similia induxerint, tamen egressus balneo plerumque cito sentiet expediri linguam, sitim, calorem, siccitatem levare. Nec proinde eos reprehendit, qui valentes & adfueri ipso Naturæ impulsu in stagna & flumina se tunc coniciunt. Et quid hospitalitas veterum, advenas ex itinere in calidis locis suscipiens, prius præbuit quam lavacra pedum? Nec adspernor prophylacticum illud *Erasistrati* *a*), qui eorum, quos Solem tolerare oportet, capitibus spongiam latam, densam, cavam, aqua imbutam & probe expressam imponi iuber. Apud DIOSCORIDEM *b*) crudum albumen ovi faciem a Sole adustam tuetur. PLINIUS *c*) sebum alinum vel bubulum cum rosaceo ex veterum disciplina præscribit. Certum est, faciem illam Sole minus aduri. Unctionis in principio locum GALENUS *d*) circa sinciput atrissimum censet, quod ibi ob laxitatem

me-

*y*) de Med. L. I. c. 3.

*z*) de marcōre c. 6. & in primis c. 10. Meth. Med. in Cl. VII. p. 66. A.

*a*) v. Galen. de comp. pharm. sec. L. II. Cl. V. p. 132. H.

*b*) προσωπὰ τε ἀντίκλιναντες τῆς ὀφ. L. II. c. 55.

*c*) H. N. L. XXVIII. 62. p. m. 480.

*d*) Galen. de Comp. Pharm. sec. Loc. L. II. Cl. V. p. 132. C. D. Ipse nunc frigidam aquam, nunc bulbum candidum ex melle, nunc rubiam tritam ex oleo laudat.

---

medicamina promptius distribuuntur, quam ad occiput, quod nec exurit facile nec refrigerantia sustinet. In dolore capitis ex Sole urente succum centauriæ cum aceto illini idem imperat, vel potius auctor, quisquis est, libri spurii de centauria e). Optime sibi prospiciunt, quibus illa corporis in Sole excoquendi cura, quam SENECA f) damnat, non in voluptatem vertitur, nec limites salubritatis excedit.

e) *L. Spur. p. m. 98. 8.*

f) *de breu. vit. c. 13. p. m. 508.*

## DISSERTATIO

DE

NATURA MORBORUM  
PER MORBOS VICTRICES,

PUBLICE PROPOSITA

GOTTINGÆ, D. 31 AUG. 1747.

R E S P.

JO. EBERH. WEHRKAMP,

OSNABRUGENSI.

## §. I.

**O**mnem sine discrimine morbum in primo ortu profigare, antequam certis constet indiciis, quid ille moliatur, quibus armis & quo successu pugnet? temeritatis potius quam prudentiæ medicæ consilium est. Sunt enim morbi, qui omni medicina efficacius gravissima & inveterata mala expugnant, hinc, quoties tempestive nascuntur, tanquam vindices adflictæ valetudinis excipiendo, quin &, si in potestate nostra situm sit, per artem ad ferendas suppetias excitandi. His, qui illibata sanitate fruuntur, merito suspectum videtur hostile illud medendi genus, at plerorumque vel titubans valetudo vel plurimis dudum iniuriis concussa Naturam ipsam sentit mira solertia in eo occupatam, ut infestas morborum vires pro salute corporis inter se committat. Igitur non tam morborum quam Naturæ, cujus



cujus medicatricem virtutem HIPPOCRATES *a)* extollit, hæc gloria est. Licet enim morbi causa adverteretur corpori, ipse tamen morbus, ut cum TH. SYDENHAMO *b)* loquar, est conamen Naturæ, quo morbosum exterminare in ægri salutem nititur: quod & conamen artis esse debet Naturam imitantis & inter morbos tempestive motos sanantis.

## §. II.

Cum remedii nomen mereatur, quidquid morbosum corpus in solidis & fluidis mutat salubriter, hoc est, læsas exercendarum functionum conditiones restituit, non potest eius actio nisi ab ipso motu vitali ad loca adfecta determinante exsurgere, qui motus

*a)* *Epid. L. 6. Edit. Lind. T. I. p. 809. S. V. I. νόσων φύσις ἰστέροι.* Quam sententiam Hippocratis ut solidam & inconcussam arti medicæ basin subterni Th. Sydenham censet in *præf. op. Edit. Leyd. 1741. p. 19.* Eadem verba majestate Hippocratis dignissima Foesius adpellat & sic vertit: *morbis Naturæ medentur: Cornarius simplicius ita: morborum Naturæ medici.* Videtur hic magis morborum, ille Naturæ vim salutarem respexisse, debetur vero utrisque, huic ut causæ, illis ut instrumentis. H. Smetius in *misc. med. L. 7. Ep. I. p. 325.* ex instituto tractat hunc locum Hippocratis, in eo maxime occupatus, ut inde, quod Natura medeatur, neget conclusionem fieri posse, quod artis nulla potestas sit. Hæc eius disquisitio in censuram Erasmi præceptoris missa adparuit deinde in posthumis huius viri vivente Smetio. Ceterum in hoc nostro argumento multi alii, quorum non unus scopus fuit, elaborarunt. Legi præ ceteris merentur celebres viri: G. W. Wedelius *de natura morborum medica in exerc. med. philol. 10. Cent. I. D. 5. p. 50.* Frid. Schraderus in *disp. de salubritate quorundam morborum Resp. D. v. Cramer Helmstad. 1692.* Mich. Alberti in *variis disput. ut de salubritate morborum, de arte sanandi per morbum, de Natura morborum medicatrice, A. Brendelius an & quomodo morbi curentur per morbum arte introductum Resp. J. G. Reiche Vitteb. J. O. Schacht in orat. de morborum in sanandis morbis efficacia Ultrai. 1733.* G. E. Hambergerus *de morborum per morbos curatione Resp. J. Schumm. Ienæ 1746.* L. F. Hornung *de morbis morborum remediis Altorf. 1708.* & passim alii.

*b)* *Op. p. 37.*

tus ex ipsa fabrica c) corporis excitatus & in solo fluidorum impulsu & vasorum renixu positus coquit expellitque nata morborum semina. Hæc sunt illa Naturæ arma, quibus sapientissima conditoris voluntas corpus nostrum in sui tutelam contra quasvis morborum causas instruxit, sine his nulla artis & remediorum potestas est. d) Quemadmodum vero illa Naturæ actio quamdiu custodem agit præsentis sanitatis, inter æquabiles ac placidas motuum suorum exercitationes cruda coquit, reficit attrita, expellit noxia, ita inter vindicias labefactatæ valetudinis quasi offensæ memor, a miri genio suo despectens contra morbos intensiori virtute, & quodam velut bello adparatu, & lecto ex ipsis hostium castris milite insurgit. Quis non videt in acutis pulsum vibrare vehementius, sanguinem fervere, turbari omnia? Hæc ipsa vero virtus Naturæ est, quæ alienum & crudum sic potentius subigit & suis nocendi viribus exuit, vel si exuere penitus non potest, ne novas turbas moliatur, tanquam indignum arvis suis colonum variis viis inter critica, ut vocant, molimina expellit. Nec in chronicis ortos fluctus fallaci lenitate componit, sed inter turbas licet minus vehementes reparat salutem, nunc sistendo diuturnum alui fluxum spontaneo vomitu, nunc inveteratam cephalal-

c) Hinc Natura Hippocrati ἀπαλδευτος dicitur, vel ut ibidem loquitur, ἡ μαδῶσα τὰ δεινὰ ποίει l. c. p. 809. S. V. 4. In libello de alim. φύσις πάντων ἀδιδαντοῖς audiunt Op. T. I. p. 597. S. VIII. 8. Id quod non obscure probat, naturales causas secundum sententiam Hippocratis non agere ex consilio & arbitrio. quippe disciplinæ expertes, sed ex necessitate, quæ fabricæ legibus, divina sapientia sancitis, propius convenit. Hinc etiam Hippocrati φύσις ἰατρικὴ dicitur αὐτοματῶν de diet. L. I. 14. 3. Op. T. I. p. 192. Conf. Th. Sydenh. op. p. 129. licet inquit causæ brutæ sint & omni consilio destituta, non tamen sine summo consilio reguntur.

d) Cantharides fermento subactæ nil mutant in cadavere, sed illi tanquam filici incumbunt, elaterium, quod alui laticem in viventibus tanto impetu movebat, ne guttulam quidem in defunctis exprimit: adeo manifestum est potentissima per se remedia non nisi a motu vitali ad amicam vel noxiam corporis actionem determinari.

phalalgiam fluxu cruento vel purulento aurium nariumque solvendo, ubivis vero morbos, quos nusquam non reperit, cum totus homo morbus sit, per mutuum inter se conflictum conficiendo. Plebis est, numerare morbos, qui stragem edunt, prudentiorum, attendere ad illos, qui majus post se valetudinis robur relinquunt.

### §. III.

Hanc normam Naturæ, a morbis arma contra morbos prospero successu perentis, indubitatae fidei exemplis, primum a febre petitis, tanquam omnium frequentissimo morbo illustrabimus. Haud temere FR. RONCALLUS e) febrile incendium viam plerumque ad salutem esse ait. Mirum non est, tot auctores eam sua indole salutarem adpellasse f), immo suasisse veteres recentioresve, ut in multis morbis chronicis excitaretur. Etsi tertia pars hominum facile febre occumbit, sic tamen occumbere honestius, & velut inter vindicias suas, licet frustra tentatas, dixeris. Quid enim tandem remedii contra ultimam fati necessitatem sufficit? Illos fortassis non magis febris, quam milites saucios & hostili vi oppressos scutum & ferrum, quod semianimes adhuc ad vitæ defensionem in manu gestant, videri potest interemisse. Ita vero nolim huius laudis nullos agnoscere limites, nec dissimulare noxas, quas ferocior vis febrilis in summa internorum viscerum corruptela producit. Sufficit, certissimum esse, vix morbum alicuius momenti reperiri, qui non a congruente febris orientis gradu medelam acceperit. Quot homines sine omni ope medica evaserunt non solum ex febre, sed & iis simul malis, quibus antea per plurimos annos laborarunt? Quot non pessime se habuerunt sup.

e) v. hist. med. morb. p. 29.

f) Th. Sydenham nunc vocat Naturæ instrumentum, quo partes impuras ab impuris secernit, hist. morb. acut. S. I. c. 4. p. 62. nunc machinam Naturæ ad dissolvenda ea, sanguinem quæ male habent S. 3. C. 3. p. 165. conf. diff. ep. p. 363. ubi solemnem Naturæ machinam vocat, tum in præparanda tum in eliminanda materia quavis corpori inimica, & sic multis aliis in locis.



suppressa febre, nec nisi ea iterum ingruente convaluerunt? Ideo TH. CAMPANELLA g) credit, nullam febrem morbum esse sed remedium contra morbos, & G. D. COSCHWITIUS b) paradoxon ait, attramen verissimum, febrem non esse morbum. Iustius paullo & limitatius JAC. PRIMEROSIUS i) vulgari Anglorum proverbio adsentitur, vernalem febrem medicinam rege dignam esse. Præstat hic limpidos fontes Hippocraticæ experientiae consulere, quos nostra etiam ætas reverenter habet. Immunes k) hic dictator artis a magnis morbis declarat, quos quartana corripit, vel si jam morbis illis laborant, hac superveniente liberari. Febrem convulsiones solvere aut distentiones nervorum, variis locis docet. l) Nunc apoplexiam intra septem dies occidere ait, nisi febris supervenerit, m) nunc ebrium repente obmutescentem convulsam interire, nisi febris nascitur, n) nunc lippiem o) ad exortum ejus evadere, nunc ad eundem dolo-

res

- g) *Medicinal. L. 7. C. 2. art. 1. p. m. 603.* concludit omnem febrem symptomaticam esse, excepta forsan sola, quæ ex ira nascitur, hinc etiam concludit, nullam febrem per se vel simplicem vel putridam vel pestilentem esse, sed ejus causas hoc nomine insigniendas.
- h) *v. Pathol. P. 1. C. 2. §. 3. schol. p. 8. it. P. 2. C. 9. §. 1. schol. p. 297.*
- i) *de error. vulg. L. 2. C. 31. p. m. 174.* refert inter populi sententias, quæ etsi sæpe veræ non sunt, considerari tamen merentur.
- k) *Hipp. Epid. L. 6, S. VI. 16. T. 1. p. 812.* confer quartanæ laudes in *A. Gellii noct. L. 17. C. 12.* ubi biduo medio intervallatam febrem sic considerat, ut sint *μία νύκτις δύο νύκτες*, una nouerca duæ matres. Addit ex Platone, qui quartanam passus convaluerit, fidelius constanterque postea valiturum. Nefas est scandala adpellare quartanas, quæ tantum præsidii promittunt.
- l) acutam solvere convulsionem *v. T. 1. p. 554. III. 84.* febrem repentinæ convulsiones tollere ibi *III. 86.* convulsiones aut distentiones nervorum terminare *p. 87. LVII. 1.*
- m) *S. VI. Aph. 51.* quamvis in illo §. tantum de sanis dicatur, qui dolore capitis repente correpti in aphoniam & stertorem incidunt, recte tamen ad illa *H. Mercurialis* monet: *non est dubium, quod sit apoplexia.* *vid. præl. Patav. p. m. 694.*
- n) *S. V. Aph. 5.*
- o) *T. 1. p. 541. Coac. II. 130.*

res circa hepar *p*) solvi, securus præfagiorum suorum notat. CELSUS, *q*) dñm mirum videri posse ait, quod febris toties præsidio sit, paucis complectitur Hippocraticas illas opportunitates. Quæ PLATO *r*) olim de rigore nervorum febre discusso, GALENUS *s*) de morbo comitiali ad quartanæ ortum evanescente, & alii antiquitatis scriptores de aliis febrium commodis miro consensu enarrant, recentiorum quoque observatis cumulatissime illustrantur. In apoplexia, catalepsi, paralyfi febrem commode supervenire, maxime in mania tertianam vel quartanam, docet H. BOERHAAVIUS *t*). Ita TH. BARTHOLINUS *u*) epilepsiam puellæ a febre penitus depulsam, T. F. PAULI *x*) paralyfin manuum a tertiana sublatam, P. ROMMELIUS *y*) fluxum menstruum immodicum ab eadem repressum commemorant. C. F. PAULLINI *z*) adolescentem Norwagum a teneris mutum anno ætatis decimo sexto ope febris ardentis loquelam recuperasse, M. B. VALENTINI *a*) eadem febre hecticam a tertiana male tractata ortam cessisse, L. SCHROECKIUS *b*) iuvenem a conjugio mox consummando, ob impotentiam, quam ipse in se deprehendit, retractum simili febre nativo robori restitutum ex alia deinceps conjuge, cum prior sponsa abnue-

ret

*p*) S. VII. Aph. 52.

*q*) medic. L. 2. c. 8.

*r*) in Timæo.

*s*) in L. 1. Epid. Hipp. comm. III. ad Iuntin. Cl. 3. p. 118. H. it. in L. 6. Epid. comm. 6. p. 197. D.

*t*) in Aph. 1017. 1042. 1064. & 1124.

*u*) Cent. 2. Obs. anat. med. 68. Memorat etiam I. Lanxonus epilepsiæ viri illustri per supervenientem quartanam sublatæ in Eph. N. C. D. 3. A. 3. O. 30. p. 34. nec minus Ph. Salmuth O. 84. Cent. 2. p. m. 101. sic G. Ph. Nenter ex Chesneau, longam febrem ut quartanam in epilepsia laudat. v. fund. med. T. 2. Tab. 115. p. 381.

*x*) Act. Eph. N. C. vol. V. O. 64. p. 244.

*y*) Eph. N. C. D. 2. A. 7. O. 213. p. 399.

*z*) ib. A. 5. App. p. O. 31. 48. Simile præstitit quilibet motus concitior animi, qualis Croesi filium viso parentis periculo vocalem reddidit, & Aeglen athletam Samium, cum præmium victoriæ ei eripere vellent.

*a*) ib. A. 2. O. 166. p. 377.

*b*) ib. D. 1. A. 3. O. 78. p. 130.

ret, lætam prolem genuisse, immo R. LENTILIUS *c*) pastorem, verba interdum in iusta serie collocare impotem, febre continua maligna ad justiore sermonis usum rediisse, litterarum monumentis consignarunt. His adde I. G. HOYERUM, *d*) qui cauponis aphoniam periodicam pariter febris malignæ ope victam vidit, & epilepsiam *e*) pueri chronicam eadem orta cessuram præfagivit. Vix tamen malignis multum salubritatis tribuendum, nec placet I. L. HANNEMANNI *f*) observatio, puerum gravi calculo laborantem & peste mox correptum, hac sanata etiam ab illo nihil amplius molestiæ habuisse. Putat tamen TH. BARTHO-LINUS *g*) febrem pestilentialem materiam calculi in molliori illa ætate absumere potuisse. In qua varia salutarium febrium scena plus plerumque spei in intermittentium, plus curæ & sollicitudinis in acutarum ortu concipimus, ad malignas etiam trepidamus. Minus tamen inter hæc fluctuat, qui rebellem materiæ morbosæ genium viresque vitæ & febris inter se comparare ex signis non fallacibus didicit. In nulla re plus meruit in medicina HIPPOCRATES, quam ea tradens, quæ medico incumbunt, si febris mitior non superet vitium, violentior etiam augeat. Sapiens est, qui hoc auxilium Naturæ ita dirigit, ut coctioni & expulsiōni morbofi sine labe viscerum sufficiat. Aequè dicendū est iugulare ægrum, qui exstinguit febrem, quam qui magis accendit, ibi inexpugnabiles per totam vitam morbi chronici non subtracto satis fomite oriuntur, hic intensior motus dissipat liquida, reliqua inspissat & ruptis vasis effusisque liquidis in gangrænam & sphacelum præcipitat, Antequam penitus egredior e conspectu febrium salutarium, medelam inde vulnere expectandam non sicco penitus pede præterire possum. Cum unicum remedium sit vulnere pus, quo impuris & alienis separatis amissorum iactura restituitur, palam est, hoc scopo sine febre nos nunquam po-

*c*) ib. D. 3. A. 5. & 6. App. p. 109. quod ad anaudiam ut speciem refert.

*d*) ib. D. 2. A. 9. O. 179. P. 345.

*e*) ib. D. 3. A. 7. 8. O. 179. p. 298.

*f*) loco subjecto Act. Hafn.

*g*) Act. med. & philos. Hafn. Vol. 2. O. 102. p. 249.



potiri, quippe sub cujus insurgentis calore pus excoquitur. Hinc antequam gignitur, labia rubere & inflammari, vulnus æstu re, sitim crescere observamus, at pure per ipsam febrem nato scimus non amplius coherere vivis connexam mortua, & fabricam sub pure novam emergentium vasorum fieri. *b)* Quemadmodum vero suppuratio inter salutares morbos pertinet, sic chirurgorum totum armamentarium, cultros, ferras, terebras aliaque, nunc in excindendo cancro, nunc cavo abdominis vel pectoris vel cranii perforando, nunc aliis violentis ministeriis occupari videmus, scopo quidem instaurandæ valetudinis, verum inter novas noxas & læsiones, quæ statum præternaturalem corporis, id est, morbosum ad tempus augent.

#### §. IV.

In chronicis haud otiosior adparet ille genius Naturæ per morbos medicatricis. Vomitus sub ingressu noxiorum in corpus humanum quasi custos in limine vigilat. Ingens illud Naturæ præsidium est, protinus in primis viis deprehendi hostem & propriis armis confici, id est, ea vi, qua irritat, expelli. Ita saburram ex vitio coctionis vel aliunde natam sensus ventriculi prospero vomitu expurgat, voracium exemplo, quos, ut verbis utar I. N. PECHLINI *i)*, bene vomitus ulciscitur, cumque magno corporis commodo incocta & semesa statim remittit. In febris

bus

*h)* Conf. diff. I. H. Schultzei de mechanico naturæ medicatricis in vulneribus persanandis artificio, resp. S. Schaffner Hal. 1735.

*i)* v. Obs. med. L. I. O. 48. p. 113. Adeo inquit: nonnullis in magno habendum est illud Naturæ beneficium, ad nimiam victus saburram vomitu sese vindicantis. Et revera redeunte in orbem hunc labore fere quotidiano multi vitam diutius tolerauere. Addit, feminam se vidisse triginta annis cum hoc incommodo conflictatam, donec ex ileo obierit. P. Borellus vomitum viginti annorum Cent. I. O. 53. Gu. F. Hildanus vomitum quotidianum plusquam triginta annorum Cent. 4. O. 32, adnotarunt.

bus intermittentibus MICH. ET TMULLERUS *k*) raro aliquid salubrius quam vomitum censet, & I. M. LANCISIUS *l*) in februm epidemicarum initio idem adstruens rationem subnectit, quod prima labes salivæ impressa & ad ventriculum detrusa prius hac ope eliminetur, quam sanguinem inquinet. Neque F. HOFFMANNUS *m*) male monet, natum in principio febris exanthematicæ vomitum ipsa arte sustentandum esse, quandoquidem post primas vias ab irritante stimulo liberatas exanthema promptius in cutem emergat. Sane si morbosum hæret in ventriculo, vel facile in illum adscendit, simulque ejusmodi est, quod mobile & libere fluctuans per angustias œsophagi commode eniti potest, velut ciborum indigestæ reliquæ, cruditates pituitosæ & biliosæ, vermes ac venena multa, dubium non est, vomitum, licet in se morbosum symptoma sit, prodesse. Nihil enim hic est, quod non magno levamento nec minori medelæ compendio ore reiciatur, tanquam nascentis morbi alimentum, vix interdum lentæ correctionis per alia remedia capax. Speciatim HIPPOCRATES vomitum in vinosis *n*) sedare prohibet, eumque in longis alui profluviis *o*) & fluxione capitis *p*) salutarem censet, NIC. FONTANUS *q*) in famæ canina, I. G. H. KRAMERUS *r*) in dysenteria, I. N. PECHLINUS *s*) in nausea hominum cholericorum & iracun-

*k*) *Op. med. Prax. L. 4. S. 15. C. 2. O. 3.* Ex testimonio G. C. Petri ab Hartenfels solus aspectus emetici inter enormes vomitus biliosos tertianam discutit. v. *Eph. N. C. Cent. 1. O. 36. p. 103.*

*l*) *de nox palud. effluu. L. 2. Epid. 5. C. 2. p. 343.*

*m*) *Med. syst. T. 4. P. 1. p. 182. it. p. 280.*

*n*) *de loc. in hom. T. 1. p. 390. XLV. 7.*

*o*) *de diet. 2. Op. T. 1. p. 232. XXXVI. 15. ventrem compactum vomitus soluit. idem habet de morb. 1. Op. T. 2. p. 8. VI. 10. it. S. VI Aph. 15.*

*p*) *de loc. in hom. v. Op. T. 1. p. 391. XLVII. 2. fluxione ex capite fluente vomitus conducit.*

*q*) *Resp. & cur. med. L. 1. p. 74.*

*r*) *Med. castr. app. de dysent.*

iracundorum, MART. RULANDUS *z*) in lue Hungarica laudant requiruntque vomitum. Non minus I. de MURALTO *u*) cephalalgiam periodicam eo solutam vidit, I. IAC. NEUHOLT *x*) immanem dolorem dentium momento citius a vomitu sedatum describit, & TH. WILLISIUS *y*) vertiginosos non raro vomere & optime per emeticum sanari docet. In quibus omnibus conjecturae locus est, gravari ventriculum infesta mole, & hac eiecta pacem remotioribus corporis partibus, quæ domestico vitio laborare ignaris videbantur, plerumque restitui. Quæ omnia magis confirmat oppositus status suppressi vomitus. I. FERNELIUS *z*) plethoricum nominat ex febre & paralyfi pereuntem, cum biliosus vomitus ei familiaris sisteretur. ZACUTUS LUSITANUS *a*) virum exhibet singulis mensibus atræ bilis vomitu vexatum & sumtis adstringentibus sæva cephalalgia laborantem, qui restituto vomitu sanus vegetusque ad ultimam ætatis metam perstitit. HIPPOCRATICUM *b*) illud: vomitum vomitu sedari, manifeste vomitum ut medicinam considerat, tunc ubi viscidum aut putre in ventriculo oberrans stimulis suis spontaneos parit vomitus, non facile quieturos nisi consumpta causa, hinc ipsis interdum emeticis magis provocandos. Ceterum medicus respicit, quam vim

*s*) *Obs. phys. med.* L. 1. O. 41. p. 113.

*t*) *Cap. VII.* p. 8.

*u*) *Eph.* N. C. D. 2. A. 8. O. 12. p. 47.

*x*) *Obs. pathol. therap.* O. 5.

*y*) *de anim. brut.* P. 2. p. 383.

*z*) *Pathol.* L. 4.

*a*) *Prax. admir.* L. 2. C. 13.

*b*) *de loc. in hom. Op.* T. 1. p. 395. LI. 19. Videtur illud sententiæ Hippocraticæ repugnare, secundum quam *L. de flat. Op.* T. 1. p. 404. II. 15. contraria contrariis sanantur, τὰ ἐναντία τῶν ἐναντίων ἐστὶν ἰμύματα, vel ut alio loco se explicat, *Epid.* 6. T. 1. p. 810. V. 12. sanatio est ἀντιποῖν, καὶ ὁμοποῖν τῷ πάθει. Verum & hic morbo perfecte opposita medela est, cum saburræ ventriculi ad crebros vomitus impellenti magis oppositum nihil sit, quam emeticum, quod illam totam exturbat, & sic sublato irritamento vomitus sistit.



vim vomitus ferant vires & conditio ægri, nec facile interrumpit usum, nisi mala symptomata fileant, maxime ubi coctioni rebelle magis est, quod subit ventriculum, ut in venenis & miasinate contagioso adparet. Minime vero vomitus salubritatem ad statum ventriculi aut vicinorum viscerum inflammatum vel suppuratum vel scirrhosum similem extendimus. c) Si N. G. BECKERS d) curatam vomitu purulento hepatitidem notat, vel alii non dissimilia, largimur in tam raris Naturæ successibus, modo non ipsa observatorum fides laboret, parum esse spei ac præsidii. Plus interdum speraverim de ipso vomitu cruento, qualem femina apud IOACH. CAMERARIUM e) quotannis experta ætatem attigit nonaginta ac sex annorum. MICH. ALBERTI f) feminam describit inter gravissima mala jam ipsa tabe confectam, at vomitu cruento liberatam, qui dum crebro suppressis mensibus debetur, a metuendis horum noxis insuetæ excretionis beneficio vindicat. Fatemur, hæc aliena loca non ubivis congruere, nec peccare semper artem, quæ ab illis retrahit: nihilominus Naturæ, quippe vias, per quas opportunius excernit, optime tenenti in molliori in primis vasorum contextu vomitus ille sæpius bene cessit. Quid quod HIPPOCRATES, qui calamitosum pronunciavit, si sanguis per superiora eruperit, g) alio loco sanguinis vomiti-

c) Limitat salubritatem hæc regula: prodesse vomitum, si cum eo caussa ejus eiici possit. Ergo nocet, si in membranis vel substantia ventriculi morbosum latet, si inflammationes, abscessus, scirrhi similiaque mala vel ventriculum aut vicina adfligunt, vel si a capite læso, vectionibus marinis similibusque subvertitur ventriculus sine expulsiōe noxii. In suppressione mensium & hæmorrhoidum, depressione cartilaginis ensiformis, retrocessione exanthematum pariter nihil solidæ spei in vomitu esse potest. Addunt maxime statum graviditatis sed adultæ, non enim citra rationem F. Schraderus gravidas primis gestationis mensibus vomentes minus deinde incommodi in puerperio sentire scribit. v. *diff. de salubr. quor. morb.* §. X.

d) Eph. N. C. D. 1. A. 8. O. 74. p. 121.

e) Obs. 155. Schenckius comparat locum Plinii in *Hist. nat. L. XI. c. 38.*

f) v. *diff. de salubr. morb.* §. X. p. 28. conf. Ph. Hoechstetteri Dec. 2. Cas. 5.

g) S. IV. Aph. 37.

Richteri Opusc. T. I.

Ss

vomitum sine febre ipse salutare agnoscit. *h)* G. C. SCHELLHAMMERUS *i)* viri meminit, qui tumente ad externum sensum sinistro latere mox effusam in ventriculum sanguinis copiam aliquando ad quatuor, vel quinque libras evomit, iterum per intervalla collectam. Bene hinc TH. BARTHOLINUS *k)* monet, carere vomitum cruentum periculo, præsertim tumido splene; ipse sexagenarium citat, qui statis vicibus per triginta annos sanguinem a liene reiecit, sique aliquando substitit, vitæ suæ & incolumitati timuit. Vidit quoque PRAESES in virgine nobili splenetica cœnobii Preezensis vomitum similem cruentum, qui intra horas viginti ultra mensuras aliquot cum insigni levamine ægræ, quæ ex iudicio omnium inter ipsos vomendi nixus & lipothymias peritura videbatur, egressit. In ipsa gravida a primo conceptionis mense ad ultimum singulis diebus vomitum sanguinis, nunc floridi nunc coagulati, sæpe copiosi, at pariter innoxium notat BENI. SCHARFFIUS. *l)*

## §. V.

Facta vomitus cruenti tanquam salutaris mentione, non possum, quin de sanguine aliis viis elabente, etiamsi sinistri ominis videatur, idem sentiam. Triste nomen est hæmoptysis, quam sæpe phthisis inter strages multorum e vestigio sequitur. At suo jam tempore AVICENNA *m)* monuit, non omne sputum sanguinis formidandum esse, idque in proprio corpore expertus est LUD. DURETUS. *n)* Inconsiderate agunt iudice N. TUL-

*h)* S. VII. Aph. 37.

*i)* Eph. N. C. D. 2. A. 7. O. 199. p. 376.

*k)* hist. anat. Cent. 3. hist. 36. p. 75. 76.

*l)* Eph. N. C. D. I. A. 9. 10. O. 6. p. 43. Immo C. B. Behrens hæmoptysin lesuitae intra triduum triginta fere libras superasse, nulla post se phthisi relicta scribit v. Eph. N. C. C. V. VI. O. 93. p. 172.

*m)* fen. 10. l. 3. tr. 3. c. 4.

*n)* Comm. in Coac. Hipp. 46. p. m. 289. Ait, hæmoptysin loco hæmorrhagiæ narium sibi olim familiaris successisse, idque sæpe & multum, ut sanguis nullam offensionem partis reliquerit, qua cursum inflexit, præter corporis infirmitatem.

TULPIO, o) qui præpropere animos prosterunt sanguinem expuentium, inter quos pictorem vidit, qui per triginta annos id mali sustinuit, & sane præ ceteris id mulieres impune ferunt ex omni ævi testimonio. Notæ sunt nimis, quam ut hic addam, mirabiles illæ viæ, quibus se liberat ope Naturæ menstruus sanguis, ut in vertice, digitis, mammis, quidni etiam facilius in dilatatis bronchialium finibus? Ita & I. RHODIUS p) mulieris Patavinæ meminit singulis aut alternis mensibus sine offensa pectoris sanguinem spuentis, & I. N. PECHLINUS q) aliam notat, in qua sub ipso fluxu mensium simul sanguis per tussim copiose eiectus est. Nec viros ubivis durum præsagium premit. Peropportunam hæmoptysin MICH. ALBERTI r) in plethorico exhibet proceri corporis, qui post suppressas narium hæmorrhagias asthmate & cephalalgia laboravit, illius vero anomali fluxus beneficio evasit. Mirabilior est hæmoptysis, quam in Senatore Hildesienfi I. P. ALBRECHTUS s) descripsit, quæ per quadraginta annos quovis semestri recrudit, quales periodos cruenti spuri innoxias plane nec in phthisin terminatas I. H. BRECHTFELD t) in alio observavit, inde pallidiori quidem, cetera sanissimo. Nec sine exemplo est salubritas mictus cruenti, quem ipsum hydropem tympaniten solvisse testatur THEOPH. BUDÆUS. u) Iam Hippocratica oracula passim enuntiarunt, sanguinem mingere, at raro & sine febre & dolore, nihil mali ominari, sed lassitudinem hoc fluxu solvi. I. A. GENZELIUS x) militem sistit, cui suppressis hæmorrhoidibus sanguis novo alueo per penem exundavit

o) *Obs. Med. L. 2. C. XI. p. 114.*

p) *Cent. 2. O. 30.*

q) *Eph. N. C. D. 1. A. 9. 10. O. 27. p. 83.*

r) *l. c. §. 10. II. 27.*

s) *Eph. N. C. D. 3. A. 5. 6. O. 24. p. 55.*

t) *Act. Med. Hafn. Vol. 1. O. 105. p. 196.*

u) *Eph. N. C. D. 3. A. 7. 8. O. 173. p. 291.*

x) *ib. Cent. 3. O. 51. p. 113.*



vit, G. HANNAEUS *γ*) alium notat, cui nihil expectanti idem cruentus imber sine dolore ac noxa per eandem viam effluxit. Quod plethoræ levandæ auxilium G. FRANCUS *z*) de lanione singulis mensibus menstruo recenset. Possunt hæc communiori voce miætus cruenti comprehendi, velut ipsæ hæmorrhoides vesicæ, quas luculenter designat CAELIUS AURELIANUS, *a*) qui sicut in podice vel feminarum sinu aut matricis collo, sic etiam in vesica hæmorrhoides generari docet. Quales sunt illæ, quas in amico quinquagenario maiori post hæmorrhoides anis sponte subsistentes sine detrimento sanitatis natas, & per intervalla mensium quorundam redeuntes vidit I. M. NESTERUS, *b*) ubi æger extra fluxum, qui molestiis non prorsus caruit, optime valuit, & instar sanissimi ingessit, digressit gessit dormiuitque. In ipsarum vulgarium hæmorrhoidum laudes nolim diffundi, quas nostrum ævum & schola inprimis Stahlianæ solertissimis observationibus illustravit. Patet ex dictis, quod suppressæ & ad loca minus

*γ*) *ib. Dec. 2. A. 3. O. 115. p. 413.*

*z*) *ib. A. 6. O. 83. p. 174. conf. G. Franci sat. med. Cent. V. γ. it. Th. Barthol. Hist. anat. 33. Cent. V.*

*a*) *Lib. 5. chron. morb. Cap. 4. p. m. 574. conf. Alex. Benedicti L. 24. C. 22. Sauanarol. Pr. Tr. 6. c. 19.*

*b*) *Eph. N. C. D. 1. A. 8. O. 23. p. 42.* Primum sanguis purus sine dolore lumborum fluxit, mox niger & melancholicus cum copioso lotio simulque dysuria & tenesimo, denique grumosus, quo frustulatim eiectione quieuit dolor, donec post notabile intervallum nova scena illam symptomatum syndromen retexit. Debetur hic fluxus venæ hæmorrhoidalis externæ, quæ ramo affini in viris maxime per furculos majores in vesicam eiusque cervicem immo & urethram exporrigitur. Consuluit nuper Vir perillustis annorum septuaginta sex D. Præsidentem ore Medici fui dexterrimi D. I. Furfenii de tali hæmorrhoidæ vesicæ, certis intervallis recrudescente, cuius causâ fuit partim intermissa ob ætatem secandæ venæ consuetudo, partim hæmorrhoidum, quas adhuc ante quinque annos, immo ante annum & dimidium fluere sensit, æque ac tertianæ sub vernum tempus nasci solitæ & salubriter repurgantis cessatio. Haud potuit durius præsagium esse in Sene vegeto & nullius sibi in diata erroris conscio, nec ubi desit cruentus fluxus, qui nihil expectanti per intervalla accidit, adversi aliquid præter lassitudinem sentiente.

minus congruentia redundantes tantum tamen præsidii adferant, quanto magis, si ex propriis fontibus, communi corporis cloacæ tam vicinis, morbosum moderatori fluxu eliminant. In phrenitide, pleuritide, nephritide, apoplexia, melancholia, mania, & maxime illis morbis chronicis, qui impuro cruore intra abdominalia viscera restagnant, insigne semper ab hæmorrhoidibus levamen fuit. *c*) Sic epilepsiam in nobili melancholico, malaciam in scabioso pulchre fluxus ille repressit, teste I. RHODIO. *d*) Hæmorrhagiæ tamen narium vel ipsi plebi justius laudantur. Si difficilius, parcius, rarius in iunioribus occurrunt, quorum sanguine turgent vasa, periclitari eorum sanitatem, nec nisi ab illo fluxu, qui in alium ambigua nimis salubritate degenerat, vindicari videmus. *e*) Quoties fervat in febribus acutis, phrenitide, hepatitide, ut & catalepsi & mania? *f*) Quoties in chronicis caput doloribus levat insigniter? *g*) Vertigines hoc fluxu solvi HIPPOCRATES *b*) innuit: Apud AETIUM *i*) adolescens catalepticus occurrit, qui toto triduo nec claudere palpebras, nec ad vehementes vociferationes mouere oculos nec respondere potuit, quarto die per largam hæmorrhagiam narium perfecte liberatus. Per eandem subito icterum remisisse I. F. BAVERUS *k*) &

*c*) v. H. Boerhaavii *aph.* 779. 888. 996. 1017. 1110. 1124. Hippocrates speciatim in atrabilaris & phreniticis *S. VI. Aph. XI.* & varicibus insaniaque *Aph. 21.* hæmorrhoides laudat.

*d*) prius in *obs. med. cent. I. O. 65. p. m. 44.* posterius *Cent. I. O. 57. p. 97.*

*e*) Hipp. *Op. T. I. Epid. I. II. 115. p. 663.* conf. V. Riedlin. *lin. med. 1697. Apr. O. 8. p. 245.* Forest. *O. L. I. O. 19. 22.* G. Baglio. *prax. med. L. I. p. 86.*

*f*) v. H. Boerhaavii *aph.* 779. 923. 1042. 1124.

*g*) *S. VI. Aph. X.* it. de iudic. *Op. T. I. XII. 3. p. 446.* I. N. Binnigerus notat dolorem capitis fluxu cruento & alui & narium terminatum *C. 3. O. 5. p. 253.*

*h*) *Op. T. I. coac. III. 60. p. 553.*

*i*) *tetrab. L. 2. Serm. 2. C. 4.*

*k*) *Act. Eph. N. C. vol. 3. O. 63. p. 209.*

& aphoniam in puero cessisse I. F. HENCKELIUS *l*) testantur. Vidit G. F. HILDANUS, *m*) leucophlegmaticum a vertice ad pedes tumentem, qui magna hæmorrhagia dextræ naris, quæ ultra libras quatuor adscendit, in syncopen quidem incidit, at viribus restauratis citra alium remediorum usum plene convaluit. Per hæmorrhagiam auris dextræ lipothymia & convulsiones hystericae cesserunt oculato teste I. S. ALBRECHTO. *n*) Neque ad juniorum corporum plethoram restringenda est hujus fluxus utilitas, quem octogenariis opem & salutem attulisse legimus. S. GRASSIUS *o*) vetulæ, quam larga hæmorrhagia ab apoplexia vindicavit, & I. N. PECHLINUS *p*) viri meminit, ad decrepitam ætatem periodico narium stillicidio proVecti. Menstrui fluxus præsidia, quia Naturæ legibus congruunt, hic non attingo, hæmorrhagiam tamen uterinam, quam nemo non ad statum morbosum referet, non plane intactam relinquo, qualem in octogenaria asthma siccum miro successu levasse C. C. SICCELIUS *q*) scribit.

## §. VI.

Veluti magnum Naturæ opitulantis emolumentum in coctione per febres, & excretionem per vomitus & hæmorrhagias, adeoque utrinque per morbos vidimus; ita operæ pretium est, illo præsertim filo præternaturalium excretionum ulterius ad cognitionem duci salutaris per morbum auxilii. Diarrhoeæ & dysenteria non inferior interdum locus est inter remedia quam morbos, dum magno levamine mucidas & biliofas feces velut in cholera expellunt, nec adstringentium usu nisi incertum ægri exitum sistuntur

*l*) *ib.* O. 113. p. 353.

*m*) *cent.* 1. O. 50.

*n*) *Aët. Eph. N. C.* vol. 3. O. 59. p. 190.

*o*) *Eph. N. C. D.* 1. A. 9. 10. C. 366.

*p*) *Obs. phys. med.* L. 2. O. 9.

*q*) *Aët. Eph. N. C.* vol. 7. O. 79. p. 266.



stuntur. HIPPOCRATES dysenteriam nunc maniacis *r*), nunc lienosis *s*) nunc podagricis *t*), profuisse notat, in quibus quidem morbis non proprie sic dicta dysenteria oritur & levat, sed stylo Hippocratico quivis etiam alius alvinus fluxus intelligi potest. Leucophlegmatiam inprimis forti diarrhœa superveniente solvi, ejusdem HIPPOCRATIS *u*) sententia est. E. KOENIGIUS *x*) apostema hepatis, M. B. VALENTINI *y*) pleuropneumoniam diarrhœa purulenta cessasse scribunt. H. BOERHAAVIUS juxta cum aliis in febribus ardentibus, in quibus summa cum cura ad fluxus illos criticos attenditur, phrenitide, peripneumoniam & pleuritide, hepatide, apoplexia *z*) salutem docet per diarrhœas portendi, uti in melancholia per atræ bilis dejectiones & in mania per ipsam dysenteriam *a*). H. SMETIUS *b*) hydropicum spontanea diarrhœa, I. LANZONUS *c*) quartanarium militem biliosa septem dierum diarrhœa, S. SCHULTZIUS *d*) pistorem septuagenario majorem graviter & per annum fere arthriticum bilioso vomitu duorum & diarrhœa trium annorum sanatos exhibent. G. BAGLIVIVS *e*) deliria, præsertim si morbus

*r*) S. VII. Aph. 5.

*s*) S. VI Aph. 48.

*t*) Op. T. I. *prorrhet.* L. I. XV. 4. p. 498.

*u*) Op. T. I. *Coac.* III. 326. p. 569.

*x*) Eph. N. C. D. 2. A. 10. O. 117. p. 211.

*y*) *ib.* Cent. 8. O. 56. p. 337.

*z*) Aph. 741. 779. 830. 888. 923. 1017. de peripneumonia & pleuritide diarrhœa solutis vide etiam *Spindleri Obs.* 24. 25. Speciatim de pleuritide alvi fluxu curata agit *Zacutus Lusitanus* Prax. adm. L. I. O. 114. quamvis alioquin *Hippocrates S. VI. Aph. 16.* damnet in pleuritide alvi fluxum, idque probet *Galenus* quod evacuatio per sputum ei convenientior videatur.

*a*) Aph. 1110. & 1124.

*b*) *miscell. med.* p. 562.

*c*) Eph. N. C. D. 3. A. 9. in *schol. ad obs.* 207. p. 379. Quartanam dysenteria sublatam reperies quoque in *Schenckii Obs. med.* L. 6. O. 7.

*d*) *ib.* D. I. A. 6. 7. O. 155. p. 220.

*e*) Op. L. I. C. 9. p. m. 102.

morbus signa coctionis habet, ad alvinos fluxus, V. RIEDLINUS *f*) febrem malignam ad eosdem cessisse scribunt. Mirabilior est epilepsiæ, qua illustrissima femina gravida laboravit, per dysenteriam solutio, quam M. GERBEZIUS *g*) fuse delineat. Nec minus memorabile exemplum occurrit herniæ inveteratæ in theologo Custrinensi D. HOFFMANNO per dysenteriam tunc grassantem sublatæ, cujus STOSCHIUS *h*) meminit. Quæ de aluinis fluxibus diximus, plus etiam de lotio valent undam vitalem constantius repurgante *i*), & de sudoribus, quorum in febre ardente, hepatitide, apoplexia aliisque morbis critice fluentium tanta expectatio est, in primis post vitia læsæ perspirationis. Molestus in peste vomitus, qui nihil adsumere permittit, cessat ad sudorem sub solo tegumentorum pondere manantem, ut TH. SYDENHAM *k*) docet, qui non vomitus solum, sed etiam alui fluxus & aliarum dejectionum nimiam vim pulchre sudoribus inhiberi ostendit. Et in his quidem fluxibus, licet insolitis sæpe & nunc periodicis nunc sponte nunc per artem excitatis, nemo est, quin salutis vias adgnoscat. Suspectæ magis sunt salivationes, verum nec illæ, sive ultro sive ope medica nascantur, victorum morborum tropæis carent. Ita solvisse illas febrem malignam V. RIEDLINUS *l*), hydropem A. ERNIUS *m*), phthisin P.

WURF-

*f*) *cur. med.* 776. p. 482. eandem febrem malignam alvi fluxu & petechiis solutam habet *cur. med.* 839. p. 580. conf. *Sat. med. Siles. Spec.* 4. O. 3.

*g*) *Eph. N. C. D.* 3. A. 1. O. 72. p. 106.

*h*) *Act. med. Berol. Dec.* 1. vol. 6. p. 44.

*i*) Ad salutarem hic crisin attendere B. Boerhaavius jubet in febre ardente *Aph.* 830. pleuritide *Aph.* 888. hepatitide *Aph.* 925. nephritide *Aph.* 996. Apoplexia *Aph.* 1017. ubertas etiam observationum est in calculosis, ictericis & in primis hydropicis.

*k*) *Op.* p. 120. 125. 126. Quartana effusis sudoribus dissipata legitur in Th. Willisii *Pharm. rat.* S. 5. C. 3. febris epidemica sudoribus & narium hæmorrhagia superata in *Sat. Siles. med.* S. 6. O. 6. p. 89.

*l*) *Eph. N. C. D.* 3. A. 5. 6. O. 127. p. 257.

*m*) *ib.* D. 2. A. 4. O. 36. p. 91. convenit observatio V. Riedlini *lin. med.* 1695. Mai. O. 12. p. 136. de hydropse desperato juvenis, ex cujus ore habet, Viennæ per salivationem chirurgi sanato.

WURFBEIN *n*), arthritidem I. A. HÜNERWOLF *o*), scorbutum I. BURGIIUS *p*), epilepsiam D. C. VALTHER *q*), amaurosin L. HEISTERUS *r*), cephalalgiam cum amaurosi C. I. TREW *s*), rheumaticos dolores B. E. NEUGEBAUER *t*), multos denique alios morbos chronicos a pituita pendentes, FR. de le BOE SYLVIUS *u*) adnotarunt. Nec novas & peregrinas excretionum vias, quales in hydrope sæpius referantur, pro suspectis semper habemus. A. LÖW *x*) asciticam plus quam septuagenariam describit, cui sub epigastrio Natura poros aperuit, quasi acupunctos, unde die nocteque serum lentum turbidum fuscum cum excrementis variis profiliit, sensim dilatatis poris, instar ulcusculi a fonticulo recens facti, quod crassum digitum admitteret, & pedetentim triginta libras humidi evacuaret, subsistente abdomine & agra convalescente. Plures vias reperit aqua hydropica in muliere, quam P. M. GABRIELLIUS *y*) describit, quæ non vomitu solum & secessu ex alvo eodem tempore, sed & utero & foramine

*n*) *ib.* D. 2. A. 1. O. 122. p. 312.

*o*) *ib.* A. 9. O. 102. p. 173.

*p*) *ib.* A. 3. O. 173. p. 338. ubi quoque tinnitum aurium spontaneo ptyalissimo discussum refert, veluti etiam I. Lansonius diuturnum fluorem album salivatione ultro nata in quadragenaria cessisse adnotavit in *Eph. N. C. D.* 3. A. 9. 10. O. 140. p. 266. conf. ejusdem auctoris exercit. de saliva humana, ubi similibus observationum ubertas.

*q*) *ib.* Cent. 3. O. 94. p. 231. de epilepsia ex philtro per salivationem mercurialem sanata suppetit obs. Theoph. Budai *ib.* D. 3. A. 7. 8. O. 171. p. 288. cui fere respondet illa I. M. Hoffmanni *Eph. N. C. Cent.* 1. 2. O. 136. p. 272.

*r*) *de cataract. glauc. & amaur.* p. 331. ejusque *diff. de amaurosi salivatione curata.*

*s*) *Act. Eph. N. C. vol.* 4. O. 137. p. 537.

*t*) *Satyr. Siles. med. spec.* 1. O. 9. p. 53.

*u*) *Prax. med. App. tract.* 6. §. 324. p. m. 758. Ad quam ex pituita causam pertinent tumores strumosi colli, qualem ad ovi anserini magnitudinem, mercuriali remedio, quo sæpe in aliis salivationem movit, sine hac tamen discussit G. Klauwig in *Act. Eph. N. C. vol.* 2. O. 12. p. 35.

*x*) *Eph. N. C. D.* 3. A. 5. 6. O. 153. p. 336.

*y*) *ib.* O. 178. p. 633.



ramine ad umbilicum orto copiam feri ingentem dejecit cum stupore adstantium & solamine ægræ. I. C. MENZELIUS *z*) hydropico opem tulit, cui pellucida in pede sinistro vesica ad palmæ longitudinem & latitudinem rupta subito libram limpidaë aquæ effudit, deinde per quatuor menses lintea plusquam sexies duplicata humoribus infecit, detumescente jam abdomine, scroto & pedibus. In femina quadam ventris similiter tumentis pustula *a*) pullulavit in medio umbilici, unde ingens effluxus pariter liberavit. Ipsius scabiei nomen inter salutare excretiones morbosas memorabile est, cum iste ad loca ignobiliora decubitus interna viscera vindiceret, nec ad illa iterum remeet, quin sæpe asthma, hydropes, somnolentiæ, cæcitates, furditates immo apoplexiæ aliquando successerint. I. F. HERTODT *b*) desperatum empyema perfecte discussum esse scribit fœda & purulenta scabies, per totum corpus exorta, qualis etiam militem de ponte lapsum & dextro latere vehementer contusum teste C. PEZOLDO *c*) sanitati reddidit, nec minus feminam continuo & immodico fluxu mensium exhaustam post mœrores animi referente I. LANZONO *d*), qui etiam dysentericiæ per scabiem soluti meminit *e*). R. I. CAMERARIO *f*) melancholicus fuit cognitus, quem scabies sanæ menti restituit, & ischiadicus senex, quem eadem post usum cataplasmatum ex symphito sanavit. Apud B. GULLMANNUM *g*) scabies molestissima podagram discussit. N. TULPIUS *h*) salutarem porriginem viscida exsudantem laudat, quæ inveteratam cephalæam CASP. BARLÆI dissipavit, cui convenit observatio I. RHO-

*z*) *ib.* D. 2. A. 10. O 37. p. 74.

*a*) *vid. schol. ad obs.* I. C. Brunneri D. 2. A. 8. O. 100. p. 223.

*b*) *ib.* D. 1. A. 2. O. 146. p. 230.

*c*) *ib.* D. 3. A. 5. & 6. O. 184. p. 427.

*d*) *ib.* D. 2. A. 9. O. 207. p. 378.

*e*) *ib.* A. 10. O. 130. p. 222.

*f*) *ib.* D. 3. A. 6. & 7. O. 16. *in fin.* p. 47. Melancholiam fœda scabies solvi H. Boerhaave notat Aph. 1110.

*g*) *Act. Eph. N. C. vol. 2. O. 163. p. 370.*

*h*) *L. 1. Obs. 32.*

I. RHODII *i*), magnas cordis palpitaciones dextri cruris herpeti & copioso lotio cessisse. Constat sua fides prælagiis HIPPOCRATIS *k*), quæ tali metastasi in acutis ad extrema nituntur, velut in peripneumonicis abscessus pone aures & crura levant. Diserte G. BAGLIVIVS *l*) rem vocat in variis xenodochiis sibi comperitissimam, pleuriticos omnes periculum evasisse, quibus in interiora auris dolor & mox abscessus supervenerit, quali abscessu E. GOECKELIVS *m*) cephalalgiam bimestrem evanuisse testatur, uti ipsam cerebri inflammationem purulento abscessu per nares aures & palatum F. LOSSIVS *n*). Nati in abdomine abscessus salutare excluderunt sæpe calculos, lumbricos, foetus mortuos & alias longorum morborum corruptelas. Convaluit referente N. G. BECKERO *o*) leucophlegmaticus adolescens quinque exortis magnis abscessibus internis, qui ultra tredecim libras puris effuderunt, & MARC. GERBITZIUS *p*) hydropem vidit, cui abscessus in scroto medelam attulit. Similis abscessus in urethra calculum pone scrotum exclusit teste I. TH. BRINIO *q*), alius coxæ dolores delinivit observante N. TULPIO *r*). Apud I. LANZONUM *s*) epilepsia occurrit ulcere cruris dextri orto evanescens, apud L. SCHROECKIUM *t*) enterocoele abscessui inguinis spontaneo cedens, cui adfines est, quod A. M. EGGERDES  
mira-

*i*) Cent. 2. Obs. 41.

*k*) Op. T. I. coac. II. 96. p. 539.

*l*) L. I. Op. c. 9. p. m. 34.

*m*) Eph. N. C. D. 2. A. 7. O. 126. p. 735. Ulceribus cutaneis sedatam cephalalgiam exhibet I. A. Reimannus in Bresl. Samml. Vers. 30. §. 10. p. 638.

*n*) Obs. med. L. I. O. 9. p. 18.

*o*) Eph. N. C. D. I. A. 8. O. 73. p. 120.

*p*) ib. Dec. 2. A. 8. O. 70. p. 182.

*q*) Act. Eph. N. C. Vol. 3. O. 116. p. 360.

*r*) Obs. med. L. 3. O. 25. p. m. 222.

*s*) Eph. N. C. D. 3. A. 2. O. 29. p. 38. Idem Lanzonus simili spontaneo ulcere cruris cachexiam cum hydropis principio victam enarrat ib. A. 9. §. 10. O. 20. p. 34.

*t*) ib. Dec. I. A. 9. §. 10. O. 164. p. 360.

u) *miraculum medicum* vocat in curatione herniæ inguinális, quam Natura per abscessum perfecit. Nec silenda nobis sunt infantum ulcera, favi, achores, in quibus multum momenti later ad avertendam epilepsiam. Quod HIPPOCRATES x) dixit, ulcera capitis pueros a morbo caduco præservare, illud N. TULPIUS y) duorum infantum exemplo pulchre illustrat, quorum manantia capitis ulcera sustulerunt epilepsiam, suppressa revocarunt. Nec temere licebit inficiari, antiqua crurum ulcera in senibus multa mala, inprimis soporosa & ipsam apoplexiam præcauisse, neglectim autem habita & exarescentia fatum sub ingruentibus malis illis accelerasse.

## §. VII.

Verum nec gravioribus morbis, quin aliquando salutem adferant, diffidimus. Invisum convulsionum nomen est, terribilis tamen epilepsia ex testimonio C. F. PAULLINI nobilem puerum a dysenteria z) liberavit, & puellam rusticam a febre quartana, a) velut infantem ab ischuria, b) ut S. GRASSIUS, & ancillam ab arthridide vaga, c) ut G. F. GUTERMANN commemorant. Apud I. P. ALBRECHTUM epilepsia coecitatem d) a repentino terrore natam sustulit, e contrario apud D. WINCLERUM epilepsiam coecitas, e) quæ tamen mox etiam pharmacis cessit. Sic C. F. PAUL-

u) *ib. Dec. 3. A. 4. O. 9. p. 18.*

x) *de morb. sacr. Op. T. II. p. 332. VII. 12.*

y) *L. 1. Obs. 8.* Cui adde, quod I. N. Pechlinus etiam in adultis notat, *l. c. cap. 2. O. 30.* coquum nempe diu epilepticum fonticulis in utroque brachio liberatum, ubi vulnus coire permisit, mox graviori paroxysmo mulctatum esse.

z) *Eph. N. C. D. 2. A. 7. O. 6. App. p. 133.*

a) *Fasc. 1. Obs. N. 29. conf. Th. Barthol. Cent. 2. hist. anat. 68. p. 294.*

b) *Eph. N. C. D. 1. A. 3. O. 212. p. 387. & D. 3. A. 5. & 6. App. p. 129.* Epilepsiam ischuriæ remedium citat quoque P. Spindlerus *O. 60. p. 113.*

c) *Act. Eph. N. C. vol. 3. O. 103. p. 330.*

d) *ib. Dec. 3. A. 5. & 6. O. 28. p. 65.*

e) *ib. D. 1. A. 6. & 7. O. 50. p. 84.* At cave, robur etiam oculorum ab epilepsia exspectes, ut promittit index Observationum Wepferi, robur



F. PAULLINI febres notat, ab epilepsia sublatas & contra. *f*) Ipse HIPPOCRATES convulsionem, quæ sit in febre & in eadem definit, bonam esse, *g*) & vel die illo vel postero vel tertio febrilem impetum mittere scribit, quod vero nolim de convulsionibus nisi levioribus in acutis intelligere, in quibus a tremoribus delirium solvi ejusdem effatum est. *h*) Laudat quoque icterum febris supervientem post diem septimum, modo dextrum hypochondrium sit sine duritie. *i*) Febrem petechialem ictero I. W. ROMBERGIUS, *k*) malignam tumore brachii solutam I. LANZONUS *l*) exponunt, idem de tumore cervicis critico in febre petechiali habet E. G. STRUVIUS *m*). Dolores arthriticorum labem viscerum præcavere, magnorum morborum semina consumere, & ipsa longævitatatis munera promittere, in proverbium abiit, & medicorum confirmat canonem, partium externarum detrimentum esse internarum incolumitatem. Mulierem, cujus pedem sinistrum labes arthriticaprehendit, ab epilepsia viginti quinque annorum teste I. LANZONO *n*) liberauit. Non minus virtutis medicæ vulgaris experientia coryzæ tribuit, serosa & mucida salubriter eliminanti, cujus suppressus fluxus capiti & pectori inimicus evincit, quantum virium repurgantium in illa etiam morbi specie situm sit. Sævia mala sunt paralyfis, hemiplegia & paraplegia, opta-

pro rubore scribens. Quod non monerem, nisi exscriptos indices & cum eo errores non consulto textu toties in lexica medica inferri viderem. Ita irrepsit hic error in *Lex. real. med. cel. Alberti T. 2. p. 764.*

*f*) *fasc. I. obs. N. 29.*

*g*) *Ob. T. I. coac. I. 230, p. 534.*

*h*) *S. VI. Aph. 26.*

*i*) *S. IV. Aph. 64.* Malum vocat, quibus in febre ante diem septimum icterus incidit, licet *de morb. vulg.* eos nomet, qui quarto die ictero adparente servati sunt, ubi comites evacuationes considerandæ. *Forestus L. 3. O. 410.* tertianam habet post septimum circuitum ictero salubriter terminatam. De febre causode per icterum criticum soluta *v. O. 6. spec. 2. med. Siles, sat. p. 34.*

*k*) *Eph. N. C. D. 3 A 9. § 10. O. 107. p. 198. § O. 150. p. 433.*

*l*) *ib. O. 138. p. 265.*

*m*) *ib. Cent. 7. § 80. 87. p. 425.*

*n*) *ib. D. 2. A. 9. O. 172. p. 320.*

optabilia tamen, quibus miseræ etiam vitæ dulcedo est, dum gravis apoplexia certum interitum, nisi mala illa intercedant, o) comminatur. Varices phrenitidem, melancholiam & maniam p) sæpius solvunt docente H. BOERHAAVIO. Ad spontaneam gonorrhoeam ulcera pedum evanuisse I. H. HOTTINGER, q) ad podagræ paroxysmos tinnitum & alia auris viria cessasse, sed cessante podagra rediisse C. G. REUSNERUS, r) ophthalmiam perita manu tractatam ipsam cæcitatem cum pustula oculi sustulisse, G. A. MERCLINUS s) testantur. Neque percussionibus & casibus ab alto dexter aliquando successus defuit. S. SCHOLTZ t) matronam fere sexagenariam magno & molesto abdominis tumore deformem de scala lapsam effuso per pudenda humore, & I. I. SCHWALLER u) virginem tumentis per quindecim annos ventris, in quem graviter adliscit, simili per eadem loca effluxu convalescere referunt. Apud I. LANZONUM x) faber lignarius contra cephalalgiam trium mensium omnes remediorum vires irritas expertus lapidi e fenestra cujusdam domus projecto & caput lædenti salutem debuit, quippe sic simul a vulnere ac cephalalgia sanatus. Epilepsiam aliquando a casu ortam sanavit casus teste G. C. WINCLERO, y) memoratque ancillam C. F. PAULLINI z) in itinere epilepticam & paulo post ob vertiginem in aquas delapsam, quam idem casus cum terrore coniunctus a novis epilepsiæ iniuriis immunem præstitit. Abortus a) ipse aliquando salutaris

o) H. Boerhaave *Aph.* 1018.

p) *ib.* *Aph.* 729. III. 1124.

q) *Eph. N. C. D.* 3. A. 9. § 10. O. 227. p. 404.

r) *ib.* *Cent.* 5. O. 8. p. 24.

s) *ib.* *D.* 2. A. 1. O. 94. p. 219.

t) *ib.* *D.* 1. A. 2. O. 134. p. 215.

u) *ib.* *D.* 3. A. 5. § 6. O. 57. p. 114. De hydropicorum salute ex rupto umbilico A. Benivenius *C.* 12. de *abd. morb. caus.* F. Valleriola *L.* 4. *Obs. C.* 3. F. Lossius. *L.* 3. *obs. med.* 43. I. Hellwig. *O.* 89. p. 268. agunt.

x) *Eph. N. C. D.* 2. A. 10. O. 86. p. 159. § D. 2. A. 9. O. 206. p. 378.

y) *ib.* *D.* 1. A. 6. § 7. O. 197. p. 145.

z) *ib.* *D.* 2. A. 9. O. 190. p. 353.

a) *ib.* *D.* 3. A. 5. § 6. *obs. I. Lanzoni* 284. p. 636.

taris fuit, feminamque quartana trium annorum laborantem & remediis febrifugis ut quinquina frustra tentatam, gravidam deinceps & tum duplici quartana laborantem cum sævo dolore capitis, ex voto liberavit. In his tamen plerisque fortuita salubritas non facile medicos ad imitandi exempli audaciam invitat.

## §. VIII.

Nec dubito doloribus, qui statum corporis præternaturalem crebro comitantur, medicinæ titulum tribuere. Acerrimi illi valetudinis custodes ingrato stimulo insidiarum imminuentium nos admonent, nunc causam nunc sedem morborum explicant, & contra hos orientes attentionem & suppetias postulant, immo ægris suæ salutis negligentioribus extorquent. Quod libimet ipsis mutuo medeantur, HIPPOCRATICUM *b)* illud spondet, *dolorem dolore sedari*, velut fluxum fluxu, vomitum vomitu compesci superius eluxit. Habet pharmacia & chirurgia adparatum remedium, quæ sine dolore ægros vix levant. Venam secare, scarificare, hirudines, setacea, cauteria adplicare, trepanatione, paracentesi, lithotomia uti, & centenis aliis non minoris sævitiae, medelæ sunt per & inter dolores efficaces. Ex his per cauteria inferioribus partibus inusta hemicraniam H. MERCURIALIS, *c)* in cervice vel nucha ophthalmiam F. PLATERUS, *d)* per vesicatoria pone aures atrocem odontalgiam I. HEURNIUS, *e)* per setacea graves ad pectus destillationes G. F. HILDANUS *f)* sublatas esse aiunt. Ob similes successus hirudines in hæmorrhoidibus cæcis P. BORELLUS, *g)* cucurbitas cum scarificatione dorsi pedis in podagra I. F. BAVERUS, *h)* fonticulos in ischiade I. H.

SCHULT-

*b)* de loc. in hom. LI. 6. p. 394. conf. diff. H. Volkameri de dolore doloris remedio Altorf. 1739.

*c)* L. de aff. capitis C. 5.

*d)* L. de dol. Cap. 2. p. m. 293.

*e)* L. de morb. ocul. aur. nas. dent. & oris C. XI.

*f)* Cent. I. cur. I. Obs. 41.

*g)* Cent. I. O. 61.

*h)* v. diff. de scarif. certo & securo remed. antipodagr. Altorf. 1739.



SCHULTZIUS *i*) extollunt. Admit G. F. HILDANUS, *k*) & omnes a peste immunes esse dixit, qui fonticulos gesserunt, cui congruit F. PLATERI. *l*) adfertur, a contagio ipsaque peste præservatos fuisse, quibus loca quædam corporis inusta vel erosa fuerint. Ars imitando hos dolores salutare excitat, Natura præeundo. Scripsit HIPPOCRATES, *m*) dolorem supernarum partium seu gravem cephalalgiam ad subnatos coxæ vel genuum dolores cedere, idem etiam iis evenire, qui longo alui profluvio detinentur. Hinc adeo non sopiendi sunt novi dolores, sicubi in corpore adflucto emergunt, ut in multis morbis e. c. anginis spei nihil sit sine manifesto dolore. *n*) Solemus ex hac ratione bubonibus minus dolentibus cucurbitas admoveere, & sphacelum metuimus, si subito carbunculorum dolor silet. An autem GALENO *o*) adfertiendum est? qui non dolores sanare ait, quos satius esset abesse, sed unice medicamentorum virtutem inter dolores agentem. Verum propriam hic medendi virtutem non ubique excludimus, quæ vel corrigunt morbi causas, vel revellunt, vel evacuant. Quis neget fonticulum, dum falsa & acria per dolores adlicit, vi propria internos dolores placare? Dolor hæmorrhoidum avertit utiliter, quæ congesta ad caput vel pectus gravant, pruritus cum exanthemate scorbutico viscerum organos pulchre sedat, & ubicunque humores subsistunt, decubitus ad loca dolentia opportune levat. Qui nervorum in corpore potestates expendit, horum ministeria sensu doloris prudenter intendit, languentes motus excitat, sic causam morbi magis subigit, & ad salutares evacuationes vel metastases disponit. In catarrho suffocativo & morbis soporosis quæ certior quam hujus per dolores medicinæ virtus est? qua serosa colluvies principem vitæ

*i*) Eph. N. C. D. I. A. 3. O. 146. p. 267.

*k*) Obs. chir. cent. 4. O. 23.

*l*) l. c. C. 2. p. m. 290.

*m*) Op. T. I. Epid. II. S. VI. 47. p. 710. it. de iudicat. ib. p. 447. XII. 7. 8.

*n*) Hipp. Op. T. I. coac. III. 116. p. 556.

*o*) Comm. in 6. Epid. Hipp. S. 2. c. 9. Edit. Juntin. Cl. III. p. 161. G.

vitæ sedem occupans ad loca excitati doloris decumbit. Id autem ultro largimur, quod illa per dolores in primis durabiliores medicina non omni morbo nec loco congruat, sæpe ob nata inde pervigilia, convulsiones & virium dispendia noceat, teneris maxime, macilentis, hecticis aliisque ad sustinenda hæc mala minus præparatis.

## §. IX.

Inter hæc, quamvis abunde constet, mutuo morborum conflictu non contemnendum ægrorum numerum ex præsentis periculo evadere; attamen hujus medelæ obscurior adhuc ratio videtur, & justus metus est, si modum ejus nescis, ne imitandi audacia in varios scopulos impingat. Velut minime omnibus morbis competit, lædendo restituere, ita hos etiam, qui multis salutem præstant, aliis exitium parare minime diffitemur: ut adeo interfit, salubritatis momentum non nisi ex mutua morbi sanandi & sanantis ratione oppositisque viribus discernere, quod solis attentioribus, immo nec his sæpe, nisi sub quodam veritatis crepusculo adparet. Lædunt tot laudatæ excretiones, nisi bona tolerantia ostendit, noxium per eas excerni, nec febres spem implent probæ coctionis, nisi solvendi lentoris gradibus justo virium suorum moderamine respondeant. Ex dictis autem liquet, maxime inter vitalis motus augmenta morbosum nunc coqui & corrigi, nunc ad loca ignobilia tanquam tutiores sedes transferri, nunc insueta evacuatione, quæ a naturali multum deflectit, adeoque triplici morborum forma prodesse. Vis illa quæ coquit, solvit, subigit & violatas circulationis secretionumque leges instaurat, patet maxime in morbis soporosis aliisque magnis viscerum obstructionibus, ubi ad tot obstacula insurgens febris referat occlusas vias, functionesque ab iis læsas restituit, & vetera ac difficilima mala, ut paralytin, epilepsiam, aphoniam, impotentiam venæ, aliave mirabili sæpe successu extirpat. Vis illa, quæ transfert noxam ad loca externa & tutiora, conspicitur in porrigine post cephalæam, scabie post empyema, abscessibus post peripneumoniam, ictero post febres, & ipsa podagra post magnam, quæ

*Richteri Opusc. T. I.* Vv inte-

interioribus nervis incumbit, labem. Vis demum, quæ evacuat, reliquis fere major, certe crebrius. salutaris illustratur exemplo vomitus in vertiginosis, diarrhææ in maniacis, coryzæ in pituitosis & mucosis, hæmorrhoidum in melancholicis, spontaneæ salivationis in rheumaticis, fluxusque aquosi per multiplices novæque vias in hydropicis. Inter quæ magnum Naturæ præsidium est, dejectiones in uno loco nimias per augmenta aliarum reprimere, velut vomitum in peste reprimat sudor, & dysenteriam largius lotii profluvium. Hæc omnia a majori vitali motu pendunt, ipse vitiosorum humorum stimulus per leges fabricæ humanæ excitato hoc vigore motuum, secretionum excretionumque vindicat corpus contra periculum, & inter ipsas turbas, quas excitat, arma præbet, quibus conficitur. Nec vero præsidium omne in augmento vitalium motuum, sed & interdum diminutione consistit. Iuvat ægros Natura, dum languentissima videtur, & in contumacissimis hæmorrhagiis fugientem animam per ipsas lipothymias remoratur, velut crebro iis contigit, quibus funesta ex gravi vulnere hæmorrhagia imminebat, ubi collapsum vasis & coarctum sub deliquiis illis animi sperandum lacerant e contrario cardiaca, quæ improvida manus ad vires refocillandas exhibet, quippe in hoc statu, quo levis vitæ umbra tutior est, cum cruore effusuras animam. Hoc in omni gravi hæmorrhagia *p*) maxime uterinis imminente abortu adparet luculentius. Ceterum cum morbus semper in parte, quæ laborat, functionum exercendarum impotentiam supponit, necesse est conditiones paulo solertius evolvere, quæ ad functiones illas requisitæ vel desint vel impediantur. Illas vix restituet motus, qui inter majora coctionum & excretionum præsidia insurgit, has vero ab impedimentis feliciter sub gradu opposito liberabit, de quibus qui sigillatim dispicit, plenius satisfaciet argumento.

— *Exemplum utilis in gravi hæmorrhagia deliqui animi dat L. Riverius* §. X.

*p*) Exemplum utilis in gravi hæmorrhagia deliqui animi dat *L. Riverius* L. I. O. 48.



## §. X.

At magna cautione opus est, ne dubia Naturæ medentis vestigia ars premat inconsulto. Non fingendum aut excogitandum est, ut BACO ait, sed inveniendum, quid Natura faciat aut ferat. Multa latent altis tenebrismersa, multa superant captum nostrum, & turbat necessario gradus artis, si faciem Natura nullam prætulero. Quæstio non semel agitata est, an etiam Medico morbos excitare fas sit? quemadmodum de febre artificiali I. D. MAIOR *q*) & de variis morbis arte introducendis A. BRENDLIUS *r*) inter præcepta non contemnendi usus disseruerunt. Triori tramite incedit, qui hic Naturam sequitur, præire non audeo. Natura enim indigentia suæ optime gnara secundum veras corporis opportunitates tempestive suscitatur morbos & dirigit, haud medici oculus pari acumine penetrat in complexum conditionum illarum, sub quibus morbus salutaris oriri possit. An febrem si excitet, certus erit, morbo exacte responsuram esse? accendet fortassis citius quam exstinguet. An audebit arthritidem toties salutarem producere? Vix tentabit sine injuria, at Naturæ auxilio natam recte sic dirigit, ut vitalium viscerum labem avertat, consueta in extremis materia morbofa. Temerarium est, dum tuta suppetunt, excitare, quæ nocere possint, vel certe, quorum moderamen & directio pro singulorum temperie in facultate nostra non sit posita. Immo nec illa facile, quæ arbitrii nostri sunt, spe ambigua illecti suadebimus, ut ebrietatem *s*), quod aliquando quartanam, vel iram, quod podagram *t*) & paralyfin *u*) discussierit. Suo medicus satisfaciet muneri, si solemnia in morbis

*q*) vid. *diff. de febr. artif.* Kilon. 1666. Extat quoque *disp. de arte febrem inferendi* Præf. A. F. Danckwerts Resp. I. W. Martini Helmst. 1735.

*r*) v. *diff. de eo, quod & quomodo multi morbi curentur per morbum arte introductum* Resp. I. G. Reichel Vitteberg.

*s*) *Eph. N. C. D. 3. A. 9. 10. O. 114. p. 202.*

*t*) *v. Barthol. Cent. 6. hist. 22.*

*u*) *Eph. N. C. D. 2. A. 5, App. p. 23. it. Marc. Donat. hist. mirab. L. 6. C. 5. p. 640.*

morbis Naturæ præsidia notat promoverque, & obstacula a sinistro potissimum regimine aëris, victus, motus pendentia removet. Multa præstat Natura sola, in aliis artis suppetias requirit, his etiam in quibusdam rem totam committit. Ante omnia probe attendendum est, qualis sit morbi, a quo medelam expectes, iadoles, an vere opposita ei, quem superare cupis? an vires morbosum corrigendi, transferendi, evacuandi in se contineat? an vero ipso morbo sanando deterior sit, & magis animalem æconomiam labefactet? Sic cæcitas cephalalgiam sustulit *x*), in alio epilepsiam *y*), si sphacelus melancholiam *z*), polypus utrisque naribus excrefcens vertiginem dissipavit *a*), fluor albus narium catarrho successit *b*); non nimis ejusmodi morborum medelis adplaudendum est. C. F. PAULLINI maniam recenset, quæ enterocelen discussit *c*), R. LENTILIUS paronychiam, ad cujus ortum cardialgia desit *d*), O. L. BORRICHIUS pleuritidem, quæ quartanam profligavit *e*). Verum in his nihil est, quod ars imitari possit, vel si possit, ut debeat. Quodsi autem constat, levio rem morbum & indolis oppositæ esse, facinus foret, amoliri aut temere cohibere, quæ consilio Naturæ parantur. Nihil turbet medicus vano metu, nullo errore susflaminet hos medicatricis Naturæ conatus, & quiescat potius tanquam salutaris exitus certus. • Alioquin interdum fiet, ut adversus duos hostes Naturæ pugnandum sit. Sentiet, eam suis opibus locupletem, suis viribus abunde instructam, suo optime ingenio edoctam sæpissime sine ope artis eluctari. Ita cataractam, ut CELSUS *f*), marcorem, ut N. TULPIUS *g*)

adno-

*x*) v. Bresl. Gesch. 31. vers. p. 310.

*y*) Eph. N. C. D. 1. A. 6. 7. O. 50. p. 84.

*z*) ib. Vol. 3. O. 66. p. 212.

*a*) v. Spindl. Obs. 12.

*b*) v. Ried. Cur. med. Cent. 5. Cas. 404. p. 247.

*c*) ib. D. 2. A. 10. O. 190. p. 369.

*d*) ib. O. 187. p. 364.

*e*) Aët. Hæfn. Vol. 5. O. 71. p. 174.

*f*) L. 6. C. 6. n. 35.

*g*) Obs. L. 2. C. 9.

adnotarunt, sponte sanavit, & calculum, ut L. HEISTERO *b)* observatum est, in vesica fractum cum lotio frustulatim eduxit. Hæc illustrat pauperum ratio, qui inter magnas Naturæ non impeditæ crises rarius succumbunt, quam opulentiores per interpestiva medentum officia. Neque tamen nulla hic est artis potestas: præterea enim, quod attenta ad morbi vitæque vires acutius pugnae exitum perspiciat, tum quoque impeditam vel oppressam subinde Naturam, ut non perficiat crises, e. c. hæmorrhagias, diarrhoeas aliasque, sed inchoatas abrumpat, novit erigere, & remedium congruente virtute sustentare. Ita olim pro hæmorrhagia, ad quam imperfecta Naturæ crisis frustra tendebat, acceleranda, nunc naribus setas intrudebant, nunc more Aegyptiorum scarificabant nares, nunc capitiluvia ordinabant, ut HIPPOCRATES in *Metone*. Bene tunc medicus vias, ad quas Natura ducit, ut promptius suscipiant, aperit, materiam, ut eo decumbat, mobilem reddit, motum, qui mobilem jam materiam ad loca disposita salubriter determinat, moderatur, & pro indigentia corporis nunc auget nunc minuit, nunc alio divertit. Non enim illud suspicatur, Naturam errare in opere suo, & sanitatis causam male agere, sed culpa instrumentorum & materiæ movendæ ministerium artis requirere, quod gradus temperet, & aberrantes dirigat, in omni autem progressus sui momento, quasi proprio judicio diffidens, ad nutum & ad sensum Naturæ constanter respiciat. Videmus, peripneumonicos Natura duce nunc sputis expurgari, nunc beneficio alvinæ vel renalis excretionis. Ibi ars vigilat, ut aer calidiusculus & humidus halitusque ejusdem generis ore & naribus attracti oscula bronchialium aperiant, & materiam sputi promptius transmittant, rejecta venæ sectione, per quam dilatata vascula magis se contrahunt, vel usu purgantium & sudoriferorum, quibus diluens sputi vehiculum dissipatur. Si vero deprehendit crisin alvinæ excretionis, fomenta abdomini applicat, & vias relaxat pro admittenda facilius, quæ superne decumbit, materia peccante. Si vias renalis excretionis Natura præmonstravit, fomentis in regione lumbari, clysmate, quo nihil

magis

*b) Act. Philos. Angl. N. 417. p. 13.*



magis renes juvat, & potu leniter diuretico ars utitur. Nusquam vero temere suadebimus, quod sub obscuro nexu fortuitarum casuum aliquando profuit. A. BENIVENIUS *i*) architectum altero pede claudum ex eminente turri ruentem recte deinceps ambulasse ait. Si fides penes auctorem, nobis exempli normam haud præbet. Bene hic SENECA *k*): multos fortuita sanant, nec ideo remedia sunt. Si FABIO MAXIMO pugnandi ardor quartanam discussit, si vulnus nonagenario teste R. DODONÆO *l*) amissum visum restituit, hos improvisos eventus exoptatæ salutis arbitror ad instruendam artem & locupletandam parum valere. Quodsi aliquando instruunt, non tam ad illos quam ad Naturæ tunc opitulantis vim attendimus. Dum ulcera capitis epilepsiam sanasse toties legimus, non coarguimus quidem CELSI consilium, qui ignem & ferrum in occipite probat, vel morum Italorum, qui varia capitis loca ferro inurunt; inter hæc tamen an decrescat primarius morbus, ubivis expendit Medicus, alioquin non probabit abscessus, quos fecundas impurorum morborum causas esse monet P. de MANCHETTIS *m*). Operæ certe pretium non ludet, qui in singulis operosior limites salubritatis ex genio morbi & medelæ curatius definit. Adlicere vero plures potest diffusi argumenti nec inter varia tentamina exhausti utilitas, ut plenius constet de legibus, secundum quas ægroti per morbos sanitati concilientur.

*i*) de abd. morb. caus. O. 55.

*k*) de benef. L. 9. C. 8. p. m. 789. Addit, & in flumen alicui cecidisse frigore magno causa sanitatis fuit, quomodo quorundam flagellis quartana discussa - - - Nec ideo quicquam horum, etiamsi saluti fuit, salutare est.

*l*) Medic. Obs. p. m. 210.

*m*) de fist. ani Cap. 4.

## DISSERTATIO

DE

TUS S I,

PUBLICE PROPOSITA

GOTTINGÆ, D. 2 SEPT. 1747.

R E S P.

JO. BERNARD. MARTINI,

HANNOVERANO.

## §. I.

In opere respirationis, quidquid impedimenti nascitur, crebro tussim comitem habet & periculi monitorum, quin & vindicem. Placida naturalis expirationis indoles, quæ sine impetu, sine convulsione, sine sono, sine fatigatione aërem tantum cum levi madore sub quodam ipsius voluntatis ad id attentæ moderamine expellit, quoties involuntaria, a) violenta, sonora, crebra evadit,

a) Frustra opponunt tussim voluntate effectam, quæ vera dici non magis potest, quam somnus, quem vigilantes fingunt, licet utrinque ars minus attentis illudat. Dormientem se aliquis simulabat, cum cujus uxore iocabatur *Maecenas*, at alteri eadem audenti: *perdite*, inquit, *an ne- scis, me soli Maecenati dormire?* Ita tussim arte expressam inter signa, ex quibus amantes se intelligunt, numerat *Syrus* apud *Terentium*, simul autem *Clitiphonem* scite monet, quam ad has res perspicax pater sit. *Heaut. Act. II. sc. 3. v. 132.* Lepide juvenis apud *Plautum*, ut amica sola fruatur, id postulat, si tussire occoeperit, ne sic tussiat, ut cuiquam in tussiendo linguam proferat, i. e. bafiola iactare videatur. *Asinar. Act. IV. Scet. 1. v. 50.* Quidquid huius artis est, nec Natu-

dit, aëremque cum spūto aliisque contentis vel eiicit, vel eiicere fedisioso motu nititur, Tussis adpellari solet, actio sæpe vehemens, verum ex Naturæ instituto salubris, dum noxia & aliena, tanquam respirationis obstacula, in istis locis non sine infesta virtute hærentia, auctis expirationis viribus per laryngem extrudit, & sedem vitalis visceris ab imminente labe vindicat. Nempe id, quod inimica vi irritat ad tussim, eadem vi stringit organa respirationis, ut inde aër per loca angustiora pulsus densatusque rapiat plerumque & auferat secum ipsam morbose stimuli sui causam, licet ob tenacitatem suam & interiora latibula haud primis protinus concussibus, immo aliquando nullis ausculet.

## §. II.

Primum tussis stadium est, *b*) quo aer copiose haustus, aliquamdiu retentus & rarefactus, premit latera viarum, quas per laryngem ad vesiculas usque pulmonum ingreditur & implet. Diaphragmati tum per descensum complanato adnexum mediastinum & pericardium simul protenduntur, unde crescit distantia a iugulo & pectoris cavitas. Tenduntur simul adhærentes descendentis diaphragmati costarum cartilagine, tenditur venter inferior, tumet ac durefcit. Alterum stadium est, quo tot partes tensæ, remittente causa tendente, ad pristinos situs sui limites vi elateris sui renituntur, laxatum diaphragma eleuatur, & restituto elatere costarum, contractilitate mediastini & pericardii, musculorumque abdominalium actione sursum pellitur, aër per majores viarum angustias pulsus obvia soluit, abstergit & secum abripit, cum sonoro impetu per reciprocos expirationis succus-

ram plene exprimit, nec sæpius ludit impune. Hinc tussim inter servorum crimina recenseri, *Macrobius Libr. I. Satur. c. II.* & in carcere inquisitionis ecclesiæ Romanæ severissime captivis prohiberi *Philipp. a Limborch. Hist. inquis. Libr. II. c. 18.* adnotarunt: adeoque ob tussim artis proditricem etiam veræ tussi non ignovit legum rigor, cuius singulare exemplum enarrat *Limborch l. c. p. 162.*

*b*) *H. Boerhaav. Instit. medic. §. 636. cum comment. III. Halleri T. V. P. I. p. 238.* ubi in primis *Senacus & Winslowius* consulendi.



sus. At hæc quidem in tussi vitalis respirationis momenta sunt, quæ nisi motus convulsivus accedat, non sufficiunt. Hic vero dum accedit, & virtutem expirationis animalis a musculis pendente convellit, præcipuum tum exprimit tussis characterem. Idem spasmus fibras seu villos motrices asperæ arteriæ, bronchiorum & vesicularum pulmonalium stringit, pulmõesque magis arctat, ut tanta vis ægre possit a musculis vitalis inspirationis superari, jam sursum directæ ad asperam arteriam dejectione, quemadmodum fit in vomitu, c) per inversum fibrarum motum peristalticum. Inter hæc laryngem in primo conatu expulsionis clausum consideramus, quo ipso aëris impulsu ad detergendam bronchiorum superficiem actio crescit, deinde apertum rursus, ut promptum exitum reperiat, quidquid isto abstersum collectumque molimine sine novo moræ indultu excutiendum erat. Atque id pulchre illustrari videas mutationibus in tussientium corpore conspicuis, quibus viæ alioquin obliquiores rectiori jam tramite in os patent. Mentum movetur extrorsum, & glottidis rimulam nonnihil dilatat, lingua exserta simulque deorsum tracta adnexam epiglottidem antè ducit, ut & sic glottis tegatur minus, ac duo loculi laryngis, quos ventriculos vocant, muco secreto pleni sub depressa & retracta epiglottide prominentes & ad omnem tussis stimulum sensibiles contenta pronius effundant. d)

### §. III.

Tanquam sedem mali coarguunt multi pulmonem. Verum dudum GALENO e) patuit, tussim quoque integris pulmonibus nasci, imo his admodum læsis aliquando abesse. CHRISTOPH. ROESLERUS f) infantis meminit, qui dyspnoea sine tussi periit, &

c) quem ideo Galenus cum tussi comparat a de sympt. caus. 3.

d) conf. Io. de Gorter Medic. Dogmat. c. 3. § 2. p. 164. & 165.

e) Galen. 2. de Sympt. caus. 4. & 5. conf. Alex. Massarias in Pract. med. L. II. c. 1. p. 193. & 194. Frustra Auerroes 4. colliget. I. 52. tussim inter proprios adfectus pulmonum refert.

f) Eph. N. C. D. I. A. 3. O. 137. p. 549. cum. Schol. G. C. Winckler.

& in cujus dextro pulmone copia albi ichoris instar puris reperta est. Et quis non videt? tussim in sanissimis nasci eo momento, quo micula panis, vel aliud quodcunque superne in meatum spiritus decumbit, ubi nulla laborantis pulmonis suspicio locum reperit. Non igitur suscitari tusses nisi adfectis bronchiis, semperque eam canales animæ offendere, vel per se vel per consensum, concinne scribit ANT. MENIOTIUS, g) additque, nec tunicam pulmonis vel ejus parenchyma, nec morbos vasorum pulmonalium, nedum mediastinum, pleuram, musculos thoracis vel diaphragmatis vitia proprie, id est, primum & per se ad tussim irritare. Nimirum quidquid ad illam impellit, vel hæret in summo larynge, vel in aspera arteria & bronchiis majoribus, vel profundius in ultimis horum finibus seu vesiculis, ut in phthisi, hæmoptoe & peripneumonia notatur. ALEX. MASSARIAS b) tussis sedem ad omnes partes & instrumenta respirationis extendit. At distinguenda sunt loca, in quibus primus tussis impulsus est, ab iis, quorum in consensum tractorum ministerio ipsa per tussim expulsio adiuvarur. Ceterum facile largimur, cum per pulmonem maxima pars tubi aërii dispergatur, adeoque irritamenta illa ad tussim in sinu quasi hujus visceris germinant, hinc domestica pulmonum vitia vix magni momenti esse posse, quin locis ad confinia sua in omni puncto positis labem suam adspargant.

#### §. IV.

Caussarum dictis locis irritantium scrutinium nos propius ducit ad cognitionem tussis idiopathicæ. Manifesta causa & intellectu facillima est, quæ cum aëre subiens internam laryngis superficiem irritat. Immo ipse aër his viis, quas constanter ingreditur, adeo familiaris, excessu qualitatuum suarum, ut vocant, tussim proritat, in primis frigidior humidiorque, cui IAC. HOILE-  
RIUS

g) *Diff. Pathol. P. II. p. m. 476. & 477.*

b) *Pract. med. L. II. c. i.*

RIUS *i*) siccam & exasperantem addit. GALENUS *k*) ubivis fere intemperiem frigidam pectori inimicam arguit, sub qua aer liquida bronchiorum figit, spissat, accumulatur, eo certiori tussis effectu, quod huic pariendae potus gelidus vel pedum laterumque refrigerationes, adeoque iniuriæ frigoris ex remotioribus locis infestantes sæpe sufficiant. Nec calidum aërem, qui dissipata lymphæ siccitatem aliquando irritantem relinquit, plane excusamus, quamvis omnino sub fervente æstate, ut *Pet. Salius Diverfus l*) monet, immo ipsis ardentibus febribus rarior tussis sit. Maxime pro anni & ventorum temporibus aer nunc inhibita perspiratione *m*) tussim parere potest, nunc quod ipse infectus adeoque maligniori inspiretur. Si autumno post æstatem nimis ferventem humidiori frigus supervenit, vix perspirabile acre retentum sine stimulo ad tussim ad pectus redundare potest, neque tuuc in malignitate aëris, sed unice in noxa retenti perspirabilis

*i*) *Oper. Edit. Paris. p. m. 154.*

*k*) *Galen. Comm. V. aph. 24. it. de sympt. caus. L. I. C. 4. Ed. Iunt. Cl. III. p. 2. H.*

*l*) *Annot. in L. Donat. Ant. ab Altomari c. 47. Recte etiam ex hac causa dubitari posse, an tussis sit per se βνχοντοίος? indicat Ant. Menotius l. c. p. 484. At de tussibus in febre ardente & synocho vid. inter alios Plater L. I. p. 404.*

*m*) Frustra ex pondere corporis non diminuto diebus frigoris admissi & tussis orientis pugnat contra originem tussis ex læsa perspiratione *Iac. Keilius in Disq. I. medic. stat. Brit. adiecl. p. m. 21.* cum partim dubitari possit de constantia hujus observationis, partim augmento aliarum secretionum sive sensibilium sive insensibilium in illo casu locus sit, certe nihil argutiarum illarum experientiam tam crebræ post ejusmodi refrigerationes tussis enervare valeat. *Ged. Harueus in sua Arte curandi morb. per exp. c. 27. p. m. 177.* perstringit eos similiter, qui in tussi statim frigis & poros cutis oclusos crepant, cum vel is, qui toto anno in hypocausto lateat, tectus probe vestibis & ab omni frigore defensus diversis anni vicibus tussi, gravedine, odontalgia similibusque, quæ frigori tribuuntur; sit laboraturus. Nihil hæc probant, si probant quidem, quam non omnem tussim a refrigeratione pendere. Hanc vero ut causam præ aliis frequentem bene *G. E. Stahlius in Not. ad illam Satyr. G. Haruei. p. 179. vindicat.*



bilis, ratio tussis quærenda est. Ab hac vero licet communi causa plures raro laborant: præterea enim quod robustorum hominum perspiratio a tempestate hac humida & frigida non protinus lædatur, tum quoque retentum perspirabile non eadem in omnibus excedit copia, nec eodem lædit corruptelæ gradu. At si æstas præcessit calida & humida, qualis ad putredinem euehit, vix subitum frigus, in primis cum humiditate conjunctum, ingruere potest, quin crebras tusses autumnales, easque epidemicas & malignas pariat, quas pauci effugiunt. Nam præcedens calor exaltavit humores nostros, hinc a suppressa postmodum perspiratione nocentiores bronchiis incumbunt. Exaltavit etiam vitium corruptarum partium in aëre hærentium, quæ deinde sub ingressu frigoris per altiora loca minus diffusæ inspiranti se offerunt propius, unde major tam in aëre quam in corpore nostro corruptela malignitatem illam tussis epidemicæ gignit. Talis quoque ob magnas a primo vere natas caloris frigorisque vicissitudines in his locis & vicinis per totam æstatem elapsam vehementer sæviit, & paucis familiis pepercit, omnium minime infantibus, inter tetras exanthematum species magna strage occumbentibus. n) Verum ab epidemicis malis ad illa transimus, quæ aëri etiam puriori sub momento inspirationis se aliquando miscent, ut pulveres tenues, quales errhini, vel qui ex lino, dum pestinatur, aut tritico, dum cribro excutitur, surgunt, halitus vini

- n) Qualem statum tussium epidemicarum A. 1695. circa Ulmam, cum longa & anceps hiems nebulis pluviisque fine Martii solveretur, nulli fere infanti parentum describit *I. Francus Eph. N. C. D. 3. A. 3. O. 75. p. 103.* Similis tussis epidemicæ infantilis Eperienfis *Reimannus*, Erfurtensis *Vogelius* meminerunt, ille in *Bresl. Geschicht, Vers. 35. p. 312.* hic ibid. *Vers. 37. p. 302.* conf. quæ *Th. Sydenham in Ep. Resp. ad Rob. Brady de tussi epidem. A. 1675. habet. Oper. p. 310. sq. & Th. Bonetus in Sepulch. Anat. L. 2. Sect. 3. O. 32. cum schol. p. 489. de tussi A. 657. Neocoomi in Heluetia per æstatem sæviente, a qua vix puer aliquis immunis mansit. Valet de plerisque speciebus, quod D. Metzger dixit in ep. Dold. haud sibi superesse in phoretra remedium, vel quod I. N. Binninger C. III. O. 38. censuit, nec evacuantibus, nec bechiis, nec uterinis nec cephalicis, nec alexipharmacis cedere eiusmodi tusses.*

vel aceri calentis, fumi sulphuris, vapores minerales & metallici, sales volatiles, spiritus acidi vel fermentati, aliaque multa, ex quibus qui tussit, vix causam ejus nescire potest. Neque stillantem, quæ intra oris & faucium lacunas colligitur, materiam catarrhosam excipio, qua illa HIPPOCRATIS o) sententia illustratur, infantibus, quorum vna major est, tussim in suctu instare. Potest ad latera glottidis, non impediante epiglottide p), quippe catarrhosis humidiora descendere, quod ad tussim stimulet, unde ante descensum illum mucilaginosam lente deglutita inviscant acria & leniunt tussim. Præter hæc, quibus externe aditus in laryngem pater, sunt etiam aliena in cavo meatuum aëri patentium nata. Nunc enim ventriculi laryngis muco, calculo, thrombo, immo aliquando vermibus oppleti reperiuntur, nunc nimia harum partium siccitas est, ut in acutis, & lymphæ laryngem oblinens concrescit, & sua duritie irritat, urgente tunc tussi inter eiecta duriuscula. Tota tubi aërii membrana lacunis muco plenis prædita est, cujus vel acrimonia vel concretio in corpuscula grandinosa & speciem calculorum non caret stimulo ad tussim. Eadem membrana, quæ fauces gignit, asperam quoque arteriam interne investit, utrisque locis in coryza vel gravedine humor acris irritans secernitur, quem olim stillicidio cuidam capitis tribuebant, quod simul caput gravari, osque & nares stillare animadverterent, cum tamen etiam in propriis sedibus ob congenerem fabricam idem vitium facile scaturiat. Non omitto inflammationem

o) de dentit. vid. Edit. Lind. T. I. p. 591. II. 14. Nempe hic copia acrioris muci, qui suctu agitur, causa æque est vna prolongata, quam tussis. Hinc etiam tussis in tonsillarum destillatione alio amplius subducta solui Hippocrates docet. Op. T. I. p. 591. III. 10.

p) Concinne Plutarcho Op. T. II. p. 698. C. Sympos. L. VII. epiglottis quidem dicitur καθαρὸν τῷ πνεύματι δρόμον φυλάττειν, at & ibidem μεταυλὸς κλίσιν ἐπ' ἀμφοτέρω λαμβάνειν, quod non modo inter loquendum oscitandum ridendum fit, sed inprimis ex morbo, quam adluens catarrhus inducit, laxitate, vel etiam senili illa & contractiori callositate, quæ minus perfecte glottidem claudit, unde immedicabilis senum tussis.

flammatam internam laryngis membranam, in anginosis sicca & clangosa tussi molesta. Constans fibris motricibus & vasis, hinc inflammationis & irritationis capax idem patitur, quod aliæ partes phlegmone vel erysipelate adfectæ, dum agitantur: unde diffcultas, molestia & dolor, sputumque nullum vel subviride tussientium, quale HIPPOCRATES in anginosis describit. Quæ demum ex magna vociferatione, cantu risuque tussim gignunt, dum crebra inspiratione, varia laryngis constrictione & aëris concussionem iritant, pariter ad causas domesticas refero. Atque hi quasi proprii limites sunt tussis idiopathicæ & primariæ, ampliorum etiam ambitum habet sympathica & symptomata. Proxima loca, quæ lacessunt vias aëris, sunt in pulmone, cuius infarctus inflammatorii in peripneumonia & pleuritide, cruda tubercula, vomica, abscessus, & hinc natæ phthises & empyemata, nec minus hydatides, varices, aneurismata, scirrhi cum lapidea subinde pulmonum duritie vix concipi possint sine irritamento ad tussim, ut omnino mireris, in duce Venetorum FR. CANTARENO q) levem adeo nec continuam tussim fuisse, in cuius ramem pectore libræ quinque aquosæ materiæ repertæ sunt, dexter pulmo mucoso humore plenus, sinister in saniem resolutus. Quid vitia pericardii, mesenterii, pleuræ, diaphragmatis, effusa in cavum pectoris vel abdominis humorum colluies, costæ fractæ, vertebræ luxatæ valeant ad gignendam tussim, conjectu difficile non est. Hepatis, lienis, ventriculi aliarumque partium vitia etiam remotiora, partim per commercia nervorum, partim per communes circulationis leges, transferunt similes stimulos ad tussim. Maxime hic respicio acrimoniam humorum in toto corpore peccantem, ut in cachecticis & scorbuticis, ubi secretionum fontes omnes inquinati etiam tussim, quam habitualement vocant, pariunt. Metastases ex scabie, podagra, ulceribus vel fonticulis con-

q) conf. Th. Boneti Sepulch. Anat. L. II. Sect. 3. O. 3. p. m. 475. Verum hoc confirmat, quod superius diximus, labem pulmonum inter proprios cancellos subinde subsistentem non semper necessario ad vicina bronchia vim furoris sui convertere.



consolidatis, refrigeratis pedibus, discusso oedemate, repulsis acerbis per stasin humoribus ingentem rursus tussium varietatem condunt. Quid ex nervorum consensu fiat, intelligi maxime potest ex nervo paris vagi & intercostali, quorum multæ propages ad laryngem abeunt, & sub communi capsula ad alias partes, quæ hinc plus laryngi consentiunt. Hæc omnia veluti illustrari observationum copia possunt, ita vix pedem cohibeo, quin in earum sylum undique patentem pro dictis confirmandis nonnihil excurram.

## §. V.

Sic enim in promptu erit ad recensitas classes revocare, quæ speciatim tanquam tussium causæ ab auctoribus recensentur. De illapsis in tracheam vel ibidem genitis & tussi iterum eiectionis multa suppetunt, ex quibus quædam attingo. AL. HERM. CUM-MENUS r) tussientis & macie jam confecti meminit, qui non nisi post eiectionem frustulum putaminis nucis avellanæ ante tredecim menses in tracheam delapsum pristinae valerudini redditus est. P. BORELLUS s) ducem Rothomagensensem nominat, cui frustulum nucis myristicæ eadem via illapsum pariter longam tussim & extremam maciem peperit, donec magno conatu extussiret molestam moleculam. Pertinet huc observatio I. L. HANNEMANNI t) de tussi sabulosa molitoris: his enim hominibus, ut lapicidis, crebrum asthma cum tussi est ex inspirato illo pulvere, in sabulosa & lapidosa frustra per pituitæ vinculum sensim densato. De eiectionis vermibus I. FERNELIUS u), de calculis M. TILINGIUS

a) Eph. N. C. D. 1. A. 3. O. III. p. 181. De nucleo avellanæ inter videndum illapso & bimestri spatio hærente conf. T. Barthol. c. II. Hist. 27. p. 217.

s) Cent. 4. O. 63.

t) Eph. N. C. D. 3. A. 5. & 6. O. 63. p. 126.

u) L. VI. Pathol. c. 10. conf. Galen. in calce L. IV. de loc. affect. it A. Beniuem. de abd. morb. caus. c. 24. & 77. & Aloyf. Mundell dialog. 4. N. 42.

GIUS *x*), de officulorum fragmentis F. LACHMUND *y*), de nucleo cerasi crusta lapidea obducto E. M. KOENIGIUS *z*), de calce pilis vaccinis mixta, quali fabri murarii utuntur, I. M. MÜLLERUS *a*), de globulo crystalliformi ex gypsea pituita ad magnitudinem auellanae coeunte ZAC. LUSITANUS *b*), de aliis mirabilioribus, hinc fide non semper dignis, alii testantur. Quæ velut ex parte etiam e corrupto penu pulmonum promuntur, ita hic crebras tussium causas illustrant HIPPOCRATES *c*) de varice pulmonum, TH. WILLISIUS *d*) de lutulentis pulmonum humoribus, R. de GRAFF *e*) de pulmonum vasis & parenchymate statu distentis, TH. BONETUS de lapidea pulmonum durtie, qui etiam de crudis eorum tuberculis vel abscessibus vel lobis accretis exempla hinc orientis tussis collegit. *f*) Quod de ipso pulmonum parenchymate & venis reiectis V. A. MÖLLENBROCCIUS *g*),

TH.

*x*) Eph. N. C. D. I. A. 6. §. 7. O. 132. Schol. p. 176. Cui convenit observatio I. D. Dorstenii *ibid.* D. III. A. 3. O. 63. p. 153. G. H. Welschii *ibid.* D. I. A. I. O. 158. p. 337. §. 1. Schmidii *ib.* A. 9. §. 10. O. 55. p. 143. §. 1. Nic. Pechlini L. II. O. 4. Delapillis eiectionis conf. P. Aeginet. L. 3. p. 31. Alex. Trallian L. V. c. 3. R. Dodon. Obs. medic. c. 23. P. Forest. L. 14. O. 16. in schol. W. Hoefer Hercul. med. L. II. c. 2. I. Franc. in Eph. N. C. D. III. A. 3. O. 71. p. 88. A. Stegmann. *ibid.* A. 4. O. 109. p. 228.

*y*) *ib.* D. I. A. 4. §. 5. O. 175. p. 136. §. O. 24. p. 26. Ita Columbus L. 15. de iis, quæ raro in Anatome fiunt, ossa in pulmonibus Fr. Capelli non parva reperit. De officulo in tracheam impacto, mortis causa vid. Th. Boneti Sepulchr. Anat. l. c. O. 16. p. 482.

*z*) refert ex ore Barbeyrac Medici Mompeliensis de femina scorbutica per quinque menses tussiente, quæ post eiectionem hanc molem ita convaluat, ut reiuvenesceret. Eph. N. C. D. II. A. 6. O. 9. p. 100.

*a*) Quod de ipso filio enarrat. Eph. N. C. D. 9. §. 10. O. 63. p. 371.

*b*) de sene cum suffocationis periculo tussiente & illo globulo reiecto convalescente. *med. princ. Hist.* 37. L. II. O. 8.

*c*) de morb. int. Text. 5.

*d*) Pharm. Rat. P. 2. Sect. I. c. 3.

*e*) de succ. pancr. c. 2. §. 182.

*f*) Sepulchr. Anat. l. c. O. XI. p. 478. conf. O. XV. p. 481. §. XVII. p. 482.

*g*) *ibid.* O. IX. p. 477. de tuberculis crudis instar cotyledonum vaccinarum; de abs. & lob. accret. O. XIV. p. 481.

TH. BARTHOLINUS *h*), N. TULPIUS *i*), & alii plures recensent, iustos iis scrupulos mouent, qui angusta loca ingressus in bronchia cum tali mole comparant, & pro sanguine in bronchiorum truncos effuso, ad figuram ramosam concrecente, sensimque contracto & tunc ad exitum mobiliori interpretari malunt. Tussim ex vitio pericardii, mediastini, diaphragmatis, non minus quam a spina incuruata & abscessu sub axilla sinistra TH. BONETUS *k*), ab aqua in cavo pectoris I. IAC. WEPFERUS *l*) & in primis Vratislavienses exemplis illustrant. De tussientibus spleneticis AETIUS *m*), de hepaticis BONETUS *n*) iterum consuli possunt. Ex catarrhis milienos tussire G. E. STAHLIUS *o*), ex dentitione difficili puerilem tussim exsurgere alii adfirmant, sine dubio, quod largius tum per ambitum oris secreta lymphæ irriter quoque laryngem, immo aliquando in eum depluat. I. C. GRIMM *p*) puerum ex dentitione per novem hebdomades tam graviter tussientem describit, ut notabili intervallo aliquando respiratio deficeret. At statim & fere per fascinum emergentibus dentibus tussis evanuit. Creberrimæ tusses post repressas excretiones, & per metastasin ingruunt. Observavit I. P. ALBRECHT *q*) ex podagra introversa tussim & phthisin, CHR. GOTTL. REUSNERUS *r*) tussim ferinam ex ulcere brachii sanato, quo tamen iterum exorto tussis siluit, cui fere convenit, quod CHR. de HEL-

HELL-

*h*) Eph. N. C. D. I. A. 2. O. 91. p. 266.

*i*) Cent. III. Hist. Anat. 98.

*k*) Obs. L. 2. c. 12. & 13. conf. Zac. Lusit. L. I. Prax. Admir. O. 110.

*l*) de mediastino inflammato l. c. O. 24. de pericardio inflammato *ib.* O. 25. de iisdem cum diaphragmate inflammatis *ibid.* Obs. 18. de spina incuruata O. 21. de abscessu sub auxilla O. 19. agit.

*m*) Eph. N. C. D. II. A. 10. O. 171. Schol. p. 327. vid. Hist. morb. Vratisl. ab A. 1699. ad 1702. cum nova præf. ill. Halleri p. 435. & 458.

*n*) L. XV. Tetrabibl. 3. Serm. 3.

*o*) a fervore hepatis l. c. O. 29.

*p*) l. c. in Satyr. Haru. p. 179.

*q*) Eph. N. C. A. 9. & 10. O. 88. p. 162.

*r*) *ibid.* D. 3. A. 5. & 6. O. 26. p. 59.

*s*) *ib.* Cent. 5. O. 9. p. 25.



HELLWIG s) circa excoriata loca femoralia notavit, a quibus consolidatis repulsum acre serum mictum cruentum peperit, & hoc cessante vehementem tussim. Illa, quæ post variolas superstes in tabem desinit, observante G. FRANCO a FRANCKENAU x), & post morbillos tam suspecta cum aliis VITO RIEDLINO u) habetur, non minus malignum metastasium genium arguit. Ex usu purgantium drasticatorum x), ab esu nucum iuglandum y), ex vino z) similibusque, qui ortam notarunt tussim, eam diffusis adsumtorum stimulis tribuunt. Quod certe in cacochymia humorum acri magis metuendum est. Latentioris indolis tusses sunt, quæ nervorum consensui debentur. Talem ex acrimonia ceruminis aurium ortam SIGISM. SCHMIDERUS a) memorat, & consensum laryngis cum auribus per ramum nervi acustici evincit. Ex simili consensu inter thoracem & genitalia vidit sedatam iuvenis tussim, insecuto tumore testium, quod hi vinculum ex communi nervo habeant, qui ad laryngem abit. Atque id dudum, HIPPOCRATI b) constitit, qui a dolore forti in testes irruente tussim siccam solui, & alio loco c) testium inflammationem tussi superveniente cessare docuit. Nec forte stomachalis tussis alia ratione nititur. An a lumbricis stomachum in-

festan-

z) *ib.* Obs. 60. p. 100.

u) *ib.* D. 3. A. 4. O. 1. p. 2.

x) *lin. medic.* A. 6. Jul. O. 13. p. 776. De tussi prodromo in morbillis infantum agit in *Eph. N. C. D.* 3. A. 4. O. II. p. 25.

y) *lin. med.* A. 3. Maj. O. 31. p. 349.

z) *ib.* A. 6. Jul. O. 16. p. 1218. Non minus Plinius nuces iuglandum tussientibus inimicas vocat *Hist. Nat. T. 1. Ed. Hard.* p. 319. LXXVII. 6. it. nuces pineæ *ib.* p. 378. LXXIV. 7. palmas p. 311.

L. I. 2. De vino hispanico Sam. Ledelius in *Eph. N. C. D.* 2. A. 6. O. 29. p. 83.

b) *Eph. N. C. Cent.* 3. O. 82. p. 203. Scribit, cum de tussi seminæ cogitaret tam contumaci & nullis remediis auscultante, divinaſſe causſam, cum eo tempore ſibi ipſi aures penna vellicando tussim excitaret. conf. I. R. Camerar. *Memor. c.* 13. p. 61.

c) *L. 2. Epid. S. V.*

d) *L. 2. Epid. S. I.*

festantibus tussis pendet? adseruit TRALLIANUS, negavit GALENUS *d*) tanquam rem nec ratione nec experientia nitentem. Nos neque hanc adversam reperimus, neque illam in consensu nervorum leviter stabilitam, ut docent pectoris morbi, qui sæpe vomitum, & vitia ventriculi, quæ sæpe tussim excitant. Mirabile exemplum est I. LANGELOTTI *e*) de IO. FRIDERICO Archiepiscopo Bremensi, quem scribit tussi sicca & continua laborantem & inter hæc contabescentem pro consummato phthifico a medicis suis habitum occubuisse. In cadavere vero pulmones intemerati adparuere, at ventriculus corruptus putridusque, qui levi tactu in squamas & membranulas abiit, tanti foetoris, ut præfens chirurgus olfactum omnem perderet & nunquam recuperaret.

## §. VI.

Mala a tussi metuenda plenius cognoscuntur ex indole partium, quas illa stringentis vel concurrentis motus ferocia nunc propiori nunc remotiori tactu lædit. Prima vis in pectore tanquam propriis sedibus sentitur, & varicosam ex tussi diuturna pulmonum dilatationem, quæ periculosa & formidabilis aneurismatis species est, *spadon* dicta, relinquit, teste IO. RIOLANO, *f*) Dum causa irritans partim villos bronchiorum contrahit & contenta agitat, partim musculos ad pectus stringendum conspirantes in consensum sævioris spasmi vocat, sanguinis æque ac ani-

*e*) L. 6. Epid. S. 2. Comm. 17. & 24. *millies absque tussi lumbricos os ventriculi infestasse vidimus, inquit Cl. III. p. 163. D. Adsentitur P. Sal. Diversus, & tussientes quidem laborare interdum lumbricis largitur, at cum non sint in partibus spiritalibus, negat causam tussis esse posse. vid. Annot. in Altomar. c. 47. Vermes ad fauces ascendendo laryngem ad tussim stimulare, docet H. de Saxonia præl. Patav. I. Qu. 26.*

*f*) Testatur id ex ore eius, qui a secretis principis fuit, & foetorem illum puridissima quavis aura olentiozem fuisse adseveravit. Eph. N. C. D. I. A. 6. & 7. O. 6. p. 16.

*g*) vid. Enchirid. Anat. L. III. c. 6. p. m. 212.

animæ meantis summæ sunt angustia, quæ nunc in peripneumonias, nunc urgente sanguine in rupturas vasorum, hæmoptyses, vomicas, phthises, immo aliquando, quod pessimum est, in subitas suffocationes desinunt. Simul aer per angustatas fauces trusus sæpe anginam suo impetu, sæpe abraço partium illarum naturali glutine raucam vocem gignit. Præterea tussis tum quaquaversum humorum motum *g*) tum maxime in basin cranii & contenta encephali *h*) intendit: unde tussientium oculi intensiori colore suffunduntur, facies ad livorem rubet, caput dolet pulsatque, & ad sensum quasi finditur, scotomiæ, vertigines, hæmorrhagiæ, quin & ruptis vasis apoplexiæ sequuntur. GOTTFRED. DAV. MAYERUS *i*) puellæ mentionem facit, quæ violenta tussi in sanguinis fluxum per os nares & oculos incidit, ac tabe consumpta periit. FRID. FERD. ILMER a WARTENBERG *k*) rupta a tussi ferina non modo pulmonum sed & cerebri vasa commemorat, unde post cephalalgiam deliria, convulsiones & mors. Dum denique quatiens tussis premit contenta abdominis, hæc in locis minus suffultis extrusa pariunt hernias ad umbilicum, scrotum & inguina, ubi peritonæi coercentis robur debilius vim illatam retundit, vel procidentias uteri, vaginae & intestini recti, quæ loca apertiora, suis firmata tantum sphincteribus, cedunt ex fede sua & ad maiorem impulsu protruduntur. Ita tussi scissam runicam intestinorum, & hæc in scrotum devoluta legimus de puero sexenni apud A. BENEVENIUM *l*). Huc periculum refer abortus, quandoquidem uterinæ fibræ ad excludendum fœtum

con-

*h*) Quam augeat tussis motum humorum, vel in iis adparet, quibus ex vena secta sanguis non fluit, at si tussim excitas, obiecto naribus acetato, pleno alveo exundat.

*i*) Vnde Galenus dixit, tussibus vehementibus caput repleri, *L. VI. de morb. vulg. Comment. II.* Ipsos sinus cerebri in tussi elevari notat *Adr. Slevogt de dura matre Nr. 50.* qualem agitationem in hominis viventis ablato cranio *cl. Salzmannum* conspexisse testatur ill. *Hallerus in Inst. Boerhaav. T. V. P. I. p. 239.*

*k*) *Eph. N. C. Cent. VI. O. 67. p. 325.*

*l*) *ibid. D. I. A. I. O. 68. p. 169.*

*o*) *de addit. morb. caus. Obs. 64. p. m. 466.*



constringuntur fortius, quam strictum os uteri resistit. Illud etiam hic notabile malum est, quod alui & vesicæ officium adeo insigniter labefactat. SAM LEDELIUS *m*) natam inde esse involuntariam alui deiectionem scribit, sive toro sive foro sive templo versaretur. G. W. WEDELIUS *n*) feminæ meminit, quæ inter tussendum profudit lotium, ut alii eodem tempore cibum ex ventriculo vel sanguinem ex naribus. Inter quæ omnia corpus diu noctuque agitatam, nec quiete & somno resectum, sensim exhausto omni vigore laborat universæ coctionis vitiis. Crudi humores intra laxata vasa congesti in hydropem, cachexiam & tabem prona via tendunt. Si respicimus partes per consensum & metastasin adfectas, novus malorum campus se pandit. Hic morbosum in alia loca ferri, ibi persistere in loco priori, & nervorum membranarumque ex eadem capsula emergentium communione alias partes in mali societatem trahere, jam monuimus. Ita vero singultus & cordis tremor per consensum est, arthritica labes metastasi debetur. Tenuis humoris frequentior metastasis est, verum etiam promptior ad pristina loca, per longam iniuriæ adfuerudinem magis disposita, regressus.

## §. VII.

Ut tussi præ ceteris animalibus obnoxii sunt homines *o*); ita inter hos magis laborant, quorum gibbosum pectus angustius est,

*m*) Eph. N. C. D. 3. A. 9. & 10. O. 64. p. 128.

*n*) *ibid.* Dec. 1. A. 9. 10. O. 84. p. 220. cum *schol.* G. Schultzei, qui simile exemplum adnectit: quale etiam exhibet C. F. Paullini de muliere ad levem tussiculam subito mingente, hinc pudendo vesicam adligante. v. *ibid.* D. 2. A. 5. O. 78. p. 51.

*o*) Inter problemata Aristotelis est *Sect. X. Quæst. 1. Oper. T. IV. p. m. 991.* cur homo tussiat, non bos & alia animalia? idne fiat, quod homo humidioris cerebri sit, an quod animalium mucosæ sordes aliorum pronius decumbant? Adde, an erectus hominis situs plus faueat retinendæ & figendæ pituitæ? Verum generatim constat, animalia rectius quam hominem secundum præcepta Naturæ vivere, ac minus adligi morbis, hos etiam natos a nobis negligentius observari. Vide tamen de tussientibus bovis Th. Bartholini *Hist. Anat. VI. Cent. O. 97. p. 374.*

est, ac pulmo minus explicabilis. Hos difficulter spirare, stridulam faucium asperitatem habere, & tuberculis circa pulmonem duris crudisque plerumque laborare, in quo rationes tussis non ægre adgnosceis, HIPPOCRATES docuit *p*). Præ ceteris id mali sustinent debiles tenerique, quibus familiares sunt suppressæ perspirationis noxæ, ad pulmonem ruentes, vel qui læsarum coctionum vitio humoribus viscidis & acribus per totum sensim corpus, adeoque & aeris meatus, dispersis scatent. Nec minus huc pertinent, qui in morbos convulsivos, quibus adeo adfinis tussis est, proniores sunt, ut viri hypochondriaci & femine hysterica. Aetatem ex dictis causis primam maxime & postremam tussis affligit. Senes certe qui non tussunt, rari sunt, & rarus artis, quæ illis consulat, successus. Nempe languidiori eorum motu nata pituita per longam statim & hinc orientem acrimoniam perennes renovat tussium causas. Adde minus perspirare senes, & eorum a retento perspirabili bronchia oppleri, Præterea ut senum membrarum rigescunt, sic perit sensim illa epiglottidis mobilitas, qua opus erat ad occludendam & ab illapsu defendendam laryngis rimulam *q*), in quam proinde deglutiendo facilius jam descendit, quod tussim movet: neque id solum de cibo & potu, sed & de ipsa saliva & muco oris, in primis dum decliviori situ somnum captant, moleste irruentibus intelligendum est. Infantum corpora, etiamsi parum quoque perspirent, & ob inertiam ac laxitatem pituita oppleri soleant, robore tamen ætatis illæ sensim causæ imminuuntur & evanescent, quæ in senibus plus novi incrementi quotidie capiunt, quippe in quibus perspirationis læsæ & crescentis rigiditatis noxas corrigere velle, quid aliud est, quam ipsius ætatis medelam moliri? In eo autem plus pueris metuendum est, quod ob tenerum nervorum systema in convulsiones procliviores tristi convulsivarum tussium fato præ aliis occumbant. In media ætate præter debiles frigidos

Dudum sulphur ut remedium pro tussientibus bobus laudavit *Vegetius de re veterin. L. III. c. 68.*

*p*) De artic. T. II. p. 794. XXXVII. 6. II.

*q*) v. supra p. 10. Not. b.

gidos pituitosos haud illos prætereo, qui in declamando vociferandoque modum non tenent, vel in cachinnos effusi intendunt molimina respirationis, vias aereas plus concutiunt, & lymphæ rivos vix satis iterum dissipandos adliciunt.

## §. VIII.

Tussis, quam pro variarum caussarum sede ut idiopathicam & sympathicam, primariam & symptomaticam consideravimus, plures sub se specierum differentias comprehendit. Generatim ratione indolis suæ in benignam, quæ lenius adfligit nec diu durat, remediis autem cito auscultat, & in malignam, quæ contumacius persistit, medicaminum vim eludit, & sæpe epidemiarum tussium exemplo occidit, distinguere solet. A quo parum discedunt, qui tussim in mitem & ferinam dispescunt, modo quod hæc vehementiam arguat, non semper malignitatem, cuius occultæ insidiæ lenitatis aliquando larva opprimunt. Ferinæ species est convulsiva. Quamvis enim uti vomitus ita tussis vix sine vestigio convulsionis sit, in hac tamen maxime ad ingentem anxietatem stricto pectore & liuente facie prope suffocantem respicimus. Corripit hæc convulsio non solum musculos animales, sed & vitales, ut qui alterne laxari & stringi debebant, nunc in perpetua fere constrictione persistent, & vix tempus inspirandi suppetat, continuus autem pergat expirandi nixus, etiam ubi aëris, qui expelli possit, parum vel nihil restet, unde impedita renovatione aëris & circulatione per pulmones nunc deliquia animi imminet, nunc subita suffocatio spem omnem iugulat. CHR. MENZELIUS puellæ trium annorum meminit, quæ vegeta & cum sorore ludens improvise tussi tam valide oppugnata est, ut uno spiritu eliso nullo per inspirationem redeunte rueret in matris gremium, mox sanguine in vultum suffuso sese præcipitaret sub mensam, & sub ea confestim suffocata exstingueretur. Dissecta paululum sub larynge crassæ pituitæ frustum instar pisi arctissime impactum exhibuit, quod tussis elidi impos præclusit uno velut momen-



to spiritum r). Cuius tussis species est, quæ Gallis Quinta vel Quintana dicitur, forte ob clangosum sonum, tono musico eius nominis non multum ab similem, vel ob eundem quinis circiter horis nova vi insultare solitum. Nondum, inquit Gu. BALLONIUS s), auctorem legi, quide ea tussi verba faceret, quæ sic irritat pulmonem, ut nifus ille excutiendi molestum nec admittat spiritum, nec vicissim reddat, & æger tumens quasi & strangulatus hærentem faucibus spiritum premat. Vulgare magis discrimen tussium est in humidas & siccas. Humidas a catarrho ex sacra Palladis arce in pulmonem subiectum depluo Ios. LANZONUS t) deriuat, at cuiuscunque sint originis, materiam in viis aeriis hærentem & cedentem impulsui cum levamine plerumque indicant. Tussis sicca & inanis raro sine omni sputo u) est, certe sensim vi urgentis motus humidior evadit. Solet illa siccitas tussis admodum torquere ægros a membrana laryngis interna inflammata, comitatur morbos acutos & epidemios multos, eosque, qui ex consensu tussim cient, inprimis recta pulmonum vitia, tubercula cruda, vomicas, varices, hydatides & similia. In omni enim hoc casu peccans materia non adfluit ad vias aereas, ut tussis eam expellere possit, idque pariter de tenui & acri destillatione valet, quæ expellenti virtuti se subducit x). Illæ autem in primis tusses sic-  
cæ

r) Eph. N. C. D. II. A. 4. O. 62. p. 135. D. Præsidis frater G. F. RICHTERUS Professor olim Lipsiensis sic Leidenfroftiam suam amisit, quæ ex abortu debilis post noctem satis commode peractam, cum mane corporis situm commodius quietura paululum mutaret, & prius aliquid, quod in pectore hæreret, eicere tussi tentaret, hac vehementer correpta protinus cum stupore præsentium & opem frustra quærentium suffocata est.

s) Eph. L. 2. p. m. 239. causam conicit in pulmone esse, quia post majores conatus sensim copia semiputridorum elicitur.

t) Oper. T. II. p. 137.

u) Hinc Græci tussim βήχας nuncupant, a βίβωσεν, quod Hippocrati non modo tussim, sed & sputum tussiendo eiectum, uti βήρυμα eidem tam tussim quam sputa significat conf. Aut. Meniot Diss. pathol. P. II. p. m. 476.

x) Galen. I. morb. vulg. Comm. I.

et humescunt, in quibus inueterata mala vim bronchiis inferunt, & morbosum ruptis cataractis admittunt, ut in phthisi, empyemate, peripneumonia, pleuritide aliisque huius generis adparet. Qui durationem tussis spectant, distinguunt in continuam & intermittentem. Illa stabilem ut plurimum in pulmone vel viscerum infarctu vel communi humorum corruptela sedem habent, ut causa tussiendo non eiici, certe non exhauriri possit. Intermittens vel vaga est, ut in scorbuto, vel periodica y), ut in paroxysmis febrium vel intervallis chyli ad pulmones delati. Inter tusses, quæ adfecta loca proprius designant, est pectoralis, stomachalis, hypochondriaca, splenica, catarrhalis, rheumatica, & aliæ, quarum partim ratio ex dictis constare potest, partim in medela plenius constabit.

### §. IX.

Illæ specierum, causarum & eventuum varietate, quæ in tussientibus plus vel minus ad illud malum dispositis se offert, nititur, præfagiorum fides. Benigna tussis, in qua Natura digerendo expellendoque sibi sufficit, pulmonem sæpe salubriter moderato motu & inter mobilia ac cocta sputa expurgat, certiori fide vernalis quam autumnalis. Quamvis enim major sit pulmonis dignitas, quam ut emunctorii vices gerat, hoc tamen adsuetis obstruendum temere non est, nec derogat nobilitati visceris vilitas ministerii toti corpori salutaris. Præstat tussis humida, quæ consumit vel minuit mali causam, præ sicca, quæ nihilejus excludit. Quævis tamen tussis diu perseverans & sæpe repetens phthisin minatur, maxime si corrupto & ulceroso fomiti aditum parat, & inter acres catarrhos, hæmoptoen, dyspnoeam, agrypniam & febres luculento obruti pulmonis signo infestat. Triste hic leuamen est, partem mali extussire inter perennes, qui

y) Talem periodicam tussim G. *Hannæus* notavit in focero D. *Luja*, quem illa per binas hebdomades hora vespertina concussit, & vale vomitu dixit. v. *Eph. N. O. D.* 2, A. 7. O. 148. p. 291.

adfluunt, novæ corruptelæ rivulos 2). At etiam funestius est, si febile hoc tussis & sputi beneficium suppressi, nisi metastases ad aures vel vias lotii contingant, quia suffocatio imminet, vel ru-bentes in cute pustulæ emergunt, ante obitum ex præfagio HIPPOCRATIS a) exasperatæ. Ita IOD. LOMMIUS b), si humida tussis in siccam transiit, pectore nihil levato, febres putridas vel hæcicas ominatur. Ubivis sputi indoles & symptomatum satellitium prognosin firmat. Tussis sicca non sine spe salutis tempe-stive humescunt, ut in febre ardente, pleuritide, peripneumonia, angina aliisque. Ubi & illud noto, HIPPOCRATEM c) in febre ardente a tussi sicca & levi diminutam sitim derivare, quod aridæ fauces isto stimulo humectentur. Pertinacissimæ tussium species sunt a scirrhus pulmonum vicinarumque partium, vix autem aliæ funestiores & citius suffocantes, quam in cynanche, in primis si cum larynge simul oesophagus laborat. Hydropicorum etiam, qui ex hepate adfecto tussunt, teste HIPPOCRATE mala tussis est d), gibbosis autem ex anhelitu & tussi ante pubertatem exitum impendit e). Tussis a repressis exanthematibus natæ his revocatis tolluntur, aliæ a tumore pedum solvuntur, f) aliæ, si dolor fortis ad coxas vel crura vel testem irruit g). V. RIEDLINUS tussim notat arthritide solutam h). Metuenda vero omnis a repulsione tussis est, sive ex scabie, sive ex tumore pedum discusso, sive abscessibus & fomiculis intempestive consolidatis noxium intro vergat. Nam semper mala metastasis est a locis inferioribus ad superiora, ab externis ab interna, ab ignobili-  
biliori-

2) Nota tamen hic illud G. E. Stahl in *Satyr. Haru. c. 27. p. 186.* raras purulentas tussis esse, & male ad illas referri pulpofas & subvirides, quæ tenuibus & acerbis plus levant.

a) *Coac. Prænot. Op. T. I. p. 543. II. 162.*

b) *Obs. med. L. II. p. 120.*

c) *Secl. IV. aph. 34. Op. T. I. p. 87.*

d) *Op. T. I. p. 106. XLVII. 1. conf. Galen. in I. c. I. it. p. 707. v. 24.*

e) *Secl. VI. aph. 46. Op. T. I. p. 101.*

f) *Hipp. Op. T. I. p. 687. I. 44.*

g) *ib. p. 707. v. 23.*

h) *Lin. med. A. 5. Maj. Obs. 24. p. 519.*



bilioribus ad nobiliora, denique a locis facillioris excretionis ad loca difficilioris. Neque hinc tussim metastasi ad pedes solutam nimis laudamus, quia loca hæc & nervis abundant, & excretionis opportunitate carent. Tussis infantum convulsiva non sine crebra strage est, quod tenellum corpus tantis injuriis ægre resistat. Senum tussis mitior est, sed comes plerumque ad mortem usque. Sæpe post febres tussi & scretu viscido magis laborant senes, sed hos bono animo esse iubet i) TH. SYDENHAM, modo eorum vires cardiacis reficiantur, De singularibus noxis tussium, herniis, gibbis, abortibus, hæmoptoe aliisque supra diximus.

### §. X.

Mitem & benignam tussim in corpore puro impune licebit genio suo permittere, cito enim deslagrat, quod sine fomite est. At malam tussim ut pectore expellas, cunctandum non est inter tot noxas per moram metuendas. Quæ specifica iactantur, in illa causarum varietate spem nostram nimis eludunt. TH. WILLISUS in tussi sine febre nil præstantius esse ait, quam tincturam sulphuris cum syrupo violarum vel hederæ terrestreis mane & vesperi propinandam. Exinde vero aliquoties sanguinis sputum natum esse testatur CHR. HELWICH k). Dulcia communi fere consensu laudantur, at IOS. LANZONUS l) male spem salutis in dulcium rerum virtute poni, quin & morbum inde immedicabilem reddi iudicat. GALENUS m) scyllam, lentiscum, marrubium, helenium & alia laudat. CELSUS n) hyssopum, Diosco-

i) *Oper. p. 66.*

k) *Eph. N. C. D. III. A. 5. § 6. O. 195. p. 455.*

l) *Anim. ad medic. 60. Op. T. III. p. m. 455.* At sui mox oblitus in T. II. *consult. 6. § 65.* laudat ipse in tussi syrupos de hyssopo, liquiritia, capillis veneris &c. Gravius *Gid. Harveus* sacchari fallacem lenitatem damnat, mox rodentissimæ acrimoniæ ream, quam sic vindicat G. E. *Stahlius*, ut saccharum nec nocere multum nec iuvare censet. vid. *Not. in Satyr. Haru. p. 188.*

m) *Cl. sp. p. 95. D. 90. F. 88. D. 91. H. §c.*

n) *Med. L. IV. c. 4.*

Dioscorides o) acetum, Plinius p) cochleas crudas cum aqua repida tritas. At in his nihil est, quod constanter inmo quod crebro profuit. *Quercetanus*, qui syrupo hederæ terrestris tussim cum pulmonum ulcere se toties sanasse gloriatur, mendacem vocat GED. HARVEUS q), quin & mali doli arguit *Forestum*, *Valleriolam* & alios, qui conservas rosarum & similia extollunt. Et quam fidem G. BAGLIVIVS r) merebitur, qui oculos cancerum commendat, si tussis nulli medicinæ auscultet? In his inquam & centum aliis, neglecta tussis indole & causa, plus fortuiti est quam certi & solidi præsidii. At singularibus tussibus singularem medelam accommodare nimis diffusus labore esset. Liquere existimo, tussim ab aliis morbis pendentem non nisi his sublatis cedere, sic in tussi acutarum febrium, quæ anginas, pleuritides & peripneumonias comitantur, unice convenire, quæ his medentur, sectionem venæ, clysinata, fomenta, potus diluentes, & halitus ad os pulmonesque admissos; in phthisi si quid spei est, in ulcere per expectorantia repurgando, per resinosa ac balsamica consolidando & puris corruptela inhibenda consistere; in luxata vertebra, quæ ex mutato situ spinæ dorsi colligitur, vel costa fracta intus prominente non quieturam tussim esse, nisi utraque in situm pristinum restituatur. In his & similibus cum ad primarium morbum tota tussis medela pertineat, suis tractandam locis relinquo.

## §. XI.

Species quasdam sigillatim intueri liceat. Tussis catarrhalis cum coryza, grauedine capitis, gravitate & lassitudine corporis coniuncta multum eiicit mucosi, eoque exhausto plerumque spon-

te

- o) Cuius hoc de aceto iudicium: *βῆχᾱ χροῖαν πρᾶνεις, τὸν δὲ πρόσφατον ἐρεθίζει de mat. med. L. V. c. 21.* Idem daucum vocat *βῆχᾱν χροῖαν πρᾶντικόν l. c. L. 3. c. 83.*

p) *Hist. Nat. L. 30. XV. 14.*

q) *l. c. cap. 27. p. 148. & 186.*

r) *Prax. med. L. 1. p. m. 115.*

te definit. Non id frigori solum debetur, statim in glandulis membranæ pituitariæ, & decubitus deinceps in partes proximas parienti, sed & morbi chronici dantur cum miro deliquio humorum huc vel illuc decumbentium. Lacrymantur oculi, destillant nares, saliva os occupat, nunc etiam ventriculus vel alvus vel lotium simili exundant colluie. Qualis lymphæ si acrimonie expers ad tracheam decumbit, sputum copiosum sine memorabili tussi parit, at pro maiori gradu susceptæ acrimonie humida tussis crebrius sollicitat. Nihil in tali humorum deliquio præstat, quam roborantibus illud sistere, partim inspirato halitu mastichis & thuris soluta siccare, partim a pulmonibus ad exteriora derivare. Tussis rheumatica species ferina est curatu difficilior. Velut rheumatismus acutus & chronicus inter morbos diuturnos & ægre sanabiles pertinet, sic tussis ex acri rheumatico nata medentum auxiliis perniciacius resistit. Iuvat rheumatismum & tussim huius originis in corpore robusto & debili ob medelæ varietatem distinguere. Nam in robusto nascitur ex frigore ad corpus æstuans & exercitatum admissio; in debili ex præcedentium morborum, ut scorbuti, residua labe. Cum in robusto quidquid est humoris excrementitii, plus acrimonie per motum vitalem adquisierit, hinc si naturali lege viis consuetis non expellitur, sed ingruente subito frigore retinetur & figitur, partes, quibus incumbit, gravius mulctat, & tunc circa loca spiralia internamque tracheæ membranam, quippe frigori plus expositam, excitat tussim pertinacem & siccam, quæ nihil fere mali stimulo isto excutiet. Circa mobiles artus & tenuia ligamentorum vasa horrendos illos dolores rheumaticos gignit, ubi tenue illud & noxium in novis sedibus irritans, nec more aliarum inflammationum impus abit, nec ita attenuatur, ut perspiret. Tussis hæc rheumatica robustiorum ob sæviorem impetum ad pectus & caput viæ sine febre est, hinc ut impetus compingens remittat, & acre irritans eluatur, post iteratas venæ sectiones & alui purgationes serum lactis cum sale polychresto summæ utilitatis est, vitato esu carniū, aromatum & vini, exhibitoque vesperti leni paregorico. At debiles rheumatici, quos a prægressis morbis relicta labe occupat, velut sæpe morbi acuti chronicorum semina relin-

Z z 3

quunt,



quunt, haud venæ sectione & purgantibus in illa virium inopia iuuantur, licet, si semel & modice utroque remedio ab initio utaris, non repugnemus. Plus autem spei erit in vesicatoriis & epispasticis, vel etiam diaphoreticis, quod mobilis materia extrorsum sit derivanda, & simul contra internæ corruptelæ progressum balsamicis & roborantibus pugnandum. Ex neutra parte malum bechicis & mollibus cedit, quibus si tota obduci posset interior tracheæ superficies, acre illud intra vascula membranæ latens non exuet stimulum. De stomachali tussi illud urgeo, quidquid mollium & mucilaginosorum est, quæ pectoralium nomine laudantur, hic appetitum & cibi coctionem magis destruere, menstruum ejus hebetare, & tussim huius originis magis confirmare. Colligimus illam ex nausea, cardialgia, vomitu, quo postremo vix ventriculus euacuatur, cum sæpe cedat tussis. Igitur qui ventriculo plus distento tussunt, vel colo infarcto vel mesenterio, post liberatas per vomitus, clysteres & purgantia primas vias, tonicis & stomachicis egent, qualia sunt radix zedoariæ, gentianæ, myrrha & alia. Non ab hac classe multum abest tussis hypochondriacorum & hystericarum, quæ tamen conuulsiva magis antispasmodicis & paregoricis vincitur. In splenicorum tussi, quam male a catarrhis derivari Gu. BALLONIUS notat, idem iubet repurgatum corpus lacte asinino & balneis renutriri. Erit si ad generaliora attendimus, plus lucis in singulis.

## §. XII.

Humidam tussim exinde natam, quod iners mucus relaxata laryngis & tracheæ latera obsidens cumulari, stagnare, corrumpi, & sic sensim stimulis in tussim armari incipiat, cum successu oppugnant halitus ore & naribus admissi, quos pulveres olibani, mastichis similesque, vi siccandi roborandique & corruptelæ progressum inhibendi præditi super prunis candentibus expirant. Siccam tussim halitus potius bullientis aquæ per os ad partes siccas humectandas cum aere inspirati corrigunt. Plus ægris fiduciam conciliat, si aqua ejusmodi inhalanda cum herbis mollibus & pectoralibus prius cocta sit, licet ex his nihil fere virtutis aquam ad-

adscendentem sequatur. Si tussim siccam acutiora symptomata comitantur, dolentis capitis, rubentium oculorum, tumentium venarum cum magno aestu & flamme aurina, nihil fere par est sectæ venæ præsidio. Præterea enim, quod nisi vasa detumescent, pronior sit in hæmoptoen ex ferocia concurrentis tussis transitus, tum quoque hic opportune opposita venæ sectio temperat in æstuante corpore impetum, lentorem minuit, & causæ densantis siccantisque avertit iniurias. Id tamen ad tusses epidemicas malignas catarrhales, quas Sennertus scribit omnes fere ægros post venam sectam peremisse, ideo nolim sine discrimine collaudare, quod tenues illos stimulos ad excretionem cutaneas salubrius determinandos introrsum magis rapiat & figat intempestive administrata venæ sectio, in primis cum in illis corporibus rara sint inflammationum in maioribus vasis vestigia. Sane in epidemiis illis malignis certum medicamen nequit designari, genius diversæ nimis malignitatis sollicita observatione eruendus & eneruandus est. Ubiuis medici attentio sedem irritantis ad tussim materiæ & opportunitatem excretionis per has vel illas vias expendit. Si tussis materiam primæ viæ suggerunt, præ omni bechico purgans convenit, cujus alioquin usus, si vitium in pectore hæret, suppresso sputo potius noceret. Plus etiam in priori casu emeticum prodest, si saburra ventriculum gravat, partim quod hanc cito evacuet, omni coctioni, quæ probos humores pectori parat, rebellem, partim quod sputum in trachea tenacius a concussu illo ventriculi & vicini oesophagi mobilius reddatur. At id in stomachalis tussis specie jam paulo ante patuit. Ipsi pectori laboranti iustius exhibentur diuretica & diaphoretica. Constat, in morbis pectoris lotium crassum & saturati sedimenti non sine levamine secedere, ipsum aliquando pus nato in pectore abscessu cum lotio salubriter evacuatum esse. Et quis diaphoreticorum non agnoscat usum, cum tussis catarrhalis ex inhibita perspiratione tam frequens sit. Quanto plus huius humoris, cujus acrimonia arguitur, per cutem exhalat, tanto minus restare videtur vitii pulmones irritantis. Quandoquidem vero acria fortiora & crassiora ob spasmos cutaneos exhalant minus, ideo artis opus non contemnendum est, vias novas parare, epispasticis & vesicatoriis

toris ad crura admotis. Rodentem sæpe acrimoniam produunt, quæ effluunt his viis, mitescente statim tussi. Id vero a perenni fonticulorum actione rectius expectes, ubi acris humorum cacochymia omnes secretionum fontes inquinans tussim continuam parit, quam habitualement vocant. Spem alunt nimis dubiam, qui acria illa crassis, mollibus, mucilaginosi, pinguibus, oleosis involuere & obtundere nituntur. Et quid horum facile accesserit ad acrimoniam in trachea tanquam præcipua sede hærentem? non ex cavo oris, unde in laryngem nihil horum per naturam admittitur, nisi quod blandus linctus asperitatem in supremis ipso transitus momento nonnihil demulceat; neque ex arteriis & nervis, unde nihil inerrantis ad loca adfecta separatur. Quod ipsum si fieret, plus esset a virtute illa obstipante, & loca, quæ attingit, relaxante periculi, & major foret metuendus infarctus & colluviæ peior. Neque illa remedia, quæ hoc nomine traduntur, quasi acris inertiam concilient, talia vero sunt, uti mel, saccharum, succus liquiritiæ, syrupi pectorales, & alia, quæ saponacea abstergunt & resoluunt. Saccharum detergit inflatum oculis, mel auribus infusum resolvit concretum cerumen, sic neutrum caret acrimonia, nedum alienam corrigit. Crassiores autem pinguedines olea & balsama non modo labefactant vim coctionis primarum viarum, sed & in corpore calente, vel recepta inter longas moras transmittente rancefcunt, & ex miti genio asperum adquirunt. Sagacior quoque Natura his ipsis per exilia lacteorum ora præcludit aditum, eo magis, quo plus susceperunt per corruptelam alieni stimuli. Neque anodyna excusativius commendamus in nimia visciditate & acrimonia per languorem interni motus nata, & ad tussim impellente: plus enim inde vires cadunt & inter torpentes justæ excretionis stimulos morbosum accumulatur. Quis vero nescit, vulgaris medicinæ usum haud aliis crebrius armis, quam infidis illis & suspectis adversus tussim pugnare? ut inter præscriptas formulas oppido paucæ sint, quæ crassorum pinguium & narcoticorum nomina tanquam triariorum non gerant in fronte.



## DISSERTATIO

DE

TENUITATE HUMORUM  
TEMERE LAUDATA,

PUBLICE PROPOSITA

GOTTINGÆ, D. 25 APR. 1756.

RESP.

EDUARD. JAC. LUPIN.

RATISBONENSIS.

## §. I.

**B**landos esse inquilinos corporis nostri humores oportuit, ne perenni motu suo per vasa tam tenera lædant: lentos præterea esse & in concretionem pronos, ne nimis celeriter dissipentur. Uterque character est humoris nutritii, qui locis reparandis nutriendisue applicari sine offensa, & sub amico amplexu solidescere debuit. Igitur non tam solícite scrutamur partium aquosarum, salinarum & terrestrium, quibus fluida nostra constant, proprias dotes, quam novas illas sub mutuo vinculo emergentes, quarum ope tam benigne permeant corpus & tam dextre reficiunt. Hic totus naturæ scopus est, ut alimenti capiendi, quod utrasque dotes complectitur, desiderium in nobis accendar. Carnes animalium, quam manifestum gluten habent? frumenta & legumina, quantæ tenacitatis sunt? atque ex his proprie reficientis chyli suppetiæ intro feruntur. Pergit naturæ providentia & expressum

sum ex dictis chylum adhuc tenuem nimis & diffuentem actione vasorum & cocti compactique humoris miscela densant, roburque corporis, quod semper solutis humoribus dissolvitur, hac lege sustentat. Potentius nihil putredine dissolvit, ad quam cum totius corporis in solidis fluidisque partibus tam præceps via sit, sapientiæ naturæ congruentissimum erat, inhibere hujus deliqui periculum, & salutarem humoribus spissitudinem, quam tamen leges communis fluxilitatis ferrent, conciliare. Hinc tenuis chylus, qui vim interni motus fortius compingentis aliquamdiu sustinuit, in lac abit, ad caseosum illud coagulum proclive, cujus ignarus chylus erat. Lac sub continuata vitalis motus actione in serum transiit, cuius in fervente aqua, quæ lactis fluorem non sistit, momentanea nascitur & immeabilis spissitudo. Serum denique inter protractas easdem compingentis vitæ rationes, dum in sanguinem convertitur, quanto iam majorem concresecendi nisum exerit? sub sola nimirum quiete, sub qua serum nondum fluidi naturam exiit. a) Id certe ex dictis evincitur, ut corpus nostrum contra putredinis causas quotidie ingruentes persistat, ut damna perpetuo attritu illata repararet, ut denique præmaturum fluidorum ex vasis suis, in quibus ad ministeria corporis præparantur, diffluxum cohibeat, opus omnino fuisse spissioribus fluidis, quæ non nisi sub moderato calore motuque vitali fluant intra vasa, extra illa facile & ultro concrecant.

## §. II.

a) G. W. WEDELIUS sanguinem ramosum fibrosumque sub microscopio delineat *v. Eph. N. C. D. II. A. V. Obs.* 56. F. RUYSCHIIUS exhibet membranam ex proprio sanguine, quem ramulo foliis minoribus prædito quassavit, confectam. *v. Thes. Anat. VI. Nro. 7.* & in primis ipsam *Fig. VI. in T. III. Thes. VII.* Addit, dum talia ex sanguine producantur, multos, qui excretiones vterinas, hanc vel illam formam ex mora adeptas viderint, pro monstris vel alia solidiori massa habuisse. Mirabile est, quod P. BORELLUS *Obs.* 93. *Cent. IV.* de crassitie sanguinis habet, potuisse nimirum in quodam homine non nisi ex vulnere trium digitorum transversorum inslicto, elici, licet vasa ampla & apparentia essent.

## §. II.

Non illud repugnat ideæ salutaris spissitudinis, quod sanguis majora vasa occupans, omni seriei decreſcentium vaſorum deliquio partium ſuarum tanquam ex communi penu proſpiciat, debitumque iis commeatum largiatur. Nam rationem ſi inire placuerit minorum vaſorum, humores, qui illa intrant, minime deſectunt ab eadem, quam paulo ante poſtulavimus, iuſtæ conſiſtentiae norma. Ita ſtructurum eſt corpus noſtrum, ut ex tot ordinibus fere infinitis vaſorum, primus ordo omnem vitæ theſaurum continens, pro reliquis laboret, lentaque & ſucceſſiva molecularum ſuarum reſolutione id, quod tenuius eſt, in ordinem vaſorum gradu proximum transmittat, hic ſimili officio tertium impleat, hic quartum, & ſic per coctionum ſecretionumque definitas operas ultimis tandem, quod tenuiſſimum & mobiliſſimum dici poteſt, committatur. Hæc ſanitas corporis eſt, communione, fluxuque & reſluxu elaboratiſſimorum humorum internas externasve omnium partium functiones ſtabiliens. In qua quidem non diſſitemur, craſſiores primorum vaſorum humores ex ſinu ſuo ſenſim præbere, quæ per tot gradus majoris ſemper tenuitatis ad minima vaſa penetrent; id vero ſimul aſſerimus, eandem etiamnum proportionem perſiſtere inter minora vaſa & propria iis liquida, quæ fuit inter maxima vaſa & ſanguinem: quod inviolabilis illa naturæ lex, quæ compingit humores, nuſpam in vivente corpore deficiat. Si in ſubtiliſſimis liquidis definiri nequit, quid materiæ & virium ſub molecularum ſuarum volumine gerant? quem niſum habeant concreſcendi? merito tamen a communi cauſſa in omnes corporis partes influente, ad communem effectum argumentamur. Rem certe illuſtrant illa, quæ in opere ſecretionis tam tenuia ſunt, ut ſenſum fugiant, mox accumulata ſenſibilem craſſitiem produnt. Reſpicio hic potiſſimum ad gluten illud, quod partes tantum non omnes corporis pro motu lubricat, mutui attritus damna & iniuriæ ſenſum arcet, cum-



cumque vicinis concrefcere prohibet. *b)* Non in ore ſolum, pharynge, oefophago & inteſtinis, tanquam locis ab ingreſſu crudorum acrimæ magis defendendis, vel in viis reſpirationis tenue illud gluten exſulat, ſed & interioribus partibus, veſicæ, urethræ, muſculorum vaginæ & oſſium iuncturis adſpergit, ut eo deficiente, varia mala germinent, tormina in inteſtinis, ſtranguria in urethra, deleterus oſfactus in naribus, crepitatione oſſis cum rigiditate circa ligamenta & tendines articulorum, lippitudo ab affectis limbis palpebrarum & alia. Machinulæ in hunc uſum tam ubertim per corpus diſtributæ confirmant, illa etiam ſecreta, quæ in momento ſecretionis vix tenuiſſimum halitum referunt, ex partibus ejusmodi, quæ facile inter ſe coëunt, immo ſi extra vitalem motum poſitæ ſibi relinquuntur, ſenſim dureſcunt, conſtare. Et quid mirum, ſecretorum proprietates iis, quæ in ipſo ſanguine deprehenduntur, ex quo emanant, eſſe congenereſ, & hinc blandam illam indolem, quæ nullo ſtimulo offendit, retinere?

### §. III.

Igitur dum animus eſt, nimiam humorum tenuitatem accuſare, tanquam ab inſtituto naturæ abhorrentem; ſponte patet, me illam intelligere, quæ celeri fluidorum e vaſis continentibus elapſu, horum in denſando, coquendo, aſſimilando operam eludit, & neceſſariis ſuppætiis defraudans, marcoreſ, conſumtiones & interitum corporis minatur. Neceſſe ſane eſt, ut humor, qui intra vaſa ſua mouetur, iuſtam moram neſtat, nec viribus illis vaſorum ſalubriter mutantibus, & iniqui humoris characterem imprimantibus, ſimulque ad ſervitia in minoribus vaſis præſtanda præparantibus haud temere ſe ſubducatur. Non audiendi ſunt THEODORUS CRAANEN, CORN. BONTEKOE & tot alii, quibus cum ſpiſſitudine humorum perpetuum bellum eſt, & in attenuantium remediorum uſu omne propemodum artis decus & præſidium collocatur. Huic nempe ſcopo ſi ſatiſfecerint, omnia ſibi videntur circulationis obſtacula removiſſe, quæ tanquam vni-

*b)* Conſer. ill. van SWIETEN *Comment. in aph. Boerhaav. T. I. p. 95. § III.*

unicam morborum causam considerant. Quidni, si id sperent, sola aqua tam meabili tutam ab omni offendiculo circulationem, adeoque perennem vitam promittant? d) Non attendunt, quam bene procedat circuitus humorum in exercitato sanissimorum rusticorum corpore, cui, si sanguis detrahatur, placenta statim est, quæ vix guttam stillat. Neque illud respiciunt, dum debili puellæ & de valetudine sua perpetuo querulæ sanguinem extrahunt, quam tenuis, aquosus diluteque ruber ille sit, in quo nulla videatur desiderari posse iustæ fluxilitatis conditio. Eiusmodi vero puella ad levissimum motum languet, anhelat, & sudoribus diffluit: illi e contrario inter vehementissima exercitia, quas summo virium robore per integros dies sustinent, vix levissimum cutis madorem sentiunt, nec sub onere suo deficiunt, nec obstructionum laborant virio.

#### §. IV.

Contra illos igitur homines dum fruenda est acies, absit in contrarii erroris scopulos impingam. Noxiæ spissitudinis humorum causam minime tueor. Viderunt illam adversarii nostri perspicacius, quam tenuitatis, cui tantopere applaudunt, damna. Verissimum est, lenta ex naturæ decreto liquida nostra, si maior lentoris gradus accedit, vix meabilitatem suam per tam angustos corporis meatus vindicare. Motus sane & calor naturalis, si nimis elanguescit vel gravius intenditur, utrinque coagula sanguinis producit. Prius in crebra syncope adparet, qua velut ab externa quiete coit sanguis, unde dirissimæ cordis palpitationes sequuntur, ex sanguine nimirum in majoribus alveis circa cor & vasa ejus stagnante & polypescente. Ita MARC. MALPIGHIIUS

d) H. BOERHAAVIUS, si fieri possit. inquit, ut totus sanguis aqua esset, homo animal esset *νιξεποσίον* immo vero *ωπόσιον*. Neque enim sanguis in vasis rubris retineretur ab angustia vasorum minorum, sed efflueret undique ad citam mortem, neque quidquam ad cor redieret. vid. Comm. ill. HALLERI T. VI. p. 47.

ex terrore, qui subitam statim parit, polypos cordis deduxit. Quorsum ipsum frigus pertinet, similem humoribus quietem inducens, plus etiam per spicula glacialia figens: unde ipsæ partes solidæ a congelatis humoribus duræ & fragiles evadunt. Posteriorius in morbis acutis conspicitur, quorum initio sanguis adhuc probus fluidusque, unius autem vel alterius diei intervallo densissimus reperitur, & tenaci crusta obductus. Tantum potest validior motus intra tam breve tempus efficere, dum tenaci discusso reliquum compingit. Patet inde origo difficillimæ respirationis, anxietatis, comatis, deliriorum, similiumque phænomenorum, ex impedito videlicet transitu spissioris jam liquidi per vasa arctiora pulmonum maxime & cerebri. Spectat huc, quicquid excalefacere corpus & exsiccare solet. Combustio in quam scissilem massam sanguinem serumque statim reducit, ut nulla in resolutione spes supersit? Illa verò æstiva itinera cum potus penuria in regionibus calidis tam vehementer siccantia, quam graves ibidem abdominis hypochondriorumque infarctus pariunt? quam copiam melancholicorum & maniacorum, veterum Græcorum nobis monumenta hic exponunt? Neque in his subsistunt pericula crescentis spissitudinis humorum. Ab acido fossili grave metuentum humorum coagulum est, quippe cuius paucae guttæ in venas viventis animalis iniectæ inter summas anxietates suffocant; dum sanguis, ab illarum actu in crassiores statim thrombos coiens, circa angustias pulmonum sistitur. Quod etiam de austeris valet, in quibus acidum sub terrestri vinculo adstringit potentius, ut in alumine & vitriolo elucet. Bene est, quod & acidis illis & austeris viæ ad interiora minus pateant, & quod ad stimulos illos lacteorum & absorbentium vasorum oscula se contrahant. Justior metus in spirituosus est, quæ admittuntur facilius & multorum gulæ blandiuntur: unde in illis, qui spirituosus fermentatis abuti solent, viscera scirrhusa & indurata reperiuntur.

e) Omitto absorbentia, olea & alia, quæ humoribus ultro concre-

e) *vid. Hist. A. R. S.* 1706. *Obs. phys. V. p. 28.* Feminam 45. annorum vino vulgari & aquis vitæ adlietam, cum his aliquando admodum ebria post duodecim horas exspiraret, secuit cl. LITTRE. Reperit sangui-



crescentibus nova vincula iniiciunt. Sic minime inficior, nocentissimæ spissitudinis discrimen inter has causas corpori nostro imminere. Supra gradum consistentiæ, quæ naturalis est, facile humor obstruit, infra illum facilius dispergitur.

### §. V.

Hæc itaque nihil impediunt, quin spissitudinem humorum, licet gradu aliquando excedere & morbosa fieri possit, magis convenire naturæ scopo quam tenuitatem eorum contendam. Agnosco aquam, cui tanta vis diluendi est, principatum tenere in humoribus nostris: agnosco, sales, quibus virtutem solvendi attenuandique nemo negat, iisdem inhærere: ab utrisque necessariam humorum tenuitatem & naturæ congruentiorem pendere, nondum agnosco. Latent subacti sales, nec nisi per inchoantem putredinem evoluti dissolvunt humorum vincula. Adeo latent, f) ut sanguis cum reliquis humoribus fere insipidus sit, & neque oculum tam sensibilem, neque crudum vulnus offendat. Aqua sub reliquarum partium connubio plurimum pristinae tenuitatis amisit, g) & ne futiliter argutemur, refragante experientia, ipse ille sanguis, ex cuius duodecim uncis facile decem aquæ destillando obrinebis, externa quiete in placentam penitus coherentem, nec

nem nigrum, crassum, coagulatum; lienem, pancreas, hepar, pulmones & magna glandularum agmina exsiccata, scirrhusa & maiori parte veluti petrescunt. F. CLAUDERUS meminit senis, spirituosus potus amantioris, unde non modo corpus exsuccum redditum, sed & summa mentis stupiditas & memoriæ læsio nata. v. Eph. N. C. Dec. II. A. 8. Obs. 220. p. 542.

f) Latent intricati, sopiti, inertes, etiam inspissato iam sanguine, nisi violento igne extorqueas. v. BOERHAAV. Elem. Chym. P. II. p. 357.

g) F. HOFFMANNUS in diff. chym. p. 208. aquam sanguinis citius avolare ait, quam aliam aquam in simili quantitate loco & vase. At impar in humano corpore est cohesionis gradus, & aquæ a reliquis partibus difficilis sæpe secessus, ut in robustis post magna exercitia. Capta experimenta hic non quadrant, quod sanguis, qui sub prelo cordis agentis & arteriæ resistentis plus ponderis & soliditatis acquisivit, quam erat in

nec nisi pedetentim liquefcentem, constanti in sanissimis hominibus experimento coit. Quis ossa & cornua vetusta animalium negat solidissima & siccissima esse? sed ex iisdem quantam aquæ copiam ignis extorquet? Eadem aqua specie etiam pura, dum congelatur, manifeste solidescit. Certe ratio non suppetit, quæ ex prædominio aquæ in fluidis nostris contra assertam horum spissitudinem tutò concludat. Addo, maximam partem aquæ & salium chylo tantum, ut commodius faciliusve transeat, vehiculum præbere & stimulum, quibus rite peractis celeriter satis cum latio elabuntur, vel aliis etiam excretionum viis dissipantur. Par erat, ut abundaret aqua ad tempus pro acribus, attritis, effœtis partibus eluendis, quo officio crudi potius, qui corruptorum livio feruit, quam inquilini humoris nomen meretur.

## §. VI.

Propius vitia illa inspicemus, quibus tenuitas humorum laborat. Primum illo hominem robore spoliatur, quod vigorem omnibus functionibus inspirat, & in iisdem diu ac sine lassitudine exercendis optabilem constantiam parit. Hæc enim H. BOERHAAVIO *b)* princeps signum est corporis ad firmam sanitatem magnamque longævitate dispositi, pro cuius durabili compage opus erat eodem iudice *i)*, inter alia sanguine crasso, qui extravasatus concrevit cito & satis valide in molem tenacem, nec minus reliquis humoribus tenacibus, copiosis, blandis *k)*. Illi, quibus id beneficii per naturam non contingit, in primo fere opere, quod aggrediuntur, fessi ac anhelii desistunt. Palam est, robur

chylo, iam vena elicitus & a causis prementibus liber sub maiori volumine fit levior, solubilior & aquosi secessus promptior.

*b)* *Institut. med.* §. 883.

*i)* *loco cit.* §. 885. n. 6.

*k)* Inde sine dubio in ipsis melancholicis tanta laborum constantia notatur, quod sanguis tenax parum ex se seceruat, & mutationis vix capax nullam fere lassitudinem, quæ a consumptione est, pariat.

robur corporis maioribus maxime vasis & densiori in iis sanguini deberi, quippe cuius a corde propulsi motus ad omnes decrescendum vasorum ordines proportionato gradu pertingit. Quis non agnoscit, nullum esse in minoribus vasis motus momentum, quin a maioribus defluat? Igitur, si vis cordis sanguinem parcum & tenuem arteriis infundit, non ea vi expandet earum latera, quo contenta in horum vasculis liquida iusto impetu propelluntur. Ut parcum considero sanguinem illum, cuius ob exiles moleculas longa in maioribus vasis mora ad suscipiendas inquilini humoris dotes esse nequit. Dum vero ut tenuem considero & levem, patet iam talem esse, qui motum, cordis actione in arterias plenas elasticas & convergentes impressum, cito amittit. Mensura enim motus velocitas & densitas est. Quo densior igitur sanguis, quo plus materiæ & ponderis, eo etiam plus virium & actionis habet, & eo constantius vim motus impressi adversus obvia obstacula tuetur ac continuat. Quandoquidem vero ex his virtus coquendi, subigendi, assimilandi & a corruptis repurgandi pendet, ab hac vicissim magna corporis contra morborum causas resistentia nascitur; palam est, quantum præsidii naturalis in statu opposito pereat.

## §. VII.

Nondum illas corruptelas attingo, quæ humoribus tam tenuibus imminet, dum actioni vasorum coquentium & mutantium se fuga tam præcipiti subtrahunt. Ponam tantisper blandos & innoxios esse, nec alius vitii quam tenuitatis reos. Hæc sola inter subita dispendia exhaurit: quid enim gradum sistat liquidi tam mobilis, quin per lateralia exhalet? Non, quod adversarii aiunt, idea salutaris fluxilitatis, sed consumptionis, nulla fere arte cohibendæ, inde oritur. Nascuntur διαπνοή & νεφραγγεία, quæ exsiccant corpus, & fecibus alui liquidis, saliva, lotio, sudoribus, maxime nocturnis, exinanitum ad funesti marcoris limitem deducunt. Signa corporis hoc vitio adfecti obscura non sunt: ipsis enim sensibus se præbent solida, tenera & laxa, humores soluti & fluxus continui, subsequente emaciatione vasorumque collapsu.

*Richter's Opusc. T. I.*

Bbb

Pallor



Pallor adest & pulsus parvus, in fine convulsio & syncope. Neque iacturas illas sarcire licet ob virium moventium & coquentium penuriam: hæc enim novas suppetias eadem lege transmittit, ut intro admittæ cito dissipentur, certe ut e maioribus vasis elapsæ hæreant & stagent in minoribus. Cachexiæ nimirum, quæ humores nutritios corrumpit, duplex species est: altera corpus emaciat & extenuat, altera implet & distendit: alteram macies & consumptio, alteram tumor & colluvies, distinguunt. Ibi sufficit adhuc motus ad elapsum iuvandum: hic adeo languet vis propulsione, ut fluxilis per se humor extra illam constitutus stagnet & accumuletur, ad hydropem usque universalem.

### §. VIII.

Neque vero dissipati tenuis illum effectum reticebo, qui spissamentum obstruens relinquit. Certum est, tenuissimis etiam humoribus partes adhuc inhærere, quæ in mutuam contactum magis nituntur, & inter illa continuâ dispendia relictæ eo se arctius, tanquam a suis proditæ, complectuntur. Tenuē etiam lac sub suo deliquio partes caseosas sistit, quæ diffuente sero pressius colliguntur. Post sudores 1) lentor sæpe crescit ac residui immeabilitas, nec secus post diarrhœas, Saliva improba consuetudine vel abusu nicotianæ ubertim reiecta infarctus abdominales parit in hypochondriacis etiam & hystericeis metuendos, quoties sub graviore paroxysmo lotium tenue copiosius elabitur. Non dicam de ingenti fluxu post deciduas aphtarum crustas, nec alias commemorabo liquidorum iacturas, quæ etiam corpore, cui damnata nobis humorum tenuitas obici non potest, aliquando contingunt. In exemplo phthisicorum hic adquiescimus, quibus, quicquid ingeritur, nulla vi pulmonum viscerumque affectorum

1) Docet TH, SYDENHAM *S. V. C. II. p. m. 231.* quamdiu sudores victis iam febribus durant, ægrorum vires non resurgere, multos in tabem incidisse. Addit, succos recens advectos, dum non possunt vi corporis languentis assimilari, i. e. coqui & densari, ideo sudoribus expelli. Hinc vinum annosum malacense singulis auroris & noctibus sumtum commendat,

torum compactum, per relaxata cutis vasa dilabitur. His nempe nocturno sudore exhaustis mox surgunt pustulae rubrae in cute, stagnantis hic & obstruentis materiae non obscuro argumento.

### §. IX.

Frequentius longe & magis exitiale est utriusque vitii, tenuitatis & acrimoniae, connubium. Nam corruptela humoribus animalibus familiaris, ad quam ultro tendunt, est acrimonia alcalina, eo hic facilius oriens, quod vis motus vitalis, quae cohibere illam poterat, hic nimis elanguescat. Proinde mirum non est, in tot morbis chronicis debiliū hominum, ut phthisi & scorbuto, non modo tenues sed & acres humores reperiri. Communes putredinis causae, quoties humorem extra circulationis coctionumque praesidiaprehendunt, quoties stagnantem & suo generio permixtum in loco tepido offendunt, ex compacto tenuem, ex blando acrem, ex fixo volatilem reddunt. Gelatinosum illud & in filamenta ductile, in quo iam veterum doctrina humoris nutritii dotes agnovit, dissolvunt, & amicam naturae hanc tenacitatem destruunt: in nostro etiam casu, ubi huius gelatinosi coctique parum est, eo citius penetrant, quo solutior humorum compages resistit minus. Docet vero observatio, ut albumen ovi sic serum sanguinis, si semel ad putredinem vergunt, non amplius, ne ipso quidem igne, coagulari, sic vero nutrientis humoris indolem prorsus perdere; hinc in omni morbo, quem putris fomes interne alit, perire aegros atrophicos, inter sudores plerumque nocturnos & putridos alui fluxus. Quis nescit, urentissimos esse & summa vi solvendi erodendique instructos sales alcalinos, quos ideo inter venena febres excitantia DIOSCORIDES posuit? Non dicam hic perfecte alcalinos esse, sic enim primo contactus sui momento omnia destruerent: sufficit alcaliscentes concipere, quibus ad tenera vasa sensim rumpenda virium satis est. Fines vasorum sanguiferorum capillo centies minores non patent nisi armato oculo: quid minoribus longe & tenerioribus vasis contra hanc injuriam munimenti erit? quae ideo circa loca vitalia sine sensibili destructionis vestigio, quod peste defuncto-

rum examen illustrat, deleta subitam mortem pepererunt. In aliis locis effusa ruptis vasculis liquida brevi vel per corruptum pus, vel malignos ichores, latici communi humorum affusos, perimunt, ut sic conversis undique in suum exitium armis corpus succumbat. Mala illa, quæ ex suppuratione vel gangræna & sphacelo cum febre hæctica emergunt & sæpe erosio meseraicis diarrhoeas funestas excitant, illis superius recensitis opponimus, quæ simplici tenuium liquidorum difflatione in aliam tabis speciem, cum syncope & convulsionibus, transeunt.

## §. X.

Inter ipsos insigniores morbos, quos nocentissima illa humorum tenuitas comitatur, putridas febres refero, quibus id nominis impositum est a corruptela illa humorum nostrorum, quæ in veram putredinem transit, licet ante illam natam & consumatam perimat. Nunc tendunt in spissitudinem inflammatoriam, nunc contra in dissolutionem nimiam. Utraque febris continua est, & cum magna functionum læsione humores corrumpit. Altera crasso & immeabili sanguine majora vasa opplet, cum signis validæ inflammationis, magno æstu duroque pulsu; altera specie mitior, re ipsa malignior, remissiori calore & impetu, molliori-que pulsu in putridam humorum solutionem cum subita & inexpectata virium strage humorumque variis viis elapsu tendit. Ibi ex fide observationum, secta sæpius vena, mitia catarctica & clysmata, diluentia ac sine orgasmo solventia, ut nitrosa & acida & quicquid methodus antiphlogistica præscribit, prosunt. Hic infusa aromatica penetrantia, ut rutæ, scordii, angelicæ, similiumque; quæ vulgo alexipharmaca vocant, vires erigunt & latens illud malignum, epidemico sæpe contagio susceptum, abortis plerumque statim sudoribus dissipant: ubi locum minus reperit, quicquid novas virium ruinas aliarum excretionum copia & impetu minatur. Obscure definiri potest stimulorum illorum, qui corpus nostrum in variolis, morbillis, peste & similibus morbis malignis epidemicis ingrediuntur, natura: at viribus illis, quibus  
vel



vel inspissant vel dissolvunt *m*), æstimata suppetias artis indicat. Crebro fatis stimuli illi attenuant inter iacturas subitas humorum & virium. IO. IAC. WEPFERUS in febribus malignis & petechialibus hæmorrhagias narium, uteri renumque enormes, ob sanguinem tenuem, fluxilem & extrema referantem, notavit. *n*) Vidit missum secta vena sanguinem, diu etiam sibi relictum & quocunque loco repositum, nunquam concrevisse *o*). Id postea observavit in pessimis variolis, toties per hæmoptoen & mixtum sanguinis in primo etiam morbi stadio funectis. Propterea TH. SYDENHAM in pessima confluentium variolarum specie periclitantes ægros fere unice servavit spiritu vitrioli, cuius vis est putre cohibendi, tenue inspissandi, ubertim exhibito *p*). Nec spiritus vini, qui insigniter disfluxum humorum compescit, spem meden-

*m*) vid. THEOPH. LOBB *of the small pox præf. p. 15.* Ubi ob medelæ oppositæ discrimen sedulo attendere ad inspissantis vel solventis miasmatis indolem jubet.

*n*) vid. *Hist. & nox. cicut. aquat. p. 52.* Ubi ideo in virgine leto vicina non nisi ichtyocollam in iusculo carniū dedit & emulsionem amygdalinas pro scopo incrassandi.

*o*) Ideo venæ sectionem fere nunquam nisi primo die, idque in plethoricis & adfuetis suavit. *ibid. p. 53.*

*p*) *v. Op. S. V. C. IV. p. m. 237.* Ubi hunc spiritum in tali morbo specificum vocat, qui omnia symptomata ad miraculum fere compescat. Sic vero paulo ante descripsit variolas confluentes, quod pustulæ earum fuligine nigredinem æquant, & ad eas maturas vix potuerit præfocatore accedere. Laudat amicissimum sibi D. CAR. GOODWALL, qui in febre continua, qua inter cruentos mictus petechiæ subsusci coloris collum, pectus, carpos, dense infidebant, scopo refrigerandi & incrassandi panatellas & oryzam. interne tincturam ex floribus rosarum & cortice interno quercus semineque plantaginis cum aqua & spiritu vitrioli paratam, dedit, cerevisiæ quoque spiritum vitrioli miscuit, denique conservas rosarum bolosque præscripsit. *v. Diff. Epist. ad GUIL. COLE Op. p. m. 383. Ibidem p. 384.* similem semper medelam commendat, ubi sanguis, nimia attenuatione, per vasculorum ora quasi vi exigitur. E contrario vetat eo spiritu uti in morbo, cuius medela purgantibus nititur. *v. Sched. monit. de novæ febris ingressu. Op. p. 523.*

medentis in his morbis fefellit. SACHSIUS cum FONSECA *q*) spiritum vini vocat præstantissimum in febre maligna remedium. CRATO *r*) aquam vitæ compositam in peste medicamentum regium appellat. IO. PET. ALBRECHTUS *s*) viri meminit, febre maligna, gravi delirio & siti inexplebili laborantis, copioso potu spiritus vini, quem appetit, penitus restituti. Nec dispar exemplum febris ardentis, spiritu vini sanata, habet IO. LUD. HANNEMANN *t*). Usus vini, etiam spirituosi, plus commendat auctorum consensus *u*). In peste Bredana, qua teste F. van der MYE *x*), immani hæmorrhagia intra quadrihorium perierunt ægri, & sanguis infectorum lividus, fœtidus, nec unquam concrescens adparuit, multa occurrunt huius loci. Possunt denique huc referri febres aliæ, maxime biliosæ. Constat, bilem ictericorum ad interiora redundantem vi sua saponacea crassiores humores ad hydropem usque liquare, quid non metuendum est, dum febrilis motus adjuvat vires solventes, & bilem ipso æstu plus corrumpit & exasperat? Cholera ipsa, iater dolentissimas  
 fursum

*q*) *Ampelogr. S. VII. c. II.*

*r*) *Consil. 275.*

*s*) *Eph. N. C. D. II. A. VII. O. 168. p. 405.* Sed hallucinatur, dum vim dissolventem spiritui vini tribuit. *p. 408.*

*t*) *Eph. N. C. D. II. Obs. 53. p. 87.* Sic REINER. SOLENANDER *Consil. Med. S. V. Conf. XV. O. 13.* Medici meminit, qui in vomitu, fluxu & intensa febre derelicto ægro & iam morituro uncias tres dedit aquæ vitæ, & interpolatis horis vinum odoratum, unde intra tri-duum convaluit.

*u*) G. E. STAHLIUS in *Obs. med. pract. Cent. I. O. IV.* dysentericum, pro deperdito habitum, vino restitutum memorat, & spirituofo quidem. Laudat vinum generosum in quantitate moderata, magis, si absit febris, imo si vel maxime adsit. *ibid. p. 116.* LAUR. DONCKER pariter *feb. petech. C. XII. M. V. p. 405.* fuisse vinum commendat. Ipsum HIPPOCRATEM in ardentibus febribus vinum permisisse ANT. LINDANUS docet in *Sel. med. Exerc. VII.* ipse etiam exemplo illustrat.

*x*) *De morb. & sympt. popul. Bredan. p. 3. 13. Aegrot. XIII. & p. 14. Aegr. XVI.*

sursum deorsumque biliosorum dejectiones, quam cito funesta est? Fervidum aestate cælum humores fundit teste SYDENHAMO *y*), robusta etiam corpora una aliquando hora solvit inter summas dejectiones, animi deliquia, convulsiones & frigus extremorum. Videtur ad censum biliosorum pertinere morbus, cujus quinque species HIPPOCRATES *z*) sub nomine typhi recensuit, & ex quibus primam *perill.* G. van SWIETEN *a*) febribus continuis putridis, non spissitudine inflammatoria, sed dissolutione humorum peccantibus, adnumerat.

### §. XI.

Dum putridæ dissolutionis a maligni miasmatis ingressu mentionem feci, congeneris naturæ virus a morfu venenatorum animalium non est prætereundum. Quisquis ille stimulus est, qui tunc corpus ingreditur, non alium hic attendimus, quam eundem violentæ dissolutionis effectum, Haud Africa solum morborum ferax, in qua toties plena veneno occurrit serpens,

*Offaque dissolvens cum corpore tabificus seps,*

quo corpora tam subito in putrilaginem sunt liquefacta, quam

*Nix resoluta cadit vel solem cera sequetur b);*

sed & America inter Peruviani regni limites serpentum talium progenie infesta horrendas inde vidit corporum humanorum strages.

*y*) *Op. S. IV, C. I. p. m. 171. sq.*

*z*) *de affect. int. Edit. Lind. T. II. p. 65. XLII. 2.*

*a*) *Comment. in Aph. Boerhaav. T. II. p. 422.* Nempe est morbus aestate corripienti, *χολῆς κινηθείσας ἀπὸ τοῦ σώματος*, cum ardore febrili, impotentia motus, & dejectionibus inter tormina graveolentibus. Conjecturam firmat medela, qua sorbitiones frigidas, imo vinum rubrum vel album austerum, ipsaque lintea frigida immerfa, partibus ardentibus imposita, commendat HIPPOCRATES. Notati etiam EROTIANO sunt *πυρετοὶ τυφώδεις*.

*b*) *v. LUCAN. Pharsal. L. IX. v. 396. 722. 783.*



ges. Puella octodecim circiter annorum, quinquaginta a domo sua passibus ad scaturiginem aquarum tendens, iisque urnam implens, a serpente c) inter herbas hujus loci latitante pungitur. Adcurrit ad clamorem medicus herbas in vicinis pascuis cum amico colligans, & ob cognitam violenti veneni indolem, acciri statim parochum jubet, ut animæ salutem curet. Hic ex proximo loco properans, non mortuam solum, sed & putrilagine adeo absumptam reperit, ut panno involuere & ad sepulturam deferre oportuerit. Alia etiam venena, ut aconitum, quod PLINIUS venenorum ocissimum vocat, intime solvunt sanguinem, idque maxime de alcalinis valet. Fuit, qui Venetiis in lixivio calcis vivæ cum sale incidit: dum extrahere tentant, sceleton extractum fuit d).

## §. XII.

Inter morbos chronicos maxime illi ante oculos versantur, in quibus vasa sanguinem continent, ad deliquium partium suarum proniorem. Semper enim notabile est duplex illud in miscela humorum vitium, quo eorum molecule nunc ætiori nunc laxiori amplexu inter se coeunt. Diabetes, qui CELSO e) miæctus vocatur supra modum potionum cum macie, ex judicio TH. WILLISII f) post ARETAEUM g) hujus deliquii reus est. Non illum in acutis intelligo, quo potulenta cito & vix mutata malo omine exeunt, & inflammatum sanguinem, qui aquosi contactum fugit, in sua densitate relinquunt; sed illum, qui destructa sanguinis compage lotii longe plus evehit, quam pro natura assumptorum: hinc corpus non superfluo liquido, sed ipso vitali suo commeatu privatum emaciat. Potest interdum copia re-

nuis

c) Vocatur *Serpent. a Sonnettes*. Ex medici ore recenset LUD. FEUIL-

LE'E v. ejus *Journal des Obs. phys. math. & Bot.* T. I. p. 417.

d) v. *Comment. ill. HALIERI in BOERH. inst.* T. VI. p. 389.

e) de *Med. L. IV. C. XX. circa finem.*

f) *Pharm. rat. P. I. S. IV. C. III.*

g) *morb. diut. L. II. C. II. p. m. 51.*

nuis lotii elabentis, dum reliquarum excretionum farcit penuriam, diu sine noxa tolerari; at si originem a liquefcente sanguine habet, sitim tabemque æque parit, quam chylosum vel lacteum iisdem viis profluvium, quod alimoniam corporis, non subactam fatis & densatam, etiam citra vitia renum, sensibiliori jactura expellit. Quare in utroque diabete recte CELSUS frictiones in sole, vel ad ignem, exercitationes vinumque austerum commendat. Diarrhœæ serosæ, catarrhales, biliosæ aliæque non minus frequenter liquefactam vitalem undam ad tabem usque effundunt. Maxime colliquativas vulgo dictas hic specto diarrhœas sudoresve, ex fonte putri interno viscerum, nunc ichore cancroso glandularum, similique spurca sanie ad illa excretionum loca pleno rivo, & imminente jam morte, exundantes. In omni morbo chronico adultiori, ut phthisi, purulenta & ichorosa effusa, dum attenuantur magis per moram caloremve & resorbentur, interiora viscera eorumque contenta simili labe inficiunt & dissolvunt, inque fluxus illos tabificos terminantur. Prætereo alias excretiones nimias, ut ipsius liquoris genitalis cum tabe dorsali. Paucissimis adhuc attingo retenti tenuis acris, quod natura ejicere nititur, similes noxas, exemplo ischuriæ. Hic enim illud, ipso motu vitali acrius, cerebri angustissimos meatus tenui suo stimulo penetrat, & inter sopores, tanquam signa læsi corticis, deinde convulsiones, tanquam signa læsæ medullæ cerebri, necat.

### § XIII.

Enarrata morbosæ tenuitatis humorum damna genium diversæ causæ satis adumbrant, & hinc præfagii fidem varie limitant. Delectantur multi victu potuque tenui, acris & salino. Diabetes olim rarior, hodie frequentior morbus est ex calidæ aquæ abusu; scorbutus ex salinorum appetitu. Ibi relaxantur vasa & vim densandi sanguinem amittunt. Hic stimuli intra vasa oberrantes solventesve per totum corpus, maculas, echymoses, hæmorrhagias, pariunt. Citior mali progressus est in corpore tenero, laxo, otioso, humido. Tale est, quod ea, in quibus aquæ prædominium est, non modo affatim ingerit, sed & ob vasorum debilita-

tem retinet: cum corpus siccum & robustum aquosa; etiam largius ingesta, statim dissipet. Iuvenile corpus durat aliquamdiu, agilis, at fere momentanea vita est, periculo hæmoptoes aliarumque subitarum effusionum, quæ cito perimunt, obnoxia. Ideo cum herbis solstitialibus comparantur, quæ mane florent, sub vesperam arescunt. Robustum etiam corpus simili diætâ vincitur, dum sanguinem densum sæpe detrahi, aquosa, ut serum lactis, continuo ingeri, crebra balnea, maxime vaporosa, adhiberi, prohibita corporis exercitatione jubes. Sub animi etiam pathematibus, ut metu & pusillanimitate, dum vasa tono suo privant, humores liquefcunt *b*). Verum dictis causis tantum damni nondum tribuimus, quam si humores interni in gravioribus morbis per stasim & calorem degenerant, corrumpuntur, & erosio vasis in saniem transeunt tenuem putremve, quæ per venulas sanguini remixta & liquans interne omnia, comite febre hectica, ad funestam tabem proprio pede deducit. Vires venenorum vel miasmam malignorum, quam celeri passu destruant, jam indicavimus.

#### §. XIV.

Non licet tam variæ sævitiae morbos ad unam medendi legem revocare. Aliter venenis occurrendum est, aliter maligno morborum miasmati, aliter morsibus animalium venenatorum, aliter morbis illis chronicis, ex quorum ulceroso vel putri fomite ter halitus sanguini adspargitur. In his enim, etsi humorum tenuitas peccat, concurrunt tamen illa, quorum non minor, imo interdum potior ratio habenda est. Hic nobis generalis idea tenuium humorum figenda erit, quos dissipari in corpore, nondum cum aliis malis colluctante, & vasorum majorum, quæ robur omne, calorem & comeatum reliquis vasis imperiuntur, functiones, adeo salutare & necessarias, periclitari metuimus.

*b*) Concinne apud Josuam C. 7. v. 5. de Israelitis tergum in pugna vertentibus legis: ויהי למים ויהם לכב העם i. e. liquefactum est cor populi & factum aqua.



tuimus. Hic usu inspissantium inter exercitia corporis omnis medela absolvi videtur. Absint ante omnia, quæ morbum foveant: victus tenuis, humidus, salinus, vita tranquilla & iners, tristitia pathemata animi. His enim jam laxum corpus & debile plus tono suo orbatur, circulationis & coctionum vigor succumbit, inque minoribus vasis colluvies humorum, in corruptelam suam ultro tendentium, crescit. Corpus iis instruendum est dotibus, ut sub prelo cordis fortius impellentis & arteriæ renitentis sanguis plus ponderis & soliditatis acquirat, impressumque motum durabiliore actione propaget. Si chylus intro delatus motu suo per vasa eorumque renixu, quippe jam debiliore, non subigitur satis & in globulos lacteos, mox flavos, denique rubros cogitur, majora vasa pro rubro & concrecente sanguine aquosum, pallidum vel subflavum vehunt, ut in chlorosi feminarum adparet. Pallor hic est ob solam rubri sanguinis inopiam: ab ejusdem vasa majora minus distendentis inertia debilitas est cum pulsu parvo, unde ex motu in minoribus plus decresciente nequit spontanea hic hærentium humorum corruptio inhiberi. Globulosus ille contextus sanguinis, a quo maxime mobilitas pendet, mutatur diminuta ejus copia, laxato vase, & languente motu *i*). Convenit igitur non modo victus siccior solidiorque cum parco potu vini, maxime meraci & austeri, sed & præcipua medici cura corporis per justos gradus movendi exercendique opportunitatem captat. Pro victu quidem multi carnes assas juniorum animalium cum pane biscocto laudant, alii, qui in animali alimento novas semper putredinis solventis insidias formidant, lacteum & farinosum præferunt; non blandum & gelatinosum, sive ex animalibus, sive ex vegetabilibus cibum cum vinosis & leniter aromaticis, quæ torpentis coctionis vires erigunt, suademus. Tali vero victu sensim & repetitis viribus ægrum uti jubemus, & tumentia, si forte sunt, loca simul fasciis de die in diem strictius involvi. Inter medicamenta tonica & adstringentia non prorsus contemnimus cornu cervi ustum, terras sigillatas, cortices tamarisci capparidumque, & quicquid siccandi adstringendique moderatas vires possidet. Par  
vero

*i*) H. BOERHAAVE de cognosc. & curand. morb. §. II6.

---

vero nihil est chalybi, cujus & corticis peruviani infusa vinosa  
laxas partes & diffuentes humores optabili successu coër-  
cent. Nec spirituum acidorum fossilium vel etiam vini, quæ  
vincula fluidis solidisque nova iniiciunt, ut superius vidimus, sub  
iustis indicationibus usum adspernamur. Igitur nunc replemus  
inanita vasa idoneo alimento, quod ex partibus gelatinosis & fa-  
cile inter se coëuntibus constat, nunc ut major a vasorum actio-  
ne densitas accedat, primum frictu, aliquoties de die calidis lin-  
teis iterando, utimur: deinde, si vires plus ferunt, lenes ambu-  
lantium suademus, quibus incalescat æger, non fudet: tandem  
vectione & equitatione vires fulcimus, Gradus horum motuum,  
qui roborent laxa, non vires dispergant, prudentia Medici diri-  
git, vimque viscerum, quæ compingit humores, restituit, nec  
cito desinit ab opere, nec nisi lento pede ad fortiora adscendit.  
Ita redit crassities humorum naturæ legibus conveniens, cum vi-  
gore & constantia functionum; redit color vivus ruberque, &  
calor per corpus æquabiliter diffusus, sub quibus signis bene con-  
sultum esse ægro edocemur.

---

## DISSERTATIO

DE

## CARDIALGIA

PUBLICE PROPOSITA

GOTTINGÆ, D. 19. JUL. 1750.

RESP.

CAROLO SALOM. KOELERO,

ALTORPHINO.

## §. I.

A parte læsa & præcipuo, quod illam infestat, symptomate non inconcinne morborum nomina petuntur. Verum in definiendis læsæ partis limitibus velut non raro recentiorum sententia ad maiorem sæculi sui lucem fluctuat; ita excusatius longe veterum aliquando aberravit conjectura. Ne igitur vocem cardialgiæ, quæ αλγος τῆς καρδίας, seu cordis dolorem proprie notat, scrupulose nimis, si quo vitio laboret, coarguamus, iusta antiquitatis reverentia prohibet. Perस्पexerunt acutissimi viri, in hoc morbo cor ipsum, fontem vitæ & caloris, omnino periclitari. Senserunt, in loco, quem cordis scrobiculum vocant, sævire dolores illos, & sub hac sævitia cor ipsum palpitare, angi, & virium deliquia pati. Ita suspicio, cordis ipsius, vitio suo laborantis, facile nomen illud suggessit, quod tamen, cognito pedetentim loci errore, sic emendarunt, ut καρδία tam cordis, quam sinistri ventriculi orificii commune nomen esset a). Sufficit profecto, etiamsi sensum dolo-

a) Καρδίαν non modo τὸ κατὰ τὸν θώρακα σπλάγχνον, σφύζον ἐξ ἑαυτῆς sed & τὸ τῆς γαστρὸς σόμα notare, neminem veterum lectioni



doloris proprie cordi non convenire, *b*) nec mali huius, cuius jam evolvenda nobis natura est, sedem in corde quærendam esse, largiamur; sufficit, inquam, cor per consensum tunc graviter ad-

adsuetum, imo mediocriter eruditum ignorare GALENUS censet, idque testimoniis *Nicandri*, *Thucydidis*, *Hippocratis* aliorumve, quamvis ex parte ambiguis, illustrat. *de Hipp. & Plat. decret. L. II. C. 8. Op. Edit. Iuntin. Cl. I. p. 240. B.* Neque vero diffiteri audet, alterum vocis sensum, quo os ventriculi significat, per abusum, catachresin & consuetudinem sumi. Cor ita situm est, ait, ut prope os ventriculi esse videatur, hinc ducto a situ partis argumento initium mali a corde esse, imo cor ipsum morderi, arbitrabantur. *Comm. in Hipp. L. II. de morb. vulg. Op. Cl. III. p. 198. C. D.* Sic cardialgiam ARETAEUS. *διὰ τὸ πρὸς τὴν καρδίαν γεισόνμα* explicat, *morb. diuturn. L. II. C. 6.* Et nonne ipsa *Hippocratis* verba: *καρδιωγμὸν οἱ ἀνδρες ποιεῖσιν*, arguunt a plebe esse hunc *καρδιάς* sensum? *IV. de morb. Op. Edit. Linden. p. 131. XIII. 6.* Nihilominus illo etiam improprio sensu antiquior & frequentior vox est Galeno *καρδία* quam *στόμαχος*. Veteres omnes, inquit, *καρδίαν* adpellabant, ut nostra ætate stomachum, *de loc. adfect. L. V. C. 6. Op. Cl. IV. p. 32. E. it. de compos. pharmac. sec. loc. L. III. C. I. Op. Cl. II. p. 187. F.* Vero quam simillimum est, antiquius & in anatome rudius ævum, non nobiliorum quidem viscerum, at exiliorum partium, qualis os ventriculi, nominibus diu destitutum, vocem cordi propriam sensum ori ventriculi tribuisse, notata utrinque tam mirabili malorum communione, licet græcæ litteraturæ divitiis derogare videatur, res tam diversas, uno nomine complecti. Stomachatur certe CAEL AURELIANUS, dolorem oris ventris a plurimis idiotis cordis dolorem, id est, cardialgiam vocari. *de morb. ac L. II. C. 35. p. m. 158.* Nos etiamnum cum plebe vocamus *Hertzensangst*, *Hertzweh*, *Hertzdriicken*, *Hertzbeklemmung*, *Hertzwurm*, *Hertzgespann*. Quanto id minus vitio verti veteribus potest, quibus cum *Erasistrato*, *Asclepiade* aliisve, ipso, ut *Calinus* ait, nominis testimonio nixis, locus proprie adfectus cor visum est? Est & inter recentiores *Ph. Iac. Harimann*, qui veram cardialgiam vocat *syncopen* ex *polylo cordis*. *Eph. N. C. D. II. A. 10. O. 160. p. 254.*

*b*) Cor rem solidam & densam vocat & propterea non dolentem. *L. IV. de morb. Op. T. II. p. 117. X. 5.* Nemo, GALENUS inquit, in doloribus reliquisque tam animi quam corporis adfectibus cor ipsum morderi unquam sensit, *de Hippocrat. & Plat. decret. L. II. Op. Cl. I. p. 240. B.* Id quod recentiores ulterius illustrant, dum nervis animali non vitali functioni servientibus, si tenduntur, dolorem tribuunt.

adfligi, & noxam, quæ huc redundat, illa, quæ ori ventriculi, seu stomacho e) tanquam natali loco incumbit, etiam atrociorẽ & periculi pleniorẽ esse.

## §. II.

c) *στόμα* & *στόμαχος* (ut *μόνος* & *μόναχος*) nativo sensu non differunt, quo pateas in maius cavum os vel hiatus intelligitur. Non alieno, ad corpus vero humanum magis adstricto sensu, collum omni ventri præpositum & isthmi instar angustum stomachus veteribus audivit, teste GALENO *de usu part. corp. hum. L. IV. C. I. Op. Cl. I. p. 135. G.* Ideo Hippocrates uteri & vesicæ non minus quam ventriculi collum seu cervicem vocat stomachum, e. c. *στόμαχον τῆς κύστεως, τῆς μήτρας, τῶν κηλῶν, τῶν ὑστέρων, τῶ ἀδίδις*, & sic *τῆς γαστρὸς* vel *κοιλίας*. v. *Oecon. Hipp. Foesii p. 355.* Mirum non est, ventriculi stomachum, ut ceteris insigniorem amplioremve, usu prævaluisse, reliquis stomachis sensim obliteratis. Adeoque stomachus idem jam fuit quam œsophagus, communis nempe cibi ad ventriculum via, modo quod propria vox, quæ illam notat, esset œsophagi, communis vero stomachi, quippe ad alia, ut vidimus, loca olim applicati. v. *Gal. de us. part. L. IV. C. I. Op. Cl. I. p. 135. G.* Quis non videt, Galenum de œsophago agere, dum stomachum ventriculi scribit spinæ vertebri invecum permeare totum thoracem, sub tali situs stabilitate & securitate, ut nec cordi nec pulmone nec aliis partibus thoracis negotium facessat: ad perpendiculum quatuor primis dorsi vertebri extendi, ad quintam digredi dextrorsum, ut aortæ cedat, a qua tamen ex parte in communem vertebrarum sedem admittitur: denique ubi phrenes contigit, super aortam progredi, & ad lævam ori ventriculi insigi, *ib. L. IV. C. V. & VI. Op. Cl. I. p. 149. D. E. F.* Hoc iter ait habere *στόμαχον τῆς κοιλίας, ἣν οἰσφάγον ὀνομάζουσιν. ib. L. VI. C. I. Op. Cl. I. p. 147. H. it. p. 149. G.* Id vero omni ambiguitate non caret, quando œsophagum ante, stomachum post ævum Aristotelis (qui ipse utraque voce promiscue usus) de illa parte valere scribit, quæ inter fauces & os ventriculi media est. *ib. L. V. C. V. Op. Cl. IV. p. 32. A.* An igitur excluso ore ventriculi? an sic distincto, uti apud Hippocratem, qui τὸ *στόμα* τῷ *στόμαχι* de utero habet? *de superfoet. Op. T. II. p. 656. XVII. 8.* Ab excludente non multum abest Galenus, etiam dum admittit. Nam connivendo quasi præcipit, per stomachum non modo eum intelligi debere, qui hoc nomine proprie donatur, sed & os ventriculi. *Com. VI. in Aph. Hipp. Op. Cl. extr. p. 50. G.* Adeo vero non excludunt verba Hippocratis, quæ apud Foesium rectius quam Cornarium leguntur, ut œsophagum, ubi terminatur in ventriculum, vocari etiam stomachum, di-

## §. II.

Præstat inspicere, quid re ipsa cardialgia sit? Est dolor exquisitus sinistri oris ventriculi, nec infrequenter dextri, quin ex ipsius

ferre tradere videantur. Οἰτοράγος, inquit. ἀπὸ γλώσσης τὴν ἀρχὴν ποίεσμενος, ἐς κοιλίαν τελευτᾷ, ὃν δὴ καὶ ἐπὶ σπληνικῆς κοιλίας σόμαχον καλέουσιν, de resect. Op. T. I. p. 288. II. 13. 14. Edit. Foes. p. 9. 6. C. Vix vero sub voce stomachi antiquior usus os ventriculi comprehendit, quando HOMERUS Menelaum ait hastam impressisse Euphorbi gulæ, κατὰ σομάχοιο, Iliad. L. XVII. v. 47. Agamemnonem fauces apri, σόμαχον κάπρε, Iliad. L. XIX. v. 266. & agnorum fauces σομάχους ἄρνων, ferro abscidisse Iliad. L. III. v. 292. Quem sensum antiquum fere retinet Celsus, dum faucibus subesse stomachum, Med. L. 4. c. 5. & Cicero dum eum ad linguæ radices hæreere scribit, de nat. Deor. L. II. C. 54. Sic Iul. Pollux, dum stomachum ait bronchum quoque & pharyngem vocari, onomast. L. II. 5. C. 4. segm. 42. Ut brevis sim, stomachus nunc totum oesophagum, nunc ejus superiorem partem, nunc inferiorem tantum, seu os ventriculi significat, qui fere totus est ambiguitatis limes. Hoc Harduinum video ad illum Plinii locum inculcare, quo summum gulæ fauces, extremum stomachum vocat, & paulo ante, fauces ad gulam, stomachum ad ventrem tendere ait, v. Hist. Nat. L. XI. C. 37. Ed. Hard. p. 624. 625. Id certe palam est, excussis probe & inter se comparatis Galeni locis, stomachum nil aliud illius ævo, quam os ventriculi indicasse. Vocamus, inquit, nostra tempestate os ventriculi stomachum, quia is usus apud vulgus, de caus. puls. L. IV. C. 23. Op. Cl. IV. p. 103. C. conf. de puls. ad Tyron. c. 2. p. 46. C. An apud solum vulgus? non modo populares sic vocant, rursus inquit, sed ἔς τῶν ἰατρῶν δοκιμώτατοι. de loc. affect. L. II. C. 8. Op. Cl. IV. p. 12. H. vel alio loco: non modo medici sed universi homines. ib. L. III. C. 7. Op. Cl. IV. p. 20. H. Id tamen deflectere ab antiquiorum usu, his verbis adgnoscat: per abusum vocant stomachum os ventris, non modo populares sed ἔς medici probatissimi. ib. L. II. C. 9. Op. Cl. IV. p. 12. G. Possis vero antiquitatem etiam exemplo Erasistrati tueri, qui apud A. Gellium ex altera fistula ab oris faucibus descendente, adeoque oesophago esculenta omnia & potulenta deduci in stomachum, inde in ventriculum, seu τὴν κάτω κοιλίαν ferri docuit. v. Gellii noct. Attic. L. 17. C. XI. Hodie in hoc sensu, qui ævo Galenico fuit, doctiores medici fere adquiescunt, licet non ignari, vulgo pro ipso ventriculo stomachum sumi, & passim a scripto-



ipsius ventriculi a communi labe adfecti, circa scrobiculum cordis & vicina consistens, ex gravi irritatione corruptorum & mordacium humorum, vel alterius sævioris causæ, proveniens, cum angore, respiratione difficili, inquietudine & nausea, vel etiam vomitu, infestans, in progressu vero ob summa cum nervis capitis & cordis commercia, ibi per cephalalgias, vertigines, deliria, aliquando & convulsiones, hic etiam per deliquia virium & syncopen cum sudoribus frigidis, ipsam vitalitatis arcem oppugnans. GALENUS d) succincte oris ventris infestum symptoma vocat, a succis mordacibus proveniens. Dum os ventriculi appellat, more omnium Græcorum & Arabum, non nisi os sinistrum intelligimus, quod œsophago continuum, & perforata diaphragmatis parte carnea latefcens, ad angulos pene rectos ventriculo inseritur, propinquius spinæ dorsæ, quam cartilagini ensiformi. Hoc exquisitioris ad injuriam sensus est, nec facile pars occurrit in universo corpore, sub præstantiori nervorum cum nobilissimis visceribus consensu e). Nervus enim paræ vagi, ad ventriculum quasi ultimam metam delatus, ad hoc ostium, ut WILLISII verbis utar, plexus insignes, imo quoddam quasi reticulum, quo totus ejus ambitus cingitur, constituit f). A. C. THEBESIIUS feminae multis annis cardialgicæ meminit, quæ intensissimorum dolorum causas in mortua indagari vivens jussit. Deprehensus est in orificio sinistro foramen, nucis myristicæ magnitudinem excedens, in cavum ventriculi & œsophagi, in quibus effusi puris copia hæsit, hians g). G. F. HILDANUS juve-

ribus latinis sumtum esse. Quo novo gradu dum cecidit, honore videtur adscendisse. Ita enim Serenus regem corporis stomachum adpellavit. *Med. p. m. 153.* Helmontius animæ sedem ibi collocavit. Cum dictis confer I. Gorraei definit. *med. p. m. 595.*

d) De sympt. caus. L. I. C. 7. Op. Cl. III. p. 18. E.

e) Nullum membrorum inquit Galenus, aut sensus tam exacti est, aut ita utrumque principium cordis & capitis una secum adfcit. de sympt. caus. L. I. c. 7. Op. Cl. III. p. 17. G.

f) Pharm. rat. P. I. S. I. c. 2. p. m. 11.

g) Eph. N. C. Cent. III. & IV. O. 120. p. 275. Ubi tota sævissimi mor-

Richteri Opusc. T. I.

Ddd

juvenem robustum a lauto convivio doloribus stomachi correptum memorat, illis sensim vehementer auctis, cum febre & gravi dolore capitis, post menses XVIII succumbentem. Vidit HILDANUS, in eodem orificio foetidum ulcus, ventriculum corruptis plenum, & libras circiter duas limpidæ aquæ, in cerebri sinus, effusas *b*). Adeo a primo illo fonte non vicina solum, sed & remotiora graviter & brevi tempore adfliguntur. Geminum steatoma internæ parti orificii sinistri adnatum, unum ovi magnitudine, alterum digiti longitudine ex PRAEVOTIO IO. RHODIUS *i*) recenset. HERCULES A SAXONIA in puero cardialgico maculam ex rubro livescentem a punctura majoris lumbrici reperit: in alia vidit XXXIII vermes, omnes dodrantales, dicto ori ventriculi adeo tenaciter adhærentes, ut vix avelli possent *k*). REIN. SOLENANDER secto corpore Poloni, qui maximum iisdem locis ardorem perpeffus erat, maculas rubras, tanquam formicarum morsus in superficie exteriori oris ventriculi deprehendit *l*). Gravem & inauditum dolorem ostii hujus, quod acumen cordis a cibo sumto per annum compressit, describit ANT. a POZZIS. Cor fuit bovino majus repertum, compressis pulmonibus fere omnem thoracem replens, ipsum binis polypis oppletum, una impedito per asciten diaphragmatis motu *m*). Scirrhus & carcinomata, ipsosque in peste anthraces his locis inter summos dolores insedisse testantur passim auctores, quo etiam ex callositate, vel sarcomate *n*), vel similibus caussis natas angustias, cum angore tamen magis, quam acuto dolore conjunctas, & fame ut plurimum

bi scena cum alio etiam foramine in opposito oesophagi sine, puri exitum præbente, simulque putri colluvie abdominali, vasisque circa plexus stomachales & mesentericos tumidis lividisque fuscè describitur.

*h*) Cent. III. O. 20. p. 200. Conf. C. V. O. 36.

*i*) O. 63. C. II. Conf. Boneti Anat. pract. LIII. S. 8. O. 16.

*k*) Praelect. pract. P. II. c. 7. §. 4.

*l*) Consil. 16. S. 5.

*m*) Eph. N. C. D. I. A. IV. & V. O. 31. p. 32.

*n*) ipse Galenus βλάσημά τι σαρκώδες κατὰ τὸν στόμαχον notavit de sympt. caus. L. III. c. 2. op. Cl. III. p. 25. G.

rimum perimentes, referre licet, ut apud G. C. SCHELLHAMMERUM o) Io. FERNELIUM p) & exasciate apud illustrem virum, D. W. TRILLERUM q) legimus. At & crebro in cardiacis pylorus laborat, qui versus dextrum latus adsurgit in medio hypochondriorum loco, qua sinuata nonnihil introrsum pectoris cartilago sterni adhæret, & cavum anterius pectori subjicit, quam foveam cordis vulgus nuncupat. Hic sævientes dolores superiori orificio, seu stomacho, frustra imputari Io. VESLINGIUS censet r). Atque hoc dextrum orificium ventriculi sinistro tenuius & angustius, nervorum sensibilium copia similiter obvallatum, prominentem anulum osculo uteri similem exhibet, quem robustus carnearum fibrarum fasciculus cum nervea & villosa membrana efficit s). GU. ROLLINCIUS pylorum ait non minori artificio & reticulato plexu nervorum coronari, at dolores ejus crebros & acutos per communem consuetudinem sinistro orificio tribui.

o) Op. L. II. S. II. c. 9. §. 3. p. 130. Vidi, inquit, hic loci tantas a scirrho angustias, ut rejectis omnibus fame interierit æger.

p) Pathol. L. VI. c. I. Gravida ob durum & ingens tuberculum in ore ventriculi nil potuit ingerere. quin tacto illo remearet. Sic maximo canatu, bimestri tempore, quidpiam deglutire impos sub febre & desipientia post exclusum partum occubuit. Quale Io. RIOLANUS de tuberculo pylori habet. unde æger per XI menses vomuit & extenuatus interiit. In cadavere locus adeo obturatus fuit, ut vix liquor transiret. v. part. meth. med. S. III. p. 175. b.

q) In eximia Dissert. de fame lethali ex callosa oris ventriculi angustia, Witteb. 1750. Fuit nobilis gurgis, qui ingesta primum sine offensa descendere, dein immota hæreere extra potestatem propellendi sensit. Hinc mensas opiparis dapibus onustas appetiit non minus quam exhorruit, clauso demum omni itinere cibario ob negatam vitæ sulturam extabescens. Repertum est os superius durum & cartilagineum, imo fere osseum, specilli acumen omni vi ægre admittens, quo etiam discindi vix potuit. Illustrat Vir illustris casum insignioribus exemplis de oesophago calloso ex Nic. Sampsonio & I. G. Beckers, Io. Rhodio, aliisque §. 33 & 34.

r) Syntagm. anat. C. III. p. 27.

s) WINSLOV. Exp. Anat. T. III. p. m. 315. Morgagnii Adv. Anat. III. p. m. 6.



tribui. Adstruit orificiorum viciniam, dolorum similitudinem & nervorum utrobique æqualem multitudinem, adeoque parem orificiorum dignitatem *t*). Boni instar janitoris nihil transmittit pylorus, cui patere non debet, & oblique in duodenum protensus motu ventriculi peristaltico soluta lente admittit, salubriter in sulcis suis retinet & quasi lustrat, paulatimque ad intestina per divisas moleculas propellit. Promptum vero judicium est, ab iis, quæ vitiosa ingeruntur, & per sinistrum os plerumque momentanea mora elabuntur, plus sisti circa pylorum, & inter novas corruptelæ in ventriculo causas ei nocentius circumfundi: quemadmodum & retro pancreatis, hepatisque labes & alia retro turbine irruunt, ut mirum non sit, judice HENR. MEIBOMIO *u*) & FR. HOFFMANNO *x*) in iis, quos interemit cardialgia, toties in pyloro scirrhus, sphacelos, abscessus, investigantium oculis sese obrulisse. Ab angustis pylori in hypochondriacorum corpore crebris GUIL. BALLONIUS *y*); ab herpete circa pylorum DOM. PANAROLUS *z*); a scirrhus ejus PHIL. SALMUTH *a*); a pyloro steatomate oppleto IO. SCHENCK *b*); ab eo gypsea materia intus et extus incrustato NIC. de BLEGNY *c*); ab eodem

*t*) *Dissert. anat. L. IV. c. 38. Casp. Hofmannus* *Inst. med. L. II. c. 30.* dextro tribuit cumulum nervorum insignium, unde tam exquisitè sentiat, sinistro substantiam glandulosam, quæ musculi vicem magis obit. *Cæc. Folius in Epist. 62. Cent. I. Th. Barthol. p. 253.* ex eo, quod carnosa & glandulosa utraque orificia ventriculi sint, ideo apostematibus & ulcerationibus maxime subjecta esse, neminem sanæ mentis negare credit.

*u*) *disp. de cardialg. §. 8.*

*x*) *med. syst. rat. T. IV. P. II. S. II. C. 2. § 3. p. 222.*

*y*) *Conf. 24. L. III.*

*z*) *Pentecost. I. O. 43.*

*a*) *O. 20. c. 13.* Simile occurrit apud *Laz. Riverium C. I. O. 90.* Fuit aurifaber Monspeliensis, continua cardialgia ad summam maciem deductus. Scirrhus in pyloro & parte vicina, ipso pancreate & mesenterio existit.

*b*) *Exerc. 7. L. I. S. 2. c. 33.*

*c*) *Zodiac. A. I. O. III. p. 46.*

dem'per nummum argenteum occluso THEOD. KERCKRING d); denique ab occallescente & cartilaginosa reddito ISBR. DIEMERBROEK e) cardialgias cum vomitu commemorant. Nec vero orificia solum, sed & totum simul ventriculum pro principe morbi sede declaravimus. Ane nim illè concipi potest nihil hujus mali sustinere, quod in sinistrum vel dextrum orificium decumbit? an vero sensus tam hebetis est, ut ad similes causas, quas sæpe in sinu suo & fulcis tenacius retinet, parum commoveatur? Sane TH. WILLISIUS f) nerveam ventriculi tunicam vocare veram cardialgiæ sedem non dubitat. AVICENNA quoque & veteres Arabes hic generatim dolores ventriculi accusant. Inter recentiores etiam mavult GOTHOFREDUS KLAUNIG colicam ventriculi quam cardialgiam vocare g). Vasorum arteriosorum, venosorum, lymphaticorum, nervorum fibrarumque, rugarum, sulcorum, glandularum humorumque ex omni ambitu scaturientium tum mirabilis est ad sapientissimæ fabricæ leges consensus h), ut

d) *Obs. anat. I.*

e) *Anat. L. I. c. 5.*

f) *Pharm. rat. S. 2. p. 2. c. 9.*

g) *Eph. N. C. C. III. & IV. Obs. 146. p. 337.* Vocat quoque ventriculi colicam LAZ. RIVERIUS O. 44. C. I.

h) Nervorum vasorumque exactam uberemque descriptionem suggerit Vir ill. A. HALLERUS *Comm. in Inst. Boerh. Vol. I. p. 259-261.* Nervi paris octavi dato plexu pneumonico accedunt ad oesophagum & variis locis coeantes constituunt truncum anteriorem & posteriorem. Anterior & sinister (quem minus concinne dextrum cum Vesalio vulgo vocant) plexum circa oesophagum facit, & magna parte plexui semilunari inseritur. Posterior & dexter plexum inter ostia format. Multi parvam curvaturam ab ore superiori ad inferius investiant, reliqui disperguntur ad latera, ad extrema, ad magnam in primis curvaturam sub reticulari ingressu ad anteriorem usque tunicam. Vasta horum nervorum moles est, & large per ventriculum sparsa. H. BOERHAAVIUS putat, innumeras illas paris vagi propagines cum intercostali misceri, & hujus semilunari plexu; tunc in fibras musculosas, & variæ formæ papillas abire, & post mirabiles nexus in nervea illa lanugine evanescere, quæ cum vasculis villösam crustam constituit. De quo intercostalium congressu dubitant alii, judice tamen WINSLOVIO per ramusculos commu-

ut insignium læsionum, cum maximo dolore conjunctarum, summam hic opportunitatem nemo diffiteri possit. Scorbuticus quinquagenarius apud TH. BARTHOLINUM *i*) dolore ventriculi vicinorumque oppressus, indagata causa, ut ipse jusserat, totam anteriorem faciem ventriculi rubicundam & tantum non excoriatam exhibuit. FR. RUYSCHIIUS *k*) in summo cardialgico fundum ventriculi tumore scirrhuso ad pugni magnitudine obsessum vidit, corrupto & atro humore refertum. In muliere per tredecim continuos annos cardialgica, & intra id tempus quater pariente, vidit C. STALPART vander WIEL *l*) exesum tres digitis sub ore sinistro

nicat, quos plexus stomachicus accipit a gangliis semilunaribus, plexu hepatico, & particulatim splenico. Exp. anat. T. III. p. 318 § 79.

Ex arteriis Coeliaca prospicit ventriculo, & ex aorta supra mesentericam emergens non longe ab ortu coronariam, seu gastricam superiorem emittit, quæ ambit oesophagum, & spatia ostiis interjecta emittit. Ubi lienem jam adit coeliaca, dat reflexa ventriculo vasa brevia arteriosa, quibus creber nexus cum gastrica sinistra & gastroëpiploica intercedit. Ipse truncus arteriæ lienaris ima sede refluxus dat ventriculo gastroëpiploicam sinistram, truncus vero coeliacæ dexter hepar adiens pone duodenum spargit gastroëpiploicam dextram. Hæ arteriæ inter extremam tunica & nerveam penetrant, & per nervosam in minimos ramulos disperguntur. Dum ex diversis locis hæ arteriæ adeunt ventriculum, rationem fabricæ H. BOERHAAVIUS in eo ponit, ut ventriculo distento fraudi non sit una arteria, qualis plerisque visceribus impenditur, compressa ac circulum facile turbans. Communicant vero hæ arteriæ cum pylorica, mesenterica, mammariis internis & diaphragmaticis. v. WINSLOV. l. c. T. III. p. 316. §. 76.

Venæ, coronaria gastrica superior, gastroëpiploica dextra & sinistra, coronaria dextra, & rami breves ex splenica cum paucis aliis sunt judice WINSLOVIO l. c. p. 317. §. 77. generatim ramificationes V. P. particulatim magnæ mesentericæ, splenicæ, nec non hæmorrhoidalis internæ. Comites plerumque arteriarum suarum venæ similiter formant radios & areolas reticulares, sed ampliores & majoris commercii externi. Sæpe ex his venis, infarctu viscerum abdominalium varicosis, tumores, corruptelæ, ulcera, aliaque mala circa ventriculum oriuntur.

*i*) *Act. med.* Vol. III. O. 34.

*k*) *Obs. anat. chirurg.* XXXIX. Conf. de scirrhuso ventriculi LEONH. JACHINUM in IX. Rhaf. c. 46. P. 2.

*l*) *Obs.* 26. *Cent. post.* p. 272.



finistro ventriculum, cum cancroso intra illud foramen tumore, peritonæo adhærentem, inter alia vitia hepatis & lienis. Scirrhum inter binas tunicas in fine ventriculi HIPPOCR. BOSCHUS *m*), abscessum in ventriculo cum materia nigra, lutulenta, corrupta, P. BORELLUS *n*), ulcus exæcis omnibus versus pylorum tunicis JAC. HOLLERIIUS *o*), ventriculum exterius in omni ambitu exulceratum, cum partibus contiguis, in muliere pessimi halitus & perpetuo cardialgica REMB. DODONÆUS *p*), interiores tunicas prope pylorum erosas, MARC. DONATUS *q*) recensent. Foramen ventriculi crustosum & fistulosum PHIL. SALMUTH *r*), foramen in sede elatiori ventriculi sub sternum G. A. MERCLIN *s*), internas membranas sine mucositate & velut igne corrosas DOM. PANAROLUS *t*), diffluentem cum rubore & livida erosione ventriculum DOM. SCALA *u*), perforatum minimis foraminulis TH. BARTHOLINUS *x*), in cardialgia observarunt. Natam a siccitate aut tumore membranarum JO. RIOLANUS *y*), a vesiculis ventriculo adfixis, pediculorum plenis, JO. HEURNIUS *z*), a mola carnea, spongiosa, in ventriculo genita, damasceni magnitudine, duarum unciarum, coloris hepatici, ANT. VITIGLIANUS *a*), a lapide magni-

*m*) De facult. anat. L. II. p. 21.

*n*) C. I. O. 54. it. GUIL. BALLON. L. I. conf. 43. HOR. AUGEN. L. V. Ep. I. c. II.

*o*) Schol. ad c. 43. de morb. intern.

*p*) Obs. med. cap. 25. p. 61.

*q*) Hist. mir. L. IV. c. 3.

*r*) Cent. I. O. 43. p. 28.

*s*) Eph. N. C. D. I. A. 2. O. 229. p. 332.

*t*) Pentec. I. O. 20. conf. THEOPH. BONETI anatom. pract. L. III. S. 7. O. 10. de fundo ventriculi interne nigricante, & tanquam ab igne ustulato. Erysipelas ventriculi fuisse colligit ex focia febre lipyria, siti, & frigore extremorum.

*u*) apud THEOPH. BONETUM l. c. O. 2.

*x*) C. II. H. 18.

*y*) Enchir. L. II. c. 23.

*z*) De morb. Cap. c. 27.

*a*) apud Panarolum Pentec. V. O. XI.

magnitudinis fere ovi gallinae, HIER. CARDANUS *b*), a lapidibus intra tunicas ventriculi, WOLFG. HÖFFERUS *c*), a lapidibus plus quam XXX fundo ventriculi pertinaciter adhærentibus Io. BILGER *d*), descripserunt. Et hæc quidem, quam hucusque arguimus, princeps cardialgiæ sedes est. Præterea vero vincula affinitatis, quæ cum nobilissimis visceribus ventriculo intercedunt, & vasorum nervorumque instructissimis commerciis sustentantur, hinc maxime contiguarum partium pronus in mutua pericula consensus, non locis nimis restrictis dolores nostros coërcent, quin ad confinia se extendant. Ventriculus superne continuus oesophago & diaphragmati, inferne intestinis, maxima parte hepatis cooperitur, a sinistris accumbit lien, pancreas pone ipsum hæret, colon fundum tangit. Mirum non est, a læcessitis sub illa sensus & virium communione partibus mutuam labem & aspergi & recipi. Ventriculum cum oesophago HENR. *ab* HEERS *e*), cum sima parte hepatis arrosus PHIL. SALMUTH *f*) depingunt. Hepar scirrhusum & atro virore lividum CAR. PISO *g*), lobum hepatis ventriculo incumbentem & inflammatum ZACUTUS LUSITANUS *h*), cystidem felleam, quasi titione ardente ventriculum suo attactu urentem, Jo. RIOLANUS *i*), adhærens putre hepar ad diaphragma TH. BONETUS *k*), qui etiam hoc viscus mole sua ventriculum premens accusat, in cardialgicis repererunt. A pancreate postice, epigastrio antice adnatis ventriculo, GERH. BLASIUS

*b*) *contrad.* 9. L. II. Tr. 5.

*c*) *Hercul. med.* L. III. c. 1.

*d*) *apud* GREG. HORSTIUM, *Op.* T. I. p. m. 142. fuit illo loco teli quasi intus sensus.

*e*) *Obs.* 16. Ipse tamen a reo culpam mortis hinc subsecutæ removet. Licebit ruptum inter vomendi molimina oesophagum, qui ingentes dolores circa ventriculum reliquit, huc referre. Atrocis nec descripti prius morbi historiam concinnavit H. BOERHAAVIUS *Leyd.* 1724.

*f*) *C. I. O.* 9.

*g*) *De morbis a sero* S. IV. c. 1.

*h*) *Præx. admir.* L. III. c. 23.

*i*) *Enchir.* L. I. c. 23.

*k*) *l. c.* L. III. S. VII. O. 18. it. O. 51.

sius *l*), a pancreate scirrhus Jo. RHODIUS *m*), ab eo fere lapideo DOM. PANAROLUS *n*), ab eo corrupto & sphacelato PAUL. BARBETTE *o*), ab eodem scirrhus & rene sinistro purulento CAR. SPONIUS *p*), denique a toto pancreate, ex parte etiam pyloro, & mesenterio scirrhosis LAZ. RIVERIUS *q*) exortum mali nostri illustrent. Idem RIVERIUS *r*) ab epiploos scirrhus & intestinis lividis, ab eodem gangrænosus cum fundo ventriculi inflammato GERH. BLASIUS *s*), ab eo putrefactus cum vitis ventriculi & hepatis IAC. HOLLERIUS *t*), ex duodeni laxitate & amplitudine, cum adfluxu acrimo & vitiosorum humorum Jo. VESLINGIUS, & cum eo ISBR. DIEMERBOEK *u*), a jejuno intestino magnum & candescens lapidem continente, qui illud prope os ventriculi obstruxit, C. V. SCHNEIDER *x*) delinearunt Singularis est, quam ab aneurismate arteriæ cœliacæ ad pugni magnitudinem dilatata, natam cardialgiam apud BONETUM legimus *y*). Ab indurescente & inferius eminente cartilagine xiphoide GUIL. BALLONIUS *z*) cardialgiam notavit, quam a prolapsu hujus cartilaginis frequentem Brasiliensibus vocat, & alicubi endemiam GUIL. PRISO *a*). Non est uberiori auctorum testimonio opus pro causa ventriculi, aliorum viscerum culpam luentis, peroranda.

## §. III.

*l*) *Obs. med.* II. P. 2.

*m*) *Cent.* II. O. 90.

*n*) *Pentec.* O. 44.

*o*) *Prax.* L. IV. c. 2.

*p*) apud BONETUM *l. c.* L. III. S. 7. O. 49.

*q*) *C. I.* O. 20.

*r*) *C. II.* O. 48.

*s*) *Obs. anat.* p. 140.

*t*) *Obs.* 21.

*u*) *Anat.* L. I. c. 7.

*x*) *De catarrh.* L. III. C. VII. P. M. 238.

*y*) *l. c.* L. III. S. VII. O. 47.

*z*) *Epidem.* L. II. p. 242.

*a*) *De medic. Bras.* L. II, c. 6.

*Richteri Opusc. T. I.*

Eee



## §. III.

Cardialgia, Cardiognus, cardiaca & alia eiusdem originis nomina vix re ipsa multum differunt *b*). Certe ex NIC. PISONIS *c*) sententia, cum una sit pars læsa, una causã, non nisi gradu vel remissiori vel intensiori differunt, ut asthma ab orthopnoea, scotomia a vertigine, lipotymia a syncope. Nondum scio, inquit IO. GORRAEUS *d*), a veteribus definitum, quomodo cardialgia & cardiognus inter se differunt. Et qui sciat? cum GALENUS *e*), ut cardialgiam & cardiognum, sic καρδιαλγείν & καρδιώσσειν *f*) rem unam HIPPOCRATI esse, sub sui adfensus luculentis testimoniis confirmet. EROTIANUS una dictione explicat καρδιαλγείν & καρδιώσσειν per τὸ μετὰ ναυσίας καὶ ὀδύνης ἀνιᾶ-

*b*) Cardialgia passim apud ARETAEUM, crebrius apud GALENUM occurrit, cardiognus familiare HIPPOCRATI nomen est, qui etiam πόνον καρδίας vel πόνον καρδιαλγικόν, velut scholiastes THUCYDIDIS in pestis descriptione πόνον τῆς στομάχου vocat. Nec differunt δῆξις τῆς σῆθδος HIPPOCRATIS, δηγμὸς στομάχου DIOSCORIDIS, δῆξις τῆς καρδίας vel θλίψις τῆς στομάχου GALENI. Cardialgia est cardialgia contumax & inveterata, sævæ cacochymiae proles, ut in scorbuticis. Cardinoma AURELIANI est, qui etiam cum Græcis συνάγχην στομαχικὴν nuncupat. TRALLIANO καρδιακὴ νόσος audit, aliis ἐκλυσίς καρδιακὴ, vel στομαχικὴ, CASTELLO syncope stomachica. Præterea Græci scriptores τῆς στομάχου κλύσιον πύρωσιν & ἐγκαυσιν, atque hoc morbo oppressos ἐγκαυμένους vel καρδιακαυμένους, quæ linguæ ubertas est, adpellant.

*c*) De morb. cognosc. Et curand. L. III. c. 3.

*d*) Op. p. 290.

*e*) Comm. III. in progn. Et in Aph. 65. L. IV. it. in L. II. morb. vulg. Op. T. III. p. 198. C.

*f*) καρδιώσσειν EUSTATHIO est τὸ καρδίαν ἀλγείν καὶ ναυτιᾶν; Hesychio simpliciter τὸ καρδίαν ἀλγείν. Singulari ei sensu notat, stomachum fame morderi, ὑπο λιμὸς δάκνεσθαι. Et IUL. POLLUX L. II. c. 4. p. m. 258. Doribus idem esse καρδιώσσειν, refert, ac βελιμνῆν, esurire: nempe fames etiam morsus est, sive secundum GALENUM σύμπτωμα τῶν ἐδακνομένων, L. II. de facult. aliment.

ἀνὰ τὰν τὸν στομάχον. An cardiaca maiori distat limite? Sane & hic vitium stomachi adgnoscent omnes, sed quod nervis in rete densum divaricatis cum cordis nervis communicans, summo angore & inter deliquia ac sudores adfligit. Diserte AETIUS g) os ventris primum esse ait, quod in cardialgia adficitur, ita tamen, ut per consensum & propter viciniam cor oblaedat. TRALLIANUS h) humores magis virulentos accusat, qui ad os ventriculi confluerint, aut collecti hæreant. Ex CELSO i) etiam discimus, cardiacos proprie vocari, qui ab adfecto & languente stomacho deficiunt animo, & immodico sudore solvuntur. Non igitur nisi gradu dissident cardialgia, cardiogmus & cardiaca, in illa loci adfecti & causarum communione. Quam cum admittat DONAT. ANT. ab ALTOMARI k) morose nimis delirare putat illos, qui ad reliqua discrimina non attenti cardialgiam cum cardiaca confundunt. In illa tantum dolorem angoremque oris ventriculi considerat, a tenui rodente humore, qualem jeunia, vel exercitia, vel mærores pariunt, inprimis bilioso, cuius subinde vomitus sequitur, febre non semper præsentē, uti nec in cardiogmo. Cardiacum verò morbum longe gravius & nunquam sine periculo ait ori ventriculi incumbere, cum virulentiùs est, quod adfligit, secundum TRALLIANUM, & febris semper acuta & æstuosa secundum AETIUM comitatur. Nihil hic video, quam crescentis morbi & proximam vitalitatis sedem oppugnantis injurias, ob quas CASTELLO syncope stomachica, RIOLANO exsultatio ventriculi cum multo sudore dicitur. Alio hæc discrimine dirimit HERC. SAXONIA, cui in cardialgia dolor continuus est, in cardiogmo interruptus, in cardiaca obrusior, at cum febre lapsusque

g) Cum febre acuta & maxime æstuosa, extremis frigidis, angore, jectitatione, sudore circa faciem & pectus glutinoso, *Serm. IX. c. I.*

h) *L. III. c. 7.*

i) *L. III. c. 19.* Commentatus in hunc locum BALTH. RONSSEUS notat, nil quam cardiogmum HIPPOCRATIS esse.

k) *Op. c. 60. p. 271.* CASP. HOFMANNUS *instit. L. III. c. 147.* etiam cardialgiam & cardiogmum rem quidem unam esse ait, at vetat cum iis confundere cardiacam.

psuque virium. HIERON. CAPIVACCIO 1) cardialgia nomen generis est, cardiognus & cardiaca specierum, ibi evidens mor-  
sus, hic causa venefica ad cor redundans. VALESBO de TA-  
RANTA m) merus cordis adfectus est cardiaca, cum tremore &  
jactitatione, sive cor suo vitio laboret, sive per consensum cum  
aliis partibus, maxime ore ventriculi. In tot sententias scissi-  
dum nimis arguantur, & extra consensum veterum, qui illarum  
vorum primi auctores fuere, fingunt discrimina; integrum no-  
bis erit, quotquot hic laborant, sub cardialgicorum nomine ge-  
neratim complecti. Stomachici Galenico ævo audire cœperunt,  
qui ad dicta mala essent præcliviores. Ita enim vulgo nuncupari  
ait GALENUS n), qui adpetentiam perdiderunt; vel qui adpe-  
tentes, mox gravati, revomunt; vel quibus cibo sumto oppri-  
mitur cum anxietate os ventriculi; vel ructus continui cum ango-  
re & subversione contingunt; denique ii, qui per inediam mor-  
sus in ore ventriculi sentiunt.

#### §. IV.

Obnoxii huius morbi insidiis plerumque sunt, qui propter  
ἐναισθησίαν, quam olim ARISTOTELES brevioris vitæ causam  
esse censuit, acrium & rodentium succorum vires ægrius circa  
loca tam sensibilia sustinent, quin & extra illas leviori ad speciem  
injuriae non raro succumbunt. Conjungit GALENUS o) præci-  
puas, quas in sinu nostro complectimur, cardialgiæ causas, acrem  
sensem, & cum arteriis nervisque cor ipsum ac cerebrum imbe-  
cillum. In his enim offensam stomachi ad utrumque principium  
celeriter transmitti, adeoque cordis & cerebri vires cum summo  
statim periculo opprimi concludit. Sigillatim hypochondriacis,  
qui flatu & corruptorum humorum in primis viis colluvie disten-  
di solent, acutior est nervorum irritabilium sensus, ob quem ma-  
lum

1) Pract. med. L. III. c. 6.

m) Philon. pharmac. L. III. c. 12.

n) de comp. pharm. sec. loc. L. VIII. C. 2. Op. Cl. V. p. 188. C.

o) De sympt. caus. L. I. c. 7. Op. Cl. III. p. 18. F.



lum hypochondriacum mater cardialgiæ audit. Calidis, cholericis, melancholicis, plethoricis, & ad gravissima animi pathemata, iram maxime & mœrorem pronis, vis illa morbi ad levem victus errorem imminet. Comes etiam habetur eruditorum; judice AETIO & ARETAEO. qui animum magis quam corpus exercent, & sub vigiliis suis & lucubrationibus, inclinato plerumque corpore sedent, aëremque in ventriculo & intestinis præsentem intercipiunt, adeoque spasmi abdominalibus crebro tentantur. Aetas nulla prorsus immunis est. Infantilis teneriores nervos habet, ad leve irritamentum trementes; adultior in crebriores malæ diætæ scopulos impingit; senilis in penuria illa nativi roboris & caloris minus præsidii habet, at & in illa partium rigiditate minus irritamenti. Præsertim feminis ob corpora sensibilia, animos mobiliore, & crebra excretionum impedimenta cum illo hoste confligendum est. Syncopæ vagæ huius sexus ab adfecto ore ventriculo & constricto plurimum pendent. Non minus debiliores intermissarum imprudenter consuetudinum pœnas luunt dolore cardialgico. Qui bis in die cibum capere soliti id temere intermittunt, secundum HIPPOCRATEM *p)* ἀδυνέες, καὶ ἄρρωστοι καὶ καρδιαλγέες fiunt.

## §. V.

Atque in his latet fundamentum causæ proegumenæ, ad quam præter temperiem & plethoram multiplex cacochymia cum heterogeneis, in corpore genitis, concurrit. Non hic attingo fermentum SYLVII, acorem æruginosum HELMONTII, partes alcalinas lixiviosas WILLISII. Hæc suis auctoribus, quorum ingenium lusit, ad ornandas hypothesen suas restituimus. Iners habetur pituita, ex ea tamen congesta & dolorem stomachi nasci, & vomitu pituitoso levare CHRISTOPH. GUARINONIUS *q)* animadvertit,

*p)* De Viët. acut. Op. T. II. p. 280. XVI. 2-4.

*q)* Cons. 608. p. 729.

tit, quin & ante illum GALENUS *r*), qui hominem de ore ventriculi questum, & pro pituitoso agnitum, bera, porro & sinapi, quippe incidentibus pituitam & educantibus sublevavit. Magis tamen acrium humorum virium huc pertinet, sive in ventriculo genitorum, sive illuc delatorum. Ita ex scorbuticorum sanguine quid segregari ad ventriculum sine stimulo potest, quin teneras partes offendar, offensamque perenni secretionis lege renovet & sustentet? Acrimonia biliosa præ reliquis cardialgiam parit, & interdum haud mitius, quam ipsa venena adsumta infestat. FEL. PLATERUS in picrocholis *s*), quibus ampla & plena vesicula fellis est, accidere putat, ut sub coctione repletioris ventriculi, flexo corpore sedentes premant fellis vesiculam, & hinc oris perpetua amaritudine & rosione stomachi divexentur. Huc spectasse videtur HIPPOCRATES *t*), dum cardiognum in folliculo fellis innasci statuit. Vomere multi sub intolerabili cardialgia aliquot libras bilis porraceæ, quali rejecta æger apud BALLONIUM *u*), qui ad perforantis terebræ sensum ipsam ventriculi sectionem postulavit, levare sese ad tempus, at sub novo bilis confluxu mox recrudescente dolores sensit. Bilis atra instar atramenti ad mensuram reperta est in sartore quodam apud TH. BONETUM *x*). FERDINANDI III. Imperatoris *y*) ventriculus, qui pridie sex libras biliosi & melancholici humoris ejecerat, cuius aliquot guttulæ vas argenteum

*r*) De alim. facult. L. I. c. I. Senatus æger, cum ad esum deinde ciborum acrium accederet, & ad iteratum doctorum remediorum usum peius se haberet, mirabundus, quid causæ esset, GALENUM sciscitatus est, qui facile mutati victus oppositas vires ostendit.

*s*) Triplex est picrocholorum genus, aliud *ἀνω*, aliud *μέτω*, aliud *ἔξω*: prout nimirum bilis nunc sursum, nunc deorsum deicitur, nunc extrorsum per habitum corporis redundat.

*t*) De morb. IV. Op. T. II. p. 131. XIII. 6.

*u*) Conf. 26. L. I. Fuit bilis atra ventriculo suffusa cum cancrofa lienis Diathesi.

*x*) Anat. pract. L. III. S. VII. O. 26. §. 5. Conf. Obs. 21. HOLLERII, ubi ventriculi pars inferior nigro succo ex dimidio plenus repertus est. Alia biliosæ labis exempla existant apud GREG. HORST. L. IV. O. 2. & PHIL. SALMUTH. Obs. 27. c. 1.

*y*) V. WOLFG. HOEFERI Herc. med. L. III. c. 3. Fuit pancreas nigrum,

reum arrosere, adhuc post mortem duas libras continuit, inserto in ventriculum ramo choledochi. Similiter insertum describit ZACUTUS LU-ITANUS 2), unde æger cum bilis colluvie & vomitu misere colluctatus est. Heterogenea, quæ gignuntur in corpore, ut flatus, vermes, calculi similiaque huius etiam loci sunt. Flatus distendunt mirifice a), & acri corruptorum halitu partes sensibiles vellicant, strictisque orificiis cum summo sæpe angore suffocant, quod a musto aliisque fermentescentibus liquidis, imo ipsis venenis, aërem rarefactum intra partes spasmo correptas coercentibus, fieri solet. Ut flarum, sic vermium morfu infestorum exempla sub comite cardialgia abundant b). De calculis quoque intra ipsas tunicas ventriculi, vel alias eius partes, hærentibus auctores passim citavimus c). Dubites, utrum a coagulo magis bilis, his quippe locis sæpius suffusæ nascantur calculi, an ex conjectura v. c. SCHNEIDERI d) bolare tartareum, quod veluti

durum, hepar dextrum scirrhosum, lien parvus, cystis, fellea sine gutta fellis.

2) *Prax. admir. L. II. O. 1.* Confer BARTHOL. CAEROLIUM de poro choledochi prope pylorum egresso, unde frequens nausea, vomitus & funesta cholera, in *Obs. anat. VI.* At ANDR. VESALIUS in remige tenuem tantum ramum insertum vidit, hinc sine illo malorum consortio, de corp. hum. fabrica *L. V. c. 8.*

a) Ventriculos legimus deletis rugis immuniter distentos. PLEMPIUS apud VERHEYN. in *Anat. L. I. T. II. c. 10.* ventriculum octodecim, SPIGELIUS apud RHODIUM *mantiss. 18.* tredecim librarum aquæ capacem repperunt. E contrario ventriculus vix ovi magnitudinem excedit apud TH. BONETUM in *Anat. pract. L. III. S. VII. Obs. 12.*

b) Vide inter plura I. B. MONTANI *Consil. 163.* AMBR. PARAEI *Op. Chirurg. L. XXIV. c. 19. p. m. 748.* SAM. LEDEL. *Eph. N. C. D. I. A. III. O. 84. p. 41. it. D. III. A. VII. & VIII. O. 61. p. 102.* SIM. SCHULZ. *ibid. D. I. A. III. O. 258. p. 460.* TH. BARTHOLINUS vermes viventes lanuginosos ducentos memorat a cardialgico rustico reiectos in *Act. Hafn. Vol. V. O. 34. p. 118.*

c) Vid. §. II. p. 12. Adde hic feminam, in cuius ventriculo ad ovi anserini magnitudinem contracto lapis durus, pollicem crassius cum cruda materia hæsit. TH. BONET, *l. c. S. VII. O. 31. & varia in obs. 39.*

d) *L. III. de Catarrh. c. 7. p. 239. ex lo. HENEN.*



veluti dentibus, ita orificio ventriculi cum dolore & foetore adhaerescere autumat, in lapidea illa fragmenta, roties in ventriculo reperta, coeat?

## §. VI.

Vastior est procatacticarum caussarum sylvā. Pertinet huc, quicquid ex pravo vitae regimine dicta loca, tam sensibili vasorum nervorumque glomere constantia durius adfligit. Per unam gulam, quantum noxae ingreditur! Nunc potu frigido, glaciato & nivato, nunc vicissim feruente, utroque nervis inimico, multi delectantur. Quis non intelligit, oppositis istis viribus, imo & utrinque solis, partes illas facile lædi, inflamari, iterata etiam vi occalescere, quod maxime de fervente potu & cibo experientia confirmat. Cardialgiam a largo potu frigido I. C. GOETZIUS *e)*, ut alii ab aëre frigido, epigastrium æstuantium adflante, tradiderunt. A vino acido AMATUS LUSITANUS *f)*, a vino muscati Narbonensis FEL. PLATERUS *g)*, a flore lactis, cui vinum adstringens superpotum, P. FORESTUS *h)*, a musto THEOPH. BONETUS *i)*, a temulentia iracundi juvenis HIER. LUDOLFF *k)*, ab ipsis acidulis, impuro nec præparato corpore potis HENR. ab HEERS *l)* observarunt. Nihil vero hic majori mordacitate lædit, quam spirituosus & aromaticus potus, qualem inter summas delicias luxus temporum numerat, & hospitibus, quasi ab itinerum squalore refocillandis, manu munifica dicam, an venefica? certe imprudenti propinat. Hoc acre tenacius angustiiis, quas transit, adhærens vere adurit inflammatque, multorum exitio, paucorum, quibus jam callus in istis locis natus, impunitate. De spiritu

*e)* *Act. N. C. Vol. II. O. 195. p. 439.*

*f)* *Cent. VI. O. 56.* Auctam vehementer a vini potu cardialgiam GUIL. BALLONIUS habet. *Epid. L. II. p. 183.*

*g)* *L. III Obs. in adolescente nobili.*

*h)* *Obs. med. rar. L. XVIII. O. 13.*

*i)* *Anat. pract. L. III. S. VII. O. 26.*

*k)* *in Disp. de hoc casu Erfordia habita 1727.*

*l)* *Obs. I. p. 13.*

ritu vini mirabilia hic exempla collegit TH. BARTHOLINUS *m*). Quot puerperas potus dulces aromatici & vina Hippocratica pemerunt! Hæc aromata etiam, quæ condire cibos & coctionem iuvare creduntur, eam sæpe corrumpunt potius, & vel indigesta remanent, vel igneo halitu corpus pervadunt. Aeger apud F. PLATERUM *n*) comesto largiter condito zingibere, ut vires ventriculi, ab aqua refrigerante læsas fulciret, periit cardialgicus, & integram adhuc zingiberis libram in ventriculo medicis scrutantibus exhibuit. Non hic excludo domestica aromata, raphanum rusticorum, nasturtium, sinapi, cepam & inprimis allium, quod ventriculo anxietatem parere, iam HIPPOCRATES *o*) censuit. Fructus corruptibiles horæi, cucumeres, melones alique non multo minorem stragem ediderunt. IO. IAC. WEPFERUS *p*) nobilem matronam a fructibus crudis sive acidis, sive dulcibus, prorinus cardialgicam, IO. RHODIUS *q*) ab uvis immodice sumtis intra tres horas pereuntem puerum, IAC. HOLLERIUS *r*) lethalem in seneca malis persicis cardialgiam litteris prodiderunt. Alii plus ab iis, sub quorum visciditate anguis latet, passi sunt, a pane ex furno recens extracto, a fungis, a placentis, a caseo, leguminosis, castaneis similibusque. Ab usu largo boletorum elixorum GALE-

NUS

*m*) *Hist. anat.* 70. *Cent.* I. Mulieris, quæ largius spiritum vini & calidiores aquas sorpsit, aperto cadavere ingens in ventriculo flamma prorupit, universum eius ambitum occupans. Addit ex AD. VORSTIO, Polonum equitem sumptis binis ardentis vini cyathis flammam evomuisse, eaque combustum periisse. Plura habet singularia *Cent.* III. *Hist.* 56.

*n*) *Obs.* L. II. *p. m.* 435. In alio, qui dolore stomachi interiit, cum quotidie pilula aloetica ante pastum uteretur, reperta similiter massa pilularis aloetica in ventriculo est, teste GU. BALLONIO, *paradigm.* 110. Mirabiliora narrat VAL. ANDR. MOLLENBROCCIUS, nempe pilulas ante annum sine successu sumtas, post annum vomitu rejectas esse, & auro quidem adhuc obductas *Eph. N. C. D. I. A. II. O.* 92. *p.* 166.

*o*) *de rat. viñ.* L. IV. 40.

*p*) *Eph. N. C. D. II. A. X. O.* 17. *Schol.* *p.* 309.

*q*) *Cent.* II. *O.* 53. Repertus ichor viridis in ventriculo perforato.

*r*) *Comment. ad Aph. XVII. S. II. L. III. coac.* HIPP.

Richteri Opusc. T. I.

Fff

nus s) ipse, a lacte coagulato P FORESTUS t), a caseolo improvide deglutito, & triennes, donec frustra lapidea vomitu eiicerentur, dolores pariente C. F. PAULLINI u) natam exposuere cardialgiam. Multis adeo sentit os ventriculi iudice GALENO x), ut nec acre acetum, nec sinapi, nec similia ferant. Sola ingluvies nimia cibi, alioquin innoxii, vel usus præposterus pari ratione lædunt. F. PLATERUS y) mulierem, quæ carne & ovis die paschatos ventrem opplevit, subito extinctam, & alio loco puerum famelicum, qui duodecim panes proposito præmio devoraturus, cum id fere præstitisset, sub ultimis experimentis inter summos dolores ad mortem usque angi cæpit, & alia hujus argumenti largius expromit. Non minus quam intemperantia cardialgicos efficit inedia, quippe hummores nostros, novo blandi chyli commeatu haud delinitos, attritu vitali acriores reddens, ut nihil nisi sub gravioris acrimoniæ stimulo secernant. Germanum suum *Nannium* scribit P. FORESTUS z) semper a jeunio cardialgicum cum vomitu bilioso fuisse. Nonnunquam, quæ specie pharmacorum incaute exhibentur, sensibiles ægros trepidante medico in hæc pericula coniiciunt. A nimio usu balsami sulphuris C. KOLICHEN a), a largiori dosi olei succini Io. HOYER b), ab immodico usu spiritus vitrioli post RONSSEUM DORINGIUS c), a sesqui drachma olei piperis & olei vitrioli, uno haustu sumtis

LAUR.

s) *de alim. L. VII. c. 68.* Confer G. F. HILDAN. *C. IV. O. 34.* AMAT. LUSITAN. *C. I. cur. 39.* C. STALPART *van der WIEL C. I. O. 40.* BALTH. TIMAEI *Conf. med. L. VII. c. 4. p. 311.*

t) *Obs. XVIII. L. III.* Confer DAN. SENNERT. *Pract. med. L. III. P. I. S. II. c. 15.*

u) *Obs. med. phys. 114.*

x) *de loc. adfect. L. V. c. 6. Op. Cl. IV. p. 20. G.*

y) *Obs. L. II. ubi & virginem nominat a castaneis similia passam.*

z) *Obs. 4. L. XVIII.*

a) *Act. Hafn. Vol. I. N. 121.*

b) *Eph. N. C. Cent. I. O. 53. p. 123.* Tangit errores circa spirituosâ chemica.

c) *in Ep. Sennert. C. I. Ep. 86.* Absumta adparuit interior ventriculi tunica,



LAUR. HOFMANN *d*), ab abusu magisterii perlarum, a quo tunicæ nigrae & corruptæ in ventriculo repertæ, IO. CRATO *e*), alii ab oleo bezoardico, a spiritu cornu cervi, similibusque remediis chemicis, natas cardialgias sub tristi sæpe exitu conspexerunt. Quanto atrocior vis est acerrimorum venenorum! quæ lividum, fideratum, maculis conspersum, putremque ventriculum, sique eum expandis, foraminulis pertusum toties exhibent, docente GU. BALLONIO & aliis *f*). Ab aqua forti C. STALP. *vander WIEL. g*), a mercurio vitæ GU. FABR. HILDANUS *h*), a solutione mercurii cosmetica, loco syrupi somniferi sumta, FR. VALLERIOLA *i*), ab aqua chrysulca pro aqua vitæ pota HENR. *ab HEERS k*), ab arsenico PHIL. SALMUTH *l*), a cicuta aquatica I. IAC. WEPFERUS *m*), funestas plerumque cardialgias memoriæ mandarunt. Alii a cerussa, a gypso & a pulvere plumbi cum IO. FERNELIO *n*) observarunt. Drafticorum emeticorum & purgantium non impar vel multum inferior noxa est. De purgante, quo ultro sumto lithotomus intra dimidiam horam cum singultu expiravit, ANDR. LIBAVIUS *o*), de gilla ventriculum tri-

bus

*d*) de usu & abusu chem.

*e*) in consil. & epist. a SCHOLZIO collectis Ep. 163.

*f*) Consil. 43. L. I. it. *paradigm.* 144. ubi facto examine unum oculationem, tensum ventriculum minimis foraminulis pertusum exhibuisse ait. Quale etiam reperies in TH. BARTHOL. *Hist. anat.* XVIII. Cent. II.

*g*) Cent. post. Obs. 26.

*h*) Cent. VI. Obs. 22.

*i*) Obs. *medicinal.* L. I. O. 7.

*k*) Obs. 16. p. m. 151.

*l*) Cent. I. Obs. 10. Confer TH. BARTHOL. *Hist. anat.* 48. Cent. II. it. FEL. PLATER. Obs. L. II. p. 423. ubi adultera marito arsenicum in lacte bis propinavit, cum prius evomisset.

*m*) *Hist. Cicut. aquat.* p. 6. sq.

*n*) De lue venerea C. VII.

*o*) in cyst. med. Hornung. Ep. 76.

bus locis ad latitudinem philippici perforante HENR. *ab* HEERS *p*), de colocynthide NIC. TULPIUS *q*) de aconito, magisque infuso hellebori albi inter convulsiones enecante F. PLATERUS *r* restantur. Addere liceat aciculas, spinas, vitra & similia deglutita, vel rejecta. ANT. BENIVENIUS *s*) acum aeneam deglutitam, post decem annos, terebrato ventriculo per parvum foramen extisse vidit. Sane ex dictis omnibus miræ erosiones, inflammationes, abscessus, ulcera, sphaceli, cancri nascuntur in sedibus cardialgiæ. Paucis attingo, quæ de lacertis & serpentibus CONR. GESNERUS *t*), de bufonibus TH. BARTHOLINUS *u*), de anguillis & scarabæis devoratis F. PLATERUS *x*), de aranea deglutita JO. SCHENCK *y*), alii de talpis, cochleis aliisque fulius enarrant. De hirudine, quæ naribus pro scopo hæmorrhagiæ excitandæ adhibita in gulam irrepsit, cum crudeli cardialgia, extat observatio JO. RHODII *z*). Cui congruit alia THEOD. ZWINGERI *a*), qui accitus ad ægrum tota nocte ejulantem & convulsioni proximum, in usum emetici adfensit, quo inter angores & deliquia animi, cum pîruiâ & sanguine, plures hirudines exierunt, maxima ad indicis crassitiem, & majorem longitu-

*p*) De fonte Spadano c. IV. p. 29. Fuit canonicus chemiæ non ignarus, qui ipse sibi gillam præparaverat. Restabat exterior tunica, cui gilla adhæsit, etiam exesura, nisi mors prævenisset. *Idem* de cardialgia lethali ex euphorbio agit *Obs.* 25. p. 219.

*q*) *Obs.* L. IV. c. 25 it. F. PLATER *O.* L. II. p. 803.

*r*) *ib.* inter magna corrofi ventriculi vestigia.

*s*) De abdit. c. 10. Miraculosum vomitum rerum variarum exhibet TH. BARTHOLINUS *Hist. anat.* 52. *Cent.* I.

*z*) *Hist. anim.* L. II. de lacertis, at sub dubio rumore. Habet & vomitum lacerti TH. BARTHOL. *Hist.* 94. *Cent.* V.

*u*) *Cent.* IV. *Hist.* 19.

*x*) L. II. *Obs.*

*y*) *Obs.* L. VII. *O.* 31. p. 871. ex GESNERI *adnot. ad* L. II. *parab. Diosc.* C. 150.

*z*) *Cent.* II. *O.* 72.

*a*) *Eph.* N. C. *Cent.* VII. *O.* 25. p. 59. Biberat ex fonte impuro, quod & Galenus de quodam hirudinum vomitu scribit, *de loc. adfect.* L. IV. c. 5. *Op.* Cl. IV. p. 26. A.

gitudinem, omnes vero sanguine turgidæ. Ipsa maligna contagia in stomacho potissimum figi, RICH. MEAD *b*) suspicatur, re-  
pertis gangrænosus & sphacelatis stomachis. Non secus I. B. HEL-  
MONTIUS *c*), cum hæc loca in peste defunctis velut ab arsenico  
morfa & lacerata cerneret, pestis ortum in stomacho adseruit.  
Certe in his malignis morbis TH. JORDANUS *d*) circa mucrona-  
tam cartilaginem, tantum renixum notavit, ut si quis summo di-  
gito loca illa premeret, ejulatu ingentem dolorem ægri prode-  
rent. Verum ex alio etiam fonte læsi vitæ regiminis petendæ  
sunt causæ. Vigiliæ, meditationes, studia protracta, dum acu-  
unt salia; quies & somnus, dum supprimunt excretiones, & vim  
coctionis suspendunt; vehemens exercitatio, dum latentia in mo-  
tum rapit, & occultas noxas evolvit, idem pariunt damni. P.  
FORESTUS *e*) fratrem suum ait semper, si nimis exerceretur,  
cardialgicum fuisse. Ita excretionibus alui vel aliarum partium  
læsis, retentorum vitia sæpe in ventriculum decubuerunt. Re-  
pulsæ exanthemata & alia mala cutanea, retrocedens materia po-  
dagrica, arthritica, rheumatica, non hic temere in partem culpæ  
trahuntur. Ab hæmorrhagiis suppressis FR. HOFFMANNUS *f*), a  
mensium fluxu sublato ROSIN LENTILIUS *g*) viderunt cardialgi-  
cos: alii ab ulceribus & fonticulis improvide repressis. Haud  
prætereunda sunt animi pathemata, in primis tristitia & mœror,  
quibus supprimuntur excernenda, vis coctionis hebescit, bilis  
exasperatur. Operam impendit CAR. RAYGERUS *h*) cardialgico,  
qui

*b*) De Venenis Tract. V. de Ven. halit. p. m. 153. seq.

*c*) de febr. C. X. §. 8.

*d*) De peste pham. Tr. I. c. 19. Conf. MART. RULANDI de morb. Hung.  
c. 2. p. 410.

*e*) L. XVIII Obs. 4.

*f*) Med. rat. syst. T. IV. P. II. S. II. c. 2. O. 4. p. m. 246.

*g*) Eph. N. C. D. III. A. VII. & VIII. Obs. 120. app.

*h*) ib. D. I. A. IV. & V. O. X. p. 14. Apud PLATERUM Lib. II. Obs. plu-  
ra reperiuntur. Femina lactans casu infantis territa incidit in dolorem  
artuum & ventriculi, cum oris amaritudine, vomitu bilioso, ipsis deni-  
que lipothymiis. Alius ex causâ forensi deperdita cardialgicus evasit.  
ib. p. 428.



qui ex mœrore inter mira symptomata contabuit. Similes ex mœrore & iracundia casus penes FR. HOFFMANNUM *i)* occurrunt. Neque ad externam vim oscitantius auscultandum est. Ab ictu fulminis resolutum os ventriculi, ut nihil contineret, notat R. SOLENANDER *k)*. NICANDER in libello de theriaca morsum serpentis hæmorrhoidalgiam inferre tradit. A forti percussione manus, vel duri instrumenti, circa scrobiculum cordis cadere statim gelidos, vel epilepticos, imo mortuos, ex medicina forensi laudatus FR. HOFFMANNUS *l)* illustrat. Mortem ex tali plaga secutam TH. BARTHOLINUS *m)* e BELLONIO refert: fullonem nempe interemisse juvenem, cujus stomachum violento pugno contudit. Mors lenius secuta est, sed sub vomitu & sicca tabe in muliere, cujus scrobiculum cordis gravis a mola ictus percussit, fufius describente hunc casum celebri viro G. A. LANGGUTH *n)*.

## §. VII.

Ab utrisque causis, proëgumenis & procatarepticis, sub varia virium miscela, nascitur causa proxima, seu ipsius descriptæ partis, tam nervosæ & sensilis, permolesta & violenta tensio, a qua, modo compos mentis æger sit, indissolubili nexu pendet cardialgia. Inde vero ad hujus idiopathicæ & sympathicæ discrimen ducimur. Ibi propriis locis & morbus & causa, non solum proxima sed & remotior, insidet: hic ex aliis locis, quæ primum causa morbofa occupat, sensus injuriæ transfertur, ut fit in nephriticis. Discernunt symptomaticam, tanquam meram ali-

eni

*i)* loc. cit. Obs. I. p. 240.

*k)* Consil. med. Sect. V. c. 16.

*l)* loc. cit. S. II. c. 2. §. 7.

*m)* Hist. anat. XXXIV. Cent. V.

*n)* In nuperrime edito progr. de tæ sicca lethali ex callosa pylori angustia Vitteb. 1750. Fuit tumor mirabilis, durus & callosus, duplicatum pugnum exsuperans, & medium pylorum simulque ad palmæ latitudinem ventriculæ, cujus infra umbilicæ depressa pars fuit, obsidens, inter alia omenti, mesenterii & lienis vitia.

eni morbi sobolem, ut inflammati hepatis. Alia distinctio est in simplicem, compositam & complicatam. Simplex nec migrat limites, nec magno fomite alitur, nec vicinarum partium pacem turbat. Composita totum aliquando cum ostiis suis ventriculū occupat, imo ulterius evagatur, sub tristi gravium symptomatum contubernio. Complicata aliorum morborum arma sibi sociat, & infestarum virium connubio valentior febres, quas SYLVIVS o) cardiacas vocat, non modo intermittentes, sed & continuas & ardentes, imo malignas in societatem noxæ adsciscit. Quodsi ipsa hic latentia & inveterata corporis vitia inimico foedere conspirant, tetra exsurgunt cardialgiæ hypochondriacæ, hystericae, cachecticæ, scorbuticæ nomina, ut quadam proditiōis specie novis intra propria viscera hostibus, sopitis antea ex parte, nunc ad commune incendium excitatis succumbat æger. Enumerant nobis auctores passim infestos illos cardialgiæ comites, ut febres varii generis P. FORESTUS p), cachexiam FEL. PLATERUS q), malum hypochondriacum vel melancholicum JUL. CAES. CLAUDINUS r), vertiginem & aurium tinnitum VICT. TRINCAVELLIUS s), convulsionem C. GUARIRONIUS t). Minus plerumque ab ipso hoste quam hoc longe deteriori comitatu periculi est. FRID. HOFFMANNUS u) magni momenti habet differentiam flatulentæ & spasmodicæ cardialgiæ. Ibi inflatum tumere ventriculū cum angustiis respirationis, & ructu subinde levare dolorem: hic arctari magis

o) *prax. med.* L. I. c. 30. §. 28.

p) L. VII. o. 28. Est & cardialgia cum febre apud HIPPOCRATEM *Aph.* IV. 65. In multis febribus sic ventriculus adscitur, ut iis etiam superatis non nisi longa mora ad se redeat. v. LAZ. RIVER. *Cent.* II. O. 83. DOM. PANAROL. *Pentec.* I. O. 20. ISER. DIEMERBROECK *de peste Hist.* 15.

q) L. I. c. 2. Meminit virginis cachecticæ & cardialgiæ, nec non hystericae & cardialgiæ.

r) *Consult.* 110. Confer I. B. MONTAN. *Consult.* 163.

s) L. I. *conf.* 20.

t) *Obs.* 547.

u) *Med. rat. syst.* T. I. P. II. S. II. c. 2. §. 4. & 5. p. 223. Alteri tribuit nomen *Herxcolic* alteri *Magenkrampf*. *ibid.* p. 8.

magis ventriculum, cum anxietate præcordiorum, majori virium strage, jactatione & extremorum frigore statuit. Hoc an penitus ita sit, ut sibi seorsim res suas habeant, ex ea ratione subdubitare licebit, quod non sint flatus, nisi quos spasmus intercipit. Inter multa, quæ flatulenta vocantur, ingesta non ructat sanus, inter pauca ructat hypochondriacus, in spasmos proclivis. Ad venenorum spasmos quam subito totum corpus intumescit! Certe ær, quacunque copia genitus, quocunque calore rarefactus, ultro per vias patentes sine sensu ac sono elabitur, nisi spasmus viam intercludunt. Ergo tanta flatulentæ & spasmodicæ cardialgiæ cognatio est, ut illa non nisi sub societatis hujus viribus consistat. Plus attendimus ad cardialgiæ fixæ, vagæ & periodicæ differentiam. Fixa & continua constantiam sævientis causæ in locum occupatum prodit, dum eum inflammatio, scirrhus, ulcus, cancer & alia mala obsident. Vaga ex fonte impuro adpersam incertis temporum momentis labem innuit. Periodica febrium comitantium leges plerumque sequitur, interdum & proprias: dum certis spatiis solvitur causa, certis renovatur. SAL. REISELIUS *x*) cardialgiam periodicam vernalem per decem annos non alio tempore quam vere adfligentem, idque post cibum, non in jejunio, commemorat. Cardialgiam alternis sine febre diebus in filia & multis aliis observavit TH. BARTHOLINUS *y*), sub menstruum tempus C. GUARIRONIUS *z*). Nunc dolor horas jejunii interpellat, ubi bilis acrior, exemplo typographi illius apud HENR. SMETIUM *a*); nunc sumtum cibum sequitur, ubi cruda & semisopita excitantur; nunc circa finem coctionis, ubi tument ingesta, flatuque & corruptorum halitu interdum lacessunt, ingruere solet; nunc

*x*) Eph. N. C. D. II. A. VII. O. 7. p. 12. In corpore extincto fuit omentum semiputre, supra pylorum foramen instar pisi cum annulo nigro.

*y*) Obs. 50. Cent. III.

*z*) Consult. 170.

*a*) Misc. med. L. X. p. 542.



nunc post somnum etiam, a catarrhis. C. GUARINONIUS *b*) in viro primario dolores illos describit, quinis circiter a cibo horis ortos, flatu levatos, vel novo cibo repressos. Haud plures sollicite attingam cardialgiæ species. Intelligitur, quæ exquisita, quæ spuria sit? quæ acuta, quæ chronica? Cardialgiam priori morbo durante, vocant κατ' ἐπιγένεσιν, priori morbo sublato κατὰ μετάπτωσιν. Habent castrensem, in statu militum, frigus, solem, famem, sitim ferentium, & sæpe, quæ parum congruunt, ingerentium. Alii hæreditariam, alii epidemiam quoque & epidemiam tradunt. In qua varietate specierum etiam illud patet, quando morbus, quando congruentius symptoma cardialgia adpellerur? *οὐκ ἔστιν ὁμοίως καὶ τὸ ἀντιθέτως ἐν τῷ σώματι, καὶ τῷ πνεύματι.*

## §. VIII.

Cognatos morbos maxime distinguunt situs doloris, idque luculentius, in definito illo reliquorum symptomatum satellitio, quod in diversis morbis nunquam idem est. Ipso gradu acerbioris doloris angorisque distinguimus leviores nec diu permanentes ventriculi, flatu & cruditate laborantis, offensas, ut sodam vel ardorem ventriculi, imo & choleram siccam & alia; quamvis minime inficiemur, si invalescunt malorum horum causæ, sub iteratis in vitæ regimine erroribus, altius ea eniti posse, & cardialgiæ nomen aliquando mereri. Signa illa adfecti cerebri, ut vertigo, delirium, convulsio, vel vacillantis cordis, ut anxietas & syncope, qualia etiam ex causis, in proprio sinu natis, multisque aliis nasci posse nemo dubitat, an ortum stomachi vitio debeant, discimus ex hoc aliquamdiu prægresso & invalescente, in corpore aliis morbis, qui eo tendunt, non laborante. Dolor extrâ ventriculi pomæria, diversis plerumque symptomatibus stipatus,

*b*) *Consult.* 585. Adde. PHIL. SALMUTHI *Obs.* 10. c. 3. Nobilis & vorax hypochondriacus, quoties media nocte non acciperet cibi aliquid, sensit in fovea cordis dolorem instar duri globi ad deliquium usque animi. Sumto cibo, qui stimulum corrupti suppressit, evanuit dolor & somnus successit.

*Richter*i *Opusc.* T. I.

Ggg

rus, exercitati medici iudicium non confundit. Distinguet cardialgiā a pleuritide, quæ supra præcordia, in thorace & ejus lateribus; a dolore hepatis & lienis, qui in hypochondriis; a colico & iliaco, qui in regione coli & ilei; a nephritide, quæ circa lumbos & renes sævit. Verum his malis sæpe cardialgia per consensum accedit, unde plus aliquando in discernendo attentionis requiritur. Colon circa jecoris cavum & vesiculam felleam transversim sub ventriculo exporrectum, statuque aut stercore distentum mentitur non raro cardialgiā. Haud inanis JO. SCHENCKII *c*) conjectura est, deceptos medicos coli cruciatus pro ventriculi fuisse pro colicis habiti. JO. SCULTETUS *d*) cadaver monachi Patavini, colica, ut credebant omnes, extincti aperiens ventriculi fundum vidit phlegmone correptum, & ad mediam usque tunicam arrosū. Plus hæsitant alii circa hepar, quod pueri secundum HIPPOCRATEM *e*) etiam καρδιαν adpellant. Obvolvitur superior hepatis lobus ventriculo antrorsum, & ex iudicio doctissimorum virorum sæpe medici, id quod hepar infestaret, in ventriculo quæsi verunt. In summo viro JAC. AUG. THUANO *f*) jecur repertum est induratum, rotundum instar sphaeræ, & gypsea pituita factum, simulque pancreas scirrhusum & ejusdem cum hepate ponderis. Ille vero ad regionem stomachi sævos dolores habuit, cum sensu ponderis, si stare & ambularer, idque sine manifesto dolore & tumore hypochondriorum. Sane uti jam olim ARCHIGENES apud AETIUM dixit, falli medicos, doloris causam in præcordiis aut in pectore suspicantes, cum a ventriculo repetenda fuerit; ita vicissim caute GUIL. BALLONIUS *g*) dolores, inquit, ad stomachum varie fatigant, quos nescias an attineant ad ipsum ventriculum, an ad vicinas partes? ratione enim membranarum,

*c*) L. III. observ.

*d*) Armament Chir. O. O. 80.

*e*) οἱ παῖδες καρδιαν καλεῖσι. L. IV. de morb. Op. T. II. p. 125. VIII. 4.

*f*) Jo. RIOLAN, anthropolog. L. II. c. 16.

*g*) Conf. med. L. I. c. 26. p. 60.

narum, dumque investiant thoracem, dumque diaphragmati vicinae sunt, oriuntur dolores, continuitate quadam adfligentes, & ea ratione alios, aliterque quam sunt, morbos mentientes. Quod etiam magis circa hepatis vitia valet. Optima hinc dijudicandi ratio est, veram mali nostri diagnosin exacte limitare.

### §. IX.

Hanc vero stabiliunt maxime caussarum vires inter morbosas mutationes, quæ in sensus incidunt, conspicuæ. Dolor angorque loca definita sic torquent & excruciant, ut dubites, hic sensus, an ille molestior sit? Non omnis dolor statim cardialgiæ nomen meretur, sed intensior cum jactatione & angore, viriumque sæpius subita strage. Nunc urit, pungit, rodit, mordet, lacerat; nunc gravat magis, premit, inflat, & cinguli instar partes constringit. Eo adscendit aliquando, ut querelæ & ejularus in potestate ægri non sint, & cum illa jurisconsulti uxor apud AMATUM *b)* clamitent, evadere se non posse, nisi dolens locus aperiatur. Multi etiam doloribus victi manum sibi intulerunt *i)*. CLAUDIUS Imperator *k)* de consciscenda sibi morte cogitavit, in tanta hujus morbi sævitia. PROCULEIUS *l)* AUGUSTI familiaris poto gypso causam doloris cum vita, jam contemptim habita, extinxit. Haud dolor ille excedit facile propriæ sedis limites, quoties nunc antè sub cartilagine illa triangula ensiformi, quam barbari malum punicum vocant, hæret, nunc ad dorsum, nunc sinistorsum vergit: quo ipso signa tantum suppeditat, quibus maxime intra pomœria sua partibus incumbat. Patitur nempe os ventriculi dextrum, si circa finem sterni sub dicta cordis fovea dolor oritur, ipso externo tactu asperior. Patitur sinistrum, si

spinæ

*h)* Cur. Med. Cent. O. 20.

*i)* JO. RIOLAN. *partic. meth. med.* S. III. p. 179. *b).*

*k)* SUETON. CLAUD. c. 31.

*l)* PLIN. H. N. L. XXXVI. 24. Veteres credebant, asperissimos cruciatus esse calculi a stillicidio vesicæ, proximos stomachi, dein capitis.

*ibid.* XXV. 2.



spinæ dorsi propior circa binas ultimas thoracis vertebrae sentiuntur. Inter ipsa tamen ora, quis non consensus est? quo mutuum malorum sensum per intermedios plexus communicant. Conspiciunt inter se fibræ, contractæque & distentæ utrumque simul ostium adficiunt. Non tantum idem dolor sub xiphoide, inquit REIN. SOLENANDER *m*), sed & ad spinam se extendit, & ulterius. MICH. ETTMULLERUS *n*) aurifabrum memorat a fungis cum butyro frixis noctu evigilantem, & in regione dorsi, circa vertebrae thoracis, dolores quasi a pugione perforante sentientem, qui mox a postica parte etiam ad anteriores transiere. E contrario G. DE THARDING *o*) mulieris meminir, quæ sub scrobiculo cordis dolores percepit, in oppositam dorsi partem mox excurrentes. Tam promptè sibi consentiunt utraque ora! quæ ceterum vix nisi tribus transversis digitis a se distant *p*), imo in viventibus, quod ANDR. LAURENTIUS *q*) inculcat, minus intermedii spatii quam in mortuis habent, velut inter alia ex frictu in scrobiculo cordis, mox nauseam vomitumque pariente, colligit. Nec fieri facile potest, quod ingestum læsit in ingressu per stomachum, quin in egressu lædat per pylorum, vel dum excluditur, crescente alluat corruptela sua. Ascendens doloris sensus oesophagum notat, spinæ accumbentem: ad scapulas quoque & humeros extenditur ob nexum cum diaphragmate, & succingentem thoracis membranam, ut in muliere C. GUARINONIUS *r*) vidit. Descendens dolor deorsum & sinistrorsum fundum ventriculi, dextrorsum hepar, inferius alia redarguit, in qua re perspicacior anatomici oculus dolentia loca argutius dijudicat. At & simul dolor causæ genium adumbrat. Rodunt acria, terebrant vermes, distendit flatus, mordet bilis. Corrosiva instar cultellorum pungunt, acida austera lancinando adstringunt, ferventia adurunt. Penitus causam pro-

dit

*m*) S. II. conf. 25.

*n*) Colleg. consult. cas. VI.

*o*) Eph. N. C. Cent. I. & II. app. p. 185.

*p*) I. C. Garengot. *splanchnol.* P. I. c. 3.

*q*) Anat. L. III. c. 2.

*r*) Consult. 522.

dit excretorum genius, ut vomitus pituitæ, bilis, puris, vermium. Bilem comitatur nausea & amaror oris, tolerantia famis sitisque. Vermes tremor labiorum, fœtor oris, pruritus narium prodit, cum tussicula sicca, quam AETIUS interiori tunicæ, quæ & asperæ arteriæ & oesophago & ventriculo communis est, jam olim tribuit. Flatum tensio arguit & ructus rugitusque, quibus si acrium humorum halitus se miscet, sensus mordicationis accedit. Ita GREG. HORSTIUS s) tensum instar tympani ventriculum observavit in femina honesta, inter mordicantes dolores. Etsi minor tensio est, flatus tamen oberrans, sub acriori corruptorum halitu, vermium reptatum morsumque æmulatur. Aeger quidam questus de verme est, qui ex intervallo per oesophagum unguibus uncis & cauda mobili reperet, aususque ante mortem delineare figuram, quam sibi finxit, lacerti bicipitis cum corpore ovali & cauda tortuosa: vehementer obsecrans, ut in aliorum emolumentum corpus defuncti inspicerent. Illud tabe consumptum cum incidisset AUGUSTIN HERMANNUS t), ex perforato ventriculo statim foetidissimus flatus cum sibilo prorupit, nihil vivi in cavo hæsit, sed liquidum subcreventum & fœtentis spurcitiei. In acutis dolor noster sua stadia habet, gravis in principio, acutior in incremento inter vehementia symptomata, lenior in diminutione. Neque negligenda est ratio doloris, nunc jejunos nunc pastos invadentis, nunc continui, nunc intermittentis, unde fixitatem vel mobilitatem causæ, & corporis imparem statum, nunc plus nunc minus morbo faventem discimus. Ceterum ut raro cardialgia reperitur, quæ non vicinis visceribus vestigia noxæ impressit, ita loca illa, ipso duce dolore, optime interpretamur. Jungit se maxime dolori anorexia, nausea & vomitus, ad stimulum correptelæ nunc vagæ & per dierum mensiumque intervalla renovatæ; nunc fixæ & plerumque inflammatoriæ, quæ sive sola sit,

s) *Obs. L. IV. O. 39.*

t) *Eph. N. C. Dec. I. A. II. o. 173. p. 271.* cum accreto hepate, & pylori sphinctere, ut vocant, ulcerato, variisque lividis excrescentiis obfesso, aliisque malis.

fit, sive in ulcus aut scirrhum transeat, æger etiam ad lenissimam adsumpta dolet, vomit, singultit. Angorem & inquietudinem parit oppressa motus vitalis facultas: nam ipsa sensim cordis actio tremat, fatiscit & suffocatur, cum in communibus nervis ob causæ vehementiam summa sit irritatio ad spasmodum, qui influentes spiritus excludit, in progressu etiam atoniam & resolutionem nervorum relinquit, quæ ipsa syncope. Dyspnœa & aliquando singultus ab adfecto diaphragmate pendent. Verum etiam ad originem nervorum illa vis redundat, in cardialgia, quæ per vertigines, scotomias, deliria & convulsiones occidit.

### §. X.

Præfagii fides solerti observatione nititur, ad aegri temperiem, ætatem, sexum, causarumque cognitarum vim & varietatem restringenda. Ita eventum non solum, sed & tempus ipsiusque modum non vacua conjectura adsequimur. Tempus durationis ex pervicacia causæ & imbecillitate virium in corpore ægrotante æstimamus. Sub febre & inflammatione diem decimum quartum vix superat, sinistro ut plurimum exitu. Modum in excretionum præsiidiis reperimus, ut in lotio copioso & cocto, cui oppositum est tenue & crudum, sinistri hinc ominis. Ructus & vomitus sæpe levant, imo solvunt morbum, dum opportune eiiciuntur calculi, vermes, bilis, vel quidquid corruptorum & mobilium humorum est. Anxia e contrario jactatio citra vomitum aggravat morbum teste HIPPOCRATE *u*). Ut vomitu & diarrhoea, sic sudore solvitur cardialgia, modo nihil inflammatorii subfit. An tempestiva satis sit per hæmorrhagias excretio? dubites. Notat enim G. DETHARDING *x*), mulierem mensæ acumbentem, dum gravissimis illis, nuper per artem placatis doloribus iterum corripere, sanguine a naribus prorumpente protinus periisse. Potest tamen sub certa laborantis corporis conditione moderatus sanguinis fluxus, & causæ morbi conveniens, salu-

*u*) prænot. Coac. IV. Op. T. I, p. 578. IV. 8,

*x*) Eph. N. C. Cent. I. § II. app. p. 185.



salutaris esse. HIPPOCRATI *y*) signum est fluxus hæmorrhoidalis, si lumbis dolentibus cardialgia accedit. Bene se res habet, quoties causa parva, ut vitia diætæ, dolor mitior nec continuus, respiratio liberior, cordis & cerebri actiones illasæ, febris nulla vel remissior, sensus corporis hebetior. Nam simplicem etiam cardialgiam metuinus cum TRALLIANO *z*) in corpore exhausto, tenero, debili & sensibili. Multi, quibus familiaris est, vix leviter ferunt iudice P. FORESTO *a*). Prægnantibus sæpe superveniens abortum præfagit & præfocationem *b*). In senibus cum deliquis crebro revertens subito opprimit, vitalis enim functionis crebras eclipses nemo diu fert, ne dum in illo vitæ limite. A flatu & vermibus pauci metuunt. Verum ibi post diurnas molestias in siccum hydropem est transitus *c*); hic dum adhærescunt & terebrant lumbrici, rem aleæ plenam esse & paucis horis interdum exitialem, TRALLIANUS *d*) adfirmat. Chronica plerumque cardialgia inducias indulget, acuta fere semper in armis est. Ex vitiato situ vertebrarum inmedicabilis oritur. Atamen H. F. *ab* AQUAPENDENTE *e*) hanc exarthrosin rarissimam vocat, quod interposita multa & crassa cartilago spinam introrsum prorumpere prohibeat. Nec nisi difficilis curatu a prolapsu cartilaginis xiphoidis est. Exquisitus dolor facile in convulsionem transit, extremorum frigus mortem instare notat *f*). Nunc oculis suffusionem accidere, nunc ad aures insuetos sonos adlabi,

GALE-

*y*) *Op. T. I. p. 482. XVIII. 16. ibid. p. 484. XXI. 6.*

*z*) *L. VII. c. 9.*

*a*) *L. VII. c. 47.*

*b*) *DOM LEO Art. med. L. I. C. 6.*

*c*) *Aph. XI. §. 4.*

*d*) *L. III. c. 7. Confer LAZ. RIVERRI Prax. med. L. IX. c. 10. p. 346. & HIER. MERCURIALIS med. pract. L. III. c. 2.*

*e*) *in append. chirurg.* Premeret quoque, eo iudice, illa vis arteriam asperam & diaphragma cum periculo suffocationis.

*f*) *Partes externæ, ex dolore circa ventriculum, frigida HIPPOCRATI lethale sunt signum. VII. Aphor. 26. Frigidos cum febre sudores damnat, Aph. 37. S. IV.*

GALENUS scribit g). Nempe hæc tentati iam cerebri indicia sunt. Si violentius tentatur, morbos ait comitiales sequi, carum, coma, catalepsin, deliria, convulsiones, cum certo ægri exitio b): quemadmodum corde adfecto, anxietas, apnoea, syncope cum sudore frigido. Vix crederes, idem GALENUS i) inquit, hæc omnia, ipsamque syncopen a stomacho pendere, nisi tam crebro eveniret. Quærendum vero semper est, recens an inveteratum malum? remissius an intensius? cum an sine febre & inflammatione? & maxime cum an sine consensu cordis & cerebri? Febris arguit vel inflammationem, vel copiam vitiosi humoris. Sæpe continuæ, malignæ & exanthematicæ subnascuntur, quæ impura & imprimis biliosa corpora cito conficiunt. Hæ sunt præ ceteris illæ febres, in quibus ardorem circa ventriculum & cardiogmum rantopere HIPPOCRATES k) damnat. Cum febre vomituque funestas dicit ἀναδρομὰς ἐς τὴν καρδίαν l). Ita exitialem cum inflammatione ventriculi cardialgiam HIER. MERCURIALIS nuncupat, quod sine dubio etiam de ulcere, abscessu, fistula, scirrho, gangræna & sphacelo, ex inflammatione natis, longe certius valet: in quo statu omni humanæ spei renuntiandum est. In iisdem fere angustiis spes erit, si a venenis livida facies, oppressio pectoris, scotomia, aliaque denso agmine sequuntur, nisi mature liberet. At quid facile erosa ab his causticis & ulcerosa ora consolidet, in illo sensus acumine celerique iuvantium per loca declivia transitu? Idem discrimen, de purgantibus & medicamentis drasticis ominamur. Trepidamus certe ad levia initia capitis

g) de sympt. caus. L. I. c. 4. Op. Cl. III. p. 15. H. it. de loc. adfect. L. III. c. I. Op. Cl. IV. p. 14. E.

h) ib. Cl. III. p. 18. F.

i) de loc. adfect. L. V. c. 6. Cl. IV. p. 32. Λαδί τὴν ζωτικὴν ἀρχὴν ἔχατον κακὸν vocat.

k) ἐν τοῖσι πυρετοῖσι περὶ κοιλίαν καὶ μακρὸν ἰσχυρὸν, καὶ καρδιαγμὸς κακὸν. Aph. IV. 65. S. IV. Alio loco residua a febre τὰ κάυματα ἐν τῷ ὑποχονδρίῳ accusat, alio loco τὰ ἀλγύματα ὑποχονδρίων σπασμώδεια. prædict. I. Op. T. I. p. 472. I. 8.

l) prædict. I. Op. T. I. 477. XI.

pititis & pectoris vacillantibus. Ita HIPPOCRATES *m*) πόνον καρδίας cum præcordio distento & dolore capitis gravi omine infectatur. Prædicit quoque convulsorii aliquid, si cardialgicis dolor capitis & lumborum cum exscreatione violenta contingunt *n*).

## §. XI.

Medentis solertia vel causas mali præcavet, vel admissas expellendo corrigendoque infringit, simulque urgentioribus symptomatibus, per moram funestis, ut dolori & syncopæ, suspenso tantisper reliquo medendi adparatu, occurrit. Præcipuum est circa causas, cum quibus radicem morbi excidimus, artis molimen. Hoc cum magnæ difficultatis & ambigui successus sit, eo iustius præmonendi sunt, qui cum his malis sæpe conflictantur, ut a cognitis causis sibi caveant, & contra novas vigilent insidias. Ad præsentem causam expellendam an venæ sectio quidpiam confert? plurimum sane in magna febre, sæva inflammatione, vehementi dolore, insigni plethora, & suppressis excretionum menstruarum aliarumque præsidiiis: inprimis si vires, consuetudo & aeris hoc a diminuto sanguine levamen instantius postulant. LAZ. RIVERIUS *o*), AUG. THONERUS *p*), GUIL. FABR. HILDEANUS *q*) exempla habent immanis cardialgiæ, quæ statim ad venam sectam obmutuit. CHR. MICH. ADOLPHI *r*) cardialgicam, aliis per plures annos incassum tentatis, pediluvio & secta pedis vena perfecte restituit. Principem cardialgicum ab hæmorrhoidibus frigore suppressis liberavit phlebotomia teste F. HOFFMAN-

NO

*m*) κακόνδεσ καὶ τοὶ αἰθματώδεσ vocat, Op. T. I. p. 476. IX. 4.

*n*) prædict. I. Op. T. I. p. 480. XIV. 8. Ubi iungit voces καρδιαλγικὴ καὶ κεφαλαλγικὴ.

*o*) C. I. O. 44. nil purgantia, nil fatus profuerunt, sed sola V. S.

*p*) L. III. O. I. p. 135.

*q*) Cent. IV. O. 33.

*r*) Eph. N. C. Dec. II. Q. 159. p. 368.

Richteri Opusc. T. I. Hhh



NO 5). Et nonne idem apud ipsum HIPPOCRATEM legimus 1) de homine haud. aliis remediis adiuto? Absit tamen in simplici cardialgia ægrorum, præsertim debiliorum, sanguinem profunderè, in quibus venæsectio nec morbum nec causam tangit, vires vero, quæ in progressu morbi ultro cadunt, cum periculo labefactat. Efficacius hic revellentes cucurbitule ad brachia & interscapulia admoventur. Est & emeticorum limitanda salubritas. Dum cruda in ventriculo, acrida, biliosa & cuiuscunque generis corrupta fluctuant, excutienda omnino vomitu sunt, qualis sæpe ultro & salubriter contingit. Graviter HIPPOCRATES, si cordiognus infestat, cum fastidio & amarore oris, sine febre, usum emetici requirit 2). Quin &, si febris adsit, modo sine topicæ inflammationis signis, fas est in limine statim, post præmissam, si opus fuerit, venæ sectionem, expellere noxium, quod mora sensim figitur, vel non sine crescente corruptela & interdiminutas vires deorsum vergit. Ubi vero inflammatio, ulcus, scirrhus, gangræna, partes adfectas obsident, quis ausit emeticorum attactu illas exasperare, & pessundare ægrum, fati certe metam præcipitare? Sufficit in chronico malo, si vires sibi constant, nil facile obstare, quo minus emetico consulas. Unus aliquando vomitus in corporibus, ad illum dispositis ac præparatis, fomitem morbi subtrahit, & lapsas vires erexit, dum binis circiter tartari emetici granulis quadruplum tartari vitriolati, vel decuplum radicis ipecacuanhæ prudens medicus miscuit 3). MART. RULANDUS aqua sua benedicta cum vino absinthii, rejectis copiose corruptis humoribus, multos jactitat cardialgicos se sanasse. Matrona illa apud G. F. HILDANVM 4) dolores stomachi ultra biennium sævientes uno emetico placavit, quo frustra lardi aridi, &

1) *I. c. p. 246. obs. IV.* Ter instituta plethoricum juvenem sub æstuoso cœlo cardialgia spasmodica prehensum sanavit. *ib. Obs. V. p. 247.*

2) *Epid. V.*

3) *Παρρησιαν ἀπο. aph. 17. S. IV. ibidem aph. 4.* æstatem & hiemem distinguit, ibi mavult vomì, hic purgari.

4) *Cent. IV. c. 50.*

5) *Obs. Chir. Cent. IV. O. 32. p. 317.* Confer de frusto tendinis bovilli HENR. SMETIUM in *misc. med. L. 10.*

fumo durati, & ante biennium incaute & avara gula deglutiti rejecit. Omnia hæc feliciter succedunt in mobili materia cardialgiæ incipientis. Verum in inveterata, maxime senum, & ad vomitus parum proclivium, etiam mitioribus diffide. In multis acida & austera ligant vomitum, alii debiliores sub eo nimis anguntur, viditque occumbentem sub molestis vomendi nixibus ægrotum G. H. WELLSCHMUS 2). Emeticum cardilagico ex iracundia inter convulsiones funestum fuisse, testatur FRID. HOFFMANNUS a). Quid vero, nisi certis conditionibus restrictum, quas attentior medici oculus discernit, salutare est? Illis igitur vel parcendum erit, vel ad exitum sollicitè præparanda materia, & ægri, ut ferant impune, lenissimis movendi sunt, & statim tonicis refocillandi. Sumtis venenis non tam emetica suadenda, quæ stimulant ad vomitum, quam quæ lubricitatem & mobilitatem stimulant ultro veneno conciliant, ut amygdalarum oleum vel lini recens, butyrum non salitum, cremor lactis & alia. Nec suam in cardialgia laudem purgantibus derogamus, si descendit stimulus, vel efficaciore revulsione opus est. Tutiora emeticis censet DAN. SENNERTUS b), sed levia postulat, ut mannam, cassiam, syropos florum persicorum, acaciarum, violarum, rosarum. IO. PHIL. WOLFIUS c) arthriticum sexagenarium, ad quem noctu venit, e longinquo eiulantem audivit, horrendaque cardialgia spasmodica correptum leni purgante & paucis anodynis sanavit. Purgans tonicum, ut rheum, cum dictis syrupis egregie imbecillioribus convenit. Si obstant aggregata in colo, clysmata ex vino, oleo & melle, vel si status simul distendunt, ex infuso florum chamæmeli cum nitro sunt prius iniicienda. Sic magnus omnino est evacuantium usus, modo caute & extra paroxysmi vehementiam, si lenia clysmata excipis, adhibeantur, & posthæc tonica succedant, ut vinum ab-

sinthi-

2) Eph. N. C. D. I. A. 8. O. 42. p. 70.

a) Med. syst. rat. T. IV. P. II. S. II. C. II. O. IX. p. 255.

b) Med. Pract. L. III. P. I. S. II. C. 15.

c) Ast. N. C. Vol. IV. O. 19. p. 84. Ita GU. MUSGRAVE de arthrit. a-nom. C. II. H. XI. meminit cardialgici per catharticum sanati.

finthites cum floribus cordialibus, familiare multis medicamentum d), & fatus vel facculi ex summitatibus melissæ cum vino rubro, cui etiam in fine millefolium, absinthium & flores balau-  
stiorum incoquantur, repide cordis scrobiculo admovendi. An  
dosso potius? cui, quod maxime laborat, os ventriculi sinistrum  
propius est. Aegrius ibi vis medica per musculos & ossa pene-  
trat, antè utrisque orificiis, quæ tam parum a se distant, &  
tam luculenter consentiunt, promptius subiens fatus una opera  
consulit.

## §. XII.

Corrigentium major copia est, sed lentior salubritas. Socia-  
ri commode possunt evacuantibus, neque enim hæc materiam, ni-  
si quodammodo correctam, tuto expellunt, neque corrupta fa-  
cile, delero omnis noxæ vestigio, plene iterum corporis mini-  
sterio corrigentium ope conciliantur. Ut, cominus pugnes, ad  
causas attende: alius hostis alia arma, aliud pugnandi genus po-  
stulat. Si, quod plerumque fit, a cibo & potu vitium natum est,  
diætam muta, ut ipsi jam cibo & potui sit vis medica corrigens.  
Causis morbosis in compendio accommodabimus particulares  
medendi leges. Si viscidum peccat in corpore frigido & pitui-  
roso, infusa inprimis vinosa herbarum, radicum, corticum,  
florum, seminumque, in quibus gratum aroma spirat, opem  
promittunt. Hoc nomine laudamus radices galangæ, ari, pim-  
pinellæ, zedoariæ, flavedines citri & aurantiorum, baccas juni-  
peri & lauri, semina anisi, fœniculi, carui, & alia salina, aro-  
matica, amara, tonica pro usu interno & externo. Si visceri fla-  
tulentique connubium est, ut fere perpetuum esse solet, infusis  
illis mel vel oxymel adde, tragemata aromatica vel pulverem stoma-  
chicum BIRCKMANNI interpone, clyisma ex decocto chamæmeli  
cum nitro & melle anthosato præscribe, epigastrio crustam pa-  
nis

d) Medelam per vinum absinthii habet ZACUTUS LUSIT. L. 2. med. prin-  
cip. hist. 58. O. 10. Summum remedium GALENO absinthium est meli-  
crato intinctum in mordicatione stomachi a bile, de art. cur. ad GLAUC,  
L. I. C. 9. Op. Cl. VII. p. 97. B.



nis vino generoso madefactam, & pulvere aromatico respersam, vel sacculos carminativos in vino bullientes jube sæpius admoveri, non neglecto post solum litu ex oleo rutaceo & anethino cum spiritu vini, & post litum emplastro de baccis lauri loca dolentia defendente. CELSUS in stomachi inflatione fricari jubet, nec minus inter recentiores FRANC. VALLESIUS *e*) in hac cardialgia frictus commoda extollit. Officiosæ mulierculæ flatulentum tumorem circa scrobiculum cordis & hypochondria, pollicibus utriusque manus, oleo cocto & expresso, vel pinguedine anserina, ad ductum costarum per epigastrium & latera ejus tumida fricare edoctæ, finito frictu lintea calida imponunt. Non penitus hoc incultæ artis ministerium contemnendum est, merito tamen arguit I. E. SCHAPERUS rudiores multarum mulierum manum, quæ aliquando costam in puero quatuor annorum fregit *f*). Nec infrequens est viscidæ & flatulenti cum vermibus societas, ubi amara, aloetica, cinnabarina, vitriolata medicis utiliter dispensantur. Aquam multi laudant vel lac, cui infusum est argentum vivum, nec sine ratione I. R. GLAUBERUS *g*) drachmam limaturæ martis commendat, vitæ omnino vermium infestam. AMBROS. STEGMANNUS *h*) cardialgiam post multas inutiliter consumptas medicinas ad limaturam martis cito cedere vidit, quinque ejectis vermibus ad longitudinem digiti. Inter acria, quæ peccant, halitus acidi fervore suo sensibili tunicas ventriculi stringunt, quod palidis feminis sæpe contingit, hypochondriacis sub fructuum horæorum abusu, & robustis aliquando a potu fermentante. Pro sunt alcalina, sed temperata & probe diluta, ne ipso conflictu invalescant dolores. Magnesia sine strepitu corrigit, martialia, ut antimonium diaphoreticum martiale, potenter absorbent, quo nomine etiam lapides cancrorum, corallia, ossa sepia, cornu cer-

vi,

*e*) In HIPPOCR. de morb. pop. comment. S. I. p. 103.

*f*) In progr. de cura cardialgiæ externæ, quæ frictionibus perficitur, von abstreichen des Hertzgespans. ROSE. 1710.

*g*) P. II. furn. philosoph. c. 9.

*h*) Eph. N. C. Dec. III. A. I. O. 7. p. 22.

vi, & bolos inprimis terrasque sigillatas laudamus, sub varia demulcentium miscela. De terra sigillata I. SCULTETUS i) mira prædicat, bis eius virtutem in enormi dolore, aliis non cedente, expertus. In biliosa acrimonia, post iteratos vomitus, quos ipsa aqua tepida cum syrupo acetosæ sustentat, acidulis, nitrosis & temperantibus utendum est. Solus aliquando potus frigidus restinxit cardialgiam cum cholera, cui FRID. HOFFMANNUS spiritum suum mineralem, alii spiritum vitrioli miscent. Neque hic serum lactis, vel emulsiões seminum, vel ipsæ acidule laude sua carent. Causticis venenis, vel drasticis emeticis & purgantibus, lac recens & copiosum convenit, aut aqua tepida cum butyro insulso, aut oleum amygdalarum, dein decocta hordei cornu cervi & scorzonera: in fine aliquid theriacæ misce. Devoratis vitri fragmentis, vel aciculis similibusque pulvem milii vel oryzae oppone. A. THONERUS k) mulieri cardialgicæ cum dedisset oleum amygdalarum in jure veteris galli, intra paucas horas aciculas per vias urinæ excretas vidit, disparente omni cruciatu. Qui restant caussarum fontes, brevissimis attingam. Exanthemate retrocedente vesicatoriis utendum est sub regimine diaphoretico & moderate cardiaco. In cardialgia a cohibito hæmorrhoidum fluxu, hunc clysmate, fotu, suppositoriis aloeticis vel hirudinibus restitue: suppressis mensibus l) per octiduum decoctum baccarum iuniperi & seminum carui, bis de die ad uncias sex calide propina. Hoc usu menstrua olida & grumosa, dehinc vero periodica fluxerunt, teste ROSIN. LENTILIO m). In spasmis balnea & thermas laudamus n). Medela in prolapsu cartilaginis xiphoidis inveterato perdifficilis est. Hæc cartilago tumenti ventriculo natura-

i) *Armament. Chir.* O. 80.

k) *Observ. medic.* L. III. o. 2. p. 135.

l) PAUL. BARBETTE *prax. med.* L. IV. C. XI. p. 236. ventriculū putat tunc non modo in consensum trahi, sed & primariam defectus huius causam esse. GU. BALLONIUS *Epid.* L. I. p. m. 96. mulieres, quibus menstrua supprimuntur, de dolore circa os ventriculi queri ait.

m) *Eph. N. C. D.* III. A. VII. & VIII. app. p. 120.

n) FRID. HOFFMANN. *I. c.* O. 7. p. 251. ubi cardialgia occurrit Carolinis & Toplicensibus aquis sanata.

ruraliter cedit, rigidior vel vi externa introrsum acta, vel etiam lento humore laxata & prolapsa premit ventriculum sub continuo dolore, vomitu, dispnoea & superveniente non raro atrophis: sic tamen ut moderato passu vel decubitu supino dolor ille mitescat. Docet CASP. HOEMANNUS o), prolabi non posse hanc cartilaginem, sed incurvari: incurvatur autem frequentius, ac vulgo putant, ex sententia PAULI BARBETTE p), qui hoc vitium tactu deprehensum interjectis paucis horis auferri posse autumat. Imponatur cuti, cui subjacet cartilago, concurbitula ventosa ampli oris, & adfixa, donec inspiratio impeditur, subito auferatur. Ita aliquando uno experimento, si secus, aliquoties iterato naturalem locum cartilago recuperat, præmisso oleoso litu. Sic fere sibi BRASILIENSES consulunt.

### §. XIII.

Spes prosperi successus in medendo magis vacillat, si cum febre & inflammatione cardialgia sævit. Perpetua mobilitas tam sensibilis ventriculi, uno momento contracti altero laxati, & remedia, quæ ad partis inflammatae attractum cito evomuntur, multum sollicitudinis pariunt. Optima hic sunt venæ sectio cum fortu externo & clysmate, potuque parco admodum & leni, ne ad vomitum irritet. Angustior spes est in suppuratione. Pergit dolor circa labia inflammati ulceris, & ipsum sæpe pus aperto abscessu rejicitur. Hunc nondum ruptum emolli per farinas cum sero lactis coctas: si cœpit dehiscere, absterge & consolida sero lactis ac balsamicis, e. c. pauxillo terebinthinæ vitello ovi vel melle subactæ, cui superbibat ager diluentem, lenem & mellitum potum. Hic sedulo cavendum est, ne quid molles fibras in tenero coalitu distrahat, errore ingestorum. Si scirrhus est, quod ex remanente post sopitam inflammationem duritie & pondere

o) *Institut. p. 494.*

p) *Chir. L. I. c. 4. p. 389. TH. BONETUS in scholio ad O. 19. Anat. pract. L. III. S. VII. eo malo inter vomitus urgente binos medicos refert incasum additisse, denique Chirurgum dextra manu intro vergentem cartilaginem restituisse.*



dere colligis, longe plus cautionis requiritur, ne eum salina, acria, vinosa exasperent & cancrorum reddant. Non tam vincet hunc morbum, quam pacabit æger, qui parce & sobrie vivit, omnisque irritationis causas solerter removet. Atque hæc etiam adhibenda sunt inter similia mala vicinarum partium, hepatis, pancreatis, lienis, omenti, aliarumque. Præterea cardialgias symptomáticas, ubi cum scorbuto, vel malo hypochondriaco, vel aliis morbis pugnandum est, qui suas sibi particulatim suppetias postulant. Quod ARCHIGENES fuisse in cardialgia aliunde orta, spongiacis acris aceto, donec bullas exciter, supra genua ponere, id imitantur alii, dum per enemata, frigus, cucurbitas, sinapismos, a ventriculo injuriam arcere connituntur.

#### §. XIV.

Incidunt symptomata, quæ, ut consolemur ægrum, vel e majori periculo eripiamus, a causis prosequendis retrahunt. Dolor vehemens, sub quo cordis & cerebri actio vacillat, lenimen præ ceteris postulat. Ex foliis malvæ, herba chamæmeli, floribus sambuci, anethi, millefolii, vel in lacte, vel si febrilis æstus non repugnat, in vino coctis sacculi parentur, & expressi calentesque ad epigastrium, vel, si mavis, dorsum imponentur. P. FORESTUS q) cito liberavit fotu, quo radices althææ, summitates absinthii, flores rosarum & chamæmeli coxit in aqua communi & chamæmeli, additis post coctionem, vino rhenano, aqua rosarum & aceto. Idque TH. BURNET r) olim præceptoris suo ELIDÆO divinum habitum esse testatur. Sublatis sacculis ad tempus unge unguento anodyno vel althææ, vel molli oleo, ut chamæmeli cum balsamo peruviano, vel mucilagine cydoniorum cum pinguedine gallinæ, quod H. REUSNERI s) secretum est. Certe solam aquam chamæmeli AMATUS, decoctum FORESTUS t) tincturam

q) O. 22. L. 23.

r) *Thef. med.* p. L. 16. S. 23. p. m. 899.

s) *Obs.* 71.

t) L. XVIII. *obs.* 26. solo decocto florum chamæmeli in cerevisia cessit instar incantamenti dolor, nec alio opus remedio fuit.

ram MICHAELIS, oleum CRATO, tanquam specifica hujus mali laudant, æquius certe quam crystallos LANGIUS, lapidem chrysolitum HORSTIUS, jaspidem BOETIUS. Sunt qui cera involvunt unguentum altheæ, mucilaginem seminum psyllii & fœnugræci, cum oleo papaverino & farina fabarum. Sic jungere ceræ licebit unguentum anodynum cum oleo nucistæ expresso & chamæmeli destillato, ac tantillo croci. Simplex emplastrum de tacamahaca M. ETTMÜLLERUS cum P. POTERIO u) extollit. Subigatur liquata tacamahaca cum tertia parte balsami peruviani pro scuto stomachali. Interne mucilagine, emulsiones, absorbentia congruunt, & in majori acrimonia oleum amygdalarum cum pingui jussulo, quod vomitum sustentat. Non ingrata mixtura erit aqua ex floribus chamæmeli & acaciæ cum pauxillo vini & syrupi cinnamomi ac tantillo laudani. Pro majori dolore placando præter laudanum pilulæ de cynoglôssô, syrupus diacodii, diascordium SYLVII, & ipsa convenit theriaca, quam cardiacos præ dolore deficientes ad vitam revocasse testatur GALENUS x). In contumacissimo dolore nunc inultio facta, nunc cucurbitæ impositæ, binis vel quatuor infra præcordia digitis, nunc balnea cum herbis mollientibus & carminativis data. Mitescente dolore opportunius est, ad oppugnandas causas reverti, & tunc quidem ipsis purgantibus, diaphoreticis, tonicis, imo & externis fotibus addere anodyna. Quod ut caute fiat, notetur illud ANT. BENIVENTII, in dolore stomachi per emplastrum opiatum dyspnœam & singultum lethalem natum esse. Absint maxime in atonia & inflatione. Gravius symptoma urget, si vehementia doloris atoniam ventriculi parit, cerebrique & cordis actiones sufflammat, inter deliquia & frigidos sudores. Hæc est cardiaca, in qua densare & adstringere non calefacere GALENUS y) præcipit. In hoc statu

u) Cent. III. c. 32.

x) De usu theriacæ ad Pamph. Op. Cl. V. p. 99. A. Adde L. de theriac. ad PISONEM c. 15. Op. Cl. V. p. 96. B. ubi theriacam in cardiacis reprimere sudores & vires erigere scribit.

y) Op. Cl. III. p. 52. H. addit, autungere

rum animum despondere verat CAELIUS AURELIANUS 2), & ex Sorani doctrina ægrum in loco frigidiusculo, umbroso, obscuro, collocari jubet, aquas per vitem rosarum spargi, linteis vel spongiis ex aqua & aceto, vel etiam succis plantaginis, acaciæ & hypocistidis expressis ora & collum, pectus quoque & præcordia tegi, odoraamenta ex polenta infusa, pane assato aceto infuso vel pomis cydoniis admoveri, potum frigidum a) paulatim præberi, vinique aliquid & cibi per intervalla. Damnat hic phlebotomiam, quam nihil ait a jugulatione differre; adhibita calida & acres clysteres improbat, nec EUDEMO adsentitur, qui aquam frigidam clystere injici, nec aliis, qui in eam deponi ægrotos præcipiunt b). CELSUS distincte attendit ad lapsum virium & sudores ex toto thorace, cervicibus & capite, minus pedibus, prorumpentes. Hos cohiberi vult inunctione acerbi olei adpersisve corpori pulveribus ex creta, gypso, fece arida austeri vini similibusque. Imo, inquit, satis utilis est quilibet ex via pulvis. Ad hæc levi veste indutum ægrum, in loco, quem aer perfrat, versari vult. Vinum vero & cibum in illo virium deliquio præscribit: cibi levissimi, qui nutriat nec oneret, diu noctuque præbendi parum, vini austeri tenuis egelidi intra id tempus ad heminas tres c); prius autem corpus frigida perfundere, nares odoramentis, extrema frigida frictu lituque fovere imperat. Non multum dissident, quæ apud AETIUM & TRALLIANUM legis. Probe sunt discernenda

2) -L. II. de morb. ac. C. 30. ad 50. de cardiacis agit, maxime C. 37. Conf. Cels. de med. l. 3. C. 19. Aet. serm. IX. c. I. TRALLIAN. L. III. c. 7. qui in præcipuis consentiunt.

a) Placuit tantum non omnibus aqua frigida in deliquio virium. v. GALEN. de comp. med. sec. loc. L. 8. C. 4. Op. Cl. V. p. 191. H. Si nondum ad se redeunt, ligatis extremis detur frigida cum succo omphacii aut aceto rosarum. Summum ei in omni morbo stomachi remedium est succus cotoneorum cum melle attico, aceto & paucò aromate.

b) ib. C. 38. p. m. 171.

c) Hanc SENECA vitam cardiaci vocat, bibere & sudare. Ep. ad LUCIL. 15. PLINIUS unam spem cardiacis in vino esse ait H. N. L. 23. C. 1. At recte CELSUS si vires erigantur, subtrahi sensum jubet.



da tempora, quibus vis morbi ingruit. In summa ejus accessione frictu & clamore excitandus æger, odorata, ut acetum rutæ vel levendulæ naribus obijcienda, corpus a veste & tegumentis forte strictioribus liberandum, fons ex melissa cum vino rubro adhibendus, vinum, quale secundum ARCHIGENEM a palato ægri est, cum mica panis exhibendum, vel aqua vitæ cum melle rosarum. Io. de MURALTO. cardialgicam cum crebro deliquio spiritu vini refocillavit d). Aliis aqua frigida cum spiritu chalcantli placet. Magis idonea præsentis morbi ratio suppeditat, & victo gravi symptomate, ne novis caussarum viribus resurgat, ad has iterum expugnandas se convertit.

### §. XV.

Diæta aërem temperatum & noxii halitus expertem commendat, maxime ventriculum a frigore defendit. Piso domum laudat, non valde lucidam, at aëri patentem. Conclave ideo sit non nimis angustum, quod facile præfocat, & fervorem ex hominum ingressu concipit e). Pateat omni mane alvus, ut nihil subsistat gravetque: si opus, clysinatæ molliatur. Animus vacuus a cura & mœrore iis sustentetur, quæ recreant. Absit cibus corruptibilis, qui facile putet, vel fermentat, vel acris & austerus, qui stimulos flatusque parit, ut caseus, carnes vetustæ, sale & fumo durata, fructus horæi, aromata, tam indica, quam nostra, ut allium & cepæ. Detur autem cibus, qui facile coquitur, bene alit, prompte permeat, & caussis morbi resistit. Hoc postremo nomine biliosis, calidis, plethoricis convenient farinosa, & in primis mitia olera, ut lactuca, acetosa, borrago, cum aceto vel succo citreorum. Pro potu sit aqua hordei cum passulis, cerevisia clara & tenuis, vinum parcum & oligophorum. Assare, salire, condire, sit culinis eorum nefas. Si a jejuniis læduntur,

d) Eph. N. C. D. II. A. VIII. O. 8. p. 32.

e) CAEL. AUREL. acut. morb. L. II. c. 37.

tur, jentaculo adsueſcant. Pituitosis & flatulentis victus animalis negandus non est, sit ex macris carnibus, volucrum, gallinarum, columbarum, perdicum, merularum, piscium quoque mollium saxatiliū. Nec aromata moderata, nec vina iis generosa neganda sunt. Quin & iis ante cibum exercitatio aliqua, post cibum lenis obambulatio conducit. Gerant inter hæc pro imbecillo ventriculo scuta stomachica. GALENUS pinguem catellum laudat, alii pelles vulpis vel leporis, vel gossypia vino & succo stomachico ebria, & die nocteque in loco doloris gestanda. Diætā magis particularem ut definire ægre licet, sic præsentis medici prudenti consilio relinquimus, quod, uti in posterum nostrum divina manus gubernet.

DISSERTATIO  
DE  
TREMORE,

PUBLICE PROPOSITA  
GOTTINGÆ, D. 16 SEPT. 1750.

RESP.  
CAROLO AUGUSTO RICHTERO

LUSATO.

§. I.

Tremor, quidquid in angustis est, & gravi periculo imbecillis viribus oblectatur. Crebra huius tremoris vestigia & luculentas noxas in corpore humano prosequi animus est. Neque verò cetera præter hominem tremoribus vacua sunt, saltem aliquid, quod specie congruit, oculis nostris obiciunt. Tremunt in regno vegetabili plantæ, ut arbor illa Japonensium, quam ANDR. CLEYERUS *a)* ad scalptum digitorum tremere scribit, tanquam a terræ motu concussam, hinc ludum pueris præbere & jucundum spectaculum. In regno animali tremunt subito petulantes quædam simiæ, ut tangentibus terrorem incutiant *b)*. Pisces torpedini *c)* eadem vis tribuitur, non tremendi solum, sed & tremores illos in

*a)* FIAKU SCHYQUA, quasi centum & decem florum dixeris. Est arbor procera, foliis glabris & splendidis, floribus rubentibus pulchre instar caryophyllorum sylvestrium. *Eph. N. C. D. 3. A. 5. & 6. Obs. 2. p. 2.*

*b)* ENGELB. KAEMPFER *Amoenit. exotic. fasc. III. O. 2. §. 2. p. 513.*

*c)* Torpedo græcis Νάπην, concinne *Matthiolo* vocatur tremulo, Gallis tremble, Germanis *Zitterfisch*. Est piscis latus, planus, cartilagineus,



in alia corpora propagandi. Hæc enim Io. ALPH. BORELLI *d*) sententia est de mirabili piscis huius phænomeno, quod eruditos tot seculis suspensos tenuit, vehementem nempe tremuli animalis huius concussionem, iteratis ictibus fortiolem, ad nervosa & sensu exquisita contrectantium membra simili effectu diffundi. Denique in regno minerali non prætereo ipsos terræ motus, sub quibus parietes, muri, turres, inter ruinas casusque tremunt. Sed ut justior tunc est & magis proprius incolarum tremor, ita non nisi ad tremores corporis humani, missis reliquis, trutinandos nos accingimus.

## §. II.

Tremor *e*) est motus musculorum involuntarius, parvis, alternis, celerrimis, ad partes oppositas, vibrationibus constans, a vitio cerebri, nervorum ipsarumque fibrarum motricium, adeoque ab imbecillitate causæ moventis proficiscens. Involuntarium motum dico, non quod nesciam, posse, qui velint, ex arbitrio tremere *f*), quod callide mendicantes faciunt; sed quod scopus animalis oeconomiae nunquam ad hos tremores invitet *f*), hinc

fique caudam excipis, orbiculatus, maculis distinctus, mollis, lubricus & sine squamis, Raie simillimus, cui ideo generi LINNAEUS eum adscripsit. Figuram eius evolutasque structuræ leges habemus apud HYPOL. SALVIANUM, ULYSS. ALDROVANDUM, WILLUGHBEIUM, KAEMPERUM, LORENZINUM. &c. Non abs re erit singularem illum tremorem, quem tangenti homini parit, si ad causas tremorum transibimus, plenius evolvere §. 7.

*d*) de Mot. animal. P. II. propos. 219.

*e*) Tremor græce τρόμος a τρέω vel τρέμω vulgo symptoma dicitur actionis animalis læsæ, qua motus musculorum a nutu voluntatis pendens diminuitur vel depravatur. Aiunt diminui, cum motus non fiat eadem facilitate, quam in sanis, eadem agilitate & constantia; depravari autem, dum ex arbitrio facultatis moventis excidit membrum per vices, & vi propriæ gravitatis ad opposita loca declinat. De quo post Galenam subtiliter disputarunt Jacchinus, Rudius, Santorelli, Cortesius alique Galenicæ doctrinæ vestigiis insistentes.

*f*) Hinc Io. ALPH. BORELLUS *l. c.* propos. 214. de tremoribus voluntariis dicit, quoties manum velimus tremulo motu concutere; musculos antea-

hinc si oriantur, alterius originis sunt, exclusa voluntatis actione. Quis negat, convulsiones merito motus involuntarios dici? quas tamen pariter imitari in potestate molientis est, nulla vero, quæ voluntatem impellit, iusta ratio occurrit.

Plerorumque illa sententia est, motum voluntarium cum involuntario in tremoribus mixtum esse, illum facultati moventi, hunc gravitati membri moti deberi, ut mutua quasi pugna sit facultatis uno momento erigentis, altero deprimentis, & hæc contrariorum motuum vicissitudo brevissimis vixque discernendis intervallis constet *b*). Intelligitur inde causæ moventis imbecillitas, quæ protinus quidem novis virium suppetiis urget, at quo momento remittit ab opere, laxato tono membrum sui ponderis nixum sequitur. Ita videtur haud temere concludi, semper, ut tremor fiat, præcedere voluntatis nixum, & sub eo spiritus influere per nervos ad motum membri: hic vero tam parcos inertesque, ut motus huius momentum non absolvant. Nullam enim aiunt partem quiescentem esse, quæ tremiscat, neque, ut FR. SANCHEZ *i*) rem illustrat, brachium supra tabulam positum vel caput pulvinari innixum tremere. Hinc IAC. PELETARIUS *k*) discutit dubia, quæ adversus GALENUM movet ANDR. LACUNA, an tremor

gonistia successive a voluntatis imperio, unum post alterum, citissime & frequenter contrahi, non secus ac in balance æquilibrata modo unam modo alteram lancem deprimitur.

*g*) Paucos fortassis casus eximas, ut in naturali illo tremore linguæ, qui ad pronunciandam litteram R requiritur.

*h*) Duplicem motum vocat Io. HEURNIUS, in quo, quod movet & movetur, ex æquo certat. *de morb. Cap. C. 27*. Ita PHIL. HOECHSTETTERUS ex duplici hoc motu nullum ait totum perfici, sed uno incipiente alterum jam instare, *Obs. Med. Dec. IV. C. 4*. Simili sensu BARTH. PERDULCIS motuum contrariorum perpetuam vicissitudinem vocat, nunc vincente Natura, nunc succumbente. *Univ. Med. L. 13. C. 3. p. 620*. Confer FR. FRYNEUM in *Med. pract. L. 2. C. 7*. ubi repugnantiam motuum vocat, impellente nunc sursum facultate, quæ movet, nunc deorsum insita gravitate.

*i*) *Op. med. Lib. de febr. C. 4. p. m. 264*.

*k*) *de Conciliat. locor. Galen. Contradict. I.*

tremor sit voluntatis particeps? Argutius hic I. B. CORTESIUS 1) triplicem respicere jubet quietem. Prima est a morbo, qui ligat vim voluntatis, ut in paralyfi & convulsione; altera a facultate animali, quando sub tono partium omnes muscoli operantur, licet ad speciem quieti; tertia a gravitate membri, quod sub suo sustentaculo quiescit. Itaque rem ita dirimit, in illo effato GALENI, quiescente membro tremores fieri, quietem tonicam intelligendam esse, in qua muscoli antagonistæ æquali virtute agunt. Hoc sensu tremor quiescentis membri nasci aliquando potest. Nequit idem contingere in prima vel tertia specie quietis, ubi vel morbus superat vim moventem, vel actus movendi isto situ tremuli membri sistitur, ut si brachium a tabula sublevet robustus, non tremat, si sublevet languidus, statim tremores oriuntur. Itaque tremor non est voluntarius, sed nec fieri potest sine motu voluntario. In qua re quid proprie fiat, vix potest sine motus muscularis naturali lege, & causis, quæ illam violent, cognosci.

### §. III.

Musculus motus voluntarii organon separari in minimos fibrarum fasciculos potest, singuli fasciculi & singulæ rursus fasciculorum fibræ vaginulas habent cellulosas, magno vasarum omnis generis numero stipatas. Tendo in tot fibrillas, ac ipse musculus, discerpi posse a plurimis creditur, interposito simili reticulo adiposo & vasculoso. Sunt, qui has fibrillas fibris musculorum continuas, & ipsius nervi musculum ingressi propagines esse, non citra rationem suspicantur. Certe eadem fere mala, quam ipsi nervi patiuntur. Manifesta musculi ita constructi actio in contractione consistit, qua minuitur longitudo eius, caro latior, tumidior, durior, pallidior fit, extrema quibus utrinque musculus infigitur, ad se accedunt, summa sic pondera elevantur, quorum computarunt vires mathematico acumine BORELLUS, BERNULLIUS, KEILIIUS aliique. Sunt, qui omnem hanc musculi actionem in ipso tremore ponunt, nervosque instar chordarum tremere & hunc

1) *Pract. med.* P. I, C. 22. p. m. c. 254.



tremorem cum musculis communicare, contendunt. Cum nervi nec tensi sint, nec in longitudinem exporrecti, abest conditio chordæ trementis. Sunt autem molles in principio & sine, positi in laxa piugudine, nunc flexi in arcum, nunc retrogradi, nunc plexibus fissi, adeoque ab omni tensione alieni. Igitur ut antiquissimi crediderunt, motus sensusque ministeria a nervis ope contenti fluidi præstari, ita & nos principium motus muscularis non in fabrica solida nervorum cum LISTERO, COWPERO aliisque, sed virtute perfluentis liquidi *m*) ponimus, quod ex cortice cerebri in medullam, ex hac in nervos propagatum, per omnes musculi partes imperum suum distribuit. Pater ille ingressus ipso tumore & duritie, & quod, licet ob pressa tunc vasa fibrillis interposita sistantur arteriosi, venosi humores propellantur, nulla sit molis diminutio.

Necesse est, causam, quæ musculum movet, adesse in eo & abesse, ingredi & egredi, idque tanta celeritate posse, quæ omnem mensuram temporis superat, & cavos tubulos, e quibus musculus constat, ex centro ad omnem ambitum uno momento dilatat; necesse est a cerebro nervisque, quibus læsis omnis vis animalis cessat, non ab arteriis & venis *n*), quarum contenta æqua-

*m*) Sanguis adfertur immensa copia ad confinia medullæ, cur si hæc cæca? Corticis vascula rubris tenuiora an concipi possunt solidis medullæ fibrillis continua, ubi subsisteret liquidum. vel remetiri vias cogeretur? Non opus est, cuius naturæ hoc fluidum sit, exponere, num secundum *Cartesium* flammæ, secundum *Willisum* sulphuræ, secundum *Pascotium* æthere, secundum *Sylvium* spiritus vini simillimæ, secundum *Mayowium* nitroso aeræ, secundum *Gorterum* gelatinosæ? Satis est elaboratissimum, quod omnes vasorum actiones coctionesque sustinuit, liquidum esse.

*n*) Ligata quidem arteria, ad musculum excurrente, etiam huius motus suspenditur, id vero fit ex ratione, quam habet ad nervum: nam ad accelerandum fluxum arteriosi sanguinis in musculis nil valet imperium voluntatis, hinc nihil, quod mutet statum musculi, accedit. Scite *Ill.* & *Generos.* de *HALLER*: extra imperium vasorum sanguineorum posita est vera musculi machina. *Comment. in Inst. Boerh.* p. 248. ubi contra

*Richteri Opusc. T. I. p. 10. loc. cit. Kkk*

æquabiliter moventur, imo in musculo agente non persistunt, illam vim dimanare, adeoque in mobilissimo illo & subtilissimo, de quo diximus, fluido nervorum, unice quærendam esse. Influit hoc liquidum, si voluntas non determinat, æquabiliter in musculos, quos in statu violento partium, ad ossa firmatorum, adeoque in perpetuo nixu se arctandi concipimus. Dum æqualiter influit ad musculos antagonistas, servat illos in quiete, uti lances inter paria pondera. Has æquales antagonistarum & contrarias vires GALENUS motum tonicum vocat, ubi immobiles sunt artus, licet magnæ vires urgeant, sed simili & opposita virtute. Motum jam ciebit leve superpondium, quod ad unum musculum anima, cuius in origine nervorum potestas divina lege stabilita est o), largiori rivo determinat. Talis motus sæpe augeri potest ipsis diminutis viribus moventibus. Ita flectitur digitus sine novarum virium accessu, dum extensorem paralyssis corripit. Sane antagonismus ille maxime explicat motus muscularis negotium, nec ideo magna hic spirituum prodigientia opus est, dum aliis musculis detrahatur, quod uni accedit. Restituitur musculus proprie per vim antagonistæ prævalentem, unde agentis musculi subsistit caro, elongatur, rubet. Si flexor relaxatur, extensor pro-

KING, TAVRY, ASTRUC, aliosque, quibus etiam arteriolis continuas imaginari fibras musculares placuit, diserte disputat. Iniectio nil mutat in fibra simplici, nihil elotio, & vel ipse pallor docet, sanguinem a fibris abesse posse. Nihil hic globulorum LOEWENHOECKII acutissimus oculus conspexit, nimis etiam debilem hic sanguinis potentiam calculus *Halesii* ostendit. In macilentis & atrophicis fere ad nihilum redacta est musculorum magnitudo, efficax tamen adhuc in suo opere. Sane moles musculi maxima est a repletis arteriis, venis, vasis lymphaticis, & oleosis vesiculis, ab his vero diversum plane, quod potentiam movendi continet. Hinc si vasa & pinguedinem de musculo demis, quod superest, nil nisi propagatus nervus videtur, qui subiens masculum non prodit iterum, sed in eo evanescit. *Aut igitur*, inquit *III. & Generos.* de HALLER, *musculi sunt nervi mutati, aut certe vim a nervis movendi accipiunt. ib. p. 354.* Contra prius illud obiciunt, nervi minorem molem esse ratione musculi, quem subit. Verum ultra fidem parva est hæc moles iudice KEILIO, si liquida omnia & vasa & adipem demis.

o) Sit anima, inquit H. Boerhaave l. c. p. 431. prima motrix, agat in solo

propria vi, antea superata, restituit naturalem membri situm. Superat, quia longior est & plus violentiæ passus maiori vi elateris se ad iustam mensuram restituit *p*).

#### §. IV.

Tremat igitur musculus, quoties in eum ille spirituum com-  
meatus non influit, qui ad eius actionem definito tempore susti-  
nendam, simulque ad oppositas antagonistiæ vires vincendas, re-  
quitur. Sufficit quidem, ut quietem interpellet, non ut mo-  
tum, qui sui officii est, perennet, & constanter, quidquid sibi vi-  
rium oblectatur, superet. Renovat per vices sua molimina, at  
ille virtutis animalis excessus nimis exiguus est, quam ut natura-  
les ab elatere pendentes vires antagonistiæ superet. Igitur proxi-  
ma tremoris causa est in imbecillitate & atonia nervorum ponen-  
da, qui sufficiente virium moventium copia non implent muscu-  
lum. Sive vero in cerebro sit, quod momentum secretionis læ-  
dit, sive in nervis exinde egressis, quod iter spirituum intercipit,  
sive in ipso organo motus, quod secretos in cerebro & derivatos  
per nervos non admittit; sane musculus, ad quem vis movens  
tam tenui vel etiam interrupto rivo fertur, diu in sua tensione  
contineri nequit. Est igitur tremor impotentia uno tenore mu-  
sculum inflandi, sive vacillatio eius inter tonum & laxationem,  
dum causæ tendentes & laxantes sibi mutuo & celerrime succe-  
dunt. Neque tamen fas est præterire, duplicem tremorem me-  
rito agnoscere, alium, dum quiescit membrum, alium, dum mo-  
vere cupis. Prior est ab alterna irritatione, in sensorio commu-  
ni nata, ut causæ musculum tendentes agant subito, mox cessent,  
mox

sensorio: nam ad musculum causa vere corporea adfluit, ut durities &  
renixus docet. PERALTUS maluit credere animam ex proximo movere  
musculum.

*p*) Vid. Ill. & Generos. de HALLER l. c. p. 406. it. I. B. WINGLOW in  
Traité de Musc. T. II. p. m. 18.



mox renascantur. IO. IAC. WEPFERUS *q*) theologi meminit, cuius dextra, etiamsi ad quietem composita, tremere. Posterior fit a penuria liquidi nervei, quo per voluntatem determinato non dextre satis instantur muscoli. Ad hunc tremorem plerumque unice respexerunt, unde est, quod semper a voluntario motu incipere tremores crediderint *r*). Huius doctrinae simplicitati non respondent causae, quas ingeniorum elapsi seculi luxus comminisci coepit, & quas ideo recensere idem erit ac refutare. CARTESIO *s*) in musculis antagonists membri trementis placuit valvulas fingere, & aëri incisas exhibere, quæ referatae per vices liberum eius iudicio iter spirituum faciunt, ab uno musculo antagonista in alium, unde crebra pusillorum motuum vicissitudo. An potior WILLISIO *t*) fides est? qui spiritus continuo a tendinibus in carnes relabi, & iterato hoc excursu recursum non inflare penitus, sed inter parvos & crebros nixus statuit, ut membra a musculis perpetim agitata vix loco moveri videantur. Necessarium erat pro hac desultoria spirituum virtute heterogeneum in sinibus tendinosi concipere, quo irritante non consistunt spiritus, sed continuo motu discurrunt. HELMONTIUS *u*) in occursum rerum sibi molestarum convelli musculus cum intercalari quiete putat, & veluti aranea casses suas quatit, sic archeum tremulo rigore moliri, ut vitiosum excutiat. Nec plus momenti est in LUSTI VESTII *x*) sententia, qui musculorum ad membri motum concurrentium dupliciter considerat, determinante nunc ad certum membri musculus voluntate, nunc causa morbosa retrorsum agente, cuius simultaneae actionis effectus sit tremor. Alii auram tenuem nervos continuo ad debilem contractionem irritare suspicantur,

*q*) Obs. 107. p. 477.

*r*) Ita FR. SYLVIVS derivat tremorem membri, si quiescit, a motu turbato spirituum; si movere molimur, a penuria spirituum. *Pr. Med. append. Tr. II. §. 417.*

*s*) *Tr. de homine. P. II. Art. 20. §. 21.*

*t*) *Pharm. rat. P. I. sect. VI. p. 150.*

*u*) *de febr. C. 9. §. 2. 9. 10.*

*x*) *Disp. de aegro artuum tremore correpto. Erfurt. 1694. §. 12. p. 10.*

cantur, inter quos Ios. LANZONUS *y*) aciditatem volatilem arguit, qua praedita tenuis materia ad continuam contractionem musculi impellit, sed pro constantiori motu non sufficientem. Operam perderem & tempus in hac aevi luce, si vel meris suppositis haec niti ostenderem, vel concessis tanquam veris, fuitiles inde deductas conclusiones diluerem, semiclausis quippe oculis patientes.

## §. V.

Potius, quid sit interne, quod illam nervorum imbecillitatem, sustentandae musculorum actioni imparem parit, per series causarum, quas proegumenas vocant, expendere juvabit. Temperies tum naturalis tum morbosā, si laxa, humida, frigida sit, faver saepe tremoribus, utriusque etiam mobilitas nimia nervorum quam justum robur destituit. Aetas imbecilla puerorum in ista copia sensibilibus nervorum tremit facile, imo convellitur: aetas senilis ob penuriam influentium spirituum, & crescentem in rigidis musculis resistantiam, in longe graviores & immedicabiles tremores incidit. Sexus femineus, virili imbecillior, saepe hoc malo laborat. Plethoras ante omnia respicio & infesti stimuli cacochymias, ac morbos inde natos, etiam antequam erumpunt, latente semine minaces. Tremores a cerebro debili in fratre *Nannio* PETR. FORESTUS *z*) describit. Insolitos inter febrilia symptomata tremores, ex sero, quod forma lactis subvirescentis cerebro innatans in spinam simul medullarem decubuit, ex *Patino* TH. BARTHOLINUS *a*) recenset. A sanie & muco in sinistro cerebri ventriculo laboravit juvenis melancholicus, per omnia membra tremens & velut saltu subsiliens, quod apud TH. BONETUM *b*) legimus, qui etiam a verme cerebri similes concussus tremores

tes-

*y*) *P. II. Consult. Med.* 32. p. 77.

*z*) *Obs.* 99. L. 10.

*a*) *Obs. anat.* 39. *Cent. II.* Fuit Campanus nobilis vini meracioris potor.

*b*) *Anat. pract.* L. I. *Seck.* 14. *Obs.* 9. & 10. Lumbricus rubens digito longior repertus est.

resque notavit. Totius corporis a febre male curata tremorem ERNEST. GOTTH. STRUVVE *c*) depinxit, ubi non modo manus & pedes, caput & truncus, sed & oculi cum palpebris, labia & ipsa lingua diu noctuque tremuerunt. A tertiana tremorem linguæ cum subfultu faciei EHRENER. HAGEDORN *c*) in puero, quem pater externis admotis sanare adgressus erat, observavit. Post acerbos corporis dolores, quasi fustibus percussus esset, religiosus quidam Cancellii in portu Episcopatus Macloviensis *d*) adeo infuetum totius corporis tremorem sensit, ut quasi ad agitationem vermium tremerent muscoli, aliter longe, quam fit in febre, vel frigore, vel terrore. Funestiores a morbillis tremorem notavit SAM. LEDELIUS *e*) in femina, quæ morbillis detentam febrerem invisens & ipsa correpta tertio die periit. A primo momento adfuit continuus artuum tremor inprimis linguæ, ut nihil dextre deglutiret. Qualem nervis inimicam malignitatem comite tremore in peste memorat FR. SYLVIVS *f*). Lienis vitium reperit IO. RIOLANUS *g*) in Abbate per binos menses pedibus tremente, donec eum superveniens stupor exstingeret. A colica natum tremorem habet I. P. LOTICHIVS *h*). Adde observationem IO. DAV. MAVCHARTI *i*) de homine durioris vitæ & viliores merces per pagos vendente, qui dolore dextri pedis, mox cruris, denique totius lateris dextri tremore periodico & dolorifico laboravit, idque ex abscessu calcanei, quo aperto hoc malum evanuit.

## §. VI.

*c*) *Commerc. litter. physic. med. Norimb. A. 1732. p. 365.*

*d*) *Eph. N. C. D. 1. A. 6. § 7. Obs. 15. p. 25.*

*e*) *Suite de la Clef du Cabinet M. Nov. 1731. Art. 1. §. 2.*

*f*) *Eph. N. C. D. 3. A. 1. Obs. 64. p. 91.*

*g*) *Prax. Med. Append. Tr. 2. §. 416.*

*h*) *Anthropol. L. II. C. 23.* Lien fuit exacte quadratus, undequaque cartilaginosa substantia incrustatus, latitudinis trium palmarum, crassitiei quatuor digitorum.

*i*) *Consil. & Obs. med. L. II, C. II, O. 1. p. 493.*



## §. VI.

Inter res illas, quæ corpus penuria spirituum & imbecillitate causæ moventis laborans externa etiam vi exhauriunt magis & debilitant, imo robustos conficiunt, frigus primo loco considero, hostile nervis, non vi quidem narcotica, ut opium, quod olim G. C. SCHELHAMERUS censuit, sed constringendo meatus & figendo spiritus. Fortissimi ad intensius frigus hyeme tremunt, quid teneris fiet? Gravior noxa est, si frigori æstus supervenit. CAR. RAYGERUS l) hominem notat, qui ligna opificii sui in locis Danubio vicinis tractans, & ultra tres horas in aquis frigidis persistens, idque aliquando ad axillas, mox domi ad calidam fornacem decumbens, primis diebus omnium membrorum lassitudine, hinc per annum oculis laborans, post triennium vero horrendis articulorum doloribus correptus est, quibus tremor perpetuus successit, omni medela superior. Ita in validissimis frigus nervorum officia suspendit. Similem apud P. BORELLUM m) legimus dolorem, tremoremque pedum a frigore, inprimis, si ad focum aeger accederet. Nec minus notabile constantis & perpetui ex frigore tremoris exemplum apud PHIL. HOECHSTETTERUM n) occurrit. Ideoque PROSP. ALPINUS o) summam aeris frigiditatem, vel potionem frigidam, vel vinum ex glacie aut nive immoderatus refrigeratum graviter accusat. Quæ querela eo justior est, si post balneum, vel magna corporis exercitia, ad frigidorum usum ruimus. Puerum duorum fere annorum sistit SAM. LEDELIUS p) aere externo frigefactum & spiris vino immerfis infarctum, mox noctu vehementi vomitu adfectum, quo sedato tremor omnium totius corporis membrorum successit, maxime capitis, cum pavore fere continuo & oculis nictitantibus. Ineptum certe fuit, frige-

k) Eph. N. C. Cent. 1. Et II. Obs. 124. p. 250.

l) ib. D. I. A. 6. Et 7. O. 211. p. 310.

m) Obs. 84. Cent. I.

n) Obs. Dec. 4. C. 10.

o) In Med. Meth. L. 10. C. 9.

frigefactum tenelli corpus vino implere, quandoquidem vel solus vini potus immoderatus causa tremoris in adulto est. Meminit G. W. WEDELIUS *q*) ingentis tremoris manuum a nimio vini usu, & Io. SCHENCKIUS *r*) singulare exemplum habet praefecti coenobii, ex vitio diætæ & inprimis vini constanter tremuli, qui munere orbatus, & vili jam cibo & aqua victitans sine medicamentis convaluit. Tremunt manifeste helluones, & ut cum PLINIO *s*) loquar, plena vasa tremulis manibus effundunt. PETR. FORESTUS nullam tremoris frequentiore causam vocat potu generoso, inprimis inter ipsa jejunia hausto. Refero huc non vina solum meraciora, sed maxime spiritum vini & aroma ei admixtum. An ab acido vini hæc vis pendeat? disquisivit IGN. THI-ERMAIR *t*). Ratio certior est, quod fermentata liquida, quæ spirituum copia abundant, interno calore magis rarefacta distendant vasa sua, & tonum eorum labefactant, unde tremuli & ad vitæ munia inepti confugiunt ad novas repletiones pro temporaria medela. Plus enim tremunt jejuni, sique vino rursus incaluerent, cessat ad tempus tremor crescente causa. Neccessaria ad movendos musculos flexilitas perit, dum spirituosus liquidis coagulum, solidis rigiditatem inducunt. Eadem contingunt a potibus aquosis tepidis, quorum abusu tremunt membra: dum hi potus relaxant fibras, & genesis motumque liquidi nervei in vasis tono orbatis impediunt. A crebro potu Coffee tremorem manuum derivat cum aliis FRID. HOFFMANNUS *u*). Alimentorum ut copia gravat, & aequalem per vasa distributionem prohibet, ita hoc loco maxime ea improbamus, quæ acri stimulo, salino, acido, aroma-

*p*) Eph. N. C. D. 3. A. 9. & 10. Obs. 115. p. 205.

*q*) In Pathol. med. dogmat. p. 573.

*r*) Obs. Med. L. I. Obs. 3. p. 110.

*s*) Nat. hist. L. 14. C. 22. p. 728.

*t*) Conf. 10 L. 2. Conf. C. B. BEHR. sel. diæt. S. 3. C. 5. p. 340. ubi acorem vini pro causa habet.

*u*) In Med. rat. syst. T. 4. p. 5. C. 3. §. 33. p. 112. Accusas salinum volatile & sulphur empyreumaticum, inprimis sub parvo vehiculo.

aromatico sese interius diffundunt. Ipsa non minus inedia, quæ humores nostros, quoniam blandi chyli accessu non demulcentur, sub interno motu continuo exasperat, magnos nato hoc stimulo tremores parit. Qui stimulus etiam major nunc in venenis, nunc drasticeis medicamentis haeret. Tenera corpuscula vix ferunt emetica sine tremore. Inter venena hic speciatim hydrargyri halitus attingo, quos cum hauriant toties aurifabri x), vel illi pariter, qui lue venerea laborant, & nunc suffitus nunc unguenti forma hydrargyro utuntur, mirum non est, crebris utroque tremoribus vexari. Ex narcoticis intempestive adhibitis magna sæpe imbecillitas cum tremore nascitur, ut sit ab opio vel suffitu hyoscyami. Rarefaciens opii virtus tanquam vini adfligit, ut novo opii usu quiescat ad tempus tremor, at infestior redeat. Non præterimus, quid hic a motu & quiete, a somno & vigiliis pendeat. Fortior motus & per horas durans ob consumptionem spirituum tremores parit. Hi adsunt in omni motu supra vires instituto, ut eorum, qui gravia onera gestant. Nec vero quies & otium, quibus augentur vitiosi humores & spiritus torpidi redduntur, immunitatem ab hoc malo promittunt. Describit fusc Io. BAPT. MONTANUS y) hominem, cui laute viventi, post intermissa consueta corporis exercitia, mox tremor brachii supervenit. Ex quibus etiam patet, quid de somno nimio vel vigiliis sit censendum, Ibi enim cruda & pituitosa accumulatur, remora sit excretionum, calor corporis supprimitur: hic vires & spiritus disperguntur. Utraque causa cum imbecillitate generis nervosi tremores gignit. Et quidni excretorum & retentorum vitia hic memorem? Excretiones nimiae sanguinis, dejectiones alvi majores aliaque detrahunt nervis sat amplam secernendorum spirituum materiam. Ex ipsa venæsectione, quoties iterata, tremorem

x.) G. H. WELSCH, *Obs. D. 3. C. 7.* & THEOPH. BONETI *Sepulch. L. I. Sect. 14.*

y) *Conf. 70.*



rem natum vidit NIC. TULPIUS 2). Plus præmaturus ante pu-  
bertatis annos coitus tremoribus mulctat juvenilis experimenti au-  
daciam. Legimus apud IOS. LANZONUM a) insigne tre-  
moris hujus ex nimia Venere exemplum. Retentorum vitia eo  
sunt luculentiora, quod eorum extra corpus exilium œconomiae  
vitalis lex decreverit. Per novum attritum vitæ crescunt illa vi-  
tia, & nervos laceffunt gravius. *Stymargæi* ancillam a retento  
sanguine tremoribus totius corporis correptam HIPPOCRATES b)  
fistit. Sic cum SENNERTO & ETTMULLERO laudatus JOH. LAN-  
ZONUS c) menses & lochia suppressa tremores inferre docet.  
Idem de mensibus MERCURIALIS, de scabie retropulsa CRAMERUS  
tradunt. Pathemata animi, ut nervos proxime adficiunt, ita sum-  
mis tremoribus reddunt obnoxios. Terror inprimis tristitia re-  
linquit hujus mali vestigia. Ancilla, quæ mane surgens defun-  
ctam dominam sibi visa est tradere, tremuit toto corpore, isque  
tremor per tres vel septem dies rediit, mensium fluxu tandem  
sopitus, enarrante SAM. LEDELIO d). Ita horridus adspectus pe-  
riculi instantis, ut præcipitii, tremulos reddit. Idem fit, dum  
in loco sublimi vertigo nos corripit, vel dum super altas ædes,  
pontes, trabes adscendimus. An tanti est, ut inter causas fasci-  
num adjiciam? Id quoque nobis SAM. LEDELIUS persuadere ni-  
titur, & tonsoris historia illustrat, qui dum tondere omnes pul-  
chre didicisset, tentavit opus in certo homine semper sine successu,  
tremens a pollice pedis per totum genus nervosum, ut manu  
statim novacula excideret. Dedit LEDELIUS tanquam effascinato  
amuletum, & certi generis fumum præscripsit, qua fiducia vir-  
tutis? fit apud eum judicium. Verior in externis vis est, quam  
F. DEKKERS sensit, scindens filamenta contrayervæ ut in pulve-

2) *Obs. med. L. I. C. 23. p. 44.* Tremuit manus integra vel pollex ejus  
lateris.

a) *Eph. N. C. D. II. A. 10. Obs. 146. p. 232.* Confer quoque Io. de Gon-  
TER, *de perspirat. insensib. C. 17. §. 18.*

b) *Epidem. 2. Sect. 4.*

c) *l. c. p. 78.*

d) *Eph. N. C. D. 2. 4. 6. Obs. 27. p. 81.*

rem redigeret, hinc subito & per binas horas omnibus dextro digitis tremens e).

## §. VII.

Sunt & aliæ caussæ, de quarum simili effectu dubitari possit. Ajunt esum coturnicum helleboro vescentium tremores artuum parere. Edit illos CASP. Hofmannus f) in vicinia Neapolis, ubi helleboro largius victitant coturnices, sub ipso autumno sine noxa. Aquam per plumbeas fistulas ZACUTUS LUSITANUS damnat, ob tremores, quos gignit, metuendam. Certe in his & aliis justæ aliquando dubitationis locus est. Nolim tamen torpedinem sub illo numero comprehendi, licet mirabilis ille cum tremore stupor, quem suo tactu ciet, multis eruditis commentitius visus sit. Iam apud PLATONEM g) virtutis hujus mentio occurrit, ubi SOCRATES cum genio torpedinis comparatur. Plenius ARISTOTELIS h) torpedinem, ait, non piscibus solum, quos appetit in prædam, torporem inducere, sed & hominibus. Commento rem exornat PLINIUS i) tunc etiam, si procul e longinquo, vel hasta

e) Exercit. præd. p. 553. altero die id repetens remissos tremores sensit, tertio nullos.

f) *Inst. med.* L. 5. C. 5.

g) In *Menone*. ἡ νάρκη τον πλησιαιτόντα ναρκᾶν ποιεῖ.

h) *Hist. Animal.* L. 9. C. 37. ἡ νάρκη τὰς ἀνθρώπους ποιεῖτα ναρκᾶν.

Confer. *Athen.* L. 7. *Isidor.* L. 12. C. 6. Hinc recte OPPIANO *de piscat.*

L. I. v. 104. ἐπήτυμον ὄνομα νάρκη dicitur, torpedo nempe non a pisce

sed a pisce a torpedine, contra ac videtur SOSIPATRO CHARISIO. *v. comment.* c. *Rittershus.* in *Oppian.* p. 175.

i) *Hist. Nat.* L. 32. I. cui congruit sententia *Oppiani l. c. Lib. 3. p. 149.*

in piscatoris dextram infigi torporem, ex cujus manu arundo delabitur

& instrumenta piscationis; adeo tota quasi glacies insidet statim manui.

Ipse GALENUS vim, ait, tam fortem esse torpedinis, ut per infixum ei

tridentem ad manus piscatoris penetret, *de util. resp.* C. 4. *Op. Cl.* I. p.

225. *D. It. VI. de loc. affect.* *Op. Cl.* IV. p. 40. A. Nec FR. REDI mul-

tum repugnat piscatorum testimonio, in ipso mari transire ex torpedine

vim illam per funem retis hastamque ad manum & brachium piscatoris.

hasta ac virga attingitur, quamvis prævalidos lacertos torpescere, quamlibet ad cursum veloces pedes adligari. Loquuntur vero veteres de solo torpore exinde nato, ad contactum extinguere calorem & sanguinem congelascere: ligari pisces, ut cum OPIANO loquar, gravi imbecillitate somni, stare impotentes, nec viarum nec fugæ memores, salire cor, genua vinculo gravari. Secundum CLAUDIUM *k*), qui poemata sua iudice SCALIGERO *l*) ex OPIANO confecit, *latus armavit gelido Natura veneno*. GALENUS *m*) in his etiam experimentis probe versatus a frigore & compressione nervorum derivat torporem illum, quem ait ex motus & sensus difficultate componi, hinc medico aliquando scopo accommodari *n*). Poterant hæc omnia nisi recentioris ævi iteratis experimentis ad rigidissimam censuram vocata essent, dubia videri; sed illa FR. REDI, JO. ALPH. BORELLUS, ENGELB. KAEMPFERUS & imprimis REAUMUR strenue vindicarunt. Hic non tam ad torporis quam tremo-

Id vero quod PLINIO aliisque hic probatur, cum ratione rejicitur ab ENGELB. KAEMPFERO, l. c. *Negant*, inquit, *pisces, scipione stuporem irritantis manibus induci, nedum hasta virgaque attingentis, quod scribit Plinius, & credunt litterati*.

*k*) *Eidyll. 3.* ubi hæc.

Pigra venenatis effundit flamina venis,  
Tranfit arundineos arcano frigore nodos.

Vittricemque ligat concreto sanguine dextram,

*l*) *Critic. C. 2. 16.*

*m*) *de Sympt. Caus. Op. Cl. p. 16.*

*n*) Memorabile videtur, & inveteratæ cephalalgiae & ipsarum febrium medelam ab actu torpedinis expectari. SCRIBONII LARGI hæc verba sunt: *capitis dolorem, quamvis veterem & intolerabilem protinus tollit, & in perpetuum remediatur torpedo viva nigra, imposita illo loco, qui in dolore est, donec desinat dolor, eaque pars obstupescat*. C. 1. *Compos. 2. p. 23. cum adnotat. Rhodii p. 42. Idem tradit DIOSCORIDES, diuturnis doloribus capitis admotam torpedinem mulcere cruciatus vehementiam L. 2. C. 17. Addit AETIUS tetrab. I. Serm. II. C. 135. mortuam id non facere. In viva etiam tantum expertum se esse scribit GALENUS de simpl. facult. L. II. Op. Cl. V. p. 82. Habesint febres curant imposita torpedine, quod refert HIOB. LVDOLFF. Hist. Aethiop. L. I. C. 2. Sine dubio, quæ torpesciunt, motum quoque & dolores supprimunt.*



tremoris ideam respicimus, ob quem ab Istris jam tremula vocata est. PETR. BELLONIUS o) contrectatione torpedinis manus tremulas fieri solerter notat, & J. C. SCALIGER p) torpedinem ait non tollere motum, sed depravare, non quiescere piscatoris manus, sed tremere. H. BOERHAAVIUS q) subfilire ait, ob attactum torpedinis, nervos per totum corpus, & hac agitatione systematis nervosi, ultimo ipsos nervorum ad præcordia plexus adfici, FR. REDI vix manu strinxit vivam torpedinem, cum manus non solum, sed & cubitus, brachium & humerus moleste tremerent, idque toties, quoties obstinatius iteraret. ENGELB. KAEMPFERUS r) rem explicat per motum repentinum, qui per membrum tangens ad vitæ spirituumque arcem uno momento penetrat, & universum corpus animumque percellit, maxime partes nervosas durioresque corripuens, cum tremore stupiditate ac frigore. Hinc frigidum quasi fulgur vocat, contrectanti suffusum, dum momentaneo quasi ructu & convulso viscerum motu spiracula abdominis dilatans torpedo & aërem sorbens eo nisu tremendum virus in auras excutit. Vicit vero antecedentium observatorum industriam experimenti & judicii sagacitate cl. REAMUR s). Sensum is describit tanquam cubiti ad rem duram ruditer adlisi, negat vero, quod censuit BORELLUS, motum animalis, dum agit, sensibilem esse, notatque dorsum, quod torpedini ut aliis piscibus latis, paululum convexum est, adplanari citra sensum, ita ut aliquan-

o) *de Aquatil. L. I.*

p) *Exerc. 218. num. 8.*

q) *Inst. Med. §. 855. Comment. ILL. HALLERI. Vol. VI. p. 245.*

r) *In Amoen. Exot. Fasc. 3. Obs. 2. p. 514.* Varia hic notat, quæ non sunt levis momenti: 1) non torpedinem perpetim virus illud exhalare, sed si libertatis remoram & tangentis offensam sentit, 2) sub aquis prehensam ferire segnius, & extra aquam aliquamdiu impune tractari, donec vel aëris vel irritationis pertæsa suis se armis defendit; tunc vero eo acrius & crebrius ferire, quo vivacior est, quo major, quo recentius capta. 3) illum plane non adfici, qui aërem liberaliter adtractum diu retinet, quod ab Africano didicit, & imitando expertus est.

s) *Hist. Ac. reg. St. Paris. A. 1710. p. 19.* Ipsa observatio cl. Reaumur est in *Mem. ejusdem anni p. 344.*

quantulum concavum fiat. Instrati sunt duò magni & æquales muscoli, a facie capitis ad initium caudæ, alter a dextra, alter a sinistra, occupantes maximam partem corporis. Hos igitur docet musculos ad planando se contrahere, & ictum virulentum summa cum celeritate eo momento fieri, quo ad pristinam convexitatem redit dorsum. Ita motum imprimi judicat, illi, qui spirituum est in nervis, contrarium, qui suspendat quasi & sistat spiritus. Negat quidpiam virtutis ab effluviis pendere, quæ exire in contractione oportuisset: nam hic ad momentum, quo sentitur vis, recuperat animal naturalem figuram. Cui alterum argumentum addit contra effluvia, quod torpedo in nullam, etiam proximam agat, nisi vere tangas & irrites, distantiam. At de his fere nimis!

### §. VIII.

Nihil in magna rerum similitudine est difficilius, quam citra confusionem & justo limite res cognatas discernere. Sunt etiam hic morbi adfines, quorum subicere notas oportet, quibus a tremoribus discrepant. In multorum more est, motum palpitantis cordis tremorem adpellare, at graviter C. HOFFMANNUS <sup>t)</sup> L. FUSCHIUM objurgat, quod tremorem & palpitationem confuderit. GALENUS jam docuit tremores fieri in organis motui voluntario dicatis, ad quæ motus cordis non pertinet, quamvis & musculus sit & actionis, quam exserit, robur a non absimili causa enervetur. In tremore adficiuntur ipsæ fibræ carneæ & motrices, in palpitatione vitium magis est in sanguine & vasis. Ut verbis ipsis GALENI utar, tremor fit noxa virtutis, palpitatione instrumentorum. Nec displicet illud ANT. SANTORELLI <sup>u)</sup>: tremor est motus elevationis & depressionis, palpitatione dilatationis & constrictionis. Hic membra non mutant locum, ibi semper fit mutatio situs, sursum, deorsum, vel ad latera. Promptius discernimen

<sup>t)</sup> *Inst. med.* L. 3. C. 84. p. 420.

<sup>u)</sup> *de sanit. tuend.* L. 19. C. 21.

crimen est a convulsione & paralyfi. Ibi membrum semper contractum est, hic semper laxatum, at in tremore uno momento contractum altero laxatum. In paralyfi non influunt spiritus ad motum musculi, in tremore vi debili influunt, in convulsione vi magna. Potest tremor paralyfis incipiens & imperfecta, potest convulsio lenis adpellari. Ea convulsione species, quæ tetano immobilitatem membri parienti opposita est, & in altera contractione & relaxatione musculi consistit, adeo convenit cum tremore, ut tantum gradu a multis distinguatur *x*). Sane in convulsione nunquam nutus voluntatis præcedit, in tremore plerumque: si vero non sit, hic tremor a parva convulsione nil differt. Denique cum rigore tremor facile confunditur, & HERCULES SAXONIA *y*) ipsum GALENUM hujus confusionis reum agit. Verum in locis, quæ citat, non est in græco textu vox tremoris, sed in versione. Sollicite satis GALENUS & fuse utraque distinguit. Rigor est concussio totius corporis cum sensu frigoris. In paralyfi frigus est sine sensu, etsi omnia perfrixerunt. In tremore sensus integer est, sed nullus frigoris. In paralyfi frigus est sine sensu, etsi omnia perfrixerunt. In tremore sensus integer est, sed sine frigore, nec necessario ut in rigore, totum simul corpus concutitur.

### §. IX.

Suam quoque species tremorum differentiam habent. Alius universalis est, qualem NIC. MASSA, *z*) SIM. SCHULZIUS, *a*) I. FERNELIUS *b*) & TH. WILLISIUS *c*) describunt: alius particularis, nunc capitis, qualem TH. BARTHOLINUS *d*), nunc manuum, qualem

*x*) G. van SWIETEN *Comment. in Aph.* 32. T. I. p. Argutius quam verius discrimen capat G. C. SCHELHAMMER, qui in convulsione contractionem violentam, deinde reditum ad statum naturalem, in tremore contractionem naturalem, at relaxationem præter Naturæ institutum ponit.

*y*) *Prælect. pract.* L. I. C. 14.

*z*) *Tom. II. Ep.* 18.

*a*) *Eph. N. C. D. I. A. 6. & 7. Obs.* 148. p. 210. de femina Cracoviensi, febre catarrhali exhausta & toto corpore tremente.

*b*) *consil.* 18.

*c*) *Pharmac. rat. Sect.* 6. C. III. p. 107.

*d*) *Cent. V. hist.* 58.



qualem P. FORESTUS *e*), nunc pedum in homine, tum quiescente tum ambulante, qualem PHIL. HOECHSTETTERUS *f*), nunc linguæ, qualem a tertia E. HAGEDORN *g*), nunc alterius mandibulæ, qualem SAEL. a FONTE *h*) & MATTH. de GRADIBUS *i*) recensent. Huc pertinent tremores labiorum, palpebrarum aliarumque partium seorsim. Notabile etiam discrimen est inter continuos periodicos & recurrentes. Tremor artuum quotidianus SAM. LEDELIO *k*) notatus est. Alius tremor hæreditarius est, alius adscititius. Prior in mercatore fuit, cuius gravida mater ad nuntium mariti cultello occisi contremuerat *l*). Posterior frequentior longe est, & ratione partium, causarum & graduum varie discrepat. Idiopathicus dicitur a genita in locis trementibus causa, sympathicus a communicato & aliunde transmissio vicio, ut a capite, corde, ventriculo. Tremorem epidemicum ELIAS CAMERARIUS *m*) citat, quaquaversum in corporibus, cum dyspnoea, lassitudine & stupore mentis enatum. Hæc lues tremula in certo pago præter alios integram familiam sic corripuit, ut ob tremoris vehementiam & pertinaciam verba precum nequirer recitare. Unus rusticorum per XVIII. hebdomades infantum tremorem sustinuit, ipse pastor loci in lecto per tres hebdomades tremuit. Sunt, qui tremores in convulsivos & paralyticos distinguunt, ibi violentia est convulsiois æmula, hic impotentia motus in paralyfin prona. Qui tremorem in voluntarium & involuntarium distinguunt, & illum sub primo nixu voluntatis, hunc sine illo in quiescentibus partibus oriri volunt, meminerint tantum, quidquid in tremore morbofo occurrit, statim voluntatis imperio excidere, hinc totum merito involuntarium dici.

§. X.

*e*) Obs. 99. L. X.

*f*) Obs. Med. D. IV. C. 10.

*g*) Eph. N. C. D. I. A. 6. § 7. Obs. 15 p. 25.

*h*) Consil. 6. p. 179.

*i*) Consil. 18.

*k*) Eph. N. C. D. II. A. 6. Obs. 27. p. 81.

*l*) ib. A. 8. Obs. 4. schol. p. 22.

*m*) Act. N. C. Vol. II. Obs. 151. p. 350.

## §. X.

Facilis est ex dictis tremorum vera diagnosi, ipsi enim conspectui se offert illa parvorum & contrariorum motuum celerissima successio, quæ musculum quatit: sive is in quiete sit, sive in actione versetur, & nunc gestare onus, nunc prehendere aliquid vel tenere tentet. Sic tremens præsentē *Cratone Paracelsus* poculum tenuit. Difficiliora sunt sedis & causarum signa. Si nulla occurrunt adfecti membri vitia, in laxis frigidisque merito cerebrum laborare & spiritus suspicamur. Solet tunc sensus & memoria turbari, universum corpus tremere, & paralytis instare. Si palpebræ vel labium tremunt, vitium intra cranium metue. Particularis tremor est manuum & brachiorum a nervis spinæ illuc tendentibus, qui deorsum validiores pedibus prospiciunt: quod fere de reliquis valet. Vita antea acta ægrotantis, & propriæ de se & erroribus suis confessiones, multa expediunt. Si senes vides, si revalentes ex diuturno morbo, si iratos, si terrore perculsos, si Venere exhaustos, si illos vicissim, qui solitas evacuationes negligunt, potest sensim in noritiam causæ deveniri, ex qua speciatim imbecillitas nervorum nata sit. Sane, quibus de serie tota constat causarum, tam internarum quam externarum, opportuno examine discernent veras, illustrabunt obscuras, eruunt latentes: quamvis subinde necesse sit, ut nostra suspicio in certo probabilitatis gradu subsistat.

## §. XI.

Tremor adfecti generis nervosi index, salutem raro, exitum sæpe portendit. Omnis adfectus nervinus ægre cedit, inprimis, qui cum ætate & inter errores vitæ invaluit. Hinc senes frigidisque ad mortem plerumque comitatur tremor, & legem ipsis imponit nunc scipione, nunc manu servi tremulos pedes fulciendi *n*). Peioris nominis hic tremor est, si plura loca occupat, adde nobiliora, ut sit in illis, qui capite tremiscunt. Quodsi hereditarium malum fuerit, etiam iuvenilia corpora, in vigore ætatis

*n*) Hic si multum sudas, inquit PETRUS FORESTUS l. c. Obj. 99. operam impensam ludis.

tatis corripit, & ad metam languidissimæ vitæ, per molestos tremores ducit. In lethargicis iudice IODOCO LOMMIO o) summi periculi nuncius est. Apoplecticos etiam nulla spe salutis excitat p). In febribus, quod HIPPOCRATES docuit, delirio solvuntur tremores q). Sed hic idem est solvi, quam malo gravius instanti & certius enecanti locum relinquere. Ipsi GALENO solutio quidem plerumque sanitatem, at hic improprie transitum in peius notat. Solvit nempe ferox delirium tremores, quia vis mali a nervis ad caput, turbato sensorio communi, decumbit. Nunquam vero peior tremor est, quam ipso cerebro adfecto, ut non modo in phreniticis sed & illis adparer, qui ex retento lotio vel lochiis laborant, ubi corruptum, quod viis solitis non excernitur, stimulo sensum suo ipsa vasa cerebri sollicitat r) Acutorum morborum principia, sæpe & sine tremor comitatur, ibi ob lentorem in extremis, hic ob exhausti corporis dispendia, utrinque non sine periculo. Nunquam longe mors abest, si in progressu horum morborum tremulæ ægroantium manus festucas legunt, vel floccos de lecto evellunt. Instat enim vel jam adest delirium, & graves plerumque subsequuntur convulsiones. Ideo HIPPOCRATES s), si pulsus explorat medi-

o) *Observ. Med. p. 64.*

p) H. BOERHAVIUS *aph. 1020. Inst. Med. tremorem ad apoplexiam ducere, aph. 1018. graviolem apoplexiam superata causa relinquere tremorem, docet.*

q) VI. *Aph. XXVI. τρομὴς παραπομπὴ λύει.* Id non vult de vero tremore sed motu convulsivo intelligere ANT. SANTORELLI *de Sanit. Natur. L. 19. C. 21. p. 444.* Tremor, inquit, a frigida causa est vel humida, ab his autem fieri delirium nequit: ergo nec humor delirio solvi. Facile argutias illas experientia dissipat, nec difficile cognitu est, imbecillitatem cerebri & nervorum etiam a causa calida exsiccante & debilitante nasci posse. Quis phreneticorum & deliria & tremores nescit? Damnantur Hippocrati τρομώδεις πυρετοὶ febres tremulæ, de fractur. S. IV. *Op. T. II. p. 277. XII. II.* Etiam συμπαρὰ τρομώδεια in perniciosius numerat: *Op. T. I. p. 526. I. 91.* Si cessant τὰ τρομώδεια ἀπρίτως in febribus abscessus ad artus instant. *ib. p. 532. I. 198.*

r) H. BOERHAVIUS *aph. 996. Inst. Med. tremorem præfagit ex urina, ob irritantem stimulum retentorum, quæ ad nervos & cerebrum decumbunt.*

s) *Coac. prænot. Op. T. I. p. 526. I. 59.*



medicus, & ad contactum refilit manus ægroti, male ominatur. Omnis tremor a causis internis facile in paralyfin, lethargum, convulsiones, imo apoplexiam, auctis viribus in corpore impuro degenerat. Vel sola magna animi comotio in convulsiones per tremores præcipitat. Hinc tremor magnus & constans irati & æstuantis hominis epilepsiam minatur. Aliquando totius corporis stupor tremoribus supervenit. Ita verò periisse illum, qui pedibus tremebat, testatur Io. RIOLANUS *t*). In morbillis exitiosum tremorem esse, SAM. LEDELIUS notat. Hæc sunt sinistra de tremoribus præsagia, quibus pauca illa subiicimus, quæ salutem denunciant. In paralyfi membrorum tremor signum est redeuntis per nervos virtutis, antea exclusæ, quod cum aliis Io. IAC. WEPFERUS *u*) inculcat. Quorsum & illud spectat: tremorem in corpore sano paralyseos, in paralyfi sanitatis esse prodromum *x*). Salutares sunt etiam, quæ nervos liberant, excretiones, quibus rite succedentibus tremor aboletur. Ut enim inedia & graves evacuationes, quæ corpus exhauriunt, funestos sæpe tremores ob lapsum virium generant, ita vicissim moderata evacuatio oppressas vires erigit. Diarrhœa sponte nata sustulit in moniali corporis gracilis & subpallidi tremorem continuum capitis manuumque, referente JOSEPHO LANZONO *y*). Levarunt etiam simili successu hæmorrhoides. Interdum sudoribus criticis solvi, VALENT. ANDR. MOELLENBROCC *z*) sartoris exemplo illustrat. Tremor inferioris labii *a*) præsagium sæpe dat salutaris vomitus, imo & dejectionis alvinæ, quæ vires morbi frangit. Neque tremor exiguus, recens, a causâ externa & in flore ætatis multum alit discriminis, nec opportunam medelam facile eludit. Sueti ferunt leviter, ut gibbosi asthma. F. PLATERUS *b*) homi-

nem

*t*) Antropolog. L. II. C. 23.

*u*) Observ. 158. p. 467.

*x*) G. W. Wedel. in Theor. M. P. 2. S. 4. §. 37.

*y*) Op. ann. T. II. Consult. 32. p. 97.

*z*) Eph. N. C. D. I. A. 2. Obs. 90. p. 165.

*a*) Hipp. Coac. prænot. Op. T. I. p. 543. II. 159. Vide quoque de lingua tremula Coac. prænot. Op. T. I. p. 529, I. 143.

*b*) Prax. med. T. I. P. III. p. 336.

nem exhibet ab ortu ad senium omnibus partibus trementem, tam manibus & brachiis quam pedibus, quibus inter eundem velut saltabat, capite, quod agitabat, maxilla, qua velut masticabat. Duxit inter hæc uxorem, munia obiit, senuit.

## §. XII.

Alius medendi scopus non est, quam roborare systema nervosum, & ministeria influentium spirituum ab omni impedimento vindicare. Nemo non videt, plus esse in iis præfidi, quæ replent, alunt & perditæ reparant, quam quæ exhauriunt nimis, tonumque labefactant. Quis in tremore a diuturnis morbis, a senio, a Venere intempestiva, a profusis evacuationibus, dubitet multum, evacuandumne sit, an proba alimonia consulendum? Ex NIC. TULPIO *c*) didicimus, solam venæ sectionem, quoties institueretur, tremores produxisse; quomodo jam natis medeatur? Fieri tamen aliquando potest, ut retentum vel gravet copia, vel stimulo irriter nervos, eorumque actionem turbet. Præeuntem tunc sequimur HIPPOCRATEM *d*), qui a retentis lochiis trementem ancillam Stymargi vena secta restituit. In ipso tremore a frigore juvit venæ sectio teste P. BORELLO *e*). Frigus intelligo, non quod debilius sed calidorum & plethoricorum vasa arctat, motumque humorum & spirituum suspendit. Poteest idem auxilii genus in omni sanguinis & spirituum orgasmo convenire, positos vero illos salubritatis limites non facile excedamus. In caco-chymicis fonticulos præferimus, qui corrupta subducunt. Emeticis, ut sal vitrioli vel tartaro emetico in corporibus lentis & pituitosis, quæ stimulo egent, aliquis locus esse potest, sed nunquam in exhaustis & debilibus. Quod etiam de purgantibus valet, quorum vis interno vitio humorum opposita leniter repurget primas vias, & transitum remediorum tonicorum expediat. Cessasse purgantibus tremorem apud VITUM RIEDLINUM *f*) legimus, nec agunt imprudenter, qui iis tonica miscent. Diaphoretica,

*c*) Obs. L. I. C. 23.

*d*) Epid. L. II. S. IV. Op. T. I. p. 705. 28.

*e*) Obs. 84. C. 1.

*f*) Lin. Med. A. 1. April. Obs. 9. p. 101.

ut spiritus falis ammoniaci vel liquor cornu cervi succinatus, & diuretica, ut tinctura tartari vel essentia succini, vel clyssus antimonii, aperiunt vias renales vel cutaneas sæpe obstructas, & intra focum viscerum noxia eliminant. Inter illa evacuandi & corrigendi molimina alendum corpus & roborandum est. Scopo alendi post longas ægritudines pulpam pullorum coturnicum, in vino elixorum, cum cerebro assati leporis, amygdalis, pineis, passulis & variis aromatibus P. FORESTUS g) suadet. Consilio roborandi varia præscribuntur, inter quæ tincturam tonicam STAHLII laudant multi cum eius discipulis, alii decoctum guaiaci cum I. B. MONTANO h). P. FORESTUS i) castoreum inter tremoris propria remedia numerat, pro usu externo & interno. Alii pro cardiacis habent aquam cinnamomi, essentiam succini aut rorismarini, & vini etiam provide sumti pauxillum. Nos maxime decocta & fomenta herbarum nervinarum comprobamus, inter externas embrocationes, vel epithemata sicca & sacculos, ex quibus cucuphæ parantur, aromaticis herbis instructæ, & raso capiti imponendæ. Laveretur membrum tremulum decocto salviæ origani & rorismarini, cum aqua & vino, vel decocto granorum iuniperi cum vino. Lota pars inungatur oleo rutæ vel liliorum convallium, quod L. FAUENTINUS mirabilissimum in tremore dixit. A. MIZALDUS infusum artemisiæ in aqua rosarum ad hunc scopum præscribit. P. FORESTUS k) lotio proprio lavare membra trementia indubitatum remedium vocat, adficiente TH. BURNETO l). Vidit rusticum Ios. LANZONUS m), qui lotio calido pueri tremores cum successu levavit. Inunctio fiat cervicis & spinæ oleo nardino vel castorei, vel etiam balsamis & unguentis, vel spiritu formicarum aut lumbricorum terrestrium. Siccæ præterea cucurbitæ ad vertebrae ponantur, unde nervi ad membrum tremulum tendunt. Huc etiam pertinent frictus cum linteis & pannis

g) Obs. 99. L. X.

h) Consult. 27.

i) l. c.

k) L. VIII. obs. 5. Schol. de ext. Cap. vii.

l) Thesaur. Med. Pract. L. 17. S. 14.

m) Eph. N. C. D. 2. A. 10. Obs. 146. p. 232.



pannis calidis ad spinam & partes adfectas, ut vividior calor spiritus adliciens excitetur. P. MONAVIUS *n*) inter nervina interna maxime diacorum & extractum calami refert, externe fotum vini calidi suadet, in quo betonica, salvia, rosmarinum & similia incocta, imo & spiritus vini aliquid admixtum. Sic multis, inquit, tremor paulatim remisit, donec prorsus aboleretur. Huc traho æstuarium & balnea, tam naturalia, quam artificialia, quæ FR. RANCHINO probantur. Bene illa ex cephalicis & nervinis instruntur, ut herbis salviæ, betonicæ, rosmarinari, floribus lavendulæ, tilia, baccis lauri similibusque, quæ nervis robur suum restituunt. Tali balneo diuturnum tremorem cessasse ZACUTUS LUSITANUS *o*) scribit, idem de thermis Carolinis I. IAC. WEPFERUS *p*) testatur. Eo certius dicta spem nostram implent, si simul absumentis & dissipatis spiritibus ægrum cibus ἐπιέπτοις εὐχύμοις καὶ πολυτρόποις reficimus.

### §. XIII.

Qui ad caussarum discrimina attentius respiciunt, dirigere medicamenta sub maiori indicationum luce sciunt. Si resolutio virium est, per temperantia, gelatinosa & emulsa instaurentur: absint calidiora, quæ atrophiam inducunt. In summo spirituum torpore, essentia anthos vel melissæ, vel liliorum convallium, vel etiam spiritus vini a cephalicis herbis destillati paulatim offerantur. Senes ferant placide calamitatem suam, quibus vix balneum *Medeæ* consulit: de proba alimonia cogitent vel, si placet, consilio P. BORELLI *q*) utantur, qui senilis capitis tremori sinum pavonis opponit, cum aqua vitæ temperatum, & mane potulenta forma sumendum. Si a nimio labore tremor est, quies remedium erit; si a crebra Venere, parcendum lumbis est; si ab evacuatione immodica, nulla erit extra cautæ repletionis consilium medela. Si a frigore, fugiat æger cælum hybernum, calidas sedes eligat, pocula nivata abiciat, infusum ligni aloes vel sassafras bibat, conservam anthos vel melissæ vel acorum conditum sumat. DAN.

SEN-

*n*) Ep. 28. L. 2. Conf. & Ep. Craton.

*o*) P. H. L. I. Obs. 42.

*p*) Obs. 158. p. 764.

*q*) Obs. 89. C. III.

**SENNERTUS** r) in tremore ex potu aquæ in nivē resolutæ balneum calidum laudat, in quo ager moretur, donec bene fudet, dein cibis refovendus & calide inungendus. **FR. SANCHEZ** s) rigidiori methodo in sinum equinum, vel columbinum, vel anatum ad collum usque immergi jubet trementes a frigore, aut in alvum recens confossi equi, muli vel bovis recondi, aut pellibus nuper mactatorum animalium, calentibus adhuc, involvi: bene, si ex paralyfi tremor. Si a vino est, detur mulsâ, si a narcoticis, substitue vinum, & per gradus limpidiora. Si a pavore ad conspectum belluæ spectri, latronis, fulminis, imitemur *Paridem*, qui irruentis, *Mentlai* adspectu tremens retro fugit. Fugienti læta sunt & delectabilia enarranda, quæ componunt fluctus animi. Iratis metus, metuentibus spes iniicienda est: certe pathemata animi, si ratione sopiri nequeunt, contrariis vincenda sunt. Has turbas spirituum etiam opiata cœrcent, ut diafcordium vel laudante **F. PLATERO** orvietanum. Opoponax in vino placet **THEODORO de MAYERNE** t), pro iis, quibus ex pathemate animi manus tremunt. Si caput speciatim laborat, errhina ex succis majoranæ & betæ, gargarisini & masticatoria conveniunt. In tremore ab halitu mineralium, post **HORSTIUM** & **ZACUTUM** **Io. MICHAELIS** u) mercurium dulcem commendat, præterea antimoniatâ & cinnabarina ipsumque unguentum ex auro, quod mercurium attrahit. Plura prosequi nimis longum esset.

#### §. XIV.

Multa sunt in vitæ regimine, quæ in tremoribus profunt, vel nocent. Aeris illam temperiem ager eligat, ut nec calidior sit, unde sanguinis orgasmus crescit, nec frigidior, qui nervis inimicus diaphoresin impedit, hinc suffimentis corrigendus. Absit familiaritas cum Baccho & Venere. Absint vigiliæ, lucubrationes & animi æstus atque sollicitudines. Nunquam lotio fiat aqua frigidiore, quæ maxime generat & fovet tremores, e contrario

r) *Med. Pract. L. I. P. II. C. 25.*

s) *Op. Med. de febr. L. I. C. 4. p. 268.*

t) *Pract. Med. L. I. C. 4.*

u) *Op. Med. Chir. P. I. L. II. C. 13. p. 73.*

trario decoctis nervinis debiles partes tremulæ roborentur. Jurare se posse ait JOS. LANZONUS, mercatorem tremore brachii sinistri liberatum esse solo usu balnei aquæ vitæ camphoratae. Vitus nunquam sit acris & stimulans, & cœna semper prandio parior. Fugiantur inprimis acida, & familiaria multis ex endivia, lactucis & cichoreis acetaria, quibus nervosum genus imbecillius, & ad tremores artuum & paralyses proclive, facilius corripitur x). Vinum rubellum moderatum in prandio ferri potest, non æque meracius, acidius vel generosius. Cerevisia probe sit defecata, & ad sententiam P. FORESTI y) salviata, qua aurifabrum a tremore liberatum commemorat. Optimi cibi sunt aves montanæ, assatæ potius, quam elixæ, & tunc salvia, hyssopo, roremarino, similibusque condiendæ. Solent, inprimis hyeme, senibus tremulis pullorum & columbarum teneræ carnes commendari, ut bono succo exhaustos spiritus reficiant. Cerebra leporum alii laudant cum FORESTO, alii columbas sylvestres. Inter hæc alvus nec stricta nec nimis sit laxa, sique opus, non nisi leniter sollicitanda. Exercitia semper moderata sint, ne debilitent corpus & dissipent spiritus, adeoque nervosum genus reddant debilius. Nullæ humorum profusiones fiant, inter quas crebra venæ sectio inprimis redarguenda est.

x) Conf. CONRAD. BARTH. BEHR. *Select. med. Sect. 2. §. 13.*

y) *Obs. 99. lib. 10.* Ideo quoque salviā in cibo, imo & panī butyroceo adpersam, laudat.

## FINIS VOLUMINIS PRIMI.













